

Namo tassa bhagavato arahato sammāsambuddhassa.

# Payogasiddhipāḷi

## 1. Saññādikaṇḍa

Siddha-mbatthum sammā vande

### Ganthārambhakathā

Siddha+miṭṭhadadaṃ buddhaṃ, dhammaṃ maṇiṃva svatthadaṃ;  
Saṅghaṅca sādaraṃ natvā, payogasiddhi vuccate.

Pabhāvo moggallānassa, byākaraṇe ca peṭake;  
Nisseseva kabbātito, aho acchariyo vata.

Vuttañhi pubbasīhaḷācariya+pācariyehi –

Yā satti pāṇine yā ca, candra+kātyāyanādīsu;  
Sā+yamaṃ muttimatī maññe, moggallāyanarūpinī-ti.

Suttaṃ vutti ca teneva, katā ekena pañcīkā;  
Tasmā+ssa sattha+maññehi, supasaṭṭhaṃ+tisundaraṃ.

Tamhi ca dubbidhaṃ ñeyyaṃ, suttaṃ kammaṭṭhabhedato;  
Tevā+di mītisaddena, dutiyaṃ tippakārato.

Suvisadaṃ pakāsetvā, subodha+mākumārakaṃ;  
Byāpikāvaliyā kassaṃ, taṃ suṇātha samāhitāti.

### 1. Aādayo titālisa vaṇṇā

Akārādayo niggahītantaṃ tecattālīsakkharā vaṇṇā nāma honti. Taṃ yathā a, ā, i, ī, u, ū, e, ai, o, au, ka kha ga gha ṇa, ca cha ja jha ṇa, ṭa ṭha ḍa ḍha ṇa, ta tha da dha na, pa pha ba bha ma, ya ra lava sa ha ḷa aṃ. Tena kvattho “e ona+ma vaṇṇe”ti. Titālīsāti vacanaṃ katthaci vaṇṇalopaṃ ñāpeti, tena “paṭisaṅkhā yoniso”tiādi siddhaṃ.

Akāro ādi mariyādabhūto yesaṃ te aādayo. Tayo ca cattālīsa ceti titālīsa, iminā nipātanena vā catabhāgalopo. Vaṇṇīyati attho etehīti vaṇṇā.

Etthā+ha – “kasmā ācariyakaccāyanādīhi viya ekacattālīsakkharāna+makkharasañña+makatvā titālīsakkharānaṃ vaṇṇasañña katā”ti. Vuccate –

Sā māgadhī mūlabhāsā, narā yāyā+dikappīkā;  
Brahmāno cā-sutālāpā, sambuddhā cāpi bhāsareti –

Vacanato māgadhīkānaṃ ettha, seyyo, oṭṭho, sotthi-tyādīsipi asesabyāpīkānaṃ titālīsakkharānaṃva ujukānvatthappakkharaguṇīkā, neva pana ‘rukkhā vanaṃ’tyādo viya avayave samudāyavohāro, ‘samuddo mayā diṭṭho’tyādo viya ca samudāye avayavavohāroti dassetuṃ paccekaṃ vaṇṇasañña katāti.

“Sakkaccasavanaṃ buddhasāsanasampattī”ti “sithiladhanitādi akkharavipattiyāñhi atthassa dunnayatā hotī”ti ca yasmā vuttaṃ.

Tasmā akkharakosallaṃ, sampādeyya vicakkhaṇo;  
Upaṭṭhahaṃ garuṃ sammā, uṭṭhānādīhi pañcahi.

Tattha akārādīna+manukkamo pane+sa ṭhānādikkamasannissito. Tathā hi  
ṭhāna+karaṇa+payatanehi vaṇṇā jāyanti. Tattha cha ṭhānāni  
kaṇṭha+tālu+muddha+danta+oṭṭha+nāsikāvasena.

Tattha avaṇṇa+kavagga+hānaṃ kaṇṭho ṭhānaṃ, ivaṇṇa+cavagga+yānaṃ tālu,  
ṭavagga+ra+lānaṃ muddhā, tavagga+la+sānaṃ dantā, uvaṇṇa+pavaggānaṃ oṭṭho, e vaṇṇassa  
kaṇṭhatālū, o vaṇṇassa kaṇṭho+ṭṭhā, vakārassa danto+ṭṭhā, niggahītaṃ nāsikā, ṇa, ñña, ṇa, na,  
mānaṃ sakathānaṃ nāsikā ca. Ettha ca –

Hakāro pañcameheva, antaṭṭhāhi ca saṃyuto;  
Oraso iti viññeyyo, kaṇṭhajo tadasaṃyuto.

Yathā avāṇhoti (avaṇa hoti., tañhi, taṇhā, pubbanho, amhe, guyhaṃ, gārayhā, ārullo,  
bahvakkharanti.

Karaṇaṃ –

Jivhāmajjhaṃ tālujānaṃ,  
Jivhopaggaṃ muddhajānaṃ,  
Jivhaggaṃ dantajānaṃ se-  
Sā sakathānakaraṇā.

Vaṇṇānaṃ uccāraṇussāho payatanaṃ, taṃ kiṃ – saṃvutādikaraṇaviseso,  
saṃvutatta+makārassa, vivaṭattaṃ sesasarānaṃ sakāra+hakārānañca, phuṭṭhattaṃ vaggānaṃ,  
īsaṃphuṭṭhattaṃ ya+ra+la+vānaṃ.

Evamaṃ ṭhāna+karaṇa+payatana+suti kālabhinnesu akkharesu sarā nissayā, itare nissitā. Tattha –

Nissayā+do sarā vuttā, nissitā byañjanā tato;  
Vagge+kajā bahuttā+do, tato ṭhāna+lahukkamā.

“Aādayo”ti vattate yāva “bindu niggahīta”nti. Tañca kho “atthavasā vibhattivipariṇāmo”ti  
sattamyanta+mabhisambandhīyate, “vaṇṇā”ti vattate –

## 2. Dasā+do sarā

Aādīsvā+dimhi niddiṭṭhā odantā dasa vaṇṇā sarā nāma honti. Yathā a ā, i ī, u ū, e ai, o au.  
Saranti=sappadhānabhāvena pavattanti, byañjane vā sārentīti sarā.

“Dasā+do sarā”ti vattate.

## 3. Dve dve savaṇṇā

Aādīsvā+dimesu dasasu dve dve savaṇṇā nāma honti yathākkamaṃ. Yathā a āiti, i īiti, u ū iti, e  
eiti, o, oiti. Samānā sadisā vaṇṇā savaṇṇā, samānattañca ṭhānato. “Dve dve”ti vattate vakkhamānesu  
dvīsu.

## 4. Pubbo rasso

Tesveva dasasu ye dve dve savaṇṇā, tesu yo yo pubbo, so so rassasañño hoti. Yathā a i u e o.  
Tesu ‘saṃyogato pubbāva dissanti dve panantimā’ta dassetuṃ tattha sādhattā tesampi idha saṅgaho,

yathā ettha seyyo oṭṭho sotthi. Rassakālayogā tabbantatāya vā rassā. Rassakālo nāma accharāsaṅghāto akkhinimilanasāṅkhāto vā kālo, tena ekamatto rasso, dvimatto dīgho, aḍḍhamatto byañjano. Chandasi diyāḍḍhamattampi rassanti gaṇhanti ācariyā.

### 5. Paro dīgho

Aādīsivā+dibhūtesu dasasu ye dve dve savaṇṇā, tesu yo yo paro, so so dīghasañño hoti. Taṃ yathā ā ī ū e o. Dīghakālayogā tabbantatāya vā dīghā.

### 6. Kādayo byañjanā

Aādīsu kādayo niggahītapariyantā tettiṃsa byañjanā nāma honti. Yathā ka kha ga gha ṇa, ca cha ja jha ṇa, ṭa ṭha ḍa ḍha ṇa, ta tha da dha na, pa pha ba bha ma, ya ra lava sa ha ḷa aṃ iti. Byañjīyati attho etehīti byañjanā. Kakārādīsiva+kāro uccāraṇattho.

“Kādayo”ti vattate.

### 7. Pañcapañcakā vaggā

Aādīsu kakārādayo makārantā pañcapañcakā vaggā nāma honti. Yathā ka kha ga gha ṇa, ca cha ja jha ṇa, ṭa ṭha ḍa ḍha ṇa, ta tha da dha na, pa pha ba bha ma iti. Pañca pañca parimāṇa+mesaṃ pañcapañcakā. Vajjenti yakārādayoti vaggā. Te pana paṭhamakkharavasena kavagga+cavaggādivohāraṃ gatā kusalattikādayo viya.

### 8. Bindu niggahītaṃ

Akārādīsiva+yamaṃ vaṇṇo bindumatto, so niggahītasañño hoti. Rassasaraṃ nissāya gahita+muccāritamaṃ niggahītaṃ, karaṇamaṃ niggahetvā vā.

Karaṇamaṃ niggahetvāna, mukhenā+vivaṭena yamaṃ;  
Vuccate niggahītanti, vuttamaṃ bindu sarānugamaṃ.

Bahvakkharasaññākaraṇamaṃ anvatthasaññatthamaṃ, jha+lādayo tu ruḷhīsaññā.

Vaṇṇā sarā savaṇṇā ca, rassā dīghā ca byañjanā;  
Vaggā ca niggahītanti, hoti saññāvidhikkamo.

(Saññāvidhānaṃ.)

Sandhi vuccate –

Loka aggapuggalo, paññā indriyamaṃ, tīṇi imāni, no hi etaṃ, bhikkhunī ovādo, mātu upatṭhānaṃ, sametu āyasmā, abhibhū āyatanaṃ, dhanaṃ me atthi, sabbe eva, tayo assu dhammā, asanto ettha na dissanti itī+dha sarasaññāyamaṃ –

### 26. Saro lopo sare

Sare saro lopaṇīyo hoti. Saroti kāriyīniddeso, lopoti kāriyaniddeso. Lopo= adassanaṃ anuccāraṇamaṃ, saroti jātyekavacanasena vuttamaṃ, sareti opasilesikādhārasattamī, tato vaṇṇa kāla byavadhāne kāriyamaṃ na hoti, tva+masi, katamā cānanda aniccasaññāti. Evaṃ sabbasandhīsu.

Vidhīti vattate.

### 14. Sattamiyamaṃ pubbassa

Therayaṭṭhinyāyena pavattate paribhāsā dubbalavidhino paṭiṭṭhābhāvato. Sattamīniddese pubbasseva vidhīti pubbasaralopo. Lokaggapuggalo, paññindriyaṃ, tīṇimāni, no hetamaṃ, bhikkhunovādo, mātupaṭṭhānaṃ, sametāyasmā, abhibhāyatanaṃ, dhanaṃmatthi, sabbeva, tayassu dhammā, asante+ttha na dissanti. Pubbassa kāriyavidhānā sattamīnidḍiṭṭhassa paratā+va gamyateti pareti paravacanampi ghaṭate.

Yassa idāni, saññā itī, chāyā iva, itī api, assamaṇī asi, cakkhu indriyaṃ, akataññū asi, ākāse iva, te api, vande ahaṃ, so ahaṃ, cattāro ime, vasalo itī, moggallāno asi bījako, kathā eva kā, pāto evāti+dha pubbasaralope sampatte “saro lopo sare” tveva.

## 27. Paro kvaci

Saramhā paro saro kvaci lopaṇīyo hotī. Yassa dāni, saññāti, chāyāva, itipi, assamaṇīsi, cakkhundriyaṃ, akataññūsi, ākāseva, tepi, vandeamaṃ, sohaṃ, cattārome, vasa- lobhi, moggallānosi bījako, kathāva kā, pātova. Kvacīti kiṃ, paññindriyaṃ, pañcindriyāni, sattuttamo, ekūnavīsati, yassete, sugatovādo, diṭṭhāsavo, diṭṭhogho, cakkhāyatanaṃ, taṃ kutettha labbhā. “Vivakkhāto sandhaya bhavanti” ti ṇāyā vatticchāpi idha sijjhati. Kvacītya+dhikāro sabbasandhīsu, tena nātipasaṅgo. (Lopasandhi).

Saro paro veti ca vattate.

Tassa idamaṃ, vāta īritamaṃ, na upeti, vāma ūru, ati iva aññehi, vi udakamaṃ itīdha pubbasaralope –

## 29. Yuvaṇṇāna+meo luttā

Luttā sarā paresamaṃ ivaṇṇuvaṇṇānaṃ e+o honti vā yathākkamaṃ. Yathāsaṃkhyānuddeso samānānaṃ.

## 24. Vaṇṇaparena savaṇṇopi

Vaṇṇasaddo paro yasmā, tena savaṇṇopi gayhati sayañca rūpaṃti tūnampi e+o. Sabbattha rassassa jātiniddese dīghassāpi gahaṇatthamaṃ ida+māraddhamaṃ. Tassedamaṃ, vāteritamaṃ, nopeti, vāmoru, atevaññehi, vodakamaṃ. Idañca pacchimodāharaṇadvayaṃ “avaṇṇe lutte eva e+o hontī” ti gāhassa nisedhanatthamaṃ. Vātveva, tassidamaṃ. Kathamaṃ “paccorasmi” nti, yogavibhāgā. Pati urasminti vibhajja “yavā sare” ti yakāre “tavaggavaraṇā” dinā co, “vaggalasehi te” ti pubbarūpañca, “yuvaṇṇāna+meo” ti (yogavibhāgā) ussa o ca. Luttāti kiṃ, dasa ime dhammā, yathā idamaṃ, kusalassa upasampadā. Atippasaṅgabādhakassa kvacisaddassānuvattanato na vikappavidhi niyatā, tena upeto, aveccāti evamādīsu vikappo. Tārakitā, yassindriyāni, mahiddhiko, sabbītiyo, tenupasaṅkami, lokuttarotiādīsu vidhi ca na hoti.

Paṭisanthāravutti assa, sabbavitti anubhūyate, vi añjanaṃ, vi ākato, dāsī ahaṃ, ahuvā pure, anu addhamāsaṃ, anu eti, su āgataṃ, su ākāro, du ākāro, cakkhu āpāthamaṃ, bahu ābādho, pātu akāsi, na tu eva, bhū āpanalānilamaṃ itī+dha “yuvaṇṇānaṃ” “ve” ti ca vattate,

## 30. Yavā sare

Sare pare ivaṇṇuvaṇṇānaṃ yakāra+vakārā honti vā yathākkamaṃ. Paṭisanthāravutyassa, sabbavītyanubhūyate, byañjanaṃ, byākato “byañjane dīgharassā” ti dīghe dāsīyāhaṃ, ahāpure, anvaddhamāsaṃ, anveti, svāgataṃ, svākāro, dvākāro, cakkhvāpāthamaṃ, bahvābādho, pātvākāsi, na tveva, bhvāpanalānilamaṃ. Vātveva, viākato, sāgataṃ.

Adhigato kho me ayaṃ dhammo, putto te ahaṃ, te assa pahīnā pañca, te ahaṃ, ye assa, te ajja, yāvatako assa kāyo, tāvatako assa byāmo, ko attho, atha kho assa, ahaṃ kho ajja, so ahaṃ, so ajja, so eva, yato adhikaraṇamaṃ, so ahaṃ itī+dha “yavā sare” “ve” ti ca vattate,

### 30. Eonaṃ

Eonaṃ yakāra+vakārā honti vā sare pare yathākkamaṃ. “Byañjane dīgharassā”ti dīghe adhigato kho myāyaṃ dhammo, putto tyāhaṃ, tyāssa pahīnā pañca, tyāhaṃ, yyassa, tyajja, yāvatakvassa kāyo, tāvatakvassa byāmo, kvattho, atha khvassa, ahaṃ khvajja, svāhaṃ, svajja, sveva, yatvādhikaraṇaṃ, svāhaṃ. Vātveva, tejja, sohaṃ. Kvaci tveva, dhanamatthi, puttāmatthi, te nāgatā, asantettha, cattāro ime.

Go eḷakaṃ, go assaṃ, go ajiṇaṃ itī+dha “sare”ti vattate.

### 32. Gossā+vaṇa

Sare pare gossa avavādeso hoti. Sa ca “ṭānubandhānekavaṇṇā sabbassā”ti sabbassa pasaṅge ‘antassā’ti vattate.

### 18. Ña+nubandho

Ña-kāro anubandho yassa, so anekavaṇṇopi antassa hotīti okārasseva hoti. “Saṃketo+navayavo+nubandho”ti vacanā ña-kārassā+ppayogo. Uccāritānantarappadhamsino hi anubandhā, payojanaṃ anubandhoti saṃketo. Gaveḷakaṃ, gavāssaṃ, gavājiṇaṃ.

Iti evā+tī+dha –

### 36. Vī+tisse+ve vā

Evasadde pare itissa vo hoti vā. Sa ca –

### 17. Chaṭṭhiyantassa

Chaṭṭhīniditṭhassa yaṃ kāriyaṃ, ta+dantassa viññeyyanti ikārassā+deso. Ādesitṭhāne ādissatīti ādeso. Itveva. Aññātra yādeso, “tavaggavaraṇānaṃ ye cavaggabayañā”ti tassa co, “vaggalasehi te”ti yassa cakāro, icceva. Eveti kiṃ, iccāha. (Ādesasandhi).

Ti aṅgulaṃ,ti aṅgikaṃ, bhū ādayo, migī bhantā udikkhatityādisandhayo vuccante. “Mayadā sare”ti vattate.

### 45. Vanataragā cā+gamā

Ete mayadā ca āgamā honti vā sare kvaci. Āgamino aniyamepi –

Saroyevā+gami hoti, vanādinantu ñāpakā;  
Aññāthā hi padādīnaṃ, yukavidhāna+manatthakaṃ.

Ethā+gamā aniyatāgamīnameva bhavanti ce, yakārāgameneva “nipajja”nti siddhe “padādīnaṃ kvaci”ti byañjanassa yukā+gamo niratthakoti adhippāyo. Tivaṅgulaṃ, tivaṅgikaṃ, bhūvādayo, migī bhantā vudikkhati, pavuccati, pāguññāvujutā. Ito nāyati, cinitvā. Yasmātiha, tasmātiha, ajjatagge. Nirantaraṃ, nirālayo, nirindhano, nirīhakaṃ, niruttaro, nirojaṃ, duratikkamo, durāgataṃ, duruttaraṃ, pāturahosi, punarāgaccheyya, punaruttaṃ, punareva, punareti, dhīratthu, pātarāso, caturaṅgikaṃ, caturārakkhaṃ, caturiddhipādapaṭilābho, caturoghaniṭtharaṇatthaṃ, bhatturatthe, vuttiresā, pathavīdhātūresā, nakkhattarājāriva tārakānaṃ, vijjurivabbhakuṭe, āraggeriva sāsapo, usabhoriva, sabbhireva samāsetha. Puthageva, rasse pageva. Lahumessati, gurumessati, idhamāhu, kena te idha mijjhati, bhadro kasāmiva, ākāse mabhipūjaye, ekamekassa, yena midhekacce. Bhātiyeva, hotiyeva, yathāyidaṃ, yathāyeva, māyidaṃ, nayidaṃ, nayidha, chayimāni, navayime dhammā, bodhiyāyeva, pathavīyeva dhātu, tesuyeva, teyeva, soyeva,

pāṭiyekkaṃ, viyañjanaṃ, viyākāsi, pariyantaṃ, pariyādānaṃ, pariyuṭṭhānaṃ, pariyesati, pariyosānaṃ, niyāyogo. Udaggo, udayo, udāhaṭṭaṃ, udito, udīritaṃ, udeti, sakideva, kiñcideva, kenacideva, kismiñcideva, kocideva, sammadatto, sammadaññā vimuttānaṃ, sammadeva, yāvadaṭṭhaṃ, yāvadicchakaṃ, yāvadeva, tāvadeva, punadeva, yadaṭṭhaṃ, yadantaraṃ, tadantaraṃ, tadaṅgavimutti, etadaṭṭhaṃ, attadaṭṭhaṃ, tadaṭṭhaṃ, sadatṭhapasuto siyā, aññadaṭṭhu, manasādaññā vimuttānaṃ, bahudeva ratti. Vātveva, attaṭṭhaṃ, dvādhiṭṭhitaṃ, pātuahosi. Vavatṭhitavibhāsattā vādhikārassa byañjanatopi, bhikkhunīnaṃ vuṭṭhāpeyya, ciraṃ nāyati, taṃyeva.

Cha abhiññā, cha aṅgaṃ, cha asīti, cha aṃsā, cha āyatanam itī+dha “vā sare” “āgamo”ti ca vattate.

#### 49. Chā ḷo

Chasaddā parassa sarassa ḷakāro āgamo hoti vā. Chāti anukaraṇattā ekavacanaṃ. Chaḷabhiññā, chaḷaṅgaṃ, chaḷasīti, chaḷaṃsā, chaḷāyatanam. Vātveva, chaabhiññā. (Āgamasandhi).

Lopo adassanaṃ, ṭhāniṃ, ya+māmaddiya dissati;  
Ādeso nāma so yā tu, asantuppatti āgamo.

Sarasandhi.

Kaññā iva, kaññāva iccādi sarasandhinisedho vuccati, pasaṅgapubbako hi paṭisedho. Pubbasarānaṃ lope sampatte “saro” “ve”ti ca vattate.

#### 28. Na dve vā

Pubbaparassarā dvepi vā kvaci na lupyante. Kaññā iva, kaññeva, kaññāva.

Sāriputta idhekacco, ehi sivaka uṭṭhehi, āyasmā ānando, gāthā abhāsi, devā ābhassarā yathā, tevijjā iddhipattā ca, bhagavā uṭṭhāyāsanā, bhagavā eta+davoca, abhivādetvā ekamantaṃ aṭṭhāsi, gantvā olokeno, bhūtavādī atthavādī, yaṃ itthī arahaṃ assa, sāmāvatī āha, pāpakārī ubhayattha tappati, nadī ottharati, ye te bhikkhū appicchā, bhikkhū āmantesi, bhikkhū ujjhāyimsu, bhikkhū eva+māhaṃsu, imasmiṃ gāme ārakkhakā, sabbe ime, katame ekādasa, gambhīre odakantike, appamādo amataṃ padaṃ, saṅgho āgacchatu, ko imaṃ pathaviṃ vicessati, āloko udapādi, eko ekāya, cattāro oghā, are ahampī, sace imassa kāyassa, no atikkamo, aho acchariyo, atho anto ca, atha kho āyasmā, atho oṭṭhava+cittakā, tato ā- mantayī satthāti evamādayo idha kālabyavadhānena sijjhanti. Kvacīti kiṃ, āgatā+ttha, āgatā+mhā, katama+ssa vāro, appassutā+yaṃ puriso, camarī+va, sabbe+va, sve+va, ese+va nayo, parisuddhe+tthā+yasmanto, ne+ttha, kute+ttha labbhā, sace+sa brāhmaṇa, tathū+pamaṃ, yathā+ha, jīvhā+yatanam, avijjo+gho, itthindriyaṃ, abhibhā+yatanam, bhayatū+paṭṭhānaṃ, saddhī+dha vittaṃ purisassa seṭṭhaṃ. (Sarasandhinisedho)

Tatra abhirati, tatra ayaṃ, buddha anussati, sa atthikā, saññāvā assa, tadā ahaṃ, yāni idha bhūtāni, gacchāmi iti, ati ito, kikī iva, bahu upakāraṃ, madhu udakaṃ, su upadhāritaṃ, sopi ayaṃ, idāni ahaṃ, sace ayaṃ, appassuto ayaṃ, itara itarena, saddhā idha vittaṃ, kamma upanissayo, tathā upamaṃ, ratti uparato, vi upasamo, lokassa iti, deva iti, vi atipatanti, vi atināmenti, saṅghāṭi api, jīvitahetu api, vijju iva, kiṃsu idha vittaṃ, sādhu iti, te assa pahīnā, so assa, madhuvā maññati bālo, evaṃ gāme muni care, khanti paramaṃ tapo titikkhā, na maṃku bhavissāmi, su akkhāto, yo ahaṃ, so ahaṃ, kāmato jāyati soko, kāmato jāyati bhayaṃ, sakko uju ca suhujuca, anupaghāto, durakkhaṃ, duramaṃ, dubharatā. Yiṭṭhaṃ vā hutam vā loke, yadī vā sāvake, puggalā dhammasā te, bhovādī nāma so hoti, yathābhāvī guṇena so, yathā idaṃ, sammā dakkhāto, parā kamo, taṇhā kkhayo, jhānassa lābhī amhi, thullaccayo itī+dha –

#### 33. Byañjane dīgharassā

Rassa+dīghānaṃ kvaci dīgha+rassā honti byañjane. Tatrābhirati, tatrāyaṃ, buddhānussati, sātthikā, saññāvā+ssa, tadāhaṃ, yānī+dha bhūtāni, gacchāmīti, atīto, kikīva, bahūpakāraṃ, madhūdakaṃ, sūpadhāritaṃ, sopāyaṃ, idānāhaṃ, sacāyaṃ, appassutāyaṃ, itarītarena, saddhīdha vittaṃ, kammūpanissayo, tathūpamaṃ, rattūparato, vūpasamo, lokassāti, devāti, vītipatanti, vītināmenti, saṅghāṭīpi, jīvītahetūpi, vijjūva, kiṃsūdha vittaṃ, sādhiṭi, tyāssa pahīnā, svāssa, madhuvā maññatī bālo, evaṃ gāme munī care, khantī paramaṃ tapo titikkhā, na maṃkū bhavissāmi, svākkhāto, yvāhaṃ, svāhaṃ, kāmato jāyatī soko, kāmato jāyatī bhayaṃ, sakko ujū ca suhujū ca, anūpaghāto, dūrakkhaṃ, dūramaṃ, dūbharatā. Yiṭṭhaṃva hutamaṃva loke, yadiva sāvake, puggala dhammasā te, bhovādī nāma so hoti, yathābhāvi guṇena so, yathayidaṃ, sammadakkhāto, parakkamo, taṇhakkhayaṃ, jhānassa lābhimhi, vasimhi, thullaccayo. Kvacīti kiṃ, tyajja, svassa, patilīyatīti dīghanisedho, māyidaṃ, manasādaññā vimuttānaṃ, yathākkamaṃ, ārakkhātītaṃ, dīyati, sūyatīti rassakāriyanisedho. Kathaṃ yāniva antalikkheti, “dīgharassā” ti yogavibhāgā. (Dīgha+rassasandhi).

Byañjaneti vattate.

### 34. Saramhā dve

Saramhā parassa byañjanassa kvaci dve rūpāni honti. Ettha ca āvuttidvivacanaṃ ṭhānedvivacanaṃ dvīsu ṭhānedvivacanaṃ veditabbaṃ.

Tāni ca pa+pati+paṭi+kama+kusa+kudha+kī+gaha+juta+ñā+si+su+sū+sambhū+sara+sasādīnamādībyañjanānañca hoti. Idha pamādo=idhappamādo, evaṃ appamādo, vippayutto, suppasanno, sammā padhānaṃ=sammappadhānaṃ rassattaṃ. Appativattiyo, adhippatipaccayo, suppatiṭṭhito,. Appaṭipuggalo, vippaṭisāro, suppaṭipatti. Pakkamo, paṭikkamo, hetukkamo, ākamati=akkamati, evaṃ pakkamati, yathākkamaṃ. Akkosati, paṭikkosati, anukkosati, ākosati=akkosati. Akkuddho, abhikkuddho. Dhanakkīto, vikkayo, anukkayo. Paggaho, viggaho, anuggaho, candaggāho, diṭṭhiggāho. Pajjoto, vijjoto, ujjoto. Kataññū, viññū, paññānaṃ, viññānaṃ, anaññānaṃ. Avassayo, nissayo, samussayo. Appassuto, vissuto, bahussuto. Āsavā=assavā. Passambhento, vissambhento. Aṭṭassarō, vissarati, anussarati, anussati. Passasanto, vissasanto, muhussasanto, āsāso=assāso. Ādisaddena avissajento, vissajento, abhikkantataro, pariccajento, upaddavo, upakkilesō, mittadduno, āyabyayo, abbahi iccādi.

Tika+taya+tiṃsa+vatādīna+mādībyañjanassa ca. Kusalattikaṃ, pīttikaṃ, hetuttikaṃ. Lokattayaṃ, bodhittayaṃ, vatthuttayaṃ. Ekattiṃsa, dvattiṃsa, tettiṃsa, catuttiṃsa. Sīlabbatam, subbato. Sappītko, samannāgato, punappunaṃ iccādi.

Vatu+vaṭa+disāna+mante, yathā vattati, vaṭṭati, dassanaṃ, phasso iccādi.

U+du+niupasagga+ta+catu+cha+santasaddādesādīhi paresaṃca. Ukaṃso=ukkaṃso, evaṃ dukkaraṃ, nikkañkho, uggataṃ, duccharitaṃ, nijjaṭaṃ, ujjahaṃ, uccaṅgaṃ, unnamati, dukkaro, niddaro, unnato, duppañño, nimmalo, uyyutto, dullabho, nibbato, ussāho, nissāro. Takkaro, tajjo, tanninno, tappabhavo, tammayo, catukkaṃ, catuddisaṃ, catuppado, catubbidhaṃ, catussālaṃ, chakkaṃ, channavuti, chappadiko, chabbassāni. Sakkāro, sagguṇo, sandiṭṭhi, sappuriso, mahabbalo.

Apadantaākāravajjitadīghato yakārassa ca, niyyāti, suyyati, abhibhuyya, viceyya, vineyya, dheyyaṃ, neyyaṃ, seyyo, jeyyo, veyyākaraṇo. Akāravajjitanti kiṃ, mālāya, dolāya, samādāya.

Chandānurakkhaṇe-nappajahe vaṇṇabalaṃ purāṇaṃ, ujjugatesu seyyo, gacchanti suggatiṃ. Saramhāti kiṃ, ñāyo, taṃkhaṇaṃ. Kvacitveva, nikāyo, nidānaṃ, nivāso, tato, chasaṭṭhi, upanīyati, sūyati.

### 35. Catutthadutiyesve+saṃ tatiyapaṭhamā

Catutthadutiyesu paresve+saṃ catutthadutiyaṇaṃ tabbagge tatiyapaṭhamā honti paccāsatyā.

Vagge gha+jha+dha+dha+bhā catutthā, kha+cha+ṭha+tha+phā dutiyā, ga+ja+ḍa+da+bā tatiyā, ka+ca+ṭa+ta+pā paṭhamā. Pa+u+du-niādīhi paresaṃ ghādīnaṃ dvibhāve tatiyapaṭhamā honti. Pagarati=paggharati, evaṃ uggharati, nigghoso, ugghaṭeti. Esova tajjhānaphalo, paṭhamajjhānaṃ, abhiijhā-yati, ujjhāyati. Daḍḍho, buḍḍho. Viddhaṃseti, uddhaṃsito, uddhāro, niddhano, niddhuto. Vibbhanto, ubbhanto, samubbhanto, dubbhikkhaṃ, nibbhayaṃ, tabbhāvo, catubbhi. Saddhā, saddhammo. Mahabbhayaṃ.

Rassasarehi paresaṃ vaggadutiyaṇaṃ dvibhāvo ce, paṭhamā. Pañcakkhandhā, evaṃ rūpakkhandho, akkhamo, abhikkhaṇaṃ, avikkhepo, jātikkhetaṃ, dhātukkhobho, āyukkayo. Setacchattaṃ, evaṃ sabbacchannaṃ, vicchannaṃ, bodhicchāyā, jambucchāyā, samucchedo. Tatra ṭhito=tatratṭhito, evaṃ thalaṭṭhaṃ, jalaṭṭhaṃ, aṭṭhitaṃ, niṭṭhitaṃ, cattāriṭṭhānāni, garuṭṭhāniyo, samuṭṭhito. Sabbatthāmena, yasatthero, pattharati, vitthāro, abhitthuto, vitthambhito, anuttthunaṃ. Papphoṭeti, mahapphalaṃ, anipphalaṃ, vipphāro, paripphuṭeyya, madhupphāṇitaṃ. Ākāro, ākhāto=akkhāto, evaṃ taṇhākkhayaṃ, āṇākkhetaṃ, saññākkhandho. Āchādayi=acchādayi, evaṃ acchindati, nāvaṭṭhaṃ, attharati, apphoṭeti. Kvacī tveva, puvakhajjakaṃ, tassa chaviādīni chinditvā, yathāṭṭhitaṃ, kammaphalaṃ, sīlaṃ tassa jhāyino, ye jhānappasutā dhīrā, nidhanaṃ, mahādhanaṃ. (Dvibhāvasandhi).

Akaramha se te, so kho byanti kāhiti, so gacchaṃ na nivattati, eso attho, eso ābhogo, eso idāni itī+dha “ve”ti vattate.

### 37. Eona+ma vaṇṇe

Eonaṃ vaṇṇe kvaci a hoti vā. Akaramha sa te, akaramha se te, evaṃ sa kho byanti kāhiti, sa gacchaṃ na nivattati, esa attho, esa ābhogo, esa idāni. Vaṇṇeti kiṃ, amoghavacano ca so, gandhabbānaṃ adhipati, mahārājā yasassi soti. “Na sandhisamāsā vaddhassā”ti vuttattā gāthāmajjhe sandhi na hotīti “tividdhassā”ti vuttatimhi parepi vaṇṇo paro nāma na iti. (Sarabyañjanasandhi).

Ata yantaṃ, tatha yaṃ, mada yaṃ, budha yati, dhana yaṃ, seva yo, para yesanā, pokkharāṇa yo itī+dha –

### 48. Tavaggavaraṇānaṃ ye cavagga bayaṇā

Tavaggavaraṇānaṃ cavaggabayaṇā honti yathākkamaṃ yakāre. “Vaggalasehi te”ti pubbarūpaṃ. Accantaṃ, tacchaṃ, majjaṃ, bujjhāti, dhaññaṃ, sebbo, payyesanā, pokkharāṇo. Apuccaṇḍakāyaṃ, jaccandho, yajjevaṃ, ajjhagamā, ajjhattaṃ, ajjhupagato, ajjhogāhetvā, dībbaṃ. Kvacitveva, ratyā.

Saka yate, ruca yate, paca yate, aṭa yate, lupa yate, kupa yate, sala yate, phala yate, disa yate, asa yate itī+dha “ye”ti vattate vakkhamānesu dvīsu.

### 49. Vaggalasehite

Vaggalasehi parassa yakārassa kvaci te vaggalasā honti. Sakkate, rucate, paccate, aṭṭate, luppate, kuppate, sallate, phallate, dissate, assate. Kvacitveva, kyāhaṃ.

Muha yati, guha yati itī+dha –

### 50. Hassa vipallāso

Hassa vipallāso hoti yakāre. Muyhati, guyhati.

Bahu ābādho itī+dha ussavakāre “hassa vipallāso”ti vattate.



## 51. Ve vā

Hassa vipallāso hoti vā vakāre. Bavhābādho. Vātveva, bahvābādho.

## 52. Tathanarānaṃ ṭaṭhaṇalā

Tathanarānaṃ ṭaṭhaṇalā honti vā yathākkamaṃ. Dukkataṃ=dukkaṭaṃ, evaṃ sukaṭaṃ, patthaṭo, pataṭo, uddhaṭo, visaṭo. Aṭṭhakathā. Paṇidhānaṃ, paṇipāto, paṇāmo, paṇītaṃ, pariṇato, pariṇāmo, duṇṇayo, niṇṇayo, oṇato. Paripanno=palipanno, evaṃ palibodho, pallaṅkaṃ, taluno, mahāsālo, māluto, sukhumālo. (Byañjanasandhi).

Cakkhu udapādi, akkhi rujati, purima jāti, aṇu thūlāni, kattabba kusalaṃ bahuṃ, ta sampayuttā, tata sabhāvato itī+dha “ve”ti vattate yāva “mayadā sare”ti.

## 38. Niggahītaṃ

Niggahītāgamo hoti vā kvaci. Sāmatthiyenā+gamova, sa ca rassasarasseva hoti... tassa rassasarānugatattā. Ṭhānīna+māliṅghiya gacchati pavattatī āgamo. Cakkhuṃ udapādi, akkhiṃ rujati, purimaṃ jāti, aṇuṃ thūlāni, kattabbaṃ kusalaṃ bahuṃ, taṃsampayuttā, taṃtaṃsabhāvato. Vāggahaṇena cakkhu udapādi iccādi. Avamaṃsiro, yāvañcidamtiādi niccaṃ... vavattavitabhāsattā vādhikārassa, vavattitassa lakkhaṇassā+nurodhena lakkhaṇe pavattitā vibhāsā vavattitavitabhāsā. Vāsaddo hi atthadvaye vattate katthaci vikappe, katthaci yathāvavattitarūpapariggaheti. Yādā pacchime, tadā nicca+manicca+masantañca vidhiṃ dīpeti. Ettha pana kvacisaddassā+nuvattanā tenevā+santavidhi siddhoti vāsaddeni+taradvayaṃ. Kvaci tveva, na hi etehi, idha ceva.

Sam rambho, sam ratto, sam rāgo, tāsamaṃ ahaṃ santike, evaṃ ayaṃ, puṃ liṅgaṃ, kiṃ ahaṃ, tassa adāsiṃ ahaṃ itī+dha “niggahītā” dhikāro ā “mayadā sare”ti.

## 39. Lopo

Niggahītassa lopo hoti vā kvaci. Dīghe sārāmbho samrambho, sāratto samratto, sārāgo samrāgo, pubbassaralope tāsāhaṃ santike, evāyaṃ, dvitte pulliṅgaṃ puṃliṅgaṃ, kyāhaṃ, tassa adāsahaṃ. Paṭisallāno, sallekko, pātukāmo, gantumano, ariyasaccāna dassanaṃ, etaṃ buddhāna sāsanaṃ, avisāhāro, cirappavāsintiādīsu niccaṃ. Kvacīti kiṃ, eva+mayaṃ, ki+mahaṃ, etaṃ maṅgala+muttamaṃ.

Kataṃ iti, abhinanduṃ iti, uttattaṃ iva, cakkamaṃ iva, kaliṃva, halaṃ idāni, kiṃ idāni, tvaṃ asi, idaṃ api, uttarim api, dātuṃ api, sadisaṃ eva itī+dha –

## 40. Parasarassa

Niggahītamaṃ parasarassa lopo hoti vā kvaci. Katanti, abhinanduntī, uttattaṃva, cakkamaṃva, kaliṃva, halaṃdāni, kiṃdāni, tvaṃsi, idampi, uttarimpi, dātumpi, sadisaṃva. Vāti kiṃ, kataṃiti, kimiti, dātumapi, sadisaṃ eva.

Pupphaṃ assā uppajjati, evaṃ assa te āsavā itī+dha parassaralope –

## 53. Saṃyogādilopo

Abyavahitānaṃ dvinnaṃ byañjanānaṃ ekatra ṭhiti saṃyogo, tasmim saṃyoge yo ādibhūtāvayavo, tassa vā kvaci lopo hotītiādibyañjanassa lopo. Pupphaṃsā uppajjati, evaṃsa te āsavā. Tiṇṇaṃ saṃyogānaṃ visaye agyāgāraṃ, vutyassa iti hoti.

Taṃ karoti, taṃ khaṇaṃ, saṃ gato, taṃ gataṃ, dhammaṃ care, taṃ channaṃ, taṃ jātaṃ, taṃ

jhānaṃ, taṃ ñānaṃ, taṃ ṭhānaṃ, taṃ ḍahati, taṃ tanoti, taṃ thiraṃ, taṃ dānaṃ, taṃ dhaṇaṃ, taṃ niccutaṃ, taṃ patto, taṃ phalaṃ, tesāṃ bodho, saṃ bhūto, taṃ mittāṃ, kiṃ kato, dātuṃ gato itī+dha –

#### 41. Vagge vagganto

Niggahītaṃ kho vagge vagganto vā hotīti nimittānussarānaṃ paccāsatiyā tabbaggaṇaṃ hoti. Paccāsati nāma ṭhānato āsannatā guṇato vā, guṇatoti vaṇṇasaññādiguṇato. Niggahītaṃ anusarīyatīti pacchā katvā sarīyatīti anussarotipi vuccati. Taṅkaroti=taṃ karoti, evaṃ taṅkhaṇaṃ, saṅgato, taṅghataṃ. Dhammaṅcare, taṅchannaṃ, taṅjātaṃ, taṅjhānaṃ, taṅñānaṃ. Taṅṭhānaṃ, taṅḍahati. Tantaṇoti, tanthiraṃ, tandānaṃ, tandhanaṃ, tanniccutaṃ, tampaṭto, tamphalaṃ, tesammodho, sambhūto, tammittāṃ. Kiṅkato, dātūṅgato, taṅhankaro, raṇaṅjaho, saṅṭhito, jutindharo, sammatotiādīsu niccaṃ.

Ānantarikaṃ ya+māhu, yaṃ yadeva, paccattaṃ eva, taṃ hiitī+dha –

#### 42. Yevahisu ño

Ya+eva+hisaddesu niggahītaṃ vā ño hoti. “Vaggalasehi te”ti yassa ñakāro. Ānantarikañña+māhu=ānantarikaṃ ya+māhu, yaññadeva=yamyadeva, ñassa dvitte paccattaññeva, paccattaṃ eva, tañhi, tañhi. “Abyabhicārinā byabhicārī niyamyate”ti ñāyā evasaddasahacariyā “ya” iti sabbādiyasaddasseva gahaṇaṃ.

Samyogo, saṃyojanaṃ, saṃyato, saṃyācīkāya itī+dha –

#### 43. Ye saṃssa

Saṃsaddassa yaṃ niggahītaṃ, tassa vā ño hoti yakāre. Sañño=samyogo, evaṃ saṃyojanaṃ, saññato, saññācīkāya. Idha yakāramattova gayhate. Saṃssāti kiṃ, etaṃ yojanaṃ, taṃ yānaṃ, taṃ saraṇaṃ yanti.

Taṃ eva, taṃ ahaṃ brūmi, yaṃ āhu, dhaṇaṃ eva, kiṃ etaṃ, ninditūṃ arahati, taṃ idaṃ, yaṃ aniccaṃ, taṃ anattā, etaṃ avoca, etaṃ eva itī+dha –

#### 44. Mayadā sare

Niggahītaṃ ma ya dā honti vā sare kvaci. Tameva taṃ eva, tamahaṃ brūmi=taṃ ahaṃ brūmi, yamāhu, dhaṇameva, kimetaṃ, ninditumarahati. Tayidaṃ. Yadaniccaṃ, tadanattā, etadavoca, etadeva. “Mayadā”ti yogavibhāgā buddhama saraṇama iccādi bhavati.

#### 47. Tadaminādīni

Tadaminādīni nippajjanti. “Ya+dalakkhaṇikaṃ, taṃ nipātanā”ti ñāyā lakkhaṇantarena avihitā desa+lopā+gama+vipallāsā, sabbattha imināva daṭṭhabbā. Idañca paresaṃ pisodarādīmiva daṭṭhabbaṃ. Phusitaṃ=jalabindu, phusita+mudara+massa pisodaraṃ. Issa akāre taṃ iminā=tadaminā, sakim āgāmī=sakadāgāmī, dhassa dakāre ekaṃ idha ahaṃ=eka+midā+haṃ, vidhassa vidādeso saṃvidhāya avahāro=samvidāvahāro, vārisaddassa vakāre, hassa lakāre ca kate vārivāhako=valāhako, jīvanassa jīādeso, jīvanassa muto=jīmūto. Chavassa suādese, sayanassa sānādese ca kate chavassa sayanaṃ=susānaṃ. Uddhassa uduādese, khassa khalaādese ca “saramhā dve”ti dvittādīmhi ca kate uddhaṃ khaṃ assa udukkhalaṃ. Pisitassa piādese, asassa sādese ca kate pisitāso=pisāco.

Mahīsaddassa mayūādese, ravatissa rādese ca kate mahiyaṃ ravatīti mayūro. Eva+maññepi payogato+nugantabbā. Ettha ca –

Vañṇāgamo vañṇavipariyāyo,  
Dve cā+pare vañṇavikāra+nāsā;  
Dhātussa atthātisayena yogo,  
Ta+duccate pañcavidhaṃ niruttaṃti.

Yathā dvāre niyutto=dovārikoti okaāgamo. Himsasaddassa sīhoti vipallāso. Nijako=niyakoti vikāro. Mehanassa khassa mālā mekhalāti vañṇalopo, ha+na+makārānaṃ lopo. Mayūroti atthe ravatissa atissayayogoti.

Yathariva tathariveti nipātāva. “Jaraggavā vicintesuṃ, vara+mhākaṃ bhusāmive”ti ettha ivasaddo evakārattho. Niggahītasandhi.

Sandhissarānaṃ paṭisedhasandhi,  
Atho byañjana+sarabyañjanānaṃ;  
Sandhi ca+tho niggahītassa sandhi,  
Bhavanti sandhi pana pañcadhā ve.

Iti payogasiddhiyaṃ sandhikaṇḍo paṭhamo.

## 2. Nāmakaṇḍa

Atha nāmāni vuccante. Taṃ atthābhimukhaṃ namanato, attanā ca+tthassa nāmanato nāmaṃ, dabbābhidhānaṃ. Taṃ duvidhaṃ salīṅgā+liṅgato, anvattharuḷhito ca, tividhaṃ pumi+tthi+napuṃsakaliṅgato, rukkho, latā, vananti. Catubbidhaṃ sāmāñña+guṇa+kriyā+yadicchānāmato, rukkho, nīlo, pācako, sirivaḍḍhoti. Aṭṭhavidhaṃ avaṇṇi+vañṇu+vañṇo+kāra+niggahītantaṃ pakatibhedato, ettha kiṃsaddo niggahītanto. Paccayā paṭhamamāṃ karīyatīti pakati, saddo, dhātu ca.

Tattha salīṅgesu tāva akārantato pullīṅgā sugatasaddā satta vibhattiyo parā yojīyante. Sugataiti ṭhite –

### 1. Dve dve+kānekesu nāmasmā siyo aṃyo nā hi sa naṃ smā hi sa naṃ smiṃ su

Etesaṃ dve dve honti ekānekatthesu vattamānato nāmasmā yathākkamaṃ. Yato ime satta dukā honti, “atthavanta+madhātuka+mapaccayaṃ pāṭipadikaṃ kitaka+taddhita+samāsā ce”ti vuttattā taṃ nāmaṃ pāṭipadikaṃ nāma. Keci sakattha+dabba+liṅga+saṅkhyā+kammādipaṅcakaṃ pāṭipadikanti vadanti. Tene+taṃ vuccati –

Sakattha+dabba+liṅgāni, saddattha+mabravum pare;  
Saṅkhyā+kammādikānantu, vibhatti vācakā matā.

Sakattha+dabba+liṅgāni, saṅkhyā+kammādipaṅcakaṃ;  
Saddattha+mabravum keci, vibhatti pana jotakāti ca.

Tato ekamhi vattabbe ekavacanaṃ bahumhi vattabbe bahuvacanañcāti aniyamena pasaṅge “nāmasmā”ti adhikāro.

### 37. Paṭhamā+tthamatte

Nāmassā+bhidheyyamatte paṭhamāvibhatti hotīti vatticchāvasā paṭhamāye+kavacanabahuvacanāni. Si yoiti paṭhamā. Sissi+kārassā+nubandhattā appayogo. Payojanaṃ “ki+mamsisū”ti samketo, tathā aṃvacanassā+kārassa. Ettha tathāti vuttassātideso aññadīyadhammāna+maññatthapāpana+matideso. Ekamhi vattabbe paṭhamekavacanaṃ si.

Atoti vattate, atoti nāmvaisesanattā “vidhibbisesanantassā”ti paribhāsato akārantato nāmasmā vidhi.

### 109. Sisso

Akārantato nāmasmā sissa o hoti. Pubbasaralope sugato tiṭṭhati. Bahumhi vattabbe bahuvacanaṃ yo. Evaṃ uparipi yojetabbaṃ.

#### 41. Ato yonaṃ ṭāṭe

Akārantato nāmasmā paṭhamādutiyāyonaṃ ṭāṭe honti yathākkamaṃ. Ṭakārānubandhattā “ṭānubandhā+nekavaṇṇā sabbassā”ti sabbādeso. Sugatā tiṭṭhanti.

“Paṭhamā+tthamatte”ti vattate.

#### 38. Āmantaṇe

Āmantaṇādhihike atthamatte paṭhamāvibhatti hotīti ekasmiṃ ekavacanaṃ si.

#### 112. Go syā+lapane

Ālapane si gasañño hoti.

“Lopo”ti vattate.

#### 117. Gasīnaṃ

Nāmasmā ga+sīnaṃ lopo hoti. Bho sugata ciraṃ tiṭṭha.

“Ge”ti vattate.

#### 59. Ayunaṃ vā dīgho

Aiuiccetesam vā dīgho hoti ge pare tiliṅge+ti dīghe bho sugata sugatā ciraṃ tiṭṭha. Sakkate sugatāti dīghaṃ dūrālapaneyevi+cchanti, samīpālapanepi dassanato taṃ na gahetabbaṃ. Bahuvacane yossa ṭā, sugatā ciraṃ tiṭṭhatha.

#### 2. Kamme dutiyā

Tasmiṃ kammakārake dutiyāvibhatti hoti. Aṃyoiti dutiyā. Ettha dutiyātatiyādibhāvo vibhattisutte siyo iti paṭhamāvibhatyādīni+mupādāya vuccati, taṃ taṃ upādāya paññattatā. Dutiyekavacanaṃ aṃ, akārassā+payogo. Sugataṃ passa. Dutiyābahuvacanaṃ yo, tassa ṭe, sugate passa.

#### 19. Kattukaraṇesu tatiyā

Tasmiṃ kattari karaṇe ca kārake tatiyāvibhatti hoti. Nā+hiiti tatiyāvibhatti. Tatiyāekavacanaṃ nā.

“Nāssā”ti vattate.

#### 108. Ate+na

Akārantato nāmasmā parassa nāvacanassa enādeso hoti niccaṃ. Sugatena kataṃ.

### 98. Suhisva+sse

Akārantaṣṣa suhisve+hoti. Sugatehi.

“Ve”ti vattate.

### 95. Smāhismiṇṇaṃ mhābhimhi

Nāmasmā pasesaṃ smāhismiṇṇaṃ mhābhimhi honti yathākkamaṃti hissa bhiādesa sugatebhi. Karaṇe sugatena loka puññaṃ karoti, sugatehi sugatehi vā.

### 24. Catutthī sampadāne

Tasmiṃ sampadānakārake catutthī siyā. Sa+naṃti catutthī. Catutthe+kavacanaṃ sa. Vibhattisutte ssa+naṃti dīghapāṭhena sugatassāti siddhepi “jhalā sassa no” tyādikāriyasuttesu ssassāti akkharagāravatā hotīti lāghavattha+mida+māraddhaṃ –

### 51. Suñā sassa

Nāmasmā parassa sassa suñāgamo hoti. Sa ca “chaṭṭhiyā”ti vattamāne –

### 1,20. Ñākānu bandhā+dyantā

Chaṭṭhīnidḍiṭṭhassa ñānubandha+kānubandhā ādyantāhontīti ādyavayavo. Ukāro uccāraṇattho, ññākāro asmiṃ sutte saṃketattho. Sugatassa dānaṃ deti.

### 1,58. “Bahulaṃ”tya+dhikāro

Bahulādhikāraṃ kappadumamiva maññanti saddikā. Tañca –

Kvacī pavattya+pavatti, kvaca+ññaṃ kvacī vā kvacī;  
Siyā bahulasaddena, vidhi sabbo yathāgamaṃti –

Catubbidhaṃ bahulaṃ samikkhanti.

“Ato vā”tveva,

### 44. Sassāya catutthiyā

Akārantaṣṣa parassa catutthiyā sassa āyo hoti vā bahulaṃ. Sugatāya. Yebhuyyena tādatttheyevā+ya+māyo dissatīti ito paraṃ no+dāharīyate. Catutthībahuvacanaṃ naṃ,

“Dīgho”ti vattate.

### 89. Sunaṃhisu

Nāmassa dīgho hoti sunaṃhisu. Sugatānaṃ.

### 29. Pañcāmya+vadhismā

Etasmā avadhikārakā pañcamīvibhatti hoti. Smā+hiiti pañcamī. Pañcamyēkavacanaṃ smā,

“Ato” “fāṭe” “ve”ti ca vattate.

### 43. Smā+smiṇṇaṃ

Akārantato nāmasmā paresaṃ smā+smiṇṇaṃ t̄a+ṭe honti vā yathākkamaṃ. Sugatā apehi sugatamhā sugatasmā vā. Pañcamībahuvacanañhi, sugatebhi sugatehi.

### 39. Chaṭṭhī sambandhe

Kārakehi añño sambandho, tatra chaṭṭhīvibhatti hoti. Sa+naṃiti chaṭṭhī, chaṭṭhekavacanaṃ sa, sugatassa viḥāro, chaṭṭhībahuvacanaṃ naṃ, sugatānaṃ.

### 14. Sattamyā+dhāre

Ādhārakārake sattamīvibhatti hoti. Smiṇṇ+suīti sattamī. Sattamyekavacanaṃ smiṇṇ, sugate patiṭṭhitam sugatamhi sugatasmim vā. Sattamībahuvacanaṃ su, “su+hisva+sse”ti e, sugatesu.

Sugato, sugatā. Bho sugata, bho sugatā, bhavanto sugatā. Sugataṃ, sugate. Sugatena, sugatebhi, sugatehi. Karaṇe sugatena, sugatebhi, sugatehi. Sugatassa, sugatāya, sugatānaṃ. Sugatā, sugatamhā, sugatasmā, sugatebhi, sugatehi. Sugatassa, sugatānaṃ. Sugate, sugatamhi, sugatasmim, sugatesu.

Sugato sugato. Sugataṃ namati. Sugatena kato. Sugatena jito. Sugatassa dade. Sugatā vigato. Sugatassa suto. Sugate ramate. Evaṃ –

Sūrā+sura+naro+raga+nāga+yakkhā,  
Gandhabba+kinnara+manussa+pisāca+petā;  
Mātaṅga+jaṅgama+turaṅga+varāha+sīhā,  
Byaggha+ccha+kacchapa+taraccha+miga+ssa+soṇā.

Āloka+loka+nilayā+nila+cāga+yogā,  
Vāyāma+gāma+nigamā+gama+dhamma+kāmā;  
Saṅgho+gha+ghosa+paṭighā+sava+kodha+lobhā,  
Sārambha+thambha+mada+māna+pamāda+makkhā.

Punnāga+pūga+panasā+sana+campaka+mba-  
Hintāla+tāla+vakula+jjuna+kiṃsukā ca;  
Mandāra+kunda+pucimanda+karañja+rukkhā,  
Ñeyyā mayūra+sakuṇa+ṇḍaja+koñca+hamsā.

Sugatasaddova, yato sabbo saddo, na saddatālitatthova, atha kho saṃyogādivasenapi atthaṃ vadanti. Tene+taṃ vuccati –

Samyogā vippayogā ca, sāhacariyā+virodhato;  
Atthā pakaraṇā liṅgā, saddantarasamīpato.

Sāmatthyo+citra+desehi, kāla+byattā+nurūpato;  
Upacāra+kākubheda, sambandhehu+palakkhaṇā.

Vacanā ca tadaṅgattā, padhānattātiādihi;  
Sadda+tthā pavibhajante, na saddādeva kevalāti.

Ettha saṃyogato tāva, “sakisorā dhenu dīyatū”ti, kisoro assapotako, taṃsaṃyogato vaḷavā eva patīyate.

Vippayogato – “akisorā ānīyatū”ti tappaṭisedhā vaḷavā eva patīyate.

Sahacaraṇato – “rāma+lakkhaṇa” iti ubhinnaṃ sahacaraṇena rāmoti dāsarathi eva rāmo, na aññābhidhāno jāmadaganyādi. Lakkhaṇopi somitti eva, na tu yo koci lakkhaṇo.

Virodhato – “rāma+jjunā” iti bhaggavo sahasabāhu ca aññamaññaviruddhāti te eva patiyante, na dāsarathi sabyasāci ca.

Atthato – “sindhava+mānaya, pavisāmi raṇaṅgaṇa” miti raṇaṅgaṇapaveso vāhanavisesena hotīti atthato turaṅgapatīti, na tu lavaṇavisesaṃ.

Pakaraṇato-bhojanavidhimhi upasaṅkhariyamāne “sindhava+mānaye” ti, atra hi saddantarassā+bhāvepi bhojanopakaraṇasamavāya+mālokitabhāvato lavaṇe paṭipatti, tādiso hi patthāvoti.

Liṅgato – “devadattaṃ paṭhama+mupavesaya samārādhitagurum” ti, atra samārādhitaguruttana liṅgena tassa bāhussacca+mavagamyate, na tu yo koci devaṅṇo.

Sannidhānato – “ajjuno katavīriyoti” patiyate, no akatavīriyo ajjunoti.

Sāmatthiyato – “anudarā kaññā” ti udare asati kaññā eva natthīti tassā kisāṅgiyā majjhapedesoti patiyate.

Ocitrato – “rāmasadiso+yam” iti, atra hi rāmo payuttadāsarathismiṃ bhiyyo sādharmaṇo paricayoti dāsarathi eva patiyate, na bhaggavarāmo.

Desato – “poṭṭhapā” iti kismiñci dese pasamsāvacaṇaṃ. Kismiñci akkosavacaṇaṃ.

Kālato – “pace” ti dakkhiṇāpathe katthaci pubbaṅhe yāgupāke, sāyaṅhe tu odanapāke.

Byattito – “gāmassa addha” miti samabhāge, napuṃsakattā. “Gāmassa addho” ti pumattena tu asamabhāge.

Anurūpato – “narapati sādhu rakkhati gomaṇḍala” miti mahīmaṇḍalapālaṇaṃ rājino+nurūpa+miti mahīmaṇḍalapālaneva patīti, na tu goyūtharakkhane.

Upacārato – ataṃsabhāve taṃsabhāvāropana+mupacāro, sa ca tadaṭṭho, taddhammo, taṃsahacariyo, taṃsamīpoti catubbidho, tattha yathākkamaṃ mañcā ukkosanti, aggi māṇavo, yaṭṭhiṃ pavesaya, gaṅgāyaṃ vajoti.

Kākuto-kākusaddo itthiyaṃ, sa ca vikāra+soka+bhīti+dhanirūpesu dissati, vattu kāyavikārā kathañci taṃ akatavāpi kenaci aññena “kiṃ tvaṃ taṃ akāsi” iti puṭṭho kopena bhamubhedā “ahaṃ katavā amhī” ti katheti, tassa bhamubhedakriyā akriyāpaṭiññaṃ sūcayati.

Sambandha to – “mātari sammā vattitabbaṃ, pitari sussūyitabbaṃ” iti, atra hi samātari sapitarīti sambandhisaddābhāvepi sā mātā so pitā ca assa puttassāti patiyate.

Upalakkhaṇato – “kākehi rakkhitabbaṃ dadhī” ti kākasaddo sabbesa+mupaghātakānaṃ sāmāññaṃ upalakkhetīti sunakhādisabbehipi nivāriyate.

Vacanato – “dārā” iti dārasaddo kalatte bahuvacananto, aññattha aniyatavacano.

Tadaṅgattā – “sajjitaṃ bhojana” miti vutte tapparikkhāratā tadupakaraṇa āsana, pāti, byañjanādīnaṃ sampādanampi patiyate.

Padhānabhāvato – “niggacchati avaninātho” ti rañño niggamanena tadupajīvīnampi

niggamanam viññāyati.

Vuttañca –

Neyyanītatthasuttesu, ñeyyam saddatthamattakam;  
Ne+ttha vattabbaatthena, suttam nītatthakam bhaveti.

Eva+maññesampi akārantānam pulliṅgānam saddānam rūpanayo kriyā+bhisambandho ca. Sugatasaddato yassa saddassa viseso atthi, tam vakkhāma. Ito param chaṭṭhiyā catutthīsammattā pañcamībahuvacanassa ca tatiyābahuvacanena sammattā na tā dassiyante.

Gumba si, “ato” “sissā”ti ca vattate.

### 110. Kvace+vā.

Akārantato nāasmā parassa sissa e hoti vā kvaci. Gumbe gumbo, gumbā. Bho gumba gumbā, bhavanto gumbā iccādi sugatasamam. Evam phussitagge phussitaggo, vattabbe vattabbo iccādi. Sisso+kārassa niccattā katthaci pakkhe ekāratta+mida+māraddhanti sisso+kārapakkhe eva bhavatīti “am napumsake”ti a+mādesena ekārassa napumsakavisaye bādhitattā “bahulam” vidhānā napumsakepi sukhe dukkheti kvaci hoteva.

“Yossa” “te”ti ca vattate.

### 135. Ekaccādīha+to

Akāranthehi ekaccādīhi yonam te hoti. Ekacco, ekacce. Bho ekacca ekaccā, ekacce. Ekaccam, ekacce. Evam esa+sa+paṭhamasaddānam.

Kodho, kodhā. Bho kodha kodhā, kodhā. Kodham, kodhe.

“Nāssa” “sā”ti ca vattate.

### 107. Kodhādīhi

Kodhādīhi nāssa sā hoti vā. Kodhasā kodhena. Atthasā atthena. “Ye uttamathāni tayi labhimhā”ti atthasaddo napumsakaliṅgopi dissati.

“Smino ṭi”ti ca vattate.

### 175. Divādito

Divādīhi nāmehi smino ṭi hoti niccam. Divi, evam bhuvi. Etthaṭimhi niccam vakārāgamo rasso ca. Ettha bhūsaddo vadhūsaddasamam.

“Ve”ti vattate.

### 144. Manādīhi smiṃ+sam+nā+smānam si+so+o+sā+sā

Manādīhi smi+mādīnam si+so+o+sā+sā honti vā yathākkamam. Mano, manā. Bho mana manā, manā. Mano, manam, mane. Manasā manena, manehi manebhi. Manaso manassa, manānam. Manasā manā manamhā manasmā, manehi manebhi. Manasi manamhi manasmim, manesu.

Evam vaco payo tejo,  
Tapo ceto tamo yaso.



Ayo vayo siro saro,  
Uro+tye+te manādayo.

Rūpasiddhiyaṃ aha+rahasaddā manādīsu paṭhitā. Ahassa āpādittā rahoti nipātattā rahasīti vibhatyantapaṭirūpakanipātattā idha na gahitā.

Gacchanta si, “sissa” “ve”ti ca vattate. Parato bhiyyo nānuvattayissāma, vuttiyā eva anuvattassa gamyamānattā.

#### 148. Ntassaṃ

Simhi ntapaccayassa aṃ hoti vā. “Sutānumitesu sutasambandhova balavā”ti ñāyā “ntassā”ti sutattā ntasseva aṃ, na tadantassa anumitassa saddassa. Eva+muparipi nta+ntūnaṃ ādesavidhānaṭṭhānesu. “Gasinaṃ”ti silopo. Gacchaṃ gacchanto.

#### 215. Nta+ntūnaṃ nto yomhi paṭhame

Paṭhame yomhi nta+ntūnaṃ savibhattīnaṃ ntoiccādeso hoti vā. Sa ca bahulādhikārā pumeva, gacchanto gacchantā.

#### 218. Ṭa+ṭā+aṃ ge

Ge pare nta+ntūnaṃ savibhattīnaṃ ṭa+ṭā+aṃiccādesā niccaṃ honti bahulaṃ. Bho gaccha gacchā gacchaṃ, gacchanto gacchantā.

#### 92. Ntassa ca ṭa vaṃ+se

Aṃsesu ntapaccayassa ṭa hoti vā ntussa ca. Vavatthitavibhāsā+yaṃ. Gacchaṃ gacchantāṃ, gacchante.

#### 217. To+tā+ti+tā sa+smā+smiṃ nāsu

Sa+smā+smiṃ+nāsu nta+ntūnaṃ savibhattīnaṃ to+tā+ti+tā honti vā yathākkamaṃ. Gacchatā gacchantena, gacchantehi gacchantebhi. Gacchato gacchassa gacchantassa.

#### 216. Taṃ naṃmhi

Naṃmhi nta+ntūnaṃ savibhattīnaṃ taṃ vā hoti. Gacchataṃ gacchantānaṃ. Gacchatā gacchantā gacchantamhā gacchantasmā. Gacchati gacchante gacchantamhi gacchanthasmiṃ, cchentesu.

Evaṃ mahaṃ caraṃ tiṭṭhaṃ, dadaṃ bhuñjaṃ suṇaṃ pacāṃ;  
Jayāṃ jīraṃ vacāṃ pīyaṃ, saraṃ kubbaṃ japaṃ vajaṃ.

Iccādayo.

Bhavanta si,

#### 149. Bhūto

Niyamasutta+midāṃ. Bhūdhātuto ntassa aṃ hoti simhi niccaṃ punabbidhānā. Bhavaṃ.

#### 146. Bhavato vā bhontoga+yo+nā+se

Bhavantasaddassa bhontādeso vā hoti ga+yo+nā+se. Ntoādeso, bhonto bhontā bhavanto bhavantā. Ge pana bho bhonta bhontā bhava bhavā bhavaṃ, bhonto bhontā bhavanto bhavantā. Bhontādesapakkhe ṭa+ṭā+aṃādesā bahulādhikārā na honti. Bhavaṃ bhavantaṃ, bhonte bhavante. Bhotā bhontena bhavatā bhavantena, bhavantehi bhavantebhi. Bhoto bhontassa bhavato bhavassa bhavantassa, bhavataṃ bhavantānaṃ. Bhavatā iccādi gacchantasamaṃ.

Bhoiti āmantāṇe nipāto, “kuto nu āgacchatha bho tayo janā”ti bahuvacanepi dassanato. Evaṃ bhanteti. Bhaddeti bhaddasaddantarena siddhaṃ. Bhaddantaiti dassa dvibhāvena.

Sam̐ santo, santo santā. Bho sa sā sam̐, santo santā. Sam̐ santaṃ “saṃyogādilopoti nassa lope “yaṃ yañhi rāja bhajati, santaṃ vā yadi vā asaṃ”, sante. Satā santena.

#### 145. Sato saba bhe

Santasaddassa saba bhavati bhakāre. Sabbhi santehi. Niccattā santebhīti na hoti. Sato sassa santassa iccādi gacchantasamaṃ.

#### 150. Mahantā+rahantānaṃ ṭā vā

Simhi mahantā+rahantānaṃ ntassa ṭā vā hoti. Mahā mahaṃ mahanto, mahanto mahantā. Arahā arahāṃ, arahanto arahantā iccādi gacchantasamaṃ.

Asma si,

#### 154. Rājādīyuvāditvā

Rājādīhi yuvādīhi ca parassa sissa ā hoti. Asmā,

#### 156. Yona+māno

Rājādīhi yuvādīhi ca yona+māno vā hoti. Asmāno asmā. Bho asma asmā, asmāno asmā.

#### 155. Vā+mhā+naṇa

Rājādīnaṃ yuvādīnaṇa ānaṇa hoti vā aṃmhi. Asmānaṃ asmaṃ, asmāno asme.

#### 80. Nāsse+no

Kammādito nāvacanassa eno vā hoti. Asmena asmanā, asmehi asmebhi. Asmassa, asmānaṃ. Asmā asmamhā asmasmā iccādi.

#### 79. Kammādito

Kammādito smino ni hoti vā. Asmani asme asmamhi asmasmiṃ, asmesu. Kamma camma vesma bhasma brahma atta ātuma ghamma muddhaiti kammādayo. Muddha gaṇḍivadhanva aṇima laghimādayo asmasamā. Rāja brahma sakha atta ātuma gaṇḍivadhanva asma aṇima laghimādayo rājādayo.

“Dhammo vā+ññatthe”ti gaṇasuttana rājādīsu paṭṭhitattā daḷadhammo daḷadhammāti vā hoti. Yuva sā suvā maghava puma vattahāti yuvādayo. Rājā, rājāno rājā. Bhorāja rājā, rājāno rājā. Rājānaṃ rājāṃ, rājāno rāje.

#### 123. Rājassi nāmhi

“Sabbadattena rājinā”ti pāṭhampati ida+māraddhaṃ. Rājassi vā hoti nāmhi. Rājinā.

### 222. Nā+smāsu raññā

Nā+smāsu rājassa savibhattissa raññā hoti niccaṃ. Anekavaṇṇattā sabbassa. Raññā.

### 124. Su+naṃ+hisū

Rājassa ū hoti vā su+naṃ+hisu. “Chaṭṭhiyantassāti antassa hoti. Rājūhi rājehi rājūbhi rājebhi.

### 223. Rañño+raññassa+rājino se

Se rājassa savibhattissa ete ādesā honti. Rañño raññassa rājino, rājūnaṃ.

### 221. Rājassa raññaṃ

Naṃmhi rājassa savibhattissa raññaṃ vā hoti. Raññaṃ. Raññā, rājūhi rājehi rājūbhi rājebhi.

### 224. Smimhi raññe+rājini

Smimhi rājassa savibhattissa raññe+rājini honti niccaṃ. Raññe rājini, rājūsu rājesu.

### 225. Samāse vā

Iti gaṇasuttana rājassa nā+smā+smiṃsu yaṃ vuttaṃ, taṃ vā hoti. Kāsiraññā kāsirājinā kāsirājena, kāsirājūbhi kāsirājebhi kāsirājūhi kāsirājehi. Kāsirañño kāsiraññassa kāsirājino kāsirājassa. Kāsiraññā kāsirājasma. Kāsirājūnaṃ kāsirājānaṃ. Kāsiraññe kāsirājini kāsirāje kāsirājamhi kāsirājasmiṃ, kāsirājūsu kāsirājesu.

Addhā, addhāno addhā. Bho addha addhā, addhāno addhā. Addhānaṃ addhaṃ, addhāno addhe.

### 192. Puma+kamma+thāma+ddhānaṃ sa+smāsu ca

Pumādīna+mu hoti vā sa+smāsu nāmhi ce+ti utte addhunā, kammādittā “nāsse+no”ti vā eno, addhena addhanā, addhehi addhebbhi. Se ukāre ca –

### 1,9. Iyuvaṇṇā jhalā nāmassa+nte

Nāmaṃ pāṭipadikaṃ, tassa ante vattamānā ivaṇṇuvaṇṇā jhalasaññā honti yathākkamaṃ. I ca u ca iyu, iyu ca te vaṇṇā ceti iyuvaṇṇā, “dvandante sūyamānaṃ pacceka+mabhisambandhiya te”ti vuttattā vaṇṇasaddaṃ pacceka+mabhisambandhiya “ivaṇṇuvaṇṇā”ti vuttaṃ.

### 81. Jhalā sassa no

Jhalato sassa no vā hoti. Addhuno addhussa addhassa, addhānaṃ.

### 82. Nā smāssa

Jhalato smāssa nā hoti vā, addhunā addhumhā addhusmā addhā addhamhā addhasmā. “Kammādito”ti smino ni, addhani addhe addhamhi addhasmiṃ, addhesu. Addhasaddo ce+tthakāla+ddhānavāci, na bhāgavāci.

Attā, attāno iccādi yāva dutiyā rājāva, kammādittā ene attena attanā.

### 195. Su+hisu naka

Atta+ātumānaṃ su+hisu nakāgamo hoti. “Ñākānubandhā+dyantā”ti paribhāsato kakāro antāvayavattho, attanehi atthehi attanebhi attebhi.

### 194. No+ttātumā

Atta+ātumehi sassa no vā hoti. Attano attassa, attānaṃ.

### 196. Smāssa nā brahmā ca

Brahmā atta+ātumehi ca parassa smāssa nā hoti niccaṃ. Attanā. Smimhi kammādittā ni, attani atte attamhi attasmiṃ, attanesu attesu. Ātumā attāva.

Brahmā, brahmāno brahmā, “brahmassu vā”ti sutte “brahmassū”ti yogavibhāgā ānomhi brahmassa u, parassaralope brahmunotipi sijjhati. Ayañca brahmasaṃyutte dissati. Brahmā ge-

### 60. Gha+brahmādite

Ākatigaṇo+yaṃ, ākatīti jāti, jātipadhānagaṇotya+ttho. Ghasaññato brahma+kattu+isi+sakhādīhi ca gasse+vā hoti. Bho brahme brahmā, brahmāno brahmā. Brahmānaṃ brahmaṃ, brahmāno brahme.

### 191. Nāmhi

Brahmassu hoti nāmhi niccaṃ. Brahmunā, brahmehi brahmebhi.

### 190. Brahmassu vā

Brahmassu vā hoti sa+naṃsu. “Jhalā sassa no”ti no. Brahmuno brahmussa brahmassa, brahmūnaṃ brahmānaṃ. “Smāssa nā brahmā ce”ti smāssa nā, ukāre brahmunā. “Ambvādīhi”ti smino ni, imassa ākatigaṇattā brahmassa kammādittēpi ettha vuttā. Brahmani brahme brahmamhi brahmasmiṃ, brahmesu.

Sakhā, rājādittā ā.

### 2,157. Āyo no ca sakhā

Sakhato yona+māyo no honti vā āno ca. Sakhāyo sakhāno.

### 159. No+nā+sesvi

Sakhassa i hoti niccaṃ no+nā+sesu. Sakhino.

### 161. Yo+svaṃ+hisu cā+raṇa

Sakhassa vā āraṇa hoti yo+svaṃ+hisu smā+naṃsuca.

### 171. Āraṇasmā

Āravādesato paresaṃ yonaṃ ṭo hoti. Sakhāro sakhā. Ge tu “gha+brahmādite”ti e, sakhe sakha sakhā. Bahuvacanaṃ paṭhamā viya. Aṃmhi “vā+mhā+naṇa”ti ānaṇa, sakhānaṃ sakhāraṃ sakhaṃ, sakhāyo sakhāno sakhino.

### 172. Ṭo ṭe vā

Āravādesamhā yonaṃ ṭo ṭe vā honti yathākkamaṃti ṭe. Aññattha “āraṇasmā”ti ṭo. Sakhāre sakhāro sakhe. Ṭoggahaṇaṃ lāghavatthaṃ. Sakhinā, sakhārehi sakhehi. “Jhalā sassa no”ti jhato sassa no, sakhino sakhissa, sakhārānaṃ.

### 160. Smā+naṃsu vā

Sakhasa vā i hoti smā+naṃsu. Sakhīnaṃ sakhānaṃ.

### 171. Ṭā nā+smānaṃ

Āravādesamhā nā+smānaṃ ṭā hoti niccaṃ. Sakhārā, bahulādhikārā sakhārasmā. “Nā smāssā”ti nā, sakhinā sakhismā sakhā sakhamaṃ sakhasmā.

### 158. Ṭe smino

Sakhato smino ṭe hoti niccaṃ. Sakhe, sakhāresu sakhesu. Sakhi sakhīti itthiyaṃyeva payogo dissati, tasmā “nadādito nī”ti vīmhi ālapanattā vā rasso.

Yuvādittā ā, yuvā.

### 181. Yonaṃ no+ne vā

Yuvādīhi yonaṃ no+ne vā honti yathākkamaṃ. “Yona+māno”ti ānomhi siddhepi “dutiyaṃsa ne”ti ganthagāraṃ hotīti yathākkamaṃpati lāghavatthaṃ noggahaṇaṃ.

### 179. No+nā+nesvā

No+nā+nesu yuvādīna+mā hoti. Yuvāno yuvā. Bho yuva yuvā, yuvāno yuvā. Yuvānaṃ yuvaṃ, yuvāno yuvāne yuve. Yuvānā.

### 178. Yuvādīnaṃ su+hisvā+naṃa

Su+hisu yuvādīna+mānaṃa hoti. Yuvānehi yuvānebhi.

### 193. Yuvā sassi+no

Yuvā sassa vā ino hoti. Yuvino yuvassa, yuvānaṃ.

### 180. Smā+smiṃnaṃ nā+ne

Yuvādahi smā+smiṃnaṃ nā+ne niccaṃ honti yathākkamaṃ. Yuvānā, yuvānehi yuvānebhi. Yuvāne, yuvānesu. Maghava+puma+vattahasaddā yuvasaddasamā. Ayaṃ viseso –

### 187. Gassaṃ

Pumasaddato gassa aṃ vā hoti. Pumaṃ puma pumā, pumāno pumā. Pumānaṃ pumaṃ, pumāno pumāne pume.

### 185. Nāmhi

Pumassā hoti nāmhi. Pumānā. “Lakkhaṇikaṭṭipadottesu ṭṭipadottasseva gahaṇaṃ, na lakkhaṇikassā”ti nīyā ṭṭipadottanāvibhatti eva gayhati, na nāsmāssa, katalakkhaṇikattā. Ṭṭipadanti ca “nāmhi”ti nāvibhattiyā ṭṭipadabhūto anukaraṇasaddo. Na lakkhaṇiko nā. “Puma+kamma+thāma+ddhānaṃ vā sa+smāsu ce”ti vā utte pumunā pumena. Pumuno pumussa

pumassa. Pumunā pumā.

#### 184. Pumāti

Smino ne vā hoti. Pumāne pume pumamhi pumasmim.

#### 186. Sumhā ca

Pumassa sumhi pumādīnaṃ yaṃ niccaṃ vuttaṃ, taṃ vā hotīti ānaṃ vā hoti ā ca. Pumānesu pumāsu pumesu. Vattahā, vattahāno vattahā iccādi yuvasaddasamaṃ.

#### 189. Vattahā sa+naṃnaṃ no+nānaṃ

Vattahā sanaṃnaṃ nonānaṃ niccaṃ honti yathākkamaṃ. Vattahāno vattahānānaṃ.

Akārantaṃ.

Sā si,

#### 64. Ekavacana+yosva+ghonaṃ

Gho ca o ca gho, na gho agho. “Aghonaṃ”ti ghappaṭisedhe akate ssa+mādīsu paresu ghassa vikappena rasso, ekavacanādīsu yosu ca paresu ghassa niccena rassoti viruddhatthagahaṇani vattanatto ghapaṭisedho. Oggahaṇa+muttaratthaṃ. Ekavacane yosu ca gha+okārantavajjitānaṃ nāmānaṃ rasso hoti tilingeti rasse sampatte –

#### 66. Sismiṃ nā+napuṃsakassati

Anapuṃsakassa rasso na hotīti simhi tu na rasso. Sā. “Pajjunova lakkhaṇapavutti jalepi vassati, thalepi vassati”ti nīyā yuvādittā sissa ā. Yosu rasse “yonaṃ no+ne vā”ti yossa no. “No nānesvā”ti ā, sāno. Nottābhāvapakke “yona+māno”ti vādhikārassa vavatthitavibhāsattā nicca+māno, tasmā no+neabhāvapakke sā, seti rūpapasaṅgo na hoti. Sāno. Tathā nettābhāvapakke.

#### 188. Sāssaṃ+se cā+naṃ

Sāsaddassa ānaṃ hoti aṃ+se ge ca niccaṃ. Bho sāna sānā, sāno. Sānaṃ, sāne sāno. Sānā, sānehi sānebhi. Sānassa, sānaṃ. Sānā, sānehi sānebhi. Sāne, sānesu.

Suvā yuvāva. “Ekavacanayosva+ghonaṃ”ti rassattaṃ viseso. Ge tu –

#### 130. Ge vā

Aghonaṃ ge vā rasso hoti tilinge. Bho suva suvā.

Ākārantaṃ.

Muni silopo. Jhe kate –

#### 93. Yosu jhissa pume

Jhasaññaṃ issa yosu vā ṭa hoti pulliṅge. Munayo, jhaggahaṇaṃ kiṃ, ikārantasamudāyassa mā siyā. Iggahaṇaṃ kiṃ, ikārassa vāti. Atoti sāmāññaniddesā lakkhaṇikaakārato yonaṃ ṭāṭe sampattāpi avidhānasāmatthiyā na honti. Sāmatthiyaṃ aññathā anupapatti.

## 114. Lopo

Jhalato yonaṃ lopo hotīti yolope –

### 88. Yolopa+nisu dīgho

Yonaṃ lopenisu ca dīgho hoti. Muni. Munayoti ettha yolopo kimatthaṃ na hoti, akkena jhattassa nāsittā. Kinti paṭhamāṃ na hoti, antaraṅgattā jhattassa. Bho muni munī, munayo munī. Munim, munayo munī. Muninā, munīhi munībhi. “Yolopanisu” “vīmantuvantūna” miccādiñāpakā ikārukārānaṃ sunaṃhisu dīghassā+niccattā munihi muninaṃ munisu itipi hoti. “Jhalā sassa no”ti no, munino munissa, munīnaṃ. “Nāsmāssā”ti nā, muninā munimhā munismā. Munimhi munismiṃ, munīsu. “Ito kvaci sassa ṭānubandho” (gaṇasutta)ti brahmādīsu pāṭhā “yo ca sisso mahāmune”ti ettha “gha+brahmādite”ti sassa eṭa.

Evam –

Joti pāṇi gaṇṭhi muṭṭhi, kucchi vatthi sālī vīhi;  
Byādhi odhi bodhi sandhi, rāsi kesi sāti dīpi.

Isi gini maṇi dhani, giri ravi kavi kapi;  
Asi masi nidhi vidhi, ahi kimi pati hari.

Ari timi kali bali, jaladhi ca gahapati;  
Uramiti varamati, nirupadhi adhipati;  
Añjali sārathi atithi, samādhi udadhipabhutayo.

Aggi+isīnaṃ ayaṃ viseso –

### 147. Sissā+ggito ni

Aggismā sissa ni hoti vā. Aggini aggi, aggayo iccādi munisaddasamaṃ.

### 133. Ṭe sissi+sismā

Isismā sissa ṭe vā hoti. Ise isi. “Gha+brahmādite”ti gassa e vā, bho ise isi, isayo isī. Isiṃ.

### 134. Dutiyassa yossa

“Dutiyā yossā”ti avatvā “dutyassa yossā”ti visuṃ karaṇaṃ  
“ekayoganiddiṭṭhāna+mapye+kadeso+nuvattate, na tve+kavibhattiyuttānaṃ”ti ñāyā dutyāyossāti  
nānuvattiya yossāti sāmāññena anuvuttiya ekaccādito paṭhamā yossāpi ṭevadhānatthaṃ. Isismā  
parassa dutyā yossa ṭe vā hoti. Ise isayo isī, sesaṃ munisamaṃ.

Ādi, ādayo iccādi, smimhi –

### 55. Ratyādīhi ṭo smino

Ratyādīhi smino ṭo vā hoti. Ādo ādimhi ādismiṃ, ādīsu.

Samāse ikārantato yo+smiṃsu viseso.

### 182. Ito+ññatthe pume

Aññatthe vattamānato ikārantato nāmasmā yonaṃ no+ne vā honti yathākkamaṃ pulliṅge.

Ariyavuttino ariyavuttayo ariyavuttī. Bho ariyavutti ariyavuttī, ariyavuttino ariyavuttayo ariyavuttī. Ariyavuttiṃ, ariyavuttino ariyavuttayo ariyavuttī. Ariyavuttinā iccādi tu munisaddasamaṃ.

### 183. Ne smino kvaci

Aññatthe ikārantato nāmasmā smino ne vā hoti kvaci. Ariyavuttine ariyavuttimhi ariyavuttismiṃ, ariyavuttīsu. Evaṃ tomaraṅkusapaṇino sāramatino iccādi. Kvaciggahaṇā na sabbattha neādeso.

Ikārantam.

Daṇḍī, silopo. “Ekavacane” ccādinā rasse sampatte anapumsakattā “sismiṃnā+napumsakassā”ti nisedho. Yomhi ekavacane ca sabbattha rasso.

### 75. Yonaṃ no+ne pume

Jhasaññito yonaṃ no+ne vā honti yathākkamaṃ pulliṅge. Daṇḍino.

### 115. Jantuhetvīghapehi vā

Jantu+hetūhi ikāranthehi gha+pasaññehi ca paresaṃ yonaṃ vā lopo hoti. “Yolopanisu dīgho”ti dīghe daṇḍī daṇḍiyo. Ge tu “ge vā”ti vā rasso. Bho daṇḍi daṇḍī, daṇḍino daṇḍī daṇḍiyo.

### 74. Naṃ jhīto

Jhasaññito aṃvacanassa naṃ vā hoti. Daṇḍinaṃ daṇḍiṃ, daṇḍine.

### 76. No

Jhīto yonaṃ no vā hoti pulliṅge. Daṇḍino daṇḍī daṇḍiyo. Daṇḍinā, daṇḍīhi daṇḍībhi. “Jhalā sassa no”ti nomhi kate daṇḍino daṇḍissa, daṇḍinaṃ. “Nā smāssā”ti smāssa nā, daṇḍinā daṇḍimhā daṇḍismā.

### 77. Smino ni

Jhīto smiṃvacanassa ni hoti vā. Daṇḍini daṇḍismiṃ, daṇḍīsu, bahulādhikārā smimhi gāmaṇī+senānī+sudhīpabhutīnaṃ niādesābhāvo ca viseso. Evaṃ –

Dhammī saṅghī ñāṇī hatthī, cakkī pakkhī dāṭhī raṭṭhī;  
Chattī māli cammī yogī, bhāgī bhogī kāmī sāmī.

Dhajī gaṇī sasī kuṭṭhī, jaṭī yānī sukhī sikhī;  
Dantī mantī karī cāgī, kusalī musalī balī; (Vācī, rū)

Pāpakārī sattughātī, mālyakārī dīghajīvī;  
Dhammavādī sīhanādī, bhūmisāyī sīghayāyī.

Ikārantam.

Bhikkhu, silopo. Lasaññāyaṃ –

### 83. Lā yonaṃ vo pume



Lato yonaṃ vo hoti vā pulliṅge.

#### 94. Ve+vosu lussa

Lasaññassa ussa ve+vosu ṭa hoti. Ettha “pumālapane vevo” tya+tra vossa saḥacaritañāyā anissitattā jātivaseṇa “lā yonaṃ” tyādo vo ca gayhati. Bhikkhavo. Aññatra “lopo” ti yolopo. “Yolopanisu dīgho” ti dīghe bhikkhū. Bho bhikkhu bhikkhū.

#### 96. Pumā+lapane vevo

Lasaññato uto yossā+lapane ve+vo honti vā pulliṅge. Bhikkhave bhikkhavo bhikkhū. Bhikkhuṃ, bhikkhavo bhikkhū. Bhikkhunā, bhikkhūhi bhikkhūbhi. “Jhalā sassa no” ti lato sassa no vā, bhikkhuno bhikkhussa, bhikkhūnaṃ. “Nā smāssā” ti lato vā smāssa nā, bhikkhunā bhikkhumhā bhikkhusmā. Bhikkhumhi bhikkhusmiṃ. Evaṃ –

Setu ketu rāhu bhāṇu, saṃku ucchu veḷu maccu. (Paṅgu, rū) sindhu bandhu neru meru, sattu kāru hetu jantu. Ruru paṭu – iccādayo.

Jantu+hetūnaṃ yosva+yaṃ bhedo. “Jantu+hetvī+gha+pehi vā” ti yolope –

#### 84. Jantvādito no ca

Jantvādito yonaṃ no hoti vo ca pulliṅge. Jantuno jantavo jantuyo. Bho jantu jantū, jantuno, “pumālapane vevo” ti ve+vo, jantave jantavo jantuyo. Jantuṃ, jantū jantuno jantavo jantuyo. Sesam bhikkhusamaṃ.

Hetu, hetū hetavo. “Yomhi vā kvaci” ti lasaññassa ussa vā ṭādeso, hetayo. Yomhi antaraṅgattā paṭhamaṃ ṭādeso kate pacchā yolopābhāvo, tathā hi antaraṅga+bāhiraṅgavidhānesva+ntaraṅgavidhiyeva balavā. Ettha ca pakatinissita+mantaraṅgaṃ, paccayanissitaṃ bāhiraṅgaṃ. Hetuyo. Bho hetu, hetū hetave hetavo hetayo hetuyo. Sesam pubbasamaṃ.

Bahuto naṃmhi –

#### 48. Bahukatinnaṃ

Naṃmhi bahuno katissa ca nuka hoti tiliṅge. Bahunnaṃ. Sesam bhikkhusamaṃ.

Vattu si,

#### 57. Ltu+pitādīna+mā simhi

Ltupaccayantānaṃ pitu+mātu+bhātu+dhātu+duhitu+jāmātu+nattu+hotu+potūnañcā hoti simhi. Vattā. “Kattari ltu+ṇakā” ti vihitaltupaccayassa gahaṇā yato dhātuto hi so vihito, “paccayaggahaṇe yasmā so vihito, tadādīno tadantassa ca gahaṇaṃ” ti ñāyā tadavinābhāvato tadantadhātunopi gahaṇaṃti ltupaccayantānaṃti vuttaṃ.

#### 162. Ltu+pitādīna+ma se

Ltupaccayantānaṃ pitādīnañcā+raṇa hoti sato+ññatra. “Āraṇasmā” ti ṭo, vattāro.

#### 58. Ge a ca

Geltu+pitādīnaṃ a hoti ā ca. Bho vatta vattā, vattāro. Vattāraṃ, vattāre vattāro. Nāvacaṇassa

“ṭā nāsmānaṃ”ti ṭā, vattārā.

### 166. Su+hisvā+raṇa

Su+hisu ltu+pitādīna+māraṇa vā hoti. Vattārehi vattārebhi vattūhi vattūbhi.

### 165. Salopo

Ltu+pitādīhi sassa lopo vā hoti. Vattu vattuno vattussa.

### 163. Naṃmhi vā

Naṃmhi ltu+pitādīna+māraṇa vā hoti. Vattārānaṃ.

### 164. Ā

Naṃmhi ltu+pitādīna+mā vā hoti. Vattānaṃ vattūnaṃ. Smāssa ṭā, vattārā.

### 174. Ṭi smino

Āravā+desamhā smino ṭi hoti.

### 176. Rassā+raṇa

Smimhi āro rasso hoti. Vattari, vattāresu vattūsu vattusu. Evaṃ –

Evaṃ bhattu kattu netu, sotu ṇātu jetu chettu;  
Bhettu dātu dhātu boddhu, viññāpetādayopi ca.

Satthusaddassa pana nāmhi bahulādhikārā “ltu+pitādīna+mase”ti vā āravādesa satthārā satthunā. Sesam vattusamaṃ.

Simhi ā, pitā. “Ltu+pitādīna+mase”ti āravādesa –

### 177. Pitādīna+manatvādīnaṃ

Natvādivajjitānaṃ pitādīna+māro rasso hoti sabbāsu vibhattīsu. “Ltu+pitādīna+mase” “su+hisvā+raṇa” “naṃmhi vā”ti ettha vuttavibhattīsu paresu āraṇa hotīti tā vibhattiyo paṭicca sabbāsūti vuttaṃ. Pitaro. Bho pita pitā, pitaro. Pitarāṃ, pitare pitaro. Pitarā, pitarehi pitarebhi pitūhi pitūbhi. Pitu pituno pitussa, pitarānaṃ pitūnaṃ. “Pitunnaṃ”ti naṃmhi dīghe rassa+dvittānīti vuttaṃ. “Sānuvuttaṃ suttaṃ”ti ṇāyā “bahukatinnaṃ”ti ettha nuka-iti yogavibhāgenapi sijjhati ettha anuvattitanaṃmhi. Pañcamīchaṭṭhī tatiyācatutthīsamaṃ. Pitari, pitaresu pitūsu, rassābhāvo. Nattā, nattāro. Bho natta nattā, nattāro iccādi vattusamaṃ.

Guṇavantu si,

### 151. Ntussa

Simhi ntussa ṭā hoti. Guṇavā. Yomhi “ntantūnaṃ nto yomhi paṭhame”ti savibhattissa ntussa nto hoti. Ettha ca “ntu vantu+mantā+vantu+tavantusambandhī”ti paribhāsato ntu ca vantvādisambandhīyeva gayhate, na jantu tantādīnaṃ. Guṇavanto. Aññatra –

### 91. Yvādo ntussa

Yoādīsu ntussa a hoti. Guṇavantaiti akārantā ṭā+ṭeādesā honti, guṇavantā. “Ṭaṭāṃ ge”ti ṭādayo, bho guṇava guṇavā guṇavaṃ, guṇavanto guṇavantā. “Ntassa ca ṭa vaṃ+se”ti aṃsesu ntassa ṭo vā, guṇavaṃ guṇavantam, guṇavante. “To+tā+ti+tā sa+smā+smiṃ+nāsū”ti tādayo honti, guṇavatā guṇavantena, guṇavantehi guṇavantebhi. “Lakkhaṇikapāṭipadottesu paṭipadottasseva gahaṇaṃ, na lakkhaṇikassā”ti ṇāyā “na lakkhaṇikassā”ti vuttabyattipakkha+manapekkhitvā “ato”ti rassākārajātiyā pekkhitattā guṇavantenāti “atenā” tya+nena sijaṭṭhi. Jāti=sāmaññaṃ, byatti=viseso. Guṇavato guṇavassa guṇavantassa, “taṃ naṃmhi”ti naṃmhī taṃ vā, guṇavataṃ guṇavantānaṃ. Guṇavatā guṇavantā guṇavantamhā guṇavantasmā. Guṇavati guṇavante guṇavantamhi guṇavantasmim, guṇavantesu. “Ntassa ca ṭa vā”ti yogavibhāgā yosu ca ntussa vā ṭādesa kate yossa ṭā, “cakkhumā andhitā honti”, “vaggumudātīriyā bhikkhu vaṇṇavā” iccādi honti.

Evam gaṇavā kulavā phalavā yasavā dhanavā sutavā bhagavā himavā balavā sīlavā paññavā iccādi.

### 153. Himavato vā o

Himavato simhi ntussa o vā hoti, himavanto himavā. Sesam purimasamaṃ.

Āyasmantusaddo kammavācāya kvaci bahulādhikārā dvivacanena āyasmantā, tiṇṇam vacanena āyasmantoti dissati.

Evam satimā dhitimā gatimā mutimā matimā jutimā sirimā hirimā thutimā ratimā yatimā sucimā kalimā balimā kasimā rucimā buddhimā cakkhumā bandhumā hetumā setumā ketumā rāhumā bhānumā khānumā vijjumā iccādayo.

Ukārantaṃ.

Vessabhū silopo. Te ca rassābhāvova viseso. “Ekavacanayosva+ghonaṃ”ti rasse “lā yonaṃ vo pume”ti vo, vessabhūvo, “vevosu lussā”ti vuttattā na ṭādeso, “lopoti yolope vessabhū. “Ge vā”ti vā rasse bho vessabhū vessabhū, vessabhūvo vessabhū. Vessabhūṃ, vessabhūvo vessabhū. Vessabhūnā iccādi bhikkhusamaṃ. Evam sayambhū parābhībhū abhībhūādayo. Gotrabhū+sahabhūsaddehi pana yonaṃ “jantvādito no vā”ti no, vo vā, gotrabhūno gotrabhūvo gotrabhū. Sahabhūno sahabhūvo sahabhū, sesam vessabhūsamaṃ.

### 85. Kūto

Kūpaccayantato yonaṃ no vā hoti pulliṅge. Sabbañño. Aññaṭṭa “lā yonaṃ vo pume”ti na vo, “kūto”ti jantvādīhi puthakkaraṇā. Yolope sabbañño. Bho sabbañño sabbañño, sabbañño sabbañño iccādi.

Evam maggañño dhammañño atthañño kālañño rattañño mattañño katañño kathañño viñño vidū iccādayo. Ettha “vidā kū” “vito ñāto” “kammā”ti tīsu suttasu kūpaccayassa gahitattā vedagūādayo rūpaccayantā na gahitā.

Ūkārantaṃ.

Go, si, silopo. Go.

### 67. Gossā+ga+si+hi+naṃsu gāva+gavā

Ga+si+hi+naṃvajjitāsu vibhattīsu gosaddassa gāva+gavā honti niccaṃ.

### 170. Ubha+gohi ṭo

Ubha+gohi yonaṃ ṭo hoti. Gāvo gavo. Bho go, gāvo gavo.

## 72. Gāvu+mhi

Aṃvacane gossa gāvu vā hoti. Gāvum gāvaṃ gavaṃ, gāvo gavo.

## 71. Nāssā

Goto nāssa ā hoti vā. Ekavaṇṇattā na sabbādeso. “Pañcamiyaṃ parasse”ti vattante “ādissā”ti nāssa ā hoti, paralopo, gāvā gāvena gavā gavena, gohi gobhi.

## 69. Gavaṃ sena

Gossa se vā gavaṃ hoti saha sena. Gavaṃ gāvassa gavassa. Kaccāyane “gavaṃ ce taramānānaṃ”ti pālīṃ paṭicca naṃmhi bahuvacanameva sādhitam, idha “gavaṃva siṅgino saṅgaṃ”ti dassanato ekavacanañca.

## 70. Gunnañca naṃnā

Naṃvacanena saha gossa gunnaṃ hoti gavañca vā. Gunnaṃ gavaṃ gonaṃ. Gāvā gāvamhā gāvasmā gavā gavamhā gavasmā. Gāve gāvamhi gāvasmim gave gavamhi gavasmim.

## 68. Sumhi vā

Sumhi gossa gāva+gavā honti vā. Gāvesu gavesu gosu. Gossa goṇādeso na kato, saddantarattā. Goṇasaddo hi sattasu vibhattīsu dissatīti.

Usu+bhūmi+pasu+raṃsi-disā+vācā+mbu+cakkhusu;  
Dasasva+tthesu go vutto, lagge ca vajire iti.

Okāraṇtaṃ.

Iti pulliṅgaṃ.

Kaṅṅā, silopo.

## 1,11. Ghā

Itthiyaṃ vattamānassa nāmassa+nte vattamāno ākāro ghasañño hoti. “Jantu+hetvī+gha+pehi vā”ti yolopo vā. Kaṅṅā kaṅṅāyo. “Gha+brahmādite”ti gassa e vā, kaṅṅe kaṅṅā, yomhi kaṅṅā kaṅṅāyo. “Gho ssaṃ+ssā yaṃ+tiṃsū”ti aṃmhi rasso. Kaṅṅaṃ, kaṅṅā kaṅṅāyo.

## 45. Gha+pate+kasmim nādīnaṃ ya+yā

Ghapato smimvibhattipariyantānaṃ ekatte nādīnaṃ ya+yā honti yathākkamaṃ. Kaṅṅāya, kaṅṅābhi kaṅṅāhi. Kaṅṅāya, kaṅṅānaṃ.

## 103. Yaṃ

Ghapato smino yaṃ vā hoti. Kaṅṅāyaṃ kaṅṅāya. “Gha+ pate+kasmim nādīnaṃ ya+yā” “yaṃ”ti ca imesaṃ apavādādīnaṃ visaye mhissa ussaggattā pavatti natthīti smino bahulādhikārā “smā+hi+sminna” miccādinā mhikate “dasasahassimhi dhātumhī”ti sijjhati. Kaṅṅāsu. Evaṃ –

Saddhā medhā paññā vijjā, cintā mantā taṇhā vīṇā;

Icchā mucchā eja māyā, mettā mattā sikkhā bhikkhā.

Jaṅghā gīvā jīvāhā vācā, chāyā āsā gaṅgā nāvā;  
Gāthā senā lekhā sālā, mālā velā pūjā khiḍḍā.

Pipāsā vedanā saññā, cetanā tasinā pajā;  
Devatā vaṭṭakā godhā, balākā parisā sabhā.

Ūkā sephālikā laṅkā, salākā vālukā sikhā;  
Visākhā visikhā sākhā, vācā vañjhā jaṭā ghaṭā.

Jeṭṭhā soṇḍā vitaṇḍā ca, karuṇā vanitā latā;  
Kathā niddā sudhā rādhā, vāsanā siṃsapā papā.

Pabhā sīmā khamā chāyā, khattiyā sakkharā surā;  
Dolā tulā silā lilā, lāle+lā mekhalā kalā.

Vaḷavā+lambusā mūsā, mañjusā sulasā disā;  
Nāsā juṇhā guhā ihā, lasikā vasudhādayo.

“Na+mmādīhi”ti ammā+annā+ambāhi gassa ekārā+bhāve –

## 62. Rasso vā

Ammādīnaṃ ge rasso vā hoti. Amma ammā iccādi. Sesam kaññāva. Evaṃ annā ambā. Sabhāparisāhi smino “tiṃ sabhāparisāyā”ti tiṃ vā hoti. “Ghossa” mādīnā rasse sabhatim sabhāyaṃ sabhāya. Parisatim parisāyaṃ parisāya.

Ākārantaṃ.

Mati, yomhi –

## 1,10. Pi+tthiyaṃ

Itthiyaṃ vattamānassa nāmassa+nte vattamānā ivaṇṇu+vaṇṇā pasaññā honti.

## 116. Ye passi+vaṇṇassa

Pasaññassa ivaṇṇassa lopo hoti vā yakāre. “Paro kvacī”ti anuvattitakvaciggahaṇā ye pare ca-kāra+pubbarūpā- ni na honti. Matyo. Aññātra “jantvā”dinā yolopo, dīgho, matī matīyo. Bho matī matī, matyo matī matīyo. Matim, matyo matī matīyo. Matiyā, matīhi matībhi. Matyā matiyā, matīnaṃ. Smino yaṃ, matyaṃ matiyaṃ matyā matiyā, matīsu. Evaṃ –

Patti yutti vutti kitti, mutti titti khanti kanti;  
Santi tanti siddhi suddhi, iddhi vuddhi buddhi bodhi.

Bhūmi jāti pīti suti, nandi sandhi soṇi koṭi;  
Diṭṭhi vuṭṭhi tuṭṭhi yaṭṭhi, pāḷi āḷi nāḷi keḷi.

Sati muti gati cuti, dhiti yuvati vikati;  
Rati ruci rasmi asani, vasani osadhi āṅguli;  
Dhūli dudrabhi doṇi, aṭavi chavi iccādi.

## 55. Ratyādīhi ṭo smino

Ratyādīhi smino ṭo vā hoti. Ratto ratyaṃ rattiyaṃ ratyā rattiyā, rattīsu. Sesam̐ matisamaṃ.

Ikārantam̐.

Dāsī, silopo. “Ekavacane” ccādinā rasso. “Ye passi+vaṇṇassā” ti ilopo, dāsyo. “Jantvā” dinā yolopo. Dāsī dāsīyo. “Ge vā” ti rasso. Bho dāsī dāsī, dāsyo dāsī dāsīyo.

### 73. Yaṃ pito

Pasaññīto aṃvacanassa yaṃ vā hoti. Dāsyaṃ dāsīyaṃ dāsīm, dāsyo dāsī dāsīyo. “Ghapatekā” dinā yā. Dāsya dāsīyā, dāsīhi dāsībhi. Dāsya dāsīyā, dāsīnaṃ. Dāsyaṃ dāsīyaṃ dāsya dāsīyā, dāsīsu. Evaṃ –

Mahī veteraṇī vāpī, pāṭalī kadālī ghaṭī;  
Nārī kumārī taruṇī, vāruṇī brāhmaṇī sakhī.

Gandhabbī kinnarī nāgī, devī yakkhī ajī migī;  
Vānarī sūkarī sīhī, haṃsī kākī ca kukkuṭī.

Iccādayo.

Ettha ca ikāralope ññakārapubbarūpo, veteraṇīṇo veteraṇīyo. Veteraṇīṇaṃ veteraṇīyaṃ veteraṇīm, veteraṇīṇo veteraṇīyo iccādi. Yosu –

### 167. Najjā dhayāsvāma

Yosu nadīsaddassa āma vā hoti. Suṇa+naka+āma ityādi ññakāra+kakāra+makārā āgamalingā. Sa ca “mānubandho sarāna+mantā paro” ti mānubandhattā sarāna+mantā paro hotīti ikārā paro. “Yavā sare” ti ye dassa jo, yassa ca pubbarūpaṃ, najjāyo. Vā pa-lopa+yolopesu najjo nadī nadiyo iccādi.

Ikārantam̐.

Yāgu, yāgū yāguyo. Bho yāgu, yāgū yāguyo. Yāguṃ, yāgū yāguyo. Yāguyā, yāgūhi yāgūbhi. Yāguyā, yāgūnaṃ. Yāguyaṃ yāguyā, yāgūsu. Evaṃ  
dhātu+dhenu+kāsu+daddu+kaṇḍu+kacchu+rajju+kareṇu+sassu+piyaṅgu ādayo.

Ettha dhātusaddo “manodhātunā” ti abhidhammāvatāre vuttattā pulliṅgepi dissati, taṃ sakkaṭamatena vuttanti keci.

Mātā, mātaro. Bho māta mātā, mātaro. Mātaraṃ, mātare mātaro. Mātārā, nāssa yādesa “ye passā” ti yogavibhāgā palopo, anuññāto ahaṃ matyā, aññatra mātuyā, mātarehi mātarebhi mātūhi mātūbhi. Salope mātu, pasaññattā ‘no’ na hoti, matyā mātuyā, mātārānaṃ mātānaṃ mātūnaṃ. Chaṭṭhivisaye “mātussa saratī” tipī dissati. Mātari, mātaresu mātūsu. Visesa+ññatra pitusamaṃ. Evaṃ dhātu+duhītusaddā.

Ukārantam̐.

Rassanisedhe silope ca kate jambū. “Jantvā” dinā yolope, jambū jambuyo. “Ge vā” ti rasse bho jambu, jambū jambuyo. Jambuṃ, jambū jambuyo. Jambuyā, jambūhi jambūbhi. Jambuyā, jambūnaṃ. Jambuyaṃ jambuyā, jambūsu.

Evaṃ vadhū ca sarabhū, sarabū sutanū camū;  
Vāmūrū nāganāsūrū, samānā khalu jambuyā.

Ūkārantaṃ.

Go, gāvo gavo iccādi pullīngasamaṃ.

Itthilīṅgaṃ.

Napuṃsaka, si –

### 111. Aṃ napuṃsake

Akārantaṃ nāmasmā sissa aṃ hoti napuṃsake. Napuṃsakaṃ.

### 112. Yonaṃ ni

Akārantaṃ yonaṃ ni hoti napuṃsake. Nīnaṃ niccavidhānēpi “nīnaṃ vā”ti pakkhe t̄āte honti, dīghe napuṃsakā napuṃsakāni. Bho napuṃsaka napuṃsakā, napuṃsakā napuṃsakāni. Napuṃsakaṃ, napuṃsake napuṃsakāni. Napuṃsakena, iccādi sugatasaddasamaṃ. Evaṃ –

Puñña+pāpa+phala+rūpa+sādhanam,  
Sota+ghāna+sukha+dukkha+kāraṇam;  
Dāna+sīla+dhana+jhāna+locanam,  
Mūla+kūla+bala+jāla+maṅgalam.

Naḷina+liṅga+mukha+ṅga+jala+mbujam,  
Pulina+dhañña+hirañña+phalā+matam;  
Paduma+paṇṇa+susāna+vanā+yudham,  
Hadaya+cīvara+vattha+kuli+ndriyam.

Nayana+vadana+yāno+dana+sopāna+pānam,  
Bhavana+bhuvana+lohā+lāta+tuṇḍa+ṇḍa+pīṭham,  
Karaṇa+maraṇa+ñāṇa+rammaṇa+rañña+tānam,  
Tagara+nagara+tīra+cchatta+chiddo+dakāni.iccādi;

Ekaccaṃ,

### 136. Na nissa t̄ā

Ekaccādīhi parassa nissa t̄ā na hoti, ekaccāni. Bho ekacca, ekaccā ekaccāni. Ekaccaṃ, ekacce ekaccāni. Sesam napuṃsakaṃva.

Evaṃ paṭhamam, paṭhamāni iccādi. Padaṃ, padā padāni iccādi napuṃsakasamaṃ. Nāsmiṃsu bhedo.

### 106. Nāssa sā

Padādīhi nāssa sā hoti vā. Padasā padena.

### 105. Padādīhi

Padādīhi smino si hoti vā. Padasī pade padamhi padasmim, padesu. Evaṃ bilasaddo.

Kammassaddato nāssa “nāsse+no”ti eno vā, kammena, “pumakammathāmā”dinā utte kammunā kammanā. Imināva sasmāsu uttam, ussa lasaññāyam sa+smānam yathāyogaṃ no+nā niccam, vavatthitavibhāsattā vādhikārassa. Kammuno kammassa. Kammunā kammā kammamhā

kammasmā. “Kammādito”ti smino vā nimhi kammani kamme kammamhi kammasmiṃ, sesaṃ napuṃsakasamaṃ. Camma+vesma+bhasmādayo kammasamā uttato+ññatra.

Gacchanta, si. “Ntassaṃ”ti vā aṃmhi silopo gacchaṃ. Aññatra sissa daṃ, gacchantam, gacchantā gacchantāni. Bho gaccha gacchā gacchaṃ, gacchantā gacchantāni. Gacchaṃ gacchantam, gacchante gacchantāni. Gacchatā gacchantene+ccādi pulliṅgasamaṃ. Evaṃ yajanta+vajantādayo.

Akārantaṃ.

Aṭṭhi, silopo.

### 113. Jhalā vā

Jhalato yonaṃ ni hoti vā napuṃsake. Aṭṭhīni. “Lopo”ti yolope dīgho, aṭṭhī. Bho aṭṭhi aṭṭhī, aṭṭhīni aṭṭhī. Aṭṭhiṃ, aṭṭhīni aṭṭhī. Aṭṭhinā iccādi munisaddasamaṃ. Evaṃ pacchi+akkhi+dadhi+satthi+vāri+acciādayo.

Ikārantaṃ.

Daṇḍi, napuṃsakattā “ekavacane”ccādinā rasse silopo. Daṇḍīni daṇḍī. “Ge vā”ti rasse bho daṇḍi daṇḍī, daṇḍīni daṇḍī. “Naṃ jhīto”ti naṃ. Daṇḍinaṃ daṇḍiṃ, daṇḍīni daṇḍī. Sesaṃ pulliṅge daṇḍīsamam. Evaṃ sukhakārī+sīghayāyīdayo.

Īkārantaṃ.

Cakkhu, cakkhūni cakkhū. Sesaṃ aṭṭhisamaṃ. Evaṃ āyu+vasu+dhanu+dāru+tipu+madhu+siṅgu+hiṅgu+vattu+jatu+ambu+ assuādīni. Āyusaddato nāssa kodhādittā sāva viseso.

Ukārantaṃ.

Gotrabhu, rasse silopo. Gotrabhūni gotrabhū. Bho gotrabhu gotrabhū, gotrabhūni gotrabhū. Gotrabhuṃ, gotrabhūni gotrabhū iccādi pulliṅge vessabhūsamaṃ. Evaṃ sayambhū+abhibhū+dhammaññū ādayo.

Ūkārantaṃ.

Visadā+visadākāra-vohāro+bhayamuttako;  
Pumādijānane hetu-bhāvato līnga+mīrito.

Thana+kesāvatī nārī, massuvā puriso siyā;  
Ubhinna+mantaraṃ etaṃ, itaro+bhayamuttako.

Ese+sā eta+mīti ca,  
Pasiddhiatthesu yesu lokassa;  
Thī+puma+napuṃsakānī+ti,  
Vuccante tāni nāmāni.

Napuṃsakaliṅgaṃ.

Atha sabbādīnaṃ rūpanayo niddisiyate,

Sabba katara katama ubhaya itara añña aññatara aññatama,  
pubba+parā+para+dakkhiṇu+ttarā+dharāni vavatthāya+masaññāyaṃ.



“Īnapūrattha+madhikapadodāharaṇa+majjhāhāro”ti ñāyā sabbādīsu paṭhīyanteti yojetabbaṃ. Ya tya ta eta ima amu kiṃ eka tumha amha iccete sabbādayo. Kaccāyane adassitassāpi tyasaddassa –

Khiḍḍā paṇihitā tyāsu, rati tyāsu patiṭṭhitā;  
Bījāni tyāsu ruhanti, yadidaṃ sattā pajāyareti –

Pāḷiyam dissamānattā idha saṅgaho.

Tattha sabbasaddo niravasesattho. Katara+katamasaddā pucchanatthā. Ubhayasaddo dviavayavasamudāyavacano. Itarasaddo vuttapaṭiyogīvacano. Aññasaddo adhikatāparavacano. Añña- tara+aññatamasaddā aniyamatthā. Pubbādayo disādivavatthāvacanā. Yasaddo aniyamattho. Tya+tasaddā parammukhavacanā. Eta+ima+amu+kiṃ iccete samīpa+accantasamīpa+dūra+pucchanatthavacanā. Ekasaddo saṃkhyādivacano. Tumha+amhasaddā para+atta niddeśavacanā.

Sabbo, sissa o,

### 138. Yona+meṭa

Akārantehi sabbādīhi yonaṃ eṭa hoti niccaṃ. Sabbe. Bho sabba sabbā, sabbe. Sabbam, sabbe. Sabbena, sabbehi sabbehi. Evaṃ karaṇe. Sabbassa.

### 99. Sabbādīnaṃ naṃmhi ca

Akārantaṇaṃ sabbādīnaṃ e hoti naṃmhi su+hisu ca. Ettha ādisaddo avayave, vuttañhi –

Mariyādāyaṃ pakāre ca, samīpe+vayave tathā;  
Catūsva+tthesu medhāvī, ādisaddaṃ pakāsayeti.

### 100. Saṃ+sānaṃ

Sabbādito naṃvacanassa saṃ+sānaṃ hoti. Sabbesaṃ sabbesānaṃ. Sabbā sabbamhā sabbasmā. Sabbe sabbamhi sabbasmim, sabbesu.

Itthiyaṃ “itthiya+matvā”ti āpaccaye tassa ghasañña. Sesam kaññāva. Sabbā, sabbā sabbāyo. Bho sabbe, sabbā sabbāyo. “Gho ssaṃ+ssā+ssāyaṃ+tim sū”-ti rasse sabbam, sabbā sabbāyo. Sabbāya, sabbāhi sabbābhi.

### 101. Ghapā sassa ssā vā

Sabbādīnaṃ ghapato sassa ssā vā hoti. Amussāti rūpassa “ssā vā te+ti+mā+mūhī”ti ssādesena siddhattā vāggahaṇa+muttarattham. Rasse sabbassā sabbāya, sabbāsaṃ sabbāsānaṃ. Pañcamiyaṃ sabbāya.

### 102. Smino ssaṃ

Sabbādīnaṃ ghapato smino ssaṃ vā hoti. Sabbassaṃ sabbāyaṃ sabbāya, sabbāsu.

Napuṃsake sabbam. “Yonaṃ nī”ti napuṃsake yossa nimhi –

### 137. Sabbādīhi

Sabbādīhi parassa nissa ṭā na hoti. Dīghe sabbāni. Bho sabba sabbā, sabbāni. Sabbam, sabbe sabbāni. Nādīsu pumeva. Katarakataaubhayā tīsu liṅgesu sabbasamā. Evaṃ itaraaññasaddā.

Ssā+ssaṃsu vireso.

## 52. Ssaṃ+ssā+ssāyesvi-tare+ka+ññe+ti+māna+mi

Ssamādīsu itara+eka+añña+eta+ima iccetesam i hoti niccam. Itarissā itarāya, aññissā aññāya, aññāsam aññāsānam. Aññissam aññāyam aññāya. Aññatara+ññatamā lingattaye sabbasamā.

Pubbo,

## 143. Pubbādīhi chahi

Etehi chahi savisaye eṭa vā hotīti yossa eṭa, pubbe pubbā. Bho pubba pubbā, pubbe pubbā. Pubbam, pubbe. Pubbena. Sesam sabbalinge sabbasamam. Evaṃ parādayo pañca.

## 139. Nā+ññañca nāma+ppadhānā

Taṃnāabhūtehi appadhānehi ca sabbādīhi sabbādikāriyam na hoti. Te sabbā, sabbanāmā teti attho. Te piyasabbā, te atisabbā. Nāmahūte ca aññapadattādo appadhānavisaye ca sabbādikāriyanisedhena “paramasabbe tiṭṭhanti” tyādito padhānapadantato eṭādayo honti, visesanasamāsassa uttarapadattapadhānattā.

## 140. Tatiyatthayoge

Tatiyatthena yoge ca sabbādikāriyam na hoti. Māsena pubbā māsapubbā iccādi.

## 141. Catthasamāse

Catthasamāsavisaye sabbādikāriyam na hoti. Dakkhiṇuttarapubbānantīdi.

## 142. Ve+ṭa

Iti catthasamāse sabbādikāriyam na hoti, niccena eṭādesappasaṅge ayam sampattavibhāsā. Pubbuttare pubbuttarā. Sesam sugatasamam.

Yo, ye. Yā, yāyo. Yam, yāni iccādi sabbasamam. Yādīna+mālapane rūpam na sambhavati.

Tya si –

## 128. Tya+te+tānam tassa so

Tya+te+tāna+manapuṃsakānam tassa so hoti simhi. Syo, tye. Syā, tyā, tyāyo. Tyam, tyāni iccādi sabbasamam.

So,

## 131. Tatassa no sabbāsu

Tasaddassa tassa no vā hoti sabbāsu vibhattīsu. “Tya+te+tānam tassā”ti ca ettha tyādīnam takāraggahaṇam syā sā esā nāyoti itthiyam sabbasamā hotīti. Ne te. Nam tam, ne te. Nena tene, nehi nebhi tehi tebhi.

## 132. Ṭa sasmāsmiṃssāyassamssāsammhāmhisvi+massa ca

“Ṭa sa+smā+smiṃ+naṃsmi+massa cā”ti vuttepi tesam vibhattīnam ādesesu ssāyādīsu paresu

“tadādesā tadiva bhavantī”ti ñāyā ñādesa siddhepi yādiādesantare pare nivattanatthaṃ ssādīnaṃ gahaṇaṃ.

Sādīsvi+massa tasaddatakārassa ca ṭo vā hoti. Pubbassaralopo. Eva+muparipi. Assa nassa tassa, nesam nesānaṃ tesam tesānaṃ. Amhā asmā namhā nasmā tamhā tasmā. Amhi asmiṃ namhi nasmiṃ tamhi tasmīṃ, nesu tesu.

Itthiyaṃ sā, nā nāyo tā tāyo. Naṃ taṃ, nā nāyo tā tāyo. Nāmhi –

#### 46. Ssā vā te+ti+mā+mūhi

Ghapasaññehi ta+eta+ima+amūhi ekatte nādīnaṃ ssā vā hoti. Antassarānaṃ ghapavohārena taṃsahacaritāpi saddā “kunte pavesayā”ti ñāyā gayhantīti “ghapasaññehi ta+eta+ima+amūhi”ti vuttaṃ. Vāñādesa assā nassā nāya.

#### 53. Tāya vā

Ssaṃssāsā yesu tassa vā i hoti. Tissā tassā tāya, nāhi nābhi tāhi tābhi. Sassa vā ssāmhi assā nassā tissā tassā.

#### 54. Te+ti+māto sassa ssāya

Tā+etā+imāto sassa ssāyo hoti vā. Assāya nassāya tissāya tassāya, “ghapate”ccādinā yādesa nāya tāya. Naṃvacanassa sa+mādesa takārassa ca vā ñādesa āsam nāsam nāsānaṃ tāsam tāsānaṃ. Sattamiyaṃ assam assā nassam nassā nāyam nāya tissam tissā tassam tassā tāyam tāya, nāsu tāsu.

Napuṃsake naṃ taṃ, nāni tāni. Naṃ taṃ, ne nāni te tāni. Sesam pumeva.

“Yaṃtaṃsaddā niccasambandhā”ti ñāyā yaṃsaddena aniyamitatthaṃ taṃsaddo niyāmeti.

Pasiddhe anubhūtatthe, pakkantavisaye tathā;  
Yaṃsadda+manapekkheva, taṃsaddo yujjate sadāti –

Vuttattā ettheva taṃsaddo yaṃsaddaṃ nāpekkhati. Yathākkamaṃ tatri+da+mudāharaṇaṃ –

(.) “Namo tassā”ti ca, (.) “aggimpa+kkinā...pe... ñātakārī hi so jino”ti ca, (..) Purimagāthāya vuttamunisadda+mapekkhitvā “savāsane kilese so”ti ca.

Eso, ete. Esā, etā etāyo, etaṃ, etāni iccādi ṭa+nādesābhāvova viseso.

Ima si,

#### 127. Simha+napuṃsakassā+yaṃ

Imasaddassa anapuṃsakassa ayaṃ hoti simhi. Ayaṃ, ime. Imaṃ, ime.

#### 126. Nāmha+ni+mi

Imasaddassa anitthiyaṃ nāmhi ana+imiiccādesā honti. “Ate+nā”ti ene anena iminā. Himhi –

#### 125. Imassā+nitthiyaṃ ṭe

Imassā+nitthiyaṃ ṭe hoti vā su+naṃ+hisu. “Nāmaggaṇe liṅgavisiṭṭhassāpi gahaṇaṃ”ti ñāyā ‘anitthiyaṃ’ti itthiliṅganisedhā imassāti nāmaggaṇavisaye liṅgavisesitassa imasaddassāpi

gahaṇaṃ. Tassa phalaṃ ‘‘tatassa no sabbāsu’’ tyādo līngattaye kāriyasiddhi. Ehi ebhi imehi imebhi. ‘‘Ṭa sasmāsmi’’ miccādinā sabbassi+massa vā ṭādesse assa imassa, vā ṭe esaṃ esānaṃ imesaṃ imesānaṃ. Amhā asmā imahā imasmā. Amhi asmīṃ imamhi imasmīṃ, esu imesu.

Itthiyaṃ ayaṃ, imā imāyo. Imaṃ, imā imāyo. Nā ‘‘ssā vā te+ti+mā+mūhī’’ti ssā vā, vā ṭādesse ‘‘ssa’’ miccādinā iādesse ca kate assā imissā imāya, imāhi imābhi. Assā imissā assāya imissāya imāya. Naṃvacanassa sa+mādesse imassa ca vā ṭādesse assa ‘‘sunamhi sū’’ti dīghe ca kate āsaṃ, aññatra imāsaṃ imāsānaṃ. Sattamiyaṃ assaṃ imissaṃ assā imissā imāyaṃ imāya, imāsu.

Napuṃsake –

### 201. Imassi+daṃ vā

Aṃsisu saha tehi imassi+daṃ hoti vā napuṃsake. Idaṃ imaṃ, ime imāni. Idaṃ imaṃ, ime imāni. Anena iminā iccādi pullīngasamaṃ.

### 197. Ime+tāna+menā+nvādesse dutiyāyaṃ

Imaetasaddānaṃ kathitānukathanavisaye dutiyāya+menādesse hoti. Imaṃ bhikkhuṃ vinaya+majjhāpaya, atho enaṃ dhamma+majjhāpaya. Ime bhikkhū vinaya+majjhāpaya, atho ene dhamma+majjhāpaya. Eva+metassa ca yojanīyaṃ.

Amu si,

### 129. Massā+mussa

Anapuṃsakassā+mussa makārassa so hoti simhi. Asu, yo –

### 86. Lopo+musmā

Niyamasutta+midam, amusaddato yonaṃ lopo hoti niccaṃ pullīnge. Dīghe amū. Jhalato yonaṃ ‘‘lopo’’ti lope siddhepi vo+pavādo+ya+mārambho.

Ārambho vacanampatti, lakkhaṇaṃ yogalakkhaṇaṃ;  
Vākyaṃ satthañca iccādi, suttāna+mabhidhāyakā.

Amuṃ, amū. Amunā, amūhi amūbhi.

### 87. Na no sassa

Amusmā sassa no na hoti. Amussa, amūsaṃ amūsānaṃ. ‘‘Nāsmāssā’’ti lato smāssa nā, amunā amumhā amusmā. Amumhi amusmīṃ, amūsu.

Itthiyaṃ asu, amū amuyo. Amuṃ, amū amuyo. Nā, ‘‘ssā vā te+ti+mā+mūhī’’ti nādyekavacanānaṃ ssā vā, amussā amuyā, amūhi amūbhi. Amussā amuyā, amūsaṃ amūsānaṃ. Sattamiyaṃ amussaṃ amussā amuyāṃ amuyā, amūsu.

Napuṃsake –

### 202. Amussā+dum

Aṃsisu saha tehi amussa aduṃ hoti vā napuṃsake. Aduṃ, silopo, amuṃ. ‘‘Jhalā vā’’ti vāniādesse amūni amū. Aduṃ amuṃ, amūni amū. Amunā iccādi pullīngasamaṃ.

“Sakatte”ti kapaccaye –

### 130. Ke vā

Amu eva amukoti sakatthe kapaccaye taddhitavuttittā “ekatthatāyaṃ”ti silope ca kate “nimittābhāve nemittikassābhāvo”ti ñāyā nimittabhūtaṃ sissā+bhāve nemittikassa “massā+mussā”ti kattabbassa sakārassa nivuttīti ‘ke vā’ti vikappena massa sakārattha+mida+māraddhaṃ. Amussa massa ke sa hoti vā. Asuko amukā, asukā amukā. Asukaṃ amukaṃ iccādi.

Kim si.

### 198. Kissa ko sabbāsu

Sabbāsu vibhattīsu kissa ko hoti. Sisso, ko, ke. Kaṃ, ke. Kena, kehi kebhi.

### 199. Ki sasmimsu vā nitthiyaṃ

Anitthiyaṃ kissa ki vā hoti sasmimsu. Kissa kassa, kesaṃ kesānaṃ. Kamhā kasmā. Kimhi kismiṃ kamhi kismiṃ, kesu.

Itthiyaṃ vibhattīsu paresu kādesa kate akārantattā majjhe āpaccayakaraṇa+maviruddhanti ā, kā, kāyo. Kaṃ, kā kāyo iccādi sabbāva.

Napumsake –

### 200. Ki+mamsisu saha napumsake

Amsisu saha tehi kim saddassa kimhoti napumsake. Kādesassa sāmāññattā “visevavihitā vidhaya sāmāññavidhaya nisedhenti”ti ñāyā kimādesena kādesanivutti. Kim, kāni. Kim, ke kāni. Kene+ccādi pubbeva.

Ekasaddo saṃkhyā+tulya+ñña+sahāyavacano. Yadā saṃkhyāvacano, tadā ekavacananto, atra ekasaddo saṃkhyeyavāpī. Aññatra tulyādīsu bahuvacanantopi. Eko, eke. Ekā, ekā ekāyo. Ekaṃ, ekāni+ccādi sabbasamaṃ tilīnge.

Tulye eko vilāso dvinnāṃ kumārānaṃ, eke vaṇṇasaddā dvinnāṃ kumārānaṃ. Aññatthe eko ācariyo eva+māha, eke ācariyā eva+māhaṃsu. Asahāyate ekova araññaṃ pavisitvā.

Eko, eke. Ekā, ekā ekāyo. Ekaṃ ekāni+ccādi sabbasamaṃ tilīnge. Ssā+ssamsu pana “ssa”mādinā i, ekissā ekāya, ekissaṃ ekāyaṃ ekāya.

Idha attaparagāravavasena ekassāpi “amhākaṃ rañño”tipi “eke ācariyā”tipi bahuvacanassa lokena icchitattā bahulavidhānā bahuvacaneneva sijjhati.

Tumha+amhasaddā aliṅgā, tathā ubha+kati+dvisaddā, pañcādayo aṭṭhārasantā ca. Tumha si, amha si.

### 212. Tumhassa tuvaṃtva+mamhi ca

Amhi simhi ca tumhassa savibhattissa tuvaṃ+tvaṃ honti. Tuvaṃ tvaṃ.

### 211. Simha+haṃ

Simhi amhassa savibhattissa ahaṃ hoti. Ahaṃ, yevasve+ṭa, tu mhe.

### 2,209. Maya+masmā+mhassa

Yosva+mhassa savibhattissa maya+masmā vā honti yathākkamaṃ. Mayaṃ amhe.

### 227. Aṃmhi taṃ+maṃ+tavaṃ+mamaṃ

Aṃmhi tumhaamhasaddānaṃ savibhattīnaṃ taṃ+maṃ+tavaṃ+mamaṃ honti yathākkamaṃ. Taṃ, maṃ, tavaṃ, mamaṃ.

### 231. Dutiya yomhi vā

Tumhaamhasaddānaṃ savibhattīnaṃ paccekaṃ ṇaṃ+nākaṃ vā honti yomhi dutiye, tumhaṃ tumhākaṃ tumhe, amhaṃ amhākaṃ amhe.

### 228. Nāsmāsu tayā+mayā

Nāsmāsu tumhaamhasaddānaṃ savibhattīnaṃ tayā+mayā honti yathākkamaṃ. ‘‘Nāsmāsū’’ti bahuvacanesupi vibhattikkama+manapekkhitvā saddakkamena paccekaṃ dve dve honti.

### 213. Tayātayīnaṃ tva vā tassa

Tumhassa tayātayīnaṃ takārassa tva hoti vā. Tvayā tayā, mayā. Tumhehi tumhebhi, amhehi amhebhi.

### 229. Tava+mama+tuyhaṃ+mayhaṃ se

Se tumhaamhasaddānaṃ savibhattīnaṃ ete ādesā honti yathākkamaṃ. Tava tuyhaṃ, mama mayhaṃ.

### 211. Naṃsesva+smākaṃ+mamaṃ.

Naṃsesva+mhassa savibhattissa asmākaṃ+mamaṃ honti yathākkamaṃ. Mamaṃ.

### 230. Ṇaṃ+nākaṃ naṃmhi

Naṃmhi tumhaamhasaddānaṃ savitattīnaṃ ṇaṃ+nākaṃ honti paccekaṃ. Tumhaṃ tumhākaṃ amhaṃ amhākaṃ asmākaṃ. Kaccāyane ekavacanassa aṃvidhānatthaṃ sutta+māraddhaṃ, ettha pana attagāravavasena aṃmhi tumhaṃ amhaṃbhi sijnhanti bahulādhikārā.

### 214. Smāmhi tvamhā

Smāmhi tumhassa savitattissa tvamhā hoti vā. Tvamhā tvayā tayā, mayā.

### 226. Smimhi tumhamhānaṃ tayi+mayi

Smimhi tumhaamhasaddānaṃsavibhattīnaṃ tayi+mayi hoti yathākkamaṃ. Tvayi tayi, mayi. Tumhesu.

### 203. Sumhā+mhassā+smā

Amhassa asmā hoti vā sumhi. Asmāsu amhesu. Sabbādayo vutta+mapekkhantā vakkhamānaṃ vāti ida+mesaṃ lakkhaṇaṃ.

### 232. Apādādo padate+kavākyeti

Adhikāro. Ettha pādo nāma gāthāya catutthaṃso, tasmā ‘‘tumhehi puññaṃ pasutaṃ anappakaṃ’’ti ettha vo na hoti. Ettha padanti vutta saddo sabhāvato –

Ākāsavāyupubbhavo sarīrā,  
Samuccaraṃ vatta+mupeti nādo;  
Ṭhānantare suppaṭihaññaṃāno,  
Vaṇṇatta+māgacchati so tu saddoti –

Vuttattā ekeko vaṇṇo saddo nāma, tabbaṇṇasamūho padaṃ, tappadasamūho vākyañca. Tathā hi

Vitatyantaṃ padaṃ tassa, ca yo vākyanti manvayaṃ;  
Upacārā vaṇṇasadda-vāccam taṃ na pariccaje.

Taṃ padañca –

Padam catubbidham vuttam, nāmā+khyāto+pasaggajam;  
Nipātañca taññū hi, asso khalvā+bhidhāvātī.

Taṃ vākyañca –

Ekākhyāto padaccayo, siyā vākyaṃ sakārakoti –

Vuttam. Tasmā ‘‘vibhatyantaṃ padaṃ, padasamūho vākya’’nti ca vuccati.

### 233. Yonamhisva+pañcamyā vo+no

Apañcamiyāyonamhisva+pādādo vattamānānaṃ padasmā paresa+mekavākye ṭhitānaṃ tumhaamhasaddānaṃ savibhattīnaṃ vo+no honti vā yathākkamaṃ. Gāmaṃ vo gaccheyyātha, gāmaṃ tumhe gaccheyyātha. Gāmaṃ no gaccheyyāma, gāmaṃ amhe gaccheyyāma. Pahāya vo gamissāmi, mā no vikantiṃsu. Dīyate vo, dīyate tumhaṃ. Dīyate no, dīyate amhaṃ. Tuṭṭho+smi vo pakatiyā, tuṭṭho+smi tumhaṃ. Satthā no bhagavā, eso amhākaṃ satthā. Kataṃ vo, kataṃ tumhehi. Kataṃ no, kataṃ amhehi.

### 234. Te+me nāse

Nāmhi se ca apādādo vattamānānaṃ dasmā paresa+mekavākye ṭhitānaṃ tumhaamhasaddānaṃ savibhattīnaṃ te+me vā honti yathākkamaṃ. Kataṃ te, kataṃ tayā. Kataṃ me, kataṃ mayā. Dīyate te, dīyate tava. Dīyate me, dīyate mama. Dhanaṃ te, dhanaṃ tava. Dhanaṃ me, dhanaṃ mama.

### 237. Na ca+vā+hā+he+vayoge

Cādīhi yoge tumhaamhasaddānaṃ vo+no, te+me na honti. Gacchāma tumhe ca mayañca, passati tumhe ca amhe ca, kataṃ tumhehi ca amhehi ca, dīyate tumhañca amhañca, dhanaṃ tumhañca amhañca, kataṃ tayā ca mayā ca, dīyate tava ca mama ca, dhanaṃ tava ca mama ca. Evaṃ vādiyogepi.

### 235. Anvādesa

Kathitānukathitavisaye tumhaamhasaddānaṃ ādesā niccaṃ honti punabbidhānā. Gāmo tumhaṃ pariggaho, atho janapado vo pariggaho. Anvādesa atho athoti vāradvayābhāvā niccanti vuttam. Athosaddo kathitasseva puna kathanato anvādesajotako.

### 236. Sapubbā paṭhamantā vā

Vijjamānapubbasmā paṭhamantā paresaṃ tumhāmhānaṃ ādesā vā honti anvādesa. Gāme paṭo tumhākaṃ atho nagare kambalo vo atho nagare kambalo tumhākaṃ, athoti anukathanavāradvayattā vikappo sapubbāti kiṃ, paṭo tumhākaṃ, atho kambalo vo. Paṭhamantāti kiṃ, paṭo nagare tumhākaṃ, atho kambalo gāme vo.

### 238. Dassanatthe+nālocane

Dassanatthe ālovacanavajjite payujjamāne tumhaamhāna+mādesā na honti. Gāmo tumhe uddissa āgato, gāmo amhe uddissa āgato. Anālocaneti kiṃ, gāmo vo āloceti, gāmo no āloceti.

### 239. Āmantaṇaṃ pubba+masantaṃva

Āmantaṇaṃ pubba+vijjamānaṃ viya hoti tumhāmhāna+mādesavisaye. Devadatta tava pariggaho. Āmantaṇanti kiṃ, kambalo te pariggaho.

### 240. Na sāmāññavacana+mekatthe

Samānādhikaraṇe parato sāmāññavacana+māmantaṇaṃ ekatthe asantaṃ viya na hoti māṇavaka jaṭilaka te pariggaho. Parāmanthaṇe asatīpi pubba+mupādāya ādeso.

### 241. Bahūsu vā

Bahūsu vattamāna+māmantaṇaṃ sāmāññavacana+mekatthe asantaṃ viya vā na hoti. “Siddhe satyārambho nīyamāya vā vikappāyavā”ti vuttattā vikappattha+midam. Brāhmaṇā guṇavanto tumhākaṃ pariggaho, brāhmaṇā guṇavanto vo pariggaho.

Ubha+katisaddā bahuvacanantā. “Ubha+gohi ṭo”ti yonaṃ ṭo, ubho. Kathaṃ “ubhayo vasemase”ti, ṭomhi yakārāgamo. Ubho.

### 59. Suhisu+bhasso

Ubhassa suhisvo hoti. Ubhohi ubhobhi.

### 50. Ubhi+nnam

Ubhā naṃvacanassa innam hoti. Ubhinnaṃ, ubhosu.

### 168. Ṭi katimhā

Katimhā yonaṃ ṭi hoti. Kati, kati. Jhato yolopapasange dīghanivattanatthaṃ ṭiādeso. Katīhi katībhi. “Bahukatinnaṃ”ti nuka, katinnaṃ, katīsu.

### 1,54. Vicchā+bhikkhaññesu dve

Vicchāya+mābhikkhaññe ca dve rūpāni honti. Kriyā+guṇa+dabbehi byāpetu+micchā vicchā. Rukkhaṃ rukkhaṃ siṅcanti, gāmo gāmo ramaṇīyo, gāme gāme pānīyaṃ. Ābhikkhaññaṃ=ponopuññaṃ, pacati pacati, papacati papacati.

### 1,55. Syādilopo pubbasse+kassa

Vicchāya+mekassa dvitte pubbassa syādilopo hoti. Ekassa ekassāti dvitte ekekassa. Kathaṃ “matthakamatthakenā”ti, “syādilopo pubbassā”ti yogavibhāgā, yogavibhāgā ca iṭṭhapasiddhīti.



### 1,56. Sabbādīnaṃ vītiḥāre

Sabbādīnaṃ vītiḥāre dve bhavanti. Pabbassa syādilopo ca, aññassa aññassa bhojakā aññamaññassa bhojakā, evaṃ itarītārassa.

### 1,57. Yāvabodhaṃ sambhame

Turitenā+pāyahetupadassanaṃ sambhama, tasmim̐ sati vattu yāvantehi saddehi so+ttho viññāyate, tāvanto payujjante. Sappo sappo sappo, bujjhassu bujjhassu bujjhassu, bhinno bhikkhusaṅgho, bhinno bhikkhusaṅgho.

Bhaye kodhe pasaṃsāyaṃ, turite kotūhala+cchare;  
Hāse soke pasāde ca, kare āmeditaṃ budho.

### Saṅkhyākāṇḍa

Atha saṅkhyāsaddā vuccante. Ekādayo aṭṭhārasantā saṅkhyeyyavacanā. Vīsatiādayo “bhikkhūnaṃ vīsati”tiādīsu saṅkhyāvacanā, “vīsati bhikkhavo”tiādīsu saṅkhyeyyavacanā. Ekasaddo sabbādīsu vuttova. Dvādayo aṭṭhārasantā bahuvacananthāva.

### 219. Yomhi dvinnaṃ duve+dve

Yomhi dvissa savibhattissa duve+dve honti paccekaṃ. Duve dve, duve dve, dvīhi dvībhi.

### 220. Duvinnaṃ naṃmhi vā

Naṃmhi dvissa savibhattissa duvinnaṃ hoti vā. Duvinnaṃ, aññatra –

### 47. Naṃmhi nuka dvādīnaṃ sattarasannaṃ

Dvādīnaṃ sattarasannaṃ saṅkhyānaṃ nuka hoti naṃmhi vibhattimhi. Ukāro uccāraṇattho, kakāro antāvayavattho. Ettha nāgamo vibhattissa ādyāvayavo ce, “āgamā tagguṇībhūtā taggahaṇena gayhante”ti ñāyā nāgamopi taṃgahaṇena gayhatīti “sunamhisū”ti dīghappasaṅge pakatiyā antāvayavabhūte sarantatā natthīti na dīgho. Dvinnaṃ, dvīsu.

### 207. Pume tayo+cattāro

Yomhi savibhattīnaṃ ti+catunnaṃ tayo+cattāro honti yathākkamaṃ pulliṅge. Tayo, tayo, tīhi tībhi.

### 49. Ṇṇaṃ+ṇṇannaṃ tito jhā

Jhasaññito tito naṃvacanassa ṇṇaṃ+ṇṇannaṃ honti. Tiṇṇaṃ tiṇṇannaṃ, tīsu.

Itthiyaṃ –

### 205. Tisso catasso yomhi savibhattīnaṃ

Vibhattisahitānaṃ ticatunnaṃ yomhi tisso+catasso honti itthiyaṃ yathākkamaṃ. Tisso, tisso, tīhi tībhi.

### 204. Naṃmhi ticatunna+mitthiyaṃ tissa+catassā

Naṃmhi ticatunnaṃ tissa+catassā honti+tthiyaṃ yathākkamaṃ. Naṃmhīti catutthīchaṭṭhīnaṃ

sāmaññavacanam, no ce naṃsūti vadati, yathākkamaṃti saddadvayāpekkham.  
Eva+mīdisa+maññampi. Tissannaṃ tīsu.

### 206. Tīṇi+cattāri napuṃsake

Yomhi savibhattīnaṃ ticatunnaṃ yathākkamaṃ tīṇi+cattāri honti napuṃsake. Tīṇi, tīṇi, tīhi  
iccādi pulliṅgeva.

Catu yo,

### 208. Caturo vā catussa

Catussa savibhattissa yomhi caturo hoti vā pulliṅge. Caturo cattāro. Kathaṃ “caturo nimitte  
nāddasāsi”nti, liṅgavipallāseṇa siddham, cattāri nimittānīti attho. Vipallāso tividho liṅgavipallāso  
vacanavipallāso vibhattivipallāsoti. Catūhi catūbhi. Catunnaṃ, catūsu.

Itthiyaṃ catasso. Catasso. Catūhi catūbhi. Catassannaṃ. Catassannaṃ. Catūsu.

Napuṃsake cattāri. Cattāri. Catūhi catūbhi. Iccādi pumeva.

### 169. Ṭa pañcādīhi cuddasahi

“Sutte liṅgavacanamatta”nti ñāyā ṭa-iti vuttaṃ. Pañcādīhi cuddasahi saṅkhyāhi yonaṃ ṭa hoti.  
Pañca. Pañca. Yonaṃ ṭa+ṭenivatthanattham ṭa-vidhānaṃ.

### 90. Pañcādīnaṃ cuddasanna+ma

Pañcādīnaṃ cuddasannaṃ sunaṃhisva hoti. Etta+dīghāpavādo+yam. Apavādati bādhetīti  
apavādo. Tasmā “pakapyāpavādavisayamussaggā abhinivisante”ti ñāyā “suhisva+sse”  
“sunaṃhisu”ti ca ussaggā “pañcādīnaṃ cuddasanna+ma” iti apavādavisayaṃ na pavisanti,  
sāmaññatā. Eva+muparipi “pañcamiyaṃ parassa” “ādissā”ti. Pañcahi pañcabhi pañcannaṃ.  
Pañcannaṃ. Pañcasu. Evaṃ chādayo aṭṭhārasantā.

“Catthe”ti eko ca dasa cāti cattasamāse “amādī”ti ekena adhikā dasāti tatiyāsamāse vā kate  
“ekatthatāya”nti vibhattilopo. Eva+mupari ca.

### 3,102. Ekaṭṭhāna+mā

Ekaṭṭhānaṃ ā hoti dase pare.

### 3,103. Ra saṃkhyāto vā

Saṃkhyāto parassa dasassa ra hoti vibhāsā. Sa ca “pañcamiyaṃ parassā”ti vattamāne  
“ādissā”ti dakārasseva hoti. Ekārasa ekādasa. Ekārasahi ekādasa. Ekārasannaṃ ekādasaṃ.  
Ekārasasu ekādasa. Eva+mekādasaiccadīpi.

### 3,94. Ā saṃkhyāyā satādo nāññatthe

Saṃkhyāyā+muttarapade dvissā hoti asatādo nāññatthe.

Āviṭṭhalingattā saṃkhyāyāṃ uttarapade salīṅgeneva visesaṃ bhavati.

Suddham missaṇca saṃkiṇṇam, upasajjanameva ca;  
Āviṭṭha+matha vā+byattaṃ, chadhā liṅgaṃ vivaṃyate.

Ettha yathākkamaṃ rukkho latā paṇṇaṃti suddhaṃ. Ghaṭo ghaṭī, vajīro vajiraṃ, vedanā vedanaṃti missaṃ. Taṭo taṭī taṭaṃti saṃkiṇṇaṃ. Sukko paṭo, sukkā paṭī, sukkaṃ vatthaṃti upasajjanaṃ. Rājā saraṇaṃ, guṇo paṃaṇaṃti āviṭṭhaṃ. Tuvaṃ ahaṃ kati pañcāti abyattaṃ. Iti līngaṃ vedītabbaṃ. Dvādaśa.

### 3,98. Bā cattālīsā do

Dvissa bā vā hoti cattālīsā do nāññatthe. Rāde se bārasa.

### 3,95. Tisse

Samkhyāya+muttarapade tissa e hota+satādo nā+ññatthe.

### 3,104. Chatīhi ḷo ca

Chatīhi parassa dasassa ḷo hoti ro ca. Teḷasa terasa.

### 3,100. Catussa cuco dase

Catussa cu+co honti vā dase pare. Dvitte cuddasa coddasa catuddasa.

### 3,99. Vīsaticasesu pañcassa paṇṇa+pannā

Vīsati sesu paresu pañcassa paṇṇa+pannā honti yathākkamaṃ. Pannarasa pañcadasa.

### 3,101. Chassa so

Chassa so-icca+ya+mādeso hoti se pare. Soḷasa sorasa. Sattarasa sattadasa. “Ekaṭṭhāna+mā”ti ā, aṭṭhārasa aṭṭhādasā.

Ūnā ca sā vīsati cāti “vīsesana+mekatthene”ti vīsesanasamāse “itthiyaṃ bhāsitaṃti+tthī pume+vekatthe”ti pumatte ca kate ekena ūnā vīsati tatiyāsamāse ekūnavīsati.

Vīsatiādayo ānavutiyā itthilīnge+kavacanā. Bho ekūnavīsati. Ekūnavīsatiṃ. Ekūnavīsatiyā ekūnavīsatiyā. Ekūnavīsatiyaṃ ekūnavīsatiyaṃ ekūnavīsatiyā ekūnavīsatiyā. Matisamaṃ.

Evaṃ vīsati, ekavīsati, dvāvīsati bāvīsati, tevīsati catuvīsatiṃpabbhutayo. Paṇṇādesa paṇṇavīsati pañcavīsati. Evaṃ chabbīsati, sattavīsati, aṭṭhavīsati.

Ekena ūnā tiṃsati tiṃsā vāti ekūnatīṃsati ekūnatīṃsā vā. Karaṇe ekūnatīṃsāya. Ekūnatīṃsāya, ekūnatīṃsāya, ekūnatīṃsāya, ekūnatīṃsāyaṃ. Evaṃ tiṃsatiṃtiṃsāvabhutayo. Tiṃsāsaddassa pana silope “dīghasso”ti yogavibhāgā rasso, tiṃsa. Niggahītāgamo, tiṃsaṃ. Bhotiṃse+ccādi pumeva.

Cattālīsādīsipi yathāsambhavaṃ evameva. Dvitte ekattīṃsati ekattīṃsā. Rassadvitte dvattīṃsati dvattīṃsa. Evaṃ tettīṃsati tettīṃsādayo yāva ekūnacattālīsati ekūnacattālīsā. Cattālīsāya simhi cattārīsā cattālīsā cattālīsāṃ, bho cattālīse+ccādi hoti. Evaṃ ekacattārīsā.

### 3,97. Dvīssā ca

Asatādo nāññatthe cattālīsādo dvissa e vā hoti ā ca. Dvecattālīsā dvecattālīsā dvecattālīsāṃ, evaṃ dvācattālīsā-iccādi. Dvecattārīsā dvecattārīsā dvecattārīsāṃ, evaṃ dvācattārīsā dvācattārīsā iccādi. Cattālīsati ekacattālīsati dvecattālīsati dvācattālīsati iccādi ekūnavīsatisamaṃ.

### 3,98. Cattālīsādo vā

Asatādo nāññatthe cattālīsādo tisse hoti vā. Tecattālīsā tecattālīsa tecattālīsaṃ. Bho tecattālīse iccādi hoti. Evaṃ ticattālīsā tecattārīsā ticattārīsā iccādi, tecattālīsati ticattālīsati iccādi pubbeva.

Evaṃ catucattālīsā pañcacattālīsā catucattālīsati pañcacattālīsati iccādi yāva ekūnapaññāsā.

Paññāsā paññāsa paññāsaṃ iccādi hoti. Evaṃ dvepaññāsā dvāpaññāsā dvipaññāsā dvepaññāsā dvāpaññāsā dvipaññāsā. Tēpaññāsā tipaññāsā tipaññāsāṃ tēpaññāsā tipaññāsā. Catupaññāsā pañcapaññāsā iccādi yāva ekūnasatṭhi.

Evaṃ satṭhi, ekasatṭhi, dvesatṭhi dvāsatṭhi dvisatṭhi, tesatṭhi tisatṭhi, catusatṭhi pañcasatṭhi iccādi yāva ekūnasattati.

Sattati, ekasattati, dvesattati dvāsattati dvisattati, tesattati tisattati. Dvesattari dvāsattari dvisattari, catusattati, pañcasattati, catusattari, pañcasattarīti yāva ekūnāsīti.

Asīti, ekāsīti, dvāsīti, yāgame diviyāsīti, teasīti tiyāsīti, caturāsīti, pañcāsīti iccādi yāva ekūnanavuti.

Navuti, ekanavuti, dvenavuti dvānavuti dvinavuti, tenavuti tinavuti, catunavuti, pañcanavuti iccādi yāva ekūnasataṃ, etaṃ napuṃsakalinga+mekavacanantaṃ.

Sataṃ, bho sata satā, sataṃ, sataṃ. Satena, karaṇe satena. Satassa, satā satamhā satasmā, satassa, sate satamhi satasmim. Evaṃ ekasatato pabhuti yāva sahasaṃ.

Koṭi pakoṭi koṭippakoṭi akkhobhiṇiyo itthilinge+kavacananā. Vaggabhede tu sabbāsampi saṃkhyānaṃ bahuvacanopi hoteva “dvevīsatiyo jinadantā” “tisso vīsatiyo dinaghaṭikā” iccādi.

Dasadasakaṃ sataṃ nāma, dasasataṃ sahasaṃ nāma, dasasahasāṃ nahutaṃ, dasanahutaṃ lakkhaṃ, satasahasantipi vuccati.

Lakkhasataṃ koṭi, koṭilakkhasataṃ pakoṭi, pakoṭilakkhasataṃ koṭippakoṭi, evaṃ nahutaṃ, ninnahutaṃ, akkhobhiṇī, bindu, abbudaṃ, nirabbudaṃ, ahahaṃ, ababaṃ, aṭaṭaṃ, sogandikaṃ, uppalaṃ, kumudaṃ, puṇḍarīkaṃ, padumaṃ, kathānaṃ, mahākathānaṃ, asaṅkhyeyyanti yathākkamaṃ satalakkhaguṇaṃ veditabbaṃ.

Icevaṃ ṭhānato ṭhānaṃ, satalakkhaguṇaṃ matam;  
Koṭippabhutiṇaṃ vīsa-saṅkhyānaṃca yathākkamanti.

Athā+saṃkhyā vuccate, abyayanti ca vuccate. Taṃ pādi cādi, upasagganipātāti ca duvidhaṃ.

Pa parā apa saṃ anu ava o ni du vi adhi api ati su u abhi pati pari upa ā ime vīsati pādayo. Pādayo hi jotakā, na vācakā.

Tattha pa-saddo pakārā+dikamma, padhāna+ntobhāva, viyoga, tappara, bhusattha, sambhava, titti, anāvila, patthanādīsu. Yathā pakāre-paññā. Ādikamme-vippakataṃ, padhāne-pañitaṃ, antobhāve-pakkhittaṃ, khittanti peranaṃ, pakkhittanti antokaraṇaṃ, dhātvatthassa bādhitattā. Vutthañhi –

Dhātvatthaṃ bādhathe koci, koci taṃ anuvattate;  
Tameva+ñño viseseti, upasaggatī tidhāti.

Ettha ca “anuruddhakā me saṅgāmayuddhe”ti ca ime upasaggā dhātvatthaṃ visesenti nāma. Viyoge-pavāsī, tappare-pācariyo, bhusatthe-pavuddhakāyo, sambhave-himavantā gaṅgā pabhavati, tittiyaṃ-pahūta+mannaṃ, anāvile-pasanna+mudakaṃ, patthane-pañihitaṃ.

Parāiti parihāni, parājaya, gati, vikkamā+masanādīsu. Yathā parihāniyaṃ-parābhavo. Parājaye-parājīto, gatiyaṃ-parāyanaṃ, vikkame-parakkamati, āmasane-aṅgassa parāmasanaṃ.

Apaiti apagata, garaha, vajjana, pūjā, padussanādīsu. Yathā apagate-apamāno apeto, garahe-apagabbho, vajjane-apasālāya āyanti vāñijā, pūjāyaṃ-vuddhāpacāyī, padussane-aparajjhanti.

Samīti samodhāna, sammāsama, samantabhāva, saṃgata, saṃkhepa, bhusattha, saha+ppattha, pabhavā+bhimukhabhāva, vidhāna, punappuna, karaṇa, samiddhādīsu. Yathā samodhāne-sandhi, sammāsama-samādhi, sampayutto, samantabhāve-saṃkiṇṇaṃ, samullapanā, saṃgate-saṅgamo, saṃkhepe-samāso, bhusatthe-sārattho, sahatthe-saṃvāso, appatthe-samaggho, pabhavē-sambhavo, abhimukhabhāve-sammukhaṃ. Saṃgate-saṃgaṇhāti, vidhāne-saṃvutaṃ, punappunakarāṇe-sandhāvati, samiddhiyaṃ-sampanno.

Anuīti anugatā+nupacchinna, pacchāttha, bhusattha, sādissa, hīna, tatiyattha, lakkhaṇi+ttambhūtakkhāna, bhāga, vicchādīsu. Anugate-anveti, anupacchinne-anusayo, pacchātthe-anurathaṃ, bhusatthe-anuratto, sādissa-anurūpaṃ, hīne-anusāriputtaṃ paññavanto, tatiyatthe-nadi+manvavasitā senā, lakkhaṇerukkha+manuvijjotate vijju, itthambhūtakhyāne-sādhu devadatto mātara+manu, bhāge-ya+dettha maṃ anu siyā, taṃ dīyatu, vicchāyaṃ-rukkhaṃ rukkhaṃ anu vijjotate cando.

Avaiti adhobhāga, viyoga, paribhava, jānana, [suddhi] nicchaya, desa, theyyādīsu. Adhobhāge-avakkhittacakkhu, viyoge-avakokilaṃ vanaṃ, paribhave-avajānanaṃ, avamaññati, jānane-avagacchati. [suddhiyaṃ-vodānaṃ (rūpasiddhi)], Nicchaye-avadhāraṇaṃ, dese-avakāso, theyye-avahāro.

Oiti oroharaṇa, nīharaṇa, suddhiādīsu dissati. Orohaṇe-pāsādā orohati, nīharaṇe-omukkupāhano, suddhiyaṃ-odātaṃ.

Niīti, nissesa, niggata, nīharaṇa,+ntopavesanā+bhāva, nisedhana, nikkhanta, pātubhāvā+vadhāraṇa, vibhajana, upamu+padhāraṇā+vasāna, cheka, nīharaṇā+varaṇādīsu. Nissese-nirutti, niggate-nikkilesa, niyyāti, nīharaṇe-niddhāraṇaṃ, antopavesane-nikhāto, abhāve-nimmakkhikaṃ, nisedhe-nivāreti, nikkhante-nibbānaṃ, pātubhāve-nimmitaṃ, avadhāraṇe-nicchayo, vibhajane-niddeso. Upamāyaṃ-nidassanaṃ, upadhāraṇe-nisāmanaṃ, avasāne-niṭṭhitaṃ, cheke-nipuṇo, nīharaṇe-nīharati, issa dīgho. Āvaraṇe-nīvaraṇaṃ.

Duīti asobhaṇā+bhāva, kucchitā+samiddhi, kiccha, virūpatādīsu. Asobhaṇe-duggandho, abhāve-dubbhikkhaṃ, kucchite – dukkaṭaṃ. Asamiddhiyaṃ-dussassaṃ, kicche-dukkaṃ, virūpatāyaṃ-dubbaṇṇo dummukho.

Viīti visesa, vividha, viruddha, vigata, viyoga, virūpatādīsu. Visese-vimutti, visiṭṭho, vividhe-vimati, viruddhe-vivādo, vigate-vimalaṃ, viyoge-vippayutto, virūpatāyaṃ-virūpo.

Adhiīti adhiki+ssarū+paribhāvā+dhibhavana+jjhāyā+dhiṭṭhāna, nicchaya, pāpuṇanādīsu. Adhike-adhisīlaṃ, issare-adhipati, adhi brahmadatte pañcālā, uparibhāve-adhirohati, pathaviṃ adhisessati, adhibhavane-adhibhavati, ajjhāyane-byākaraṇa+madhīte, adhiṭṭhāne-bhūmikampādiṃ adhiṭṭhāti, nicchaye-adhimokkha, pāpuṇane-bhogakkhandhaṃ adhigacchati.

Apiīti sambhāvanā+pekkhā, samuccaya, garaha, pañhādīsu. Sambhāvanāyaṃ-api dibbesu kāmesu, merumpi vinivijjhitaṃ gaccheyya, apekkhāyaṃ-ayampi dhammo aniyato, samuccaye-itipi arahaṃ, antampi antaṅgaṃ api ādāya, garahe-api amhākaṃ paṇḍitaka, pañhe-api bhante bhikkhaṃ labhittha.

Atiīti atikkamanā+tikkantā+tisaya, bhusatthādīsu. Atikkame-atirocati amhehi, atīto, atikkante-accantaṃ, atisaye-atikusalo, bhusatthe-atikodho, ativuddhi.

Suiti sobhaṇa, suṭṭhu, sammā, samiddhi, sukhatthādīsu. Sobhaṇe-sugandho, suṭṭhu+sammādatthesu-suṭṭhu gato sugato, sammā gatotipi sugato, samiddhiyaṃ-subhikkhaṃ, sukhatthe-sukaro.

Uti uggatu+ddhakamma, padhāna, viyoga, sambhava, attalābha, satti, sarūpakathanādīsu. Uggate-uggacchati, uddhakamme-āsanā uṭṭhito, ukkhepo, padhāne-uttamo, lokuttaro, viyoge-ubbhāsito, sambhave-ubbhuto, attalābhe-uppannaṃ ñāṇaṃ, sattiyaṃ-ussahati gantumaṃ, sarūpakathane-uddisati suttaṃ.

Abhiiti abhimukhabhāva, viṣiṭṭhā+dhiku+ddhakamma, kula, sāruppa, vandana, lakkhaṇi+tthambhūtakkhāna, vicchādīsu. Abhimukhabhāve-abhimukho, abhikkamati, viṣiṭṭhe-abhidhammo, adhike-abhivasati, uddhakamme-abhiruhati. Kule-abhijāto, sāruppe-abhirūpo, vandane-abhivādeti, lakkhaṇādīsu purimasamaṃ.

Patiiti paṭigata, paṭiloma, paṭinidhi, paṭidāna, nisedha, nivattana, sādissa, paṭikaraṇā+dāna, paṭibodha, paṭicca, lakkhaṇitthambhūtakkhāna, bhāga, vicchādīsu. Paṭigate-paccakkhaṃ, paṭilome-paṭisotaṃ, paṭinidhimhi-ācariyato pati siso, paṭidāne-telatthikassa ghatamaṃ paṭidadāti, nisedhe-paṭisedheti, nivattane-paṭikkamati, sādissa-paṭirūpakaṃ, paṭikaraṇe-paṭikāro, ādāne-paṭiggaṇhāti, paṭibodhe-paṭivedho, paṭicce-paccayo, lakkhaṇādīsu purimasamaṃ.

Pariiti samantatobhāva, pariccheda, vajjanā+liṅgana, nivasana, pūjā, bhojanā+vajānana, dosakkhāna, lakkhaṇādīsu. Samantha- tobhāve-parivuto, paricchede-pariññeyyaṃ, vajjane-pariharati, āliṅgane-parissajati, nivasane-yo vatthamaṃ paridahessati, pūjāyaṃ-paricariyā, bhojane-bhikkhumaṃ parivisati, avajānane-paribhavati. Dosakkhāne-paribhāsati, lakkhaṇādīsu-rukkaṃ pari vijjotate vijju iccādi.

Upaiti upagamana, samīpū+papatti, sādissā+dhiku+paribhāvā+nasana, dosakkhāna, saññā, pubbakamma, pūjā, gayhākāra, bhusatthādīsu. Upagamane-nisinnaṃ vā upanisīdeyya, samīpe-upanagaraṃ, upapattiyamaṃ-saggaṃ lokaṃ upapajjati, atha vā upapatti=yutti, yathā upapattito ikkhatīti upekkhā, sādissa-upamaṇaṃ, upamā, adhike-upakhāriyamaṃ doṇo, uparibhāve-upasampanno, anasane-upavāso, dosakkhāne-paramaṃ upavadati, saññāyaṃ-upadhā, upasaggo, pubbakamme-upakkamo, upakāro, pūjāyaṃ-buddhupaṭṭhāko, mātupaṭṭhānaṃ, gayhākāre-soceyyapaccupaṭṭhānaṃ, bhusatthe-upādānaṃ, upāyāso, upanissayoti.

Āiti abhimukhabhāvu+ddhakamma+mariyādā+bhividhi, patti+cchā, parissajana, ādikamma, gahaṇa, nivāsana, samīpa, āvhānādīsu. Abhimukhabhāve-āgacchanti, uddhakamme-ārohati, mariyādāyaṃ-āpabbatā khettaṃ, bhividhimhi-ākumāraṃ yaso kaccāyanassa, pattiyaṃ-āpattiṃ āpanno, icchāyaṃ-ākaṅkhā, parissajane-āliṅganaṃ, ādikamme-ārambho, gahaṇe-ādīyati, āliṅgati, (ālimpati, rū), nivāse-āvasatho, āvāso, samīpe-āsannaṃ, āvhāne-āmanteti.

Pa parā+pa sa+manva+va, o ni du rabhi byā+dhisu;  
Ati ni ppati pari apayo, upa ā iti vīsati;  
Esa hi bho upasagga-vidhi+kkamato kathito.

Ettha ca –

Upasagga+nipātā ca, paccayā ca ime tayo;  
Neke+nekatthavācakā, iti neruttikā+bravumaṃ.

### 118. Asaṃkhyehi sabbāsaṃ

Avijjamānasamkhyehi parāsaṃ sabbāsaṃ vibhattīnaṃ lopo hoti. Na santi ekavacanādisamkhyā etesanti asaṃkhyā, tesamaṃ asaṃkhyānaṃ vibhattīnaṃ bhede asatipi syādividhānaṃ “mā no ajja vikantiṃsū” tiādo vibhatyantattā padattasiddhīti vo+noādīnaṃ siddhiyā ca tesamaṃ paṭhamādiatthe dassanato ca hoti. Pahāro parābhavo apahāro samhāro avahāro ohāro iccādi hoti.

Upecca+ttham sajantīti, upasaggā hi pādayo;  
Cādi padādimajjhante, nipātā nipatantīti.

Opasaggikapadam.

Samuccaya+vikappana+paṭisedha+pūraṇādiattham asattavācikaṃ nepātikaṃ.

Ca-iti samuccayā+nvācaya+itaretarayoga+samāhārā+vadhāraṇādīsu. Vā-iti vikappanu+pamāna+samuccaya+vavatthitavibhāsādīsu. Na, no, mā, a, alam, halam iccete paṭisedhe. “Dve paṭisedhā pakatiattham gamayanti”ti nāyā “na tesam pana rūpānam paccayā na ca honti”ti ettha na ca na honti-hontevāti pakatiattham gamayati. Alam pariyatti+bhūsanesu ca.

Pūraṇattham duvidham attapūraṇam padapūraṇaṇca, tattha atha, khalu, vata, atho, assu, yagghe, hi, carahi, nam, tam, ca, tu, vā, vo, pana, have, kīva, ha, tato, yathā, sudam, kho, ve, ham, enam, (evam, rū) seyyathidam iccevamādi padapūraṇe. Tattha atha-iti pañhā+nantariyā+dhikārādīsu ca. Khalu-iti paṭisedhā+vadhāraṇa, pasiddhīsu ca. Vata+iti ekaṃsa, khedā+nukampa, saṃkappesu ca. Atho-iti anvādesa ca. Hi-iti hetu, avadhāraṇesu ca. Tu-iti visesa, hetu, nivattanādīsu ca. Pana-iti visesepi. Have+ve iccete ekaṃsatthepi. Ham-visāda, vimhesupi. (Visāda, sambhavesu, rū). Seyyathidamti tam katamaṃti atthepi.

Atthapūraṇam duvidham vibhattiyuttam avibhattiyuttaṇca. Atthi, sakkā, labbhā iccete paṭhamāyaṃ. Āvuso ambho hambho are hare re je iccete āmantane. Divā bhīyyo (namo, rū) iccete paṭhamādutiyāsu. Sayam sāmam sam sammā kinti iccete tatiyatthe. So+to+dhāpaccayantā ca suttaso padaso aniccato dukkhato ekadhā dvidhā iccādi. Tave+tuṃ paccayantā catutthiyāva, kātave dātave, kātuṃ kāretuṃ, (dātuṃ, rū) dāpetuṃ iccādi. So+topaccayantā pañcamiyatthe, dīghaso oraso rājato vā corato vā iccādi. To satta- myatthepi tra+tthādipaccayantā ca, ekato purato pacchato passato piṭṭhito pādato sīsato aggato mūlato, yatra yattha yahim tatra tattha tahim iccādi. Samantā sāmantā parito abhito samantato ekajjham ekamantaṃ heṭṭhā upari uddham adho tiriyaṃ sammukhā paramukhā āvi raho tiro uccaṃ nīcaṃ anto antarā antaram ajjhataṃ bahiddhā bāhirā bāhiram bahi oram pāram ārā ārakā pacchā pure huram pecca iccete sattamiyā. Sampati āyati ajja aparajjha suve sve uttarasuve (kisu, rū) hiyyo pare (parasuve, rū) sajju sāyaṃ pāto kālam kalam divā rattam niccam satatam abhinham abhikkhaṇam muham muhattam bhūtapubbam purā yadā tadā (kadā, rū) iccādayo kālasattamiyaṃ. Iti vibhattiyuttāni.

Avibhattiyuttesu appeva appevanāma nu iccete saṃsayatthe. Addhā aññadatthu taggha jātu kāmam sasakkaṃ iccete ekaṃsatthe. Evaṃ iti avadhāraṇe. Kacci nu nanu katham (kiṃsu, rū) kiṃ iccete pucchanatthe. Evaṃ iti ittham iccete nidassanatthe. Iti hetu+vākyaparisamattīsu ca. Yāva tāva yāvata tāvatā kittāvatā ettāvatā kīva iccete paricchadanatthe. Evaṃ sāhu lahu opāyikaṃ paṭirūpaṃ āma sādhu iccete sampaṭicchanatthe. Tathā yathā yattheva tatheva evam evameva evampi yathāpi seyyathāpi seyyathāpināma viya iva yathariva tathariva yathānāma tathānāma yathāhi tathāhi yathāca tathāca iccete paṭibhāgatthe. Yathāiti yoggatā+vicchā+padatthānativatti+nidassanesu ca. Evaṃiti upadesa+pañhādīsu ca. Kiñcāpiiti anuggahatthe. Dhiiti garahe. Ahoiti garaha+pasamsana+patthanesu. Nāmaiti garaha+pasamsana+saññā+pañhesu. Sādhūti pasamsana+yācanesu. Ingha handa iccete codanatthe. Sādhu suṭṭhu evametamti anumodane. Kiraiti anussavana+asaddheyyesu. Nunaiti anumānā+nussaraṇa+parivittakkesu. Kasmāti kāraṇapucchane. Yasmā tasmā tathā hi tena iccete kāraṇacchedanatthe. Saha saddhim amā (samam, rū) iti samakriyāyaṃ. Vinā rite vippayoge. Nānā puthu bahupakāre. Puthu visum asaṅghāte ca. Duṭṭhu ku kucchāyaṃ (jigucchāyaṃ, rū). Puna appaṭhame. Katham cicicchattthe. Dhā kkhattum so kiñcaiti saṃkhyāvibhāge. Isakam appamānesu (appamatte, rū). Saṅikam mandatthe. Khippam aram lahum āsu tuṇham aciram sīghatthe. Ciram cirassam dīghakāle. Ce yadi saṃkā+vatthāne. Dhuram thirā+vadhāraṇesu (dhuvam thirā+vadhāraṇesu, rū). Hā visāde. Tuṇhī abhāsane. Sacchi paccakkhe. Musā micchālikam asacce. Suvatthi āsiṭṭhe iccādi.

Tuna+ktvāna+ktvāpaccayantā ussukkanatthe bhavanti. Yathā passituna passiya passitvāna passitvā, disvā disvāna dassetvā dātuna datvāna datvā upādāya dāpetvā viññāya viceyya vineyya

samecca nihacca upecca ārabba āgamma iccādi.

Vibhattiyā kato bhedo, salingānaṃ bhava tathā;  
Tumhādīnaṃ tva+liṅgesu, neva+tthi pādi+cādīnaṃ.

Evam nāmākhyātopasaggehi vinimuttaṃ etaṃ nipātapadaṃ vedītabbaṃ.

Nepātikapadaṃ.

Pullīgaṃ itthilīgañca, napuṃsaka+mathā+paraṃ;  
Tilīgañca alīgañca, nāmikaṃ pañcadhā ṭhitaṃ.

Iti payogasiddhiyaṃ nāmakaṇḍo dutiyo.

### 3. Kārakakaṇḍa

Atha vibhattīna+matthabhedā vuccante.

Tattha ekampi atthaṃ kammādivasena ekattādivasena ca vibhajantīti vibhattiyo, syādayo. Tā pana paṭhamādibhedena sattavidhā. Tā yathā “paṭhamā+tthamatte”ti paṭhamāvibhatti hoti. Sissa okāra+lopa+a-mādesesu naro itthī napuṃsakaṃ.

Sakattha+dabba+liṅgāni, saṃkhyā+kammādipañcakaṃ;  
Nāmattho tassa sāmañña-matthamatthaṃ pavuccate.

So nāmattho ca –

Jāti kriyā guṇo dabbam, tathā nāmanti pañcadhā;  
Saddassa+ttho sa saddopi, pañcadhāva+tra bhijjate.

Kathaṃ jātisaddo guṇasaddotyādinā.

Bhinnesva+bhinnadhī+saddā, sabalādīsu yabbalā;  
Vattante jāti esā+ssa, mālā sutta+mivā+nvitā.

Adabbabhūtaṃ kattādi-kāraggāmasādhiyaṃ;  
Padatthaṃ kattukammaṭṭhaṃ, kriya+micchanti tabbidū.

Dabbassito tato bhinno, nimitto tappatītiyā;  
Vinassanasabhāvo ca, nigguṇova guṇo+ccate.

Ettha paṭo sukkoti vinassanasabhāvo ca casaddena vipulo ākāsoṭi avinassanasabhāvo ca attani viṣuṃ guṇarahito guṇo+ccate tyattho.

Yaṃ yaṃ visessate kiñci, taṃ taṃ dabba+miho+ccate;  
Jātyādinopya+to tādi, dabbattaṃ parikkappate.

Ettha gojāti assajātīti vutte jāti dabbam. Nīlo guṇoti ca guṇo dabbam. Pacanakriyāti ca gamanādikriyāto visesiyatīti kriyāva dabbam.

Nāmarūpena sadabbe, kvaci saññī kathīyate;  
Nāmanti taṃ yathā citto, saññā saddo tu taddhanī.



Nāmassa dabbattepi cittotyādi nāmeneva pasijjhati, no ghaṭa+paṭādayova dabbattena, tasmā nāma+miti saññī kathīyate, taṃvācakattā tabbatī cittādi saññāsaddoti nicchiyateyya+dhippāyo.

Ayaṃ pañcavidhopi attho saddattho ceva sāmattiyā gamyamānattho cāti dubbidho. Tathā hi “pīno divā na bhuñjeyya”miti bhuttinirākati saddattho. Rattibhutti tu sāmattiyā+vagamyate. Tene+taṃ vuccati –

Atthappatīyaṃ sadda-byāpāro tividho bhava;  
Mukhyo lakkhaṇa+byañjana-sabhāvo cāti ettha tu.

Mukhyo tu nirantaratthe, lakkhaṇo tu tirohite;  
Atthe+taro tu vākyassa, attheyeva pavattati.

“Mañce”ti nirantaratthe vattamāno mukhyo, “mañcā ugghosantī”ti tirohitatthe vattamāno lakkhaṇo, gāthādisakalavākyassa+tthe vattamāno byañjanasabhāvo.

Byāpārassa pabhedena, tidhā saddopi vācako;  
Lakkhaṇiko byañjakoti, tadatthopi tidhā mato.

Vacco lakkhaṇiko byaṅgyo, cevaṃ saddo suvācako;  
Vuttakamena jātyādi-bhedena pañcadhā bhaveti.

### 38. Āmantaṇe –

Ti āmantaṇādhike atthamatte paṭhamāvibhatti hoti. Bho nara, bho itthi, bho napuṃsaka.

Saddenā+bhimukhīkāro, vijjamānassa vatthuno;  
Āmantaṇaṃ vidhātābbe, natthi “rājā bhava”ti+daṃ.

Kriyā nimittaṃ kārakantu kamma, kattu, karaṇa, sampadāna, avadhi, ādhārabhedena chabbidhaṃ, taṃ yathā –

### 2,2. Kamme dutiyā

Karīyati kattukiriyāya sambandhīyatīti kammaṃ, tasmim kammakārake dutiyāvibhatti hoti. Taṃ tividhaṃ nibbatti, vikati, patti bhedena, tattha nibbattikamme mātā puttaṃ vijāyati, āhāro sukhaṃ janayati, kaṭaṃ karoti datto. Vikatiyaṃ kaṭṭha+maṅgāraṃ karoti, suvaṇṇaṃ kaṭakaṃ karoti, vīhāyo lunāti. Pattiyaṃ datto gharaṃ pavisati, ādiccaṃ passati, dhammaṃ suṇāti, paṇḍite payirupāsati.

Vuttañca –

Nibbatti+vikati+patti-bhedā kammaṃ tidhā mataṃ;  
Kattukriyābhigamantaṃ, sukha+maṅgāraṃ+gharaṃ yathāti.

Kaṭaṃ karoti vipulaṃ dassanīyanti attheva guṇayuttassa kammatā, vipulaṃ karoti, dassanīyaṃ karotīti kriyāya sambandhiyamānattā. Odano paccateti odanasaddato kammatā nappatīyate, kiñcarahi ākhyātato.

Icchitakammaṃ yathā-gāvum payo dohati, gomantaṃ gāvaṃ yācati, gāva+mava rundhati vajam, mānavakaṃ maggaṃ pucchati, gomantaṃ gāvaṃ bhikkhate, rukkha+mavacināti phalāni, rukkhatyatho. Sissaṃ dhammaṃ brūte. Ettha payo, gāvaṃ iccādi icchitaṃ, gāvum, gomanta+miccādi anicchitaṃ. Eva+manicchitepi kaṇṭakaṃ maddati, visaṃ gilati. Yaṃ nevi+cchitaṃ, nāpi anicchitaṃ, tatrāpi gāmaṃ gacchanto rukkhamūla+mupasappati.

Ādhāre adhisi+ṭhā+sānaṃ payoge ca, pathaviṃ adhisessati, gāma+madhitiṭṭhati, rukkha+majjhāsati. Ettha pathavinti pathaviyanti attho. Eva+mabhi, nipubbavisassāpi, dhamma+mabhinivisate, dhamme vā. Tathā upa, nva+jjhā+pubbavasatissa, gāma+mupavasati, gāma+manuvasati, vihāra+madhivasati, gāma+māvasati, agāraṃ ajjhavasati, ettha gāmaṃti gāmetyattho. Tathā tappānā+cārepi, nadiṃ pibati, gāmaṃ carati, nadiyaṃtyattho. Sace maṃ nālapissatīti mayā saddhimtyattho. Vihitāva paṭi-yogepi dutiyā, paṭibhantu taṃ cunda bojjaṅgā, tampaṭi bojjaṅgā bhāsantūti attho. Upamā maṃ patibhāti, upamā maṃ upaṭṭhātityattho. Dhātunāyutte “tassa nappaṭibhātī”ti chaṭṭhī.

### 3. Kāladdhāna+maccantasamyoge

Kāladdhānaṃ dabba+guṇa+kriyāhi accantasamyoge tehi kāladdhānavācīhi dutiyā hoti. Kāle-sattāhaṃ gavapānaṃ, māsaṃ maṃsodanaṃ, saraḍaṃ ramaṇīyā nadī, sabbakālaṃ ramaṇīyaṃ nandanaṃ, tayo māse abhidhammaṃ deseti. Addhani-yojanaṃ vanarāji, yojanaṃ dīgho pabbato, kosaṃ sajjhāyati.

Pubbanhasamayaṃ nivāsetvā, ekaṃ samayaṃ bhagavā, imaṃ rattiṃ cattāro mahārājānoti evamādīsu kālavācīhi accantasamyoge dutiyā, bahulaṃvidhānā vibhattivipallāso vā. Māsenā+nuvāko+dhīto, kosenā+nuvāko+dhītoti karaṇatthe tatiyā.

### 4. Gatibodhāhārasaddatthākammakabhajjādīnaṃ payojje

Gatyatthānaṃ bodhatthānaṃ āharatthānaṃ saddatthāna+makammakānaṃ bhajjādīnaṃca payojje kattari dutiyā hoti. Datto gamayati māṇavakaṃ gāmaṃ, yāpayati vā. Guru bodhayati māṇavakaṃ dhammaṃ, vedayati vā. Mātā bhojayati putta+modanaṃ, āsayati vā. Guru ajjhāpayati sissaṃ vedam, pāṭhayati vā. Payojjato+ññātra kamme dutiyā. Poso āsayati dattaṃ, sāyayati vā. Poso aññaṃ bhajjāpeti, aññaṃ koṭṭāpeti, aññaṃ santharāpeti.

### 5. Harādīnaṃ vā

Harādīnaṃ payojje kattari dutiyā hoti vā. Poso hāreti bhāraṃ dattaṃ, datteneti vā. Dassayate janaṃ rājā, janeneti vā. Abhivādayate guruṃ dattaṃ, datteneti vā. Ajjhohāreti sattuṃ dattaṃ, datteneti vā. Kāreti datto dattaṃ, datteneti vā. Pakkhe sabbatra kattari tatiyā.

### 6. Na khādādīnaṃ

Khādādīnaṃ payojje kattari dutiyā na hoti. Gatyatthādīsu kvaci paṭisedhattha+midam. Khādayati datto dattena, ādayati dattena, avhāpayati datthena, saddāyayati dattena, nāyayati dattena, kandayati dattena.

### 7. Jhādīhi yuttā

Dhīādīhi yuttato dutiyā hoti. Dhi+ratthu+maṃ putikāyaṃ, antarā ca rājagahaṃ antarā ca nālandaṃ, rājagahassa ca nālandassa ca vivarabhūte majjheti attho. Samādhāna+mantarena, mucalinda+mabhito saraṃ. Chaṭṭhyatthe+yam dutiyā.

### 8. Lakkhaṇitthambhūtavicchāsva+bhinā

Lakkhaṇādīsva+tthesu abhinā yuttamhā dutiyā hoti. Rukkha+mabhivijjotate cando, ettha rukkho lakkhaṇaṃ, cando lakkhitabbo, tatra abhinā rukkhasa lakkhaṇavuttitā pakāsīyatīti rukkho abhinā yutto nāma. Sādhu devadatto mātara+mabhi, mātari sādhattaṃ pattotyattho. Rukkhaṃ rukkhamabhi vijjotate cando, rukkhe rukkhetattho.

### 9. Patiparīhi bhāge ca

Patiparīhi yuttato lakkhaṇādīsū bhāge ca+ttthe dutiyā hoti. Rukkhaṃpati vijjotate, sādhu devadatto mātaraṃpati, rukkhaṃ rukkhaṃpati tiṭṭhati, ya+dettha maṃ pati siyā, yo mama bhāgo, so dīyatutyattho. Evaṃ rukkhaṃparityādipi.

### 10. Anunāti

Lakkhaṇādīsū dutiyā. Rukkhamanu vijjotate, saccakiriya+manu vassi, hetu ca lakkhaṇaṃ bhavati, sādhu devadatto mātara+manu, rukkhaṃ rukkha+manu vijjotate, yadettha maṃmanu siyā.

### 11. Sahatthe

Sahatthe anunā yuttamhā dutiyā. Pabbata+manu tiṭṭhati, pabbatena saha tyattho.

### 12. Hīne

Hīnatthe anunā yuttamhā dutiyā. Anusāriputtaṃ paññavanto bhikkhū, sārīputtato paññāya hīnatyatho.

### 13. Upena

Hīnatthe upena yuttamhā dutiyā. Upasāriputtaṃ paññavanto.

### 16. Kattukaraṇesu tatiyā

Kattari karaṇe ca kārake tatiyā hoti. Jinena desito dhammo, buddhena jito māro, ahinā daṭṭho naro. Yattha kāraṇakāraṇampi kāraṇavasena vuccati, tatthāpi tatiyā, corehi gāmo daḍḍho, tiṇehi bhattaṃ siddhaṃ, saddhehi kāritā vihārā.

Attapadhāno kiriyam, yo nibbatteti kārako;  
Apyutto payutto vā, sa kattāti pavuccati.

Karaṇe-taṃ pana duvidhaṃ ajjhattikabāhiravasena, yathā hatthena kammaṃ karoti, cakkhunā rūpaṃ passati, manasā dhammaṃ viññāyati. Dattena vihayo lunāti, agginā kuṭiṃ jhāpeti.

Bāhirañca tathā+jjhattaṃ, karaṇaṃ duvidhaṃ yathā;  
Vīhiṃ lunāti dattena, nettana canda+mikkhate.

Pakatiyā abhirūpo, gottena gotamo iccādi bhūdhātussa sambhavā karaṇe tatiyā. Tathā sārīputtoti nāmena vissuto, jātiyā khattiyo buddho, jātiyā sattavassiko, sippena naḷakāro so, ekūnatimso vayasā, evaṃ samena dhāvati, visamena dhāvati, dvidoṇena dhaññaṃ kiṇāti.

### 17. Sahatthena

Sahatthena yoge tatiyā siyā. Tatiyāpi chaṭṭhīva appadhāne eva bhavati. Puttana sahā+gato, puttana saddhiṃ āgato, vitakkena saha vattati, puttana saha thūlo, nisīdi bhagavā saddhiṃ bhikkhusaṅghena, sahasena samaṃ mitā, sabbehi me piyehi manāpehi nānābhāvo.

### 18. Lakkhaṇe

Lakkhaṇe vattamānato tatiyā. Bhinnena sīsena paggharantena lohiteṇa paṭivissake ujjhāpesi, ūnapañcabandhanena pattena aññaṃ navaṃ pattaṃ cetāpeyya, tidaṇḍakena paribbājaka+maddakkhi, akkhinā kāṇo, hatthena kuṇī, pādena khañjo, piṭṭhiyā khuṃjo. Tena hi vikalāṅgena vikalāṅgino vikāro lakkhiyate.

## 19. Hetumhi

Vāsādilakkhaṇakriyāya hetuto tatiyā. Annena vasati, vijjāya vasati, na jaccā vasalo hoti, kammunā vasalo hoti, dānena bhogavā, ācārena kulam, tena paṇi kāmadao.

## 20. Pañcamī+ṇe vā

Iṇe hetumhi pañcamī vā. Satasmā baddho, satena vā.

## 21. Guṇe

Paraṅgabhūte hetumhi pañcamī hoti vā. Jaḷattā baddho, jaḷattenavā, paññāya mutto, hutvā abhāvato aniccā, saṅkhāranirodhā viññānanirodho. Bahulaṃvidhānā sattamyatthehipi, tena samayena, kālena dhammasākacchā, puratthimena dhatarattho, dakkhiṇena virūḷhako, uttarena kapilavatthu, yena bhagavā, tenupasaṅkami, so vo mama+ccayena satthāti. Māsena bhuñjati, ekāheneva bārāṇasiṃ pāvīsi, navahi māsehi vihāraṃ kārāpesi, kahāpaṇena ūno, dhanena vikalo, asinā kalaho, ācārena nipuṇo, guḷena missakaṃ, vācāya sakhilo, maṇinā attho, dhanena attho, yojanena gacchati iccādi hetumhi karaṇe vā tatiyā. Attanāva attānaṃ sammannatīti paccatte bahulaṃvidhānā kattari tatiyā. Evaṃ tilehi khetto vapatīti kammatthe, sumuttā mayam tena mahāsamaṇenāti pañcamyatthe ca.

## 24. Catutthī sampadāne

Acetanaṃ sacetanaṃ vā paṭiggāhakabhāvenā+pekkhitam, taṃ sampadānaṃ, taṅca dā-dāneti dhātuto byappena yuttameva, tattha catutthī hoti. Taṅca dīyamānassa vatthuno anivāraṇa+jjhesanā+numatito tividho, yathā buddhassa pupphaṃ deti, bodhirukkhasa jalaṃ deti, yācakassa dhanam deti, bhikkhūnam dānam deti.

Anirākaraṇā+rādha-na+bbhanuññavasena hi;  
Sampadānaṃ tidhā vuttam, rukkha+yācaka+bhikkhavo.

Ādhāravivakkhāyaṃ sattamīpi, saṅghe gotami dehi, saṅghe dinne ahañceva pūjito bhavissāmi, yā palālamayaṃ mālam, nārī datvāna cetiyeti.

## 25. Tādatthye

Tādatthye catutthī siyā. Tadatthassa bhāve, tādatthyaṃ, tasmim tadatthabhāve jotaniyeva catutthī siyā. Tadatthassa bhāvoti nimittanimittīsambandhe chaṭṭhī, tasmā chaṭṭhāpavādo+yaṃ. Samepi nimittanimittīnaṃ sambandhe nimittabhūtaṃ upatova catutthī, no nimittibhūtaṃ daruto. Yūpāya dāru, pākāya vajati, buddhassatthāya jīvitam pariccajāmi, neva davāya, na madāya, ūnassa pāripūriyā, atthāya hitāya sukhāya saṃvattati, lokānukampāya, phāsu vihārāya.

Iccāyaṃ kaccāyane upari vakkhamānassa catutthīti sādhitattā idha chaṭṭhīti dīpanattham vuccate

Kassa sādu naruccati, mā ayasmantānampi saṅghabhedo ruccittha, khamati saṅghassa, bhatta+massa nacchādetīti chaṭṭhī sambandhavacanicchāyaṃ, na ce+vaṃ virodho siyā, sadisarūpattā, evaṃvidhesu ca sambandhassa saddikānumatattā. Tathā hi bhāgavuttīyā “upapadavibhatti chaṭṭhiyā+pavādā”ti vuttam, saddantare vihitā vibhatti upapadavibhatti.

Kassa vā tvam dhammaṃ rocesīti atthamatte paṭhamā, kassa vā tuyhanti avatvā kassa vā tvam dhammaṃ rocesīti atthamatte paṭhamāvasena byabhicāradassanā. Eva+maññāpi viññeyyā, paratopi yathāgamaṃ.

Raṅṅo sataṃ dhāreti raṅṅo chattaṃ dhāretīti sambandhe chaṭṭhīva. Silāgha=kathane, evaṃ raṅṅo silāghate iccādi, thutiṃ karotītyattho. Hanu=apanayane, raṅṅo hanute, vañcetītyattho. Upatiṭṭheyya sakyaputtānaṃ vaḍḍhakī, upagaccheyyātyattho. Sapa=akkose, mayhaṃ sapate, saccam kurutetyattho. Dhara=dhāraṇe, suvaṇṇaṃ te dhārayate, iṇaṃ te dhārayati, assa raṅṅo nāgaṃ dhārayāma. Piha=icchāyaṃ, devāpi tassa pihayanti tādino, tesam pihayanti sambuddhānaṃ satīmataṃ, pihayanti=patthenti. Tassa kujjha mahāvīra, yadi+haṃ tassa pakuppeyyaṃ, dubhayati disānaṃ meggho, yo mittānaṃ na dūbhati, yo appaduttassa narassa dussati. Issa=issāyaṃ, titthiyā issayanti samaṇānaṃ. Usūya=dosāvikaṇe, dujjanā guṇavantānaṃ ussūyanti, kā usuyā vijānataṃ. Idha+sidha+rādha+sādha=samsiddhiyaṃ, ārādho me raṅṅo, raṅṅo bhāgya+mārajjhati, kyā+haṃ ayyānaṃ aparajjhāmi, āyasmato upālittherassa upasampadāpekkho upatisso. Bhikkhū bhagavato paccassosum, āsuṇanti buddhassa bhikkhū, tassa bhikkhuno janoanugiṇāti, patigiṇāti, sādhuḥkārādānādīnaṃ taṃ ussahatītyattho. Ārocayāmi vo bhikkhave, paṭivedayāmi vo, āmantayāmi te mahārāja, dhammaṃ te desissāmi, desetu bhante bhagavā dhammaṃ bhikkhūnaṃ, yathā no bhagavā byākareyya, niruttiṃ te pavakkhāmi, alaṃ me rajjaṃ, alaṃ bhikkhu pattassa, alaṃ mallo mallassa, arahati mallo mallassa, alaṃ te idha vāseṇa, kiṃ me ekena tiṇṇenāti sabbattha sambandhe chaṭṭhī.

Evaṃ āyu bhoto hotu, ciraṃ jīvitaṃ, bhaddaṃ, kalyāṇaṃ, atthaṃ, payojanaṃ, kusalaṃ, anāmayāṃ, hitaṃ, patthaṃ, sukhaṃ, sātāṃ, bhoto hotu, sādhu sammuti me tassa, puttassā+vikareyya guyha+matthaṃ, tassa me sakko pāturahosi, tassa paṇeṇya, bhikkhūnaṃ dūtaṃ pāhesi, kappati samaṇānaṃ āyogo, ekassa dvinnaṃ tiṇṇaṃ vā pahoti, upamaṃ te karissāmi, añjalimṭe paggaṇhāmi, tassa phāsu, lokassa+ttho, namo te purisājaṅṅa, sotthi tassa, samattho mallo mallassa, tassa hitaṃ, tassa sukhaṃ, svāgataṃ te mahārājāti sabbattha sambandhe chaṭṭhī.

## 26. Pañcama+vaḍḍhismā

Padatthāvaḍḍhismā pañcamāvibhatti hoti.

Samepya+pagame dvinnaṃ, pubbarūpā ya+daccutaṃ;  
Vuccate ta+dapādānaṃ, taṃ calācalato dvidhā;  
Yathā+ssā dhāvātā poso, pato, rukkhāphalanti ca.

Tattha calāvadhi dhāvātā assā puriso patati, acalāvadhi pabbatā otaranti vanacārakāti.

Taṅca avadhi visayakriyāvisesassa niddiṭṭhattā niddiṭṭhavisayaṃ, yattha apa apagamanakriyaṃ upāttam=ajjhāhaṭam visayaṃ katvā pavattati, taṃ upāttam. Yaṃ kenaci guṇena ukkaṃsiyati, taṃ anumeyyaṃ. Yathā gāma apenti munayo, nagarā niggato rājā, pāpā cittaṃ nivārenti. Valāhakā vijjotata, kusulato pacatīti. Ettha ca valāhakā nikkamma, kusulato apantvāti ca pubbakriyā ajjhāharīyati. Mathurā pāṭaliputtakehi abhirūpāti anumīyati. Vuttaṅhi –

Niddiṭṭhavisayaṃ kiñci, upāttavisayaṃ tathā;  
Anumeyyavisayañceti, tidhā+hu avadhiṃ budhāti.

Bhayahetumhi-corā bhayaṃ jāyati, taṅhāya jāyati bhayaṃ, pāpato uttasati, natthi soko kuto bhayaṃ. Akkhātari-upajjhāyā sikkhaṃ gaṇhāti, ācariyamhā adhīto suṇāti vā. Buddhasmā parājenti aññatitthiyā, parājītā bhavantītyattho. Himavatā pabhavati gaṅgā, aciravatiyā pabhavanti kunnadiyo. Uraṃ jāto putto, kammato jātaṃ indriyaṃ, upajjhāyā antaradhāyati sisso, mātāpitūhi antaradhāyati putto, nilīyatītyattho. Dūratthayogekīvadūro ito naḷakāragāmo, tato have dūrataraṃ vadanti, gāmato nātidūre, ārakā te moghapurisā imasmā dhammavinayā, ārakā tehi bhagavā dūratova namassanti, addasa dūratova āgacchantaṃ. Antikatthayoge-antikam gāmā, āsannaṃ gāmā, samīpaṃ gāmā. Parimāṇe-ito mathurāya catūsu yojanesu saṃkassaṃ, rājagahato pañcacattālīsajoyanamattake sāvatti. Kālaparimāṇe-ito ekanavutikappamatthake, ito vassasatasahassassa accayena buddho loke uppajjissati. Pāsādā saṃkameyya, pāsādā abhiruhitvā saṃkameyyāti attho, tathā hatthikkhandhā saṃkameyya, abhidhammā pucchanti, abhidhammaṃ sutvāti attho, āsanā vuṭṭhaheyya. Disatthavācīhi yoge-ito sā purimā disā, ito sā dakkhiṇā disā, avīcīto yāva bhavaggaṃ, uddham pādatalā, adho kesamatthakā. Vibhajane-yato paṇītataro vā viṣiṭṭhataro vā natthi, attadanto tato

varam, kiñcāpi dānato sīlam varam, tato mayā bahutaram sutam, sīlameva sutā seyyo. Āratippayoge-ārati virati pāpā, pāṇātipātā veramaṇi, adinnādānā paṭivirato, appaṭiviratā musāvādā. Suddhatthayoge-lobhanīyehi dhammehi suddho, mātuto ca pituto ca suddho anupakkuṭṭho. Pamocanathayoge-parimutto dukkhasmāti vadāmi, mutto+smi mārabandhanā, na te muccanti maccunā, mutto+ham+sabbapāsehi. Vivecane-vivicceva kāmehi, vivicca akusalehi dhammehi. Pamānatthe-āyāmato ca vitthārato ca yojanam, gambhīrato ca puthulato ca yojanam candabhāgāya parimānam, parikkhepato navayojanasataparimāṇo majjhimadeso. Pabbādiyoge-pubbeva me bhikkhave sambodhā, ito pubbe nāhosi, tato param paccantimā janapadā, tato aparena samayena. Pañhe-kuto+si tvam, kuto bhavam, pāṭaliputtato. Kicchā laddhanti guṇe pañcamī, kicchena me adhigatanti hetumhi karaṇe vā tatiyā, evam thokā mutto, thokena muttoti.

Katham “thokam calatī”ti, kriyāvisesane kammani dutiyā, thokam calanam karotīyattho, thokanti calanakriyāya visesanattā kriyāvisesanam.

Kriyāvisesanam nāma, kammatte+kattasaṅghitā;  
Nyāyasiddham yato tasmā, tadattham na visum vidhi.

Nyāyasiddhamva=calananti yasmā bhāve ano, tasmā bhāvasse+kattā ekavacananti nīyā ekattañca, bhāve anattā napuṃsakattañca, karotikriyāya sambandhena kammattañca sijjhatī. Kara+bhūdhātavo ca –

Kāriyarūpābhīdhātvatthā, sabbe sattāya yujjare;  
Tato kriyā ca bhāvo ca, sāmāñnam tesu gamyate –

Ti vuttattā yujjanti.

Thokatthe-thokā muccati. Sabbattha savisaye pañcamī. Ettha “vivakkhā lokikā sā ca, na sakkā anivattitum”ti vuttattā anīṭṭhappasaṅgo na siyā. Mariyādāyam-āpabbatā khettaṃ. Abhividhimhi-ābrahmalokā saddo abbhuggacchati, pabbatam vajjetvā, brahmalokamhi byāpetvāti ca attho. Ettha vajjamānasīmā mariyādā, gayhamānasīmā abhividhi.

## 27. Aparāṭhi vajjane

Vajjane vattamānehī aparāṭhi yoge pañcamī hoti. Apasālāya āyanti vāñijā, parisālāya āyanti vāñijā, sālam vajjetvāti attho.

## 28. Paṭinidhipatidānesu patinā

Paṭinidhimhi patidāne ca vattamānena patinā yoge nāmasmā pañcamī hoti. Buddhasmā pati sārīputto, ghata+massa telasmā pati dadāti.

## 29. Rite dutiyā ca

Ritesaddayoge nāmasmā dutiyā hoti pañcamī ca. Rite saddhammā, rite saddhammam.

## 30. Vinā+ññatra tatiyā ca

Vinā+ññatrayoge nāmasmā tatiyā dutiyā pañcamī ca. Vinā vātena, vinā vātam, vinā vātasam. Aññatra ekena piṇḍapātanihārakena, aññatra dhammam, aññatra dhammā.

## 31. Puthanānāhi

Etehi yoge tatiyā hoti pañcamī ca. Bhinnayogakaraṇam dutiyānivattanattham. Puthageva janena, puthageva janasmā, janena nānā, janasmā nānā.

### 39. Chaṭṭhī sambandhe

Sambandhe chaṭṭhī hoti. Rañño purisoti vutte yasmā rājā dadāti, puriso gaṇhāti, tasmā rājapurisoti viññāyati. Evameva yo yassa āyatto sevakādibhāvena bhaṇḍabhāvena vā samīpa+samūhā+vayava+vikāra+kāriya+avatthā+jāti+guṇa+kriyādivasena vā, ṭhānīvasena vā, āgamīvasena vā, so tividhopi attho sambandho nāma. Vuttañhi –

Kriyākārasañjāto, asse+daṃbhāvahetuko;  
Sambandho nāma so attho, tattha chaṭṭhī vidhīyate.

Pāratantyañhi sambandho, tattha chaṭṭhī bhave tito;  
Upādhi+ṭhānyā+gamito, na visessādito titoti.

Upādhisāṅkhātavisesanato tāva-rañño puriso. Ettha ca brāhmaṇādisāmito nivattetīti rājā visesaṇaṃ, puriso tena visesiyatīti visesso. Bhaṇḍasambandhato-pahutaṃ me dhaṇaṃ sakka, ekassa paṭivīso, bhikkhussa pattacīvaraṃ. Samīpato-ambavanassa avidūre, nibbānasseva santike. Samūhesuvaṇṇassa rāsi, bhikkhūnaṃ samūho. Avayave-manussasseva te sīsaṃ, rukkhassa sākā. Vikāresuvaṇṇassa vikati, bhaṭṭhadhaññānaṃ sattu. Kāriye-yavassa aṅkuro, meghassa saddo, puttāpi tassa bahavo, kammānaṃ phalaṃ vipāko. Avatthāyaṃ-khandhānaṃ pātubhāvo, jarā, bhedo vā. Jātiyaṃ-manussassa bhāvo, manussānaṃ jāti. Guṇe-suvaṇṇassa vaṇṇo, vaṇṇo na khīyetha tathāgatassa buddhassa guṇaghoso, pupphānaṃ gandho, phalānaṃ raso, cittassa phusanā, sippikānaṃ satam natthi, tilānaṃ muṭṭhi, tesam samāyogo, sandhino vimokkho, tathāgatassa paññāpāramiṃ ārabba, sukhaṃ te, dukkhaṃ te, cetaso parivittakko udapādi, paññāya paṭubhāvo, rūpassa lahutā, mudutā vā, upacayo vā. Kriyāsambandhe-pādassa ukkhepanaṃ, avakkhepanaṃ vā, hatthassa samījanaṃ, dānaṃ, pasāraṇaṃ, dhātūnaṃ gamanaṃ, ṭhānaṃ, nisajjā, sayanaṃ vā, tathāgatassa nāmagottādi, tassa kāraṇaṃ, tassa mātāpitaro, tassa purato pāturaḥosi, nagarassa dakkhiṇato, vassānaṃ tatiye māse, na tassa upamā, kuverassa bali iccādi. Api ca –

Gāvassa jāti, dhavalo, gati, siṅgaṃ, nāmanti+dha;  
Dabbassāpi ca jātyādi, visessā honti kāmato.

Gottañca sabalodissa, pāka+mannassa sukkatā;  
Paṭassa, siṅgaṃmeṇḍassa, nā+ññesaṃti visessate.

Ṭhānito-yuvaṇṇāna+meo luttā. Āgamito-suñña sassa. Sāmiyoge-devāna+mindō, migānaṃ rājā. Rujādiyoge-devadattassa rujati, tassa rogo uppajji, mahāsenāpatīnaṃ ujjhāpetabbaṃ, rajakassa vatthaṃ dadāti, musāvādassa ottappaṃ iccādi. Yajassa yoge-pupphassa buddhassa yajati, pupphenāyattho. Evaṃ ghatassa aggiṃ juhati. Suhitathe-pattaṃ odanassa pūretvā, pūraṃ nānāpakāraṇassa asucino, pūraṃ hiraññasuvaṇṇassa, pūraṃ bālo pāpassa. Kitakappayogebahulaṃvidhānā chaṭṭhī, rañño sammato, pūjito, sakkato, apacito, mānito vā, amataṃ tesam bhikkhave aparibhuttaṃ, yesaṃ kāyagatā sati aparibhuttā, sādhusammato bahujanassa, suppaṭividdhā buddhānaṃ dhammadhātu, dhammassa gutto medhāvī. Kammathe-tassa bhavanti vattāro, sahasā kammassa kattāro, amatassa dātā, bhinnānaṃ sandhātā, sahitānaṃ anuppadātā, bodhetā pajāya, kammassa kārako natthi, vipākassa ca vedako, avisaṃvādako lokassa, catunnaṃ mahābhūtānaṃ upādāya pasādo. Sarati+cchāyoge-mātu sarati, na tesam koci sarati, sattānaṃ kammaṃpaccayā, puttassa icchati. Karotissa (yoge) – udakassa patikurute, kaṇḍassa patikurute, abhisāṅkharotīyattho. Pañcamiyatthe parihānibhayatthayogepi chaṭṭhī, assavanatāya dhammassa pariyāyanti, kinu kho ahaṃ tassa sukhasa bhāyāmi, sabbe tasanti daṇḍassa, sabbe bhāyanti maccuno, bhīto catunnaṃ āsīvisānaṃ ghoravisānaṃ iccādi.

### 40. Tulyatthena vā tatiyā

Tulyatthena yoge vā chaṭṭhī hoti tatiyā ca. Pitu tulyo, pitarā vā, mātu tulyo, mātārā vā.

### 32. Sattamyā+dhāre

Kattukammaṭṭhānaṃ nisajja+pacanaḍikriyānaṃ yo ādhāro, taṃ ādhārakāraṃ nāma. Kathaṃ kaṭe nisīdati devadatto, thāliyaṃ odanaṃ pacati, devadatta+taṇḍulānaṃ kattu+kammānaṃ dhāraṇato tadaṭṭhaāsana+pacanakriyaṃ kaṭa+thāliyo dhārenti nāma, tasmaṃ sattamīvibhatti hoti.

So byāpiko, opasilesiko, vesayiko, sāmīpikoti catubbidho. Tattha yo ādheyyassa nissesādhārabhūto, so byāpiko, yathā tilesu telaṃ atthi, khīresu jalaṃ, dadhimhi sappi. Paccekasiddhānaṃ bhāvānaṃ yaṃ ādheyyabhāvena upasilesanaṃ allīyanaṃ atthi, so opasilesiko. Yathā āsane nisinno saṅgho, thāliyaṃ odanaṃ pacati, ghaṭe udaka+matthi, dūre ṭhito, samīpe ṭhito. Yattha samīpe samīpīvohāraṃ katvā tadāyattatādīpanatthaṃ ādhārabhāvo upacarīyati, taṃ sāmīpikaṃ, yathā gaṅgāyaṃ ghoso, gaṅgāya samīpe vajotyattho. Sāvattiyaṃ viharati jetavane. Yattha aññathābhāvavasena desantarāvachchedavasena vā ādhāraparikappo, so vesayito. Yathā ākāse sakuṇā caranti, bhūmiyaṃ manussā, jale macchā, pāsādesu patito, pāpasmīṃ ramatī mano, pasanno buddhasāsane, paññāya sādhu, vinaye nipuṇo, mātari sādhu, pitari nipuṇo.

Kiriyaṃ kattu+kammaṭṭhā, ādhārīyati yena so;  
Ādhāro catudhā vutto, byāpakādīppabhedato.

Byāpako tilakhīrādi, kaṭo opasilesiko;  
Sāmīpiko tu gaṅgādi, ākāso visayo mato.

### 33. Nimitte

Nimittatthe sattamī hoti. Aḷinamhi haññate dīpi, kuñjaro dantesu haññate, aṇumattesu vajjesu bhayadassāvī, sampajānamusāvāde pācittiyaṃ. Sabbattha nimityattho.

### 34. Yabbhāvo bhāvalakkhaṇaṃ

Yassa bhāvo bhāvantarassa lakkhaṇaṃ bhavati, tato sattamī. Kāle gāvīsu duyhamānāsugato, duddhāsu āgato. Etthagamanakriyāya dohanakriyācīhanaṃ, āgamanakriyāya duddhākriyācīhanaṃ, eva+muparipi. Pubbaṇhasamaye gato, sāyanhasamaye āgato, jāyamāne kho sārīputta bodhisatte ayaṃ dasasahassī lokadhātu sampakampi.

Pāsāṇā sakkharā ceva, kaṭhalā khāṇukaṇṭakā;  
Sabbe maggā vivajjanti, gacchante lokanāyake.

Imasmīṃ sati idaṃ hoti iccādi. “Akāle vassatī tassa, kāle tassa na vassatī”ti visayasattamī.

### 35. Chaṭṭhī cā+nādare

Yassa bhāvo bhāvantarassa lakkhaṇaṃ bhavati, tato chaṭṭhī hoti sattamī cā+nādare gamyamāne. Akāmakānaṃ mātāpitūnaṃ rudantānaṃ pabbajī, mātāpitūsu rudantesu vā. “Ākoṭayanto so neti, sivrājassa pekkhate”, “maccu āḍāya gacchati, pekkhamāne mahājane”.

Gunnaṃ sāmīti sambandhe chaṭṭhī, gosu sāmīti visayasattamī. Evaṃ gunnamissaro, gosvi+ssaro, gunnaṃ adhipati, gosu adhipati, gunnaṃ dāyādo, gosu dāyādo, gunnaṃ sakkhī, gosu sakkhī, gunnaṃ patibhū, gosu patibhū, gunnaṃ pasuto, gosu pasuto, kusalā naccagītassa, kusalā naccagīte, āyutto kaṭakaraṇassa, āyutto kaṭakaraṇe. Tathā ādhāravacanicchāyaṃ sattamī, bhikkhūsu abhivādentī, muddhani cumbitvā, bāhāsu gahetvā, hatthesu piṇḍāya caranti, kadalīsu gaje rakkhanti, ṇāṇasmīṃ pasanno, ṇāṇasmīṃ ussukkoti visayasattamī.

### 36. Yato niddhāraṇaṃ

Jātiguṇakriyāhi samudāyate+kadesassa puthakkaraṇaṃ niddhāraṇaṃ, yato taṃ karīyati, tato chaṭṭhīsattamiyo honti. Sālayo sūkadhāññānaṃ pathyatamā, sūkadhāññesu sālayo pathyatamā. Kaṇhā



gāvīnaṃ sampannakhīratamā, kaṇhā gāvīsu sampannakhīratamā. Gacchatam dhāvanto sīghatamā, gacchantesu dhāvanto sīghatamā.

#### 14. Sattamyā+dhikye

Ādhikye atthe upena yuttamhā sattamī hoti. Upakhāriyaṃ doṇo, khāriyā doṇo adhikotyattho. Tathā upanikkhe kahāpaṇaṃ.

#### 15. Sāmitthe+dhinā

Sāmibhāvatthe adhinā yuttamhā sattamī hoti. Adhibrahmadatte pañcālā, adhipañcālesu brahmadatto, brahmadattissarā pañcālāti attho. Adhidevesu buddho, sammutidevādīhi buddho adhikotyattho.

Ettha ca yathāvuttesu atthesu ayaṃ bhedo –

Kāraṇaṃ sādhaṇaṃ nibbattaṃ kriyānimittanti atthato ekameva, tañca daṇḍo, dhavalo, pacanaṃ, citto, goti dabbā+guṇa+kriyā+nāma+jātibhedena pañcavidhampi kamma+kattādivasena chabbidhaṃ, taṃ sattikāraṇaṃ, tadādhārabhūtaḍḍādayo tatraṭṭhakāraṇaṃ, na mukhyato. Mukhyato ce honti, tesam sattidabbānaṃ aññaṃaññabyāvaṭarūpattā yo ādhāro, so ādhāroyeva, kismiñcikāle karaṇaṃ vā katturūpabhūto vā na hoti, tasmā thāli pacati, thāliyaṃ pacati, thāliyaṃ pacatītyādīnā ekassa vatthuno kattu+karaṇa+dhārābhedo na siyā. Sattipakkhe pana dabbādīnaṃ anekasattiyā ādhārattā sattiyā dabbādayo vivakkhitā taṃ taṃ kāraṇaṃ hotīti dabbādīnaṃ abhedepi kāraṇabhedo yujjate. Vuttañhi –

Vicittakattuādīhi, saṃyogā ekavatthuno;  
Nānātaṃ yujjate nāṭya-bhedena naṭakassi+vāti.

Thāli vatthuto ekā cedapi sattikāraṇabhūtakattu+karaṇa+dhārādīnaṃ bhedena bheda+mupayāti, kimiva rāma+rāvaṇādīvesadhārīnaṭako tesam nāmasena rāmo, rāvaṇoti bheda+mupayāti, ta+mivāti adhippāyo.

Puna+rapi –

Yathe+kopi paṭo sutta, pītādiguṇasaṃyuto;  
Sukko paṭoti pītoti, bhedaṃ yātye+vameva+yaṃ.

Ettha ca sattibhūtakattādayo mukhyakāraṇaṃ, taṃyogena dabbabhūtathālī guṇakāraṇaṃ, te ca kathaṃ kriyāya kāraṇā honti. Kattā attanā patiṭṭhitāya hasati+naccaticcādīkriyāya nimittaṃ hoti. Kammañca attanā patiṭṭhitakriyāya tadatthabhūtaḍḍādayo pavattentaṃ ‘‘odanaṃ pacatī’’tyādo nimittaṃ. ‘Kaṭṭhehi paccatī’tyādo kaṭṭhāni jalanakriyāya sādhetabbapākassa aṅgabhāvena nimittaṃ. ‘Pharasunā chindatī’tyādo pharasu ca kaṭṭhānaṃ dvidhāpavattiyā nimittaṃ. Kammañca kriyāya sambandhīyamānabyāpye satī nimittabhāvena kriyāya nimittaṃ. Tathā sampadānā+vadhī+ādhārānaṃ ‘gāvo dadāti’ ‘gāmasmā apanayati’ ‘thāliyaṃ pacatī’tyādīsu godānā+panayana+pacanakriyānaṃ nimittattā kriyāya nimittāni honti. Tesam yathāsakaṃ kriyāya pavattako kattā, tasmā sa eva padhāno kattāti vohāraṃ labhati, aññesaṃ karaṇādīnaṃ kattubhāve satipi appadhānattā taṃ na labhati.

Codakena vuttañhi –

Nanu sāmagyamīnāyaṃ, kriyāsiddhi kathaṃ vada;  
Ekassa kattuno eva, sabbesaṃ kattutaṃ vinā.

Sabbesaṃ karaṇādīnaṃ, kattutāya viyogato;

Karaṇādīnaṃ abhāvattā, kārakaṃ na hi chabbidhanti.

Vuccate –

Yadyapya+tthi hi kattuttaṃ, sabhāvā karaṇādīsu;  
Kriyāsiddhyā tathāpye+ta+mappadhānaṃ paraṅgato.

Etaṃ sabhāvato upalabbhamānaṃ karaṇādīsu kattuttaṃ paresaṃ karaṇādīnaṃ  
jalana+dhāraṇādīkriyāya aṅgaṃ upāyati appadhānanti adhippāyo.

Kārakaṃ chabbidhaṃ saññā-vasā chabbīsatividhaṃ;  
Pabhedā sattadhā kammaṃ, kattā pañcavidho bhava.

Karaṇaṃ duvidhaṃ hoti, sampadānaṃ tidhā mataṃ;  
Apādānaṃ pañcavidhaṃ, ādhāro tu catubbidho.

Vibhattiyo pana –

Paccatta+mupayogañca, karaṇaṃ sampadāniyaṃ;  
Nissakkaṃ sāmivacanaṃ, bhumma+mālapana+ṭṭhamanti.

Iti payogasiddhiyaṃ kārakakaṇḍo tatiyo.

## 4. Samāsakaṇḍa

Atha nāmānameva aññamaññasambandhīnaṃ samāsoti nāmanissitattā, sayañca nāmikattā  
nāmānantaraṃ samāso vuccate.

### 1. Syādi syādine+katthanti

Ida+madhikataṃ veditabbaṃ. Pubbe vuttavidhiggahaṇañāyena syādīti tadantassa gahaṇaṃ. So  
ca bhinnatthānaṃ nāmāna+mekatthībhāvo samāsoti vuccate.

### 2. Asaṅkhyāṃ vibhatti+sampatti+samīpa+sākalyā+bhāva+yathā+ pacchā+yugapadatthe

Pubbassa+tthaparaṃ yassa, aññatthaparamañca yaṃ;  
Napuṃsakaṃ bhava yañca, ta+dāsaṅkhyā+mihe+ssate.

Satthantare pasiddhaṃ yaṃ, abyayībhāvanāmato;  
Upakumbhaṃ tiṭṭhagu ca, pātameghanti taṃ yathā.

Asaṅkhyāṃ syādyantaṃ vibhatyādīna+matthe vattamānaṃ syādyantena sahe+katthaṃ bhavati.  
“Aviggaho nīccasamāso, padantaraviggaho ce”ti padantaraviggaho. Itthīsu tathā pavattāti viggayha  
vibhatyatthe samāse kate –

### 2,119. Ekatthatāyaṃ

Eko attho yassa pakatipaccayādisamudāyassa so ekattho. Tassa bhāvo pavattinimittaṃ  
ekatthatā, īyādi+ṇādi+samāsavidhānaṃ, tasmīṃ sati syādīlopo hoti.

### 9. Taṃ napuṃsakanti

Napuṃsakalīṅge ca “pubbasma+mādito”ti sabbavibhattīnaṃ lope ca kate adhitthi tiṭṭhati, bho

adhitti, adhitthi passa, adhitthi kataṃ, adhitti carati, adhitthi dehi, adhitthi apehi, adhitthi āyattaṃ, adhitthi paṭiṭṭhitaṃ. Evaṃ adhikumāri, antabhūtaṃ appadhānaṃ ghaṇṇaṃ “ghaṇṇa+ntassā+ppadhānaṃ”ti passa rasso.

Saha=sampannaṃ brahmaṃ sabrahmaṃ. Vuttanayena ettha ca upari ca samāsādayo honti, ettha “akāle satatthe”ti sahassa sādeso. Syādimhi kate “pubbasma+mādito”ti syādīnaṃ lope ca sampatte “nā+to+mapañcamiyā”ti apañcamiyā paṭisedho ca akārantaasamkhyasamāsato parāsaṃ sabbavibhāṭīnaṃ aṃādeso ca hoti. Eva+muparipi.

Bhikkhānaṃ samiddhi subhikkhaṃ, ettha ghaṇṇa rasso. Subhikkhaṃ tiṭṭhati bho subhikkhaṃ, subhikkhaṃ passa. Nā+smiṃsu “vā tatiyā sattamīnaṃ”ti vikappena aṃ, subhikkhaṃ subhikkhena vā kataṃ, subhikkhaṃ subhikkhena vā carati, subhikkhaṃ dehi. Pañcamiyā a+mabbhāvā subhikkhā apagaccha, subhikkha+māyattaṃ, subhikkhaṃ subhikkhe vā paṭiṭṭhitaṃ.

Samīpatthe-kumbhassa samīpaṃ upakumbhaṃ, evaṃ upanagaraṃ, bho upakumbhaṃ iccādi.

Sākalye-tiṇampi asesetvāti satīnaṃ, tiṇampi asesetvā ajjhoharaṇīya+majjhoharatīyattho. Sesāṃ sabrahmasamaṃ. Aggimpi asesetvāti sāggi, aggigantaṃ pi asesetvā adhītetyattho. Vāraggaṇaṃ adhitthisamaṃ.

Abhāvo sambandhībheda bahuvidho, tatra iddhābhāvevigatā iddhi=vibhūti saddikānanti dussaddikaṃ. Atthābhāvemakkhikānaṃ abhāvo nimmakkhikaṃ, niddarathaṃ, nimmasakaṃ. Atikkamābhāve-atigatāni tiṇāni nittiṇaṃ. Upabhoga sambandhīvattamānakālassa abhāve-atigataṃ lahuṇṇaṃ atilahuṇṇaṃ, lahuṇṇassa nā+yā upabhogataṃ loti attho.

Yathāttho+nekavidho, tatra yoggatāyaṃ-yoggaṃ rūpa+manurūpaṃ. Vicchāyaṃ-addhamāsaṃ addhamāsaṃ anu anvaddhamāsaṃ, evaṃ paccattaṃ. Atthānativattiyāṃ-sattimā anatikkamma yathāsatti. Evaṃ yathākkamaṃ, yathābalaṃ. Bahulādhikārā yā yā parisā yathāparisā. Sadisatthe-kikhiyā kaṇhavicchitadhenuyā sadiso sakikhi, sahassa sādeso. Ānupubbīyaṃ-jeṭṭhānukkamaṃ anujēṭṭhaṃ.

Pacchāatthe-rathassa pacchā anurathaṃ.

Yugapadatthe-cakkena saha=ekakālaṃ sacakkaṃ, cakkena ekakkaṇe nidhetīti attho.

### 3. Yathā na tulye

Yathāsaddo tulyatthe vattamāno syādyantena sahe+kattho na bhavati. Yathā devadatto, tathā yaññadatto. Ettha upamānabhūto yathāsaddo ‘tathā yaññadatto’ti upameyya+mapekkhati, tasmā “sāpekkha+masamattaṃ bhavati”ti nīyā asamāse “na tulye”ti paṭisedho kimatta+miti ce. Yasmā “yathā devadatto”ti samudāyameva upamānaṃ bhavati, na viṣuṃ yathāsaddo, tasmā samudāyasseva upameyyasāpekkhatte na asāmatthiyatā na viṣuṃ yathāsaddassa, tasmā sādissa pattasamāsassa paṭisedhattha+midaṃ. Tulyattheti vattabbe tulyaṃ vinā tulyatā natthīti tulyattheti avatvā tulyeti vuttaṃ.

Yathākathañci sādissaṃ, nīyate yattha sambhavaṃ;  
Upamā nāma sā tassā, papañco bahudhā bhava.

### 4. Yāvā+vadhāraṇe

Yāvasaddo avadhāraṇe vattamāno syādyantena sahe+kattho bhavati. Avadhāraṇaṃ=ettakatāparicchedo. Yāvantaṃ amattāni=bhājanāni yāvāmatthaṃ, iminā samāse kate sesāṃ pubbasamaṃ. Jīvaṃ yattako paricchedo yāvajīvaṃ. Yāvātāyukaṃ, “sakatthe”ti kapaccayo. Yattakena attho yāvadatthaṃ.

## 5. Payyapā bahi tiro pure pacchā vā pañcamyā

Pariādayo pañcamyantena sahe+katthā honti vā. Pari pabbatā paripabbataṃ. Vāssa vākyavikappatthattā pari pabbatā iccādayopi honti. Apa pabbatā apapabbataṃ, ā pāṭaliputtā āpāṭaliputtaṃ, bahi gāmā bahigāmaṃ, tiro pabbatā tiropabbataṃ, pure bhattā purebhattaṃ, pacchā bhattā pacchābhattaṃ, sabbaṃ upakumbhasamaṃ, iminā samāso viseso. Eva+muparisuttepi.

Vātya+dhikāro –

## 6. Samīpā+yāmesva+nu

“Asaṃkhyā” miccādinā nicasamāsassa vikappatthaṃ samīpaggahaṇaṃ. Anusaddo sāmīpye āyāme ca vattamāno syādyantena sahe+kattho vā hoti. Ettha samīpaggahaṇassa bhāvappadhānattā sāmīpyameva gamyateti sāmīpyeti vuttaṃ. Vanassa anu=samīpaṃ anuvanaṃ, gaṅgāya anu=āyāmo anugaṅgaṃ, gaṅgāya anu vā bārāṇasī.

## 7. Tiṭṭhagvādīni

Tiṭṭhagvādīni aññatthena siddhāpi asmiṃ asaṃkhyasamāse nipātiyanti. Tiṭṭhanti gāvo yasmiṃ kāleti tiṭṭhantasadda+gosaddehi paṭhamāyomhi kate “vā+nekaññatthe”ti samāso, iminā nipātanā lope napuṃsakatthe ca kate simhi gossa “gossu”ti ukāre “pubbasmā+mādito”ti vibhattilopo. Evaṃ vahantī gāvo yasmiṃ kāleti vahaggu iccādi. Velāppakāsakapātoādīnampi ettheva saṅgaho, pāto nahānanti sattamāmadisamāse pātanahānaṃ, evaṃ sāyanahānaṃ, pātakālaṃ, sāyakālaṃ, pātameghaṃ, sāyameghaṃ, pātamaggaṃ, sāyamaggaṃ, ettha “eona+ma vaṇṇe”ti akāro, niggahītassa lopo ca hoti.

## 8. Ore+pari+paṭi+pāre+majjhe+heṭṭhu+ddhā+dho+nto vā chaṭṭhiyā.

Orādayo saddā chaṭṭhiyantena sahe+katthā vā honti. Oraṃ gaṅgāya oregaṅgā, upari sikharassa uparisikharaṃ, paṭi=mukhaṃ sotassa paṭisotaṃ, pāraṃ yamunāya pāreyamaṃ, majjhaṃ gaṅgāya majjhegaṅgaṃ, heṭṭhā pāsādassa heṭṭhāpāsādaṃ, uddhaṃ gaṅgāya uddhagaṅgaṃ, adho gaṅgāya adhogaṅgaṃ, anto pāsādassa antopāsādaṃ. Iminā nipātanāva niggahītalope ca ekāre ca kate oreccādi hoti.

## 10. A+mādi

A+mādisyādyantaṃ syādyantena saha bahula+mekattaṃ hoti.

Uttarassa padassa+ttho, padhānaṃ liṅga+massa ca;  
Dutiyantādipadekattho, bahudhā taṃ vibhajjate.

Paresa+missate tañca, bhiyyo tappurisā+khyayā;  
Taṃ yathā+tra rājāpaccamaṃ, katthacīti+mitīdisaṃ.

A+mādyantānaṃ kārakānaṃ akārakānañca samāso katthacimeva vā hoti. Tañca bahulaṃvidhānenāti daṭṭhabbaṃ.

Tattha dutiyā tappuriso amādi gata+nissitā+tītā+tikkanta+pattā+pannādīhi bhavati. Saraṇaṃ gatoti samāse kate “ekatthātāyaṃ”ti vibhattilopādi upari sabbattha pubbasamaṃ. Saraṇagato, saraṇagatā. Saraṇagatā, saraṇagatāyo. Saraṇagataṃ kulaṃ, saraṇagatāni kulāni iccādi. Araññagato, bhūmigato. Dhammaṃ nissito dhammanissito, atthanissito. Bhavaṃ atīto bhavātīto, kālātīto. Pamāṇaṃ atikkantaṃ pamāṇātikkantaṃ, lokātikkantaṃ. Sukhaṃ patto sukhappatto, dukkhappatto. Sotaṃ āpanno sotāpanno, nirodhasamāpanno, maggappaṭipanno. Rathaṃ āruḷho rathāruḷho. Sabbarattim sobhaṇo sabbarattisobhaṇo, muhuttasukhaṃ. Akārakānaṃ samāso accantasamyoge.

Vuttiyevo+papadasamāse, tassa niccattā. Yathā kammaṃ karotīti kammakāro, kumbhakāro, atthaṃ kāmētīti atthakāmo, dhammakāmo, dhammaṃ dhāretīti dhammadharo, vinayadharo. Sānaṃ pacatīti sapāko, tantaṃ vāyatīti tantavāyo, varaṃ āharatīti varāharo. Nta+māna+ktavantehi vākyameva. Dhammaṃ suṇanto, dhammaṃ suṇamāno, odanaṃ bhuttavā.

Tatiyātappuriso kitaka+pubba+sadisa+samo+nattha+kalaha+nipuṇa+missa+sakhilādīhi. Buddhena bhāsito buddhabhāsito dhammo, evaṃ jinadesito. Satthārā vaṇṇito satthuvaṇṇito. Viññūhi garahito viññugarahito, viññuppasattho, issarakataṃ, sayamaṃ kataṃ, sukehi āhaṭaṃ sukāhaṭaṃ, raññā hato rājahato, rājapīlito. Agginā daḍḍho aggidaḍḍho, sappena daṭṭho sappadaṭṭho, sallehi viddho sallavidḍho, icchāya pakato icchāpakato, sīlasampanno. Evaṃ sukhasahagataṃ, ñānasampayuttaṃ, mittasamsaggo, piyavippayogo, jātithaddho, guṇahīno, guṇavuddho, catuvaggakaraṇīyaṃ, catuvaggādikattabbaṃ. Kākehi peyyā kākapeyyā, nadī. Kvacī vuttiyeva, urasā gacchatīti urago, pādena pivatīti pādapo. Kvacī vākyameva, pharasunā chinnavā, kākehi pātabbā, dassanena pahātabbā. Pubbādiyoge-māsenā pubbo māsapubbo. Evaṃ mātusadiso, mātusamo. Ekūnavīsati, sīlavikalo, asikalaho, vācānipuṇo, yāvakālikasammissaṃ, vācāsakhilo. Satthārā sadiso satthusadiso, satthukappo, puññaena atthiko puññatthiko, guṇādhiko. Dadhinā upasittaṃ bhojanaṃ dadhibhojanaṃ, guḷena samsaṭṭho odano guḷodano. Kārakasambandho kriyāya kato, upasittādikriyānaṃ apaññāyanepi vuttiyevo+pasittādikriyāna+mākhyāpanato natthā+yuttatthata. Evaṃ khīrodano. Assena yutto ratho assaratho, maggacittaṃ, jambuyā paññāto lakkhito dīpo jambudīpo, ekena adhikā dasa ekādasa, jātiyā andho jaccandho, pakatiyā medhāvī pakatimedhāvī iccādi.

Catutthātappuriso tadattha+attha+hita+deyyādīhi. Tadatthe-kathinassa dussaṃ kathinadussaṃ, kathinacīvarassāti attho. Evaṃ cīvaradussaṃ, cīvaramūlaṃ, yāguyā atthāya taṇḍulā yāgutaṇḍulā, bhattataṇḍulā, saṅghassa atthāya bhattaṃ saṅghabhattaṃ, āgantukabhattaṃ, evaṃ gamikabhattaṃ, pāsādāya dabbāṃ pāsādadabbāṃ. Ettha cā+yamaṃ niccasaṃsāso, tassa tilīngatā ca-bhikkhusaṅghassa attho vihāro bhikkhusaṅghattho vihāro, bhikkhusaṅghatthā yāgu, bhikkhusaṅghatthamaṃ cīvaram. Yassa attho yadattho, yadatthā, yadatthamaṃ. Evaṃ tadattho, tadatthā, tadatthamaṃ. Tathā lokahito. Buddhassa deyyamaṃ buddhadeyyamaṃ pupphaṃ. Saṅghadeyyamaṃ cīvaram. Idha na hoti “saṅghassa dātābbaṃ”.

Pañcamītappuriso apagamana+bhaya+virati+mocanattādīhi. Methunasmā apeto methunāpeto, evaṃ palāpagato, nagaraniggato, piṇḍapātaṭṭikkanto, kāmato nikkhantaṃ kāmanikkhantaṃ, rukkhaggā patito rukkhaggapatito, sāsanaucuto, āpatti- vuṭṭhānaṃ, dharaṇītalaggato, sabbabhavēhi nissaṭṭo sabbabhavanissaṭṭo. Bhayatādiyoge-rājato bhayamaṃ rājabhayaṃ, corabhayaṃ, amanussabhayaṃ, aggibhayaṃ, pāpabhīto, pāpabhīruko. Akattabbato virati akattabbavirati, evaṃ kāyaduccaritavirati, vacīduccaritavirati. Bandhanā mutto bandhanamutto, vanamutto, bandhanamokkho. Kammasamuttāṭṭhitaṃ, ukkaṭṭhukkaṭṭhamaṃ, omakomakamaṃ. Kvacī vuttiyeva, kammato jātaṃ kammajamaṃ, evaṃ cittaṃ, utujamaṃ, āhāraṃ. Idha na hoti ‘pāsādā patito’.

Chaṭṭhātappuriso rañño putto rājaputto, evaṃ rājapuriso, ācariyapūjako, buddhasāvako, buddharūpaṃ, jinavacanaṃ, samuddagghoso, dhaññānaṃ rāsi dhaññārāsi, pupphagandho, phalaraso, kāyassa lahutā kāyalahutā. Maraṇassati, rukkhamaṃ, ayassa patto ayopatto, ettha “manādyāpādīna+mo maye ce”ti o. Evaṃ suvaṇṇakaṭṭhamaṃ, pānīyathālakamaṃ, sappikumbho, devānaṃ rājā devarājā. Pumassa līngaṃ pullīngaṃ, “pumaṃ pumassavā”ti pumassa pumaṃ, niggaḥītalopo, lassa dvībhāvo ca. Hatthipadaṃ, itthirūpaṃ, bhikkhunisaṅgho, jambusākhā, ettha ikārūkārānaṃ rasso. Bahulādhikārā nta+māna+niddhāriya+pūraṇa+bhāva+tittatthehi na hoti. Mamā+nukubbaṃ, mamā+nukurumāno, gunnaṃ kaṇhā sampannakhīratamā, sissānaṃ pañcamaṃ, paṭassa sutatā. Kvacī hoteva ‘vattamānasāmīpyamaṃ’. Brāhmaṇassa sukkā dantāti sāpekkhatāya na hoti. Phalānaṃ titto, phalāna+māsito, phalānaṃ suhito. “Brāhmaṇassa uccaṃ gehamaṃ”ti sāpekkhatāya na hoti. “Rañño pāṭaliputtakassa dhanamaṃ”ti dhanasambandhe chaṭṭhīti pāṭaliputtakena sambandhābhāvā na hoti. “Rañño go ca asso ca puriso cā”ti bhinnatthāyā vākyameva. Rañño gavassapurisā rājagavassapurisāti vutti hoteva, ekatthībhāvā. Sambandhīsaddānaṃ pana niccasaṃpekkhattepi gamakattā saṃsāso, gamakattampi hi saṃsāssa nibandhanaṃ, yathā devadattassa gurukulaṃ, bhagavato sāvakasāṅghotiādi.

Sattamītappuriso rūpe saññā rūpasaññā, evaṃ rūpasañcetanā, saṃsāradukkhāṃ. Cakkhumhi sannissitaṃ viññāṇaṃ cakkhuvīññāṇaṃ. Dhamme rato dhammarato, dhammābhirati, dhammaruci, dhammagāro, dhammesu nirutti dhammanirutti, dānādhimutti, bhavantarakaṃ. Dassane assādo dassanassādo. Araññe vāso araññavāso, vikālabhojanaṃ, kālavassaṃ, vanapupphaṃ, vanamahiso, gāmasūkarō, samuddamacchā, āvāṭakacchapo, āvāṭamaṇḍūko, kūpamaṇḍūko, tithanāvā. Itthīsu dhutto itthidhutto, akkhadhutto. Chāyāyaṃ sukkho chāyāsukkho, aṅgārapakkaṃ, cārakavano. Kvaci vuttiyeva, vane caratīti vanacarako, kucchimhi sayantīti kucchisayā, thale tiṭṭhatīti thalaṭṭho, jalaṭṭho, pabbataṭṭho, maggaṭṭho. Paṅke jātaṃ paṅkajaṃ, saroruha+miccādi. Idha na hoti, bhōjane mattaññutā, indriyesu guttadvāratā, āsane nisinno, āsane nisīditabbaṃ.

## 11. Visesana+mekatthena

Visesanaṃ syādyantaṃ visessena syādyantena samānādhikaraṇenasāhe+katthaṃ hoti.

Samānatthe pade yattha, bhedyabhedakavācāke;  
Visesanasamāso+yaṃ, visessatthapadhānato.

Visessagata+meva+tra, līṅga+metaṃ paraṃ tato;  
Kammadhāraya+micce+sa, samāso+ññehi saññīto.

Sutte visessenāti avuttepi visesanassa sambandhīsaddattā sāmattihiyato labbhamānākaḍḍhitasaddaṃ pati “visessenā”ti vuttaṃ. Vuttañca –

Sāmaññavattu yā vattha+ntarato tu visesiya;  
Ekappakāre ṭhapanā, visesana+mitī+ritaṃ.

Ekappakāraṅgaṃ vatthu, visessanti pavuccati;  
Padāni yāni yāneva, sambandha+mupayanti+ha;  
Gamyate kāmacārena, visesana+visessatīti.

Ettha ca uppaladabbaṃ rattuppālādito visesayatīti nīlasaddo visesanaṃ. Tena visesiyatīti uppalasaddo visessaṃ. Api ca bhāra+ṅgārādisāmañña nīlatthato visesiyatīti nīlaṃ visessaṃ. Na vatthādīnaṃ, uppalassevāti visesanato uppalāṃ visesanaṃti kāmacāreneti vuttaṃ. Api ca –

Parito ayantya+nena+tthā, pariyaṇoti vuccati;  
Govācāti pavutte tu, vācattho tu visesanaṃ.

Visesse dissamānā yā, līṅga+saṃkhyā+vibhattiyo;  
Tulyādhikaraṇe bhiyyo, kattabbā tā visesaneti –

Vuttattā mahanto+ccādīsu samānalingādayo daṭṭhabbā. Bhiyyoti kiṃ, devā pamāṇaṃ iccādi.

So ca chabbidho visesanapubbapado, visesanuttarapado, visesanobhayapado, upamānuttarapado, sambhāvanāpubbapado, avadhāraṇapubbapadoti.

Tattha visesanapubbapade tāva-mahanto ca so puriso cāti vākye iminā suttana samāso. “Ṭa nta+ntūnaṃ”ti ntassa ṭādesa dīgho hoti, mahāpuriso, mahāpurisā iccādi.

Vākye tulyādhikaraṇabhāva pakāsanatthaṃ ca+ta-saddapayogo. Vuttiantu samāseneva tappakāsanato na tappayogo. Eva+maññatrāpi vuttatthāna+mappayogo. Evaṃ mahāvīro, mahāmuni. Mahantañca taṃ balañcāti mahābalaṃ, mahabbhayaṃ. Santo ca so puriso cāti sappuriso. Tathā pubbapuriso, aparapuriso, paṭhamapuriso, majjhmapuriso, uttamapuriso, parapuriso, setahatthī, kaṇhasappo, nīluppalaṃ, rattuppalaṃ, lohitaṇḍanaṃ. Kvaci na hoti, puṇṇo mantānīputto, citto gahapati. Pumā ca so kokilo cāti puṅkokilo, uttarapade pumassa puṃ hoti. Evaṃ punnāgo.

Khattiyā ca sā kaññā cāti khattiyakaññā.

### 67. Itthiyam bhāsītapumi+tthī pumeve+kattheti

Bhāsītapumā itthī pumeva hotīti pumbhāvā itthipaccayānaṃ nivatti hoti. Evaṃ rattalatā, dutiyabhikkhā. Brāhmaṇī ca sā dārikā cāti brāhmaṇadārikā, nāgamāṇavikā. Itthiyanti kiṃ, kumārīratanaṃ, samaṇipadumaṃ. Bhāsītapumāti kiṃ, gaṅgānadī, taṇhānadī, pathavīdhātu. Puratthimo ca so kāyo cāti puratthimakāyo. Ettha ca kāyekaḍḍesa kāyasaddo. Evaṃ pacchimakāyo, uparimakāyo, heṭṭhimakāyo, sabbakāyo, navāvāso, kataranikāyo, hetupaccayo. Jīvitappadhānaṃ navakaṃ jīvitanaḍḍaka+miccādi.

Visesanuttarapade therā+cariya+paṇḍitā visesanaṃ parañca bhavati. Yathā sārīputto ca so thero cāti sārīputtatthero, evaṃ mahāmoggallānatthero, mahākassapatthero, buddhaghosācariyo, dhammapālācariyo, ācariyaguttilo vā. Mahosadho ca so paṇḍito cāti mahosadhapaṇḍito, evaṃ vidhurapaṇḍito.

Visesanobhayapade yathā-sītañca taṃ uṇhañcāti sītuṇhaṃ, siniddho ca so uṇho cāti siniddhuṇho māso. Khañjo ca so khuḍḍo cāti khañjakhuḍḍo, evaṃ andhabadhiro, katākataṃ, chiddāvachiddaṃ, uccāvacaṃ, chinnabhinnaṃ, gatapaccāgataṃ. Kvacī pubbakālassāpi paranipāto, vāsito ca so litto cāti littavāsito, evaṃ naggamūsito, sittasammaṭṭho, bhaṭṭhaluṅḍito.

Upamanuttarapade upamānabhūtaṃ visesanaṃ paraṃ bhavati, yathā sīhoti vutte upacaritā+nupacaritasīhānaṃ sāmāññappatītiyaṃ munisaddo viseseti. Ettha ca –

Upamāno+pameyyānaṃ, sadhammattaṃ siyo+pamā.

Sā ca vatthu+vaṇṇa+ākārānaṃ sāmyena hoti. Sīhova sīho, muni ca so sīho cāti munisīho, munivasabho, munipūṅgavo, buddhanāgo, buddhādicco. Raṃsī viya raṃsī, saddhammo ca so raṃsī cāti saddhammaraṃsī, evaṃ vinayasāgaro. Puṇḍarikamiva puṇḍariko, samaṇo ca so puṇḍariko cāti samaṇapuṇḍariko, samaṇapadumo. Cando viya cando, mukhañca taṃ cando cāti mukhacando, mukhapadumaṃ iccādi.

Sambhāvanāpubbapade yathā-dhammoti buddhi dhammabuddhi, evaṃ dhammasaññā, dhammasaṅkhāto, dhammasammato, pāṇasaññitā, asubhasaññā, aniccasaññā, dhātusaññā, attasaññā, attadiṭṭhi iccādi.

Avadhāraṇapubbapade yathā-guṇo eva dhanam guṇadhanaṃ, evaṃ saddhādhanam, sīladhanaṃ, paññāratanaṃ, cakkhu eva indriyaṃ cakkhundriyaṃ, evaṃ cakkhāyatanaṃ, cakkhudhātu, cakkhudvāraṃ, rūpārammaṇa+miccādi.

Visesana+visessehi, kriyāya ca sahe+rito;  
Tesaṃ bhāvaṃ vivecetā, nipāto byavacchindati.

Ayoga+maññāyogañca, accantāyoga+mevi+ti;  
Vivakkhāto payuttopi, evattho ñāyate yato.

Byavacchedaphalaṃ vākyam, tato citto dhanuddharo;  
Pāttho dhanuddharo nīlu+ppala+matthīti taṃ yathā.

Ettha nipātoti eva-itinipāto, appayuttopi evasaddo evaṃ yojetabbo – “citto dhanuddharo evā”ti visesanena yutto ayogavivacchedako, dhanunā yoge patiṭṭhāpanato “pāttho eva dhanuddharo”ti visesena yutto aññāyogavivacchedako, dhanuddharattassa pātthasamkhātāajjune eva patiṭṭhāpanato. “Nīluppala+matthevā”ti kriyāya yutto accantāyogavivacchedako, nīluppalassa sabbhāveveva patiṭṭhāpanato.

## 21. Saṃkhyādi

Ekatthe samāhāre saṃkhyādi napuṃsakalingaṃ bhavati. Tayo lokā samāhaṭā=cittena sampiṇḍitā, tiṇṇaṃ lokānaṃ samāhāroti vā vākye visesanamāse kate iminā napuṃsakattaṃ bhavati. Samāhārasse+kattā ekavacanameva, tilokaṃ, bho tiloka, tilokaṃ, tilokena iccādi. Evaṃ tayo daṇḍā tidaṇḍaṃ, tīṇi malāni samāhaṭāni, tiṇṇaṃ malānaṃ samāhāroti vā timalaṃ, tilakkhaṇaṃ, catusaccaṃ, pañcasikkhāpadaṃ, chaṭṭhāyatanaṃ, sattāhaṃ, aṭṭhasīlaṃ, navalokuttaraṃ, dasasīlaṃ, satayojanaṃ. Dve rattiyo samāhaṭā dvirattaṃ.

## 12. Naña

Naūcetaṃ syādyantaṃ syādyantena sahe+katthaṃ hoti. Ññakāro “ṭa nañassā”ti visesanattho ‘pāmanaputtādīsu nassa ṭo mā hotū’ti. Na brāhmaṇo abrāhmaṇo, “ṭa nañassā”ti nassa ṭadeso. Ñña-kāro etheva visesanattho.

Na-nisedho sato yutto, desādiniyamaṃ vinā;  
Asato vā+phalo tasmā, katha+mabrāhmaṇoṭice.

Nisedhatthānuvādena, paṭisedhavidhi kvaci;  
Parassa micchāñāṇattā+khyāpanāyo+papajjate.

Duvidho ca+ssa nassa attho pasajjapaṭisedha+pariyudāsavasena. Tattha yo “asūrikapassārājadārā”tiādīsu viya uttarapadatthassa sabbadā abhāvaṃ dīpeti, so pasajjapaṭisedhavācī nāma. Yo pana “abrāhmaṇa+mānaya”tiādīsu viya uttarapadatthaṃ pariyudāsivā paṭikkhipivā taṃsadise vatthumhi kāriyaṃ paṭipādayati, so pariyudāsavācī nāma. Vuttañca –

Pasajjapaṭisedhassa, lakkhaṇaṃ vatthunatthitā;  
Vatthuto+ññatra yā vutti, pariyudāsalakkaṇaṃ.

Yatra abrāhmaṇādīsu, vatthum pariyudassati;  
Takriyāyuttarājādīm, vade so pariyudāsako.

Pasajjapaṭisedho tu, vatthantara+manādiya;  
Kiñcivatthunisedhassa, pasaṅgo na bhaveyya so.

Tadañño ca taṃviruddho,  
Tadabhāvo ca nañnattho.

Tadaññatthe – abrāhmaṇo, brāhmaṇato añño taṃsadisoti vuttaṃ hoti. Evaṃ amanusso, assamaṇo, na byākatā abyākatā dhammā. Tabbiruddhatthe-na kusalā akusalā, kusalapaṭipakkhāti attho. Evaṃ alobho, amitto, ayaṃ pariyudāsanaṃ. Tadabhāve-na katvā akatvā, akātuna puññaṃ, akaronto, abhāvo bhavati. Ayaṃ pasajjapaṭisedhanayo.

Ettha ca ubhosu pariyudāse brāhmaṇā añño brāhmaṇadhamme appatitṭhito khattiyādi brāhmaṇasadisova abrāhmaṇoṭi vutte patiyate. Itarasmim̐ pana pakkhe kenaci saṃsayanimittena khattiyādo brāhmaṇoṭi vuttassa micchāñāṇanivutti karīyati “brāhmaṇo+yaṃ na bhavati abrāhmaṇo”ti, brāhmaṇattajjhāsito na bhavatiyattho. Tattha sadisattaṃ vinā micchāñāṇāsambhavā payogasāmatthiyā ca sadisapaṭipatti, taggatā ca līṅga+saṅkhyā bhavanti. Atoyeva uccate “naññivayutta+maññasadisādhikaraṇe, kathā hi atthasampaccayo”ti.

## 75. Ana sareti

Nañasaddassa sare ana, na asso anasso, na ariyo anariyo. Evaṃ anissaro, anitṭho, anāsavo. Na



ādāya anādāya, anoloketvā icchādi. Bahulādhikārā ayuttatthehi kehici hoti. Puna na gīyantīti apunageyyā gāthā, anokāsaṃ kāretvā, amūlāmūlaṃ gantvā, acandamullokikāni mukhāni, asaddhabhojī, alavaṇabhojī.

### 13. Kupādayo nicca+masyādividhimhi

Kusaddo pādayo ca syādyantena sahe+katthā honti niccaṃ syādividhivisayato+ññattha. Ettha abyabhicāripādisahacaraṇatthena kuiti nipātova, na pathavīvacako kusaddo. Syādividhivisayo nāma “lakkhaṇitthambhūtā” dinā patiādīnaṃ visaye katadutiya, tañca anvaddhamāsanti asaṃkhyasamāsa+miva mā hotūti “asyādividhimhī”ti nisedho. Kucchito brāhmaṇo kubrāhmaṇo, niccasamāsattā asapadena viggaho.

### 107. Sare kada kussu+ttaratthe

Kussu+ttaratthe vattamānassa sarādo uttarapade kadādeso hoti. Īsakaṃ uṇhaṃ kaduṇhaṃ, kucchitaṃ annaṃ kadannaṃ, kadasanaṃ. Sareti kiṃ, kuputtā, kudārā, kudāsā, kudiṭṭhi.

### 108. Kā+ppatthe

Appatthe vattamānassa kussa kā hotu+ttarapade. Appakaṃ lavaṇaṃ kālavaṇaṃ. Evaṃ kāpupphaṃ.

### 109. Purise vāti

Kussa kā vā. Kucchito puriso kāpuriso, kupuriso vā. Pakatṭho nāyako panāyako, padhānaṃ vacanaṃ pāvacaṇaṃ bhusaṃ vaddhaṃ pavaddhaṃ sarīraṃ, samaṃ sammā vā ādhānaṃ samādhānaṃ, vividhā mati vimati, vividho visiṭṭho vā kappo vikappo, adhiko devo atidevo, evaṃ adhidevo, adhisīlaṃ. Sundaro gandho sugandho, kacchito gandho duggandho, suṭṭhu kataṃ sukataṃ, duṭṭhu kataṃ dukkataṃ abhi siñcanaṃ abhisekoti sananto, atisayena katvā, kataṃ pakaritvā, pakataṃ, atisayena thutaṃ atitthutaṃ, atikkamma thutaṃ atitthutaṃ, īsaṃ kaḷāro ākaḷāro, suṭṭhu baddho ābaddho.

Pādayo gatādyatthe paṭhamāya

Pagato ācariyo pācariyo, evaṃ pantevāsī.

Accādayo kantādyatthe dutiyāya

Atikkanto mañcaṃ atimañco. Atimālo, “ghapassa+ntassā+ppadhānassā”ti mālāsadde ghassa rasso. Eva+muparipi ghaṇānaṃ rasso.

Avādayo kuṭṭhādyatthe tatiyāya

Avakuṭṭhaṃ kokilāya vanaṃ avakokilaṃ, avamayūraṃ. Avakuṭṭhanti pariccattaṃ.

Pariyādayo gilānādyatthe catutthiyā

Parigilāno+jjhenāya pariyajjheno.

Nyādayo kantādyatthe pañcamiyā

Nikkhanto kosambiyā nikkosambi. Asyādividhimhīti kiṃ, rukkhaṃ pati vijjotate.

### 14. Cī kriyatthehi

Cīpaccayanto kriyatthehi syādyantehi sahe+kattho hoti. Amalīnaṃ malīnaṃ karitvāti viggayha “abhūtatabbhāve karā+sa+bhūyoge vikārācī”ti cīpaccayekate iminā samāso. Ettha ca-kāro “cī kriyatthehī”ti visesanattho. “Pyo vā tvāssa samāse”ti pya hoti, pa-kāro “pye sissā”ti visesanattho. Malinīkariya.

### 15. Bhūsanā+darā+nādaresva+laṃ+sā+sāti

Bhūsanādīsva+tthesva+la+mādayo saddā ekatthā honti. Alaṃ karitvā sakkaritvā asakkaritvāti viggayha samāse kate pye ca “sā sādharā ca cariccā”ti cādeso pararūpaṇca. Alaṃkariya, sakkacca, asakkacca.

**16. Aññecā+ti suttena samāse kate... ettha yathā dvāraṃ vivarāti vutte pakaraṇato aggala+miti viññāyati, eva+midhāpi nipātapabhāve aññe cāti sāmāññaṃ ce+ti āgamānusārena labbhamānavibhatyantapaṭirūpanipātāva viññāyanti. Aggato bhavitvā purobhuyya, antarahito hutvā tirobhūya, antaradhānaṃ katvā tirokariya, urasi katvā urasikariya, manasi katvā manasikariya, majjhe katvā majjhekariya, tuṅhī bhavitvā tuṅhī bhūya.**

### 17. Vā+neka+ññatthe

Anekaṃ syādyantaṃ aññassa padassa atthe ekatthaṃ vā hoti.

Padantarassa yassa+ttho, padhānaṃ liṅga+massa ca;  
Samāso so+ya+maññattho, bahubbīhiparavhayo.

So ca navavidho dvipado, bhinnādhikaraṇo, tipado, na-nipātapubbapado, sahapubbapado, upamānapubbapado, saṅkhyobhayapado, disantarālattho, byatihāralakkhaṇo cāti.

#### 1. Tattha dvipado tulyādhikaraṇo kammādīsu chasu vibhatyattesu bhavati.

(Ka) tattha dutiyatthe tāva-āgatā samaṇā imaṃ saṅghārāmanti āgatasamaṇo saṅghārāmo. So ca duvidho tagguṇa+tagguṇavasena. Vuttañhi –

Tagguṇo+tagguṇo ce+ti,  
So samāso dvidhā mato.

Taṃ yathā ‘nīyataṃ lamba-  
Kaṇṇo+’ ‘yaṃ diṭṭhasāgaro’.

Tesu yattha visesanabhūto attho aññapadatthaggaṇaṇena gayhati, so tagguṇasaṃviññāṇo, yathā ‘lambakaṇṇa+mānaya’ti. Yattha pana na gayhati, so atagguṇasaṃviññāṇo, yathā ‘bahudhana+mānaya’ti.

Idha visesanassa pubbanipāto. Ettha ca āgatasaddo ca samaṇasaddo ca attano atthe aṭṭhatvā dutiyāvibhatyatthabhūte saṅghārāmasaṅkhāte aññapadatthe vattanti, tato samāseneva kammattassa abhihitattā puna dutiyā na hoti. Tathā āgatasamaṇā sāvatti, āgatasamaṇaṃ jetavanaṃ. Paṭipannā addhikā yaṃ paṭipannaddhiko patho, abhirūḷhāva, ṇijāyaṃ nāvaṃ sā abhirūḷhavāṇijā nāvā.

(Kha) tatiyatthe-jitāni indriyāni yena so jitindriyo samaṇo, evaṃ diṭṭhadhammo, pattadhammo, katakicco. Vijitā mārā anenāti vijitamāro bhagavā, paṭividdhasabbadhammo. Karaṇatthe-chinno rukkho yena so chinnarukkho pharasu.

(Ga) catutthiyatthe-dinno suṅko yassa so dinnasuṅko rājā, dinnaṃ bhojanaṃ assāti dinnabhojano.

(Gha) pañcamiyatthe-niggatā janā yasmā so niggatajano gāmo, niggato ayo=sukhaṃ yasmāti nirayo, nikkile- so. Apetaṃ viññāṇaṃ asmāti apetaṃ viññāṇo matakāyo, apagatabhayabheravo arahā.

(Ña) chaṭṭhiyatthe-chinnā hatthā yassa so chinnahattho. Evaṃ paripuññasāṅkappo khīṇāsavo, vīto rāgo assāti vītarāgo. Dve padāni assāti dvipado, dvihattho paṭo. Tevijjoti ettha tivijjo evāti sakatthe ṇo vuddhi ca. Catuppado, pañca cakkhūni assāti pañcacakkhu bhagavā, chaḷabhiñño, “ghapassā” dinā rassattaṃ. Navaṅgaṃ satthusāsanaṃ. Dasabalo, anantañāṇo. Tīṇi dasa parimāṇa+mesanti tidasā devā, idha parimāṇasaddasannimānato dasasaddo saṅkhyāne vattate. Ayaṃ paccayo etesanti idappaccayā, uttarapade “imassi+daṃ vā” ti imassa idaṃ. Ko pabhavo assāti kiṃ pabhavo kāyo. Vigataṃ malaṃ assāti vimalo, sundaro gandho assāti sugandhaṃ candanaṃ, evaṃ susīlo, sumukho, kucchito gandho assāti duggandhaṃ kuṇapaṃ, dummukho, duṭṭhu mano assāti dummano, evaṃ dussīlo. Tapo eva dhaṇaṃ assāti tapodhana. Khantisāṅkhātaṃ balaṃ assāti khantibalo. Indoti nāmaṃ etassāti indanāmo.

Chandajātādīsu viśesanavisesitabbānaṃ yathicchittatā ubhayaṃ pubbaṃ nipatati, kamātikame payo janābhāvā. Jāto chando assāti jātachando, evaṃ chandajāto. Sañjātapītisomanasso, pītisomanassasañjāto. Māsajāto, jātamāso. Chinnahattho, hatthachinno.

Dīghajāṅghā assāti dīghajāṅgho, ettha pumbhāvo, “ghapassā” dinā rasso ca. Tathā pahūtajivho. Mahantī paññā assāti mahāpañño. “Itthiyaṃ bhāsitaṃ pumi+tthī pume+ve+katthe” ti vīpaccayābhāventassa ṭadeso rassattañca. Itthiyanti kiṃ, khamādhano. Bhāsitaṃ pumāti kiṃ, saddhādhuro. Paññāpakatiko, paññāvisuddhiko, ettha “Itvitthiyūhi ko” ti ko. Gaṇḍīvadhanvāti pakatantarena siddhaṃ.

Nānā=ppakārā dumā nānādumā, nānādumehi patitāni nānādumapatitāni, nānādumapatitāni ca tāni pupphāni ceti nānādumapatitapupphāni, tehi vāsītā nānādumapatitapupphavāsītā, nānādumapatitapupphavāsītāsānuyassaso nānādumapatitapupphavāsītāsānu pabbato, ayaṃ viśesana+amādisamāsagabbho tulyādhikaraṇaāññapadattho.

(Ca) sattamyatthe-sampannāni sassāni yasmim so sampannasasso janapado. Sulabho piṇḍo imasminti sulabhapiṇḍo deso. Ākiṇṇā manussā yassaṃ sā ākiṇṇamanussā rājadhānī. Bahavo tāpasā etasminti bahutāpasaso assamo. Upacitaṃ maṃsalohitaṃ asminti upacitamaṃsalohitaṃ sarīraṃ. Bahavo sāmīno asminti bahusāmikaṃ nagaraṃ, bahū nadiyo asminti bahunadiko, ikārantattā kapaccayo. Evaṃ bahujaṃbukaṃ vanaṃ, bahavo kattāro asmim assa vāti bahukattuko deso, evaṃ bahubhattuko, “Itvitthiyūhi ko” ti ko.

2. Bhinnādhikaraṇo yathā-ekarattim vāso assāti ekarattivāso, samānena janena saddhim vāso assāti samānavāso puriso. Ubhato byañjana+massāti ubhatobyañjanako, vibhatyalopo “vā+ññato” ti ko ca, chattaṃ pañimhi assāti chattaṃ pañi, evaṃ daṇḍapañi, satthapañi, vajirapañi, khaggahattho, pattahattho, dāne ajjhāsayo assāti dānājjhāsayo dānādhimuttiko, buddhabhattiko, saddhammagāro iccādi.

3. Tipado yathā-parakkamenā+dhigatā sampadā yehi te parakkamādhigatasampadā mahāpurisā. Evaṃ dhammādhigatabhogā. Onīto pattato pañi yena so onītapattapañi. Sīhassa pubbaddhamiva kāyo assāti sīhapubbaddhakāyo. Mattā bahavo mātāṅgā asminti mattabahumātāṅgaṃ vanaṃ.

4. Na-nipātapubbapado yathā-natthi etassa samoti assamo, “ṭa nañassā” ti nassa ṭo. Evaṃ appatipuggalo, aputtako, ahētuko, kapaccayo, eva+muparipi ñeyyaṃ. Natthi saṃvāso etenāti asaṃvāso, na vijjate vuṭṭhi etthāti avuṭṭhiko janapado, abhikkhuko vihāro. Evaṃ anuttaro “ana sare” ti ana, evaṃ anantaṃ, anāsavo.

5. Paṭhamātthe sahapubbapado yathā-saha hetunā vattati so sahetuko sahetu vā, “sahassa so+ññatthe” ti sahassa so, evaṃ sappītikā, sappaccayā, sakilesa, saupādāno, saporivāro sahaparivāro vā, saha mūlena uddhaṭo samūluddhaṭo rukkhō.

6. Upamānopameyyajotakaivayutto upamānapubbapado paṭhamāya yathā-nigrodho iva parimaṇḍalo yo so nigrodhaparimaṇḍalo. Saṅkho viya paṇḍaro ayanti saṅkhapaṇḍaro, kāko viya sūro ayanti kākasūro. Cakkhu iva bhūto ayaṃ paramatthadassanatoti cakkhubhūto bhagavā. Evaṃ atthabhūto, dhammabhūto, brahmabhūto, andhabhūto. Muñjapabbajamiva bhūtā ayaṃ muñjapabbajabhūtā kudiṭṭhi. Tantākulamiva jātā ayaṃti tantākulajātā.

Chaṭṭhyatthe-suvaṇṇassa vaṇṇo viya vaṇṇo yassa so suvaṇṇavaṇṇo bhagavā, majjhapadalopo. Nāgassa gati viya gati assāti nāgagati. Evaṃ sīhagati, nāgavikkamo, sīhavikkamo, sīhahanu. Eṇissa viya jaṅghā assāti eṇijaṅgho. Brahmuno viya saro assāti brahmassaro.

7. Vāsaddatthe saṅkhyāubhayapado yathā-dve vā tayo vā dvatti, dvattayo ca te pattā ceti dvattipattā, ‘tisva’iti tisadde pare dvissa attāṃ. Dvīhaṃ vā tīhaṃ vā dvīhatīhaṃ, cha vā pañca vā vācā chappañcavācā, evaṃ sattaṭṭhamāsā, ekayojanadvijojanāni.

8. Disantarālattho yathā-pubbassā ca dakkhiṇassā ca disāya yadantarālaṃ sā pubbadakkhiṇā vidisā. Ettha –

### 69. Sabbādayo vuttimatteti

Itthivācakā sabbādayo vuttimatte pumeva honti. Evaṃ pubbuttarā, aparadakkhiṇā, pacchimuttarā. Pubbā ca sā dakkhiṇā ceti vā.

9. Byatihāralakkhaṇo yathā – ‘tatta gahetvā tena paharivā yuddhe sarūpaṃ’ti suttena samāse kate kesesu ca kesesu ca gahetvā yuddhaṃ pavattaṃ kesākesī, daṇḍehi ca daṇḍehi ca paharivā yuddhaṃ pavattaṃ daṇḍadaṇḍīti hoti. Ettha ca ‘cī vītiḥāre’ti cīpaccaye ‘cismiṃ’ti ākāro, evaṃ muṭṭhāmuṭṭhī.

Sobhaṇo gandho sugandho, so assa atthīti sugandhīhi atthiatthe ipaccayena siddhaṃ. Yasmā ca bhaddāya kāpilāniyā apadāne ‘puno pattaṃ gahetvāna, sodhayitvā sugandhinā’ti vuttaṃ, tasmā vuttīyaṃ ikārantassa abhāvadvāpanatthaṃ ‘sugandhi duggandhīti payogā na dissatī’ti vuttaṃ. Sugandhināti ekavacane rasso.

### 19. Catthe

Anekamsyādyantaṃ catthe ekatthaṃ vā hoti. Samuccayo anvācayo itarītarayogo samāhāroti casaddassa attho catubbidho.

Tattha samuccayā+nvācayesu samāso na hoti, kriyāsāpekkhatāya nāmānaṃ aññamaññaṃ ayuttatthattā, yathā-cīvaraṃ piṇḍapātañca paccayaṃ sayanāsaṇaṃ adāsī, dānañca dehi, sīlañcarakkhāhi. Itarītarayoge samāhāre ca aññamaññaṃpekkhattā samāso.

Ubhayatthapadhāne catthe katha+mekatthībhāvo sambhave+ti ce, vuttañhi –

Sappadhānāpi yattha+tthā, mitho sāpekkhatā iva;  
Kriyāsambandhasāmañña, catthe+katthaṃ ta+duccateti.

Yasmā ekatthībhāvepi satīyasatīyatthe padhānaṃ, tasmā idaṃ vuccate –

Na+aññamaññaṃ visesenti, catthe atthā padāniva;  
Satthavutyī ato tesāṃ, padhānatthaṃ+bhiyujjate.

Itarītarayogo ca, samāhārotya+yaṃ dvidhā;  
Samāso tu imaṃ aññe, jānante dvandanāmato.

Itarītarayogasmim+vayavatthassa sambhavo;  
Samudāyatirobhāvo, paraṃva liṅga+massa ca.

Samudāyabbhavo yasmim+vayavā ca tirohitā;  
Samāhārotya+yam cattho, so ca hoti napuṃsake.

Itarītarayogo yathā-sāriputto ca moggallāno ca sāriputtamoggallānā, bho sāriputtamoggallānā iccādi. Avayavapadhānattā bahuvacanameva. Samaṇā ca brāhmaṇā ca samaṇabrāhmaṇā, evaṃ brāhmaṇagahapatikā, khattiyabrāhmaṇā, devamanussā, candimasūriyā.

#### 64. Vijjāyonisambandhīna+mā tatra cattheti

Vijjāsambandhīnaṃ yonisambandhīnañca catthe ā hotīti ukārassa ā, hotā ca potā ca hotāpotāro. Evaṃ mātāpitaro.

#### 65. Putteti

Putte uttarapade pitādīna+mā hoti catthe. Pitā ca putto ca pitāputtā, evaṃ mātāputtā.

#### 78. Jāyāya jayaṃ patimhi

Patimhi pare jāyāya jayaṃ hoti. Jāyā ca pati ca jayampatayo. Jānipatīti pakatantarena siddham, jāni ca pati ca jānipati. Evaṃ jāmpati dāmpatīti.

Kvaci appasaraṃ pubbaṃ nipatati, yathā-cando ca sūriyo ca candasūriyā, nigamā ca janapadā ca nigamajanapadā. Evaṃ surāsuraḥgaruḍamanujabhujagagandhabbā.

Kvaci ivaṇṇu+vaṇṇantānaṃ pubbanipāto, yathā-aggidhumā, gatibuddhibhujapaṭṭhaharakarasayā, dhātulingāni.

Kvaci sarādiakāraṇaṃ pubbaṃ nipatati, yathā-atthadhammā, atthasaddā, saddatthā vā.

Aññaṃaññaṃsāpekkhānameva tirohitāvayavabhedo samudāyapadhāno samāhāro, yathā-chattañca upāhanā ca chattupāhanaṃ.

#### 20. Samāhāre napuṃsakanti

Samāhāre sabbattha napuṃsakalingaṃ bhavati, samāhārasse+kattā ekavacanameva.

#### 23. Syādīsu rassoti

Napuṃsake vattamānassa syādīsu rasso. Bho chattupāhana, chattupāhanaṃ, chattupāhanena iccādi.

Te ca samāhāritarītarayogā bahulaṃvidhānā niyatavisayāyeva honti, tatrā+yam visayavibhāgo-niruttipītakāgato-pāṇi+tūriya+yogga+senāṅgānaṃ, niccaverīnaṃ, saṅkhyāparimāṇasaññānaṃ, khuddajantukānaṃ, pacanacaṇḍālānaṃ, caraṇasādhāraṇānaṃ, ekajjhāyanapāvacaṇānaṃ, liṅgavisesānaṃ, vividhaviruddhānaṃ, disānaṃ, nadīnañca niccasamāhārekatthaṃ bhavati.

Pāṇāṅgānaṃ-cakkhu ca sotañca cakkhusotaṃ, mukhañca nāsikā ca mukhanāsikaṃ, “syādīsu rasso”ti napuṃsake vattamānassa rasso. Hanu ca gīvā ca hanugīvāṃ, kaṇṇā ca nāsā ca kaṇṇanāsaṃ, pāṇi ca pādo ca pāṇipādaṃ, chavi ca maṃsañca lohitañca chavimaṃsalohitaṃ, nāmañca rūpañca nāmarūpaṃ, jarā ca maraṇaṃ jarāmaraṇaṃ.

Tūriyaṅgānaṃ-alaso ca tālambaro ca alasaṭālambaraṃ, muraḷo ca gomukho ca muraḷagomukhaṃ, saṃkho ca paṇavo ca deṇḍimo ca, saṃkhā ca paṇavā ca deṇḍimā cāti vā saṃkhapaṇavadeṇḍimaṃ, paṇavādayo dvepi bherivisesā, maddaviko ca pānaviko ca maddavikapānavikaṃ, gītaṅca vāditaṅca gītavāditāṃ, sammaṅca tāḷaṅca sammatāḷaṃ, sammaṃti kaṃsatāḷaṃ, tāḷaṃti hatthatāḷaṃ.

Yoggaṅgānaṃ-phālo ca pācanaṅca phālapācanaṃ, yugaṅca naṅgalaṅca yuganaṅgalaṃ.

Senāṅgānaṃ-hatthino ca assā ca hatthiassaṃ, rathā ca pattikā ca rathapattikaṃ, asi ca satti ca tomaraṅca piṇḍaṅca asisattitomarapiṇḍaṃ, asi ca cammaṅca asicammaṃ, cammanti saravāraṅca-phalakaṃ. Dhanu ca kalāpo ca dhanukalāpaṃ, kalāpo=tuṅīraṃ. Paharaṅca āvaraṅca paharaṅāvāraṅcaṃ.

Niccaverīnaṃ-ahi ca nakulo ca, ahī ca nakulā cāti vā ahinakulaṃ. Evaṃ biḷāramūsikaṃ, antassa rassattaṃ. Kākolukaṃ, sappamaṇḍūkaṃ, garuḷasappaṃ, nāgasupaṇṇaṃ.

Saṅkhyāparimāṇasaṅgānaṃ-ekakaṅca dukaṅca ekakadukaṃ. Evaṃ, dukatikaṃ, tikacatukkaṃ, catukkapaṅcakaṃ. Dasakaṅca ekādasakaṅca dasekādasakaṃ, “titālīsa” iti caka-bhāgalopaniddesena kakārassa lopo.

Khuddajantukānaṃ-kīṭā ca paṭaṅgā ca kīṭapaṭaṅgaṃ, kīṭā=kapālapaṭṭhikapāṇā. Evaṃ kunthakipillikaṃ, ḍaṃsā ca makasā ca ḍaṃsamakasaṃ, makkhikā ca kipillikā ca makkhikakipillikaṃ, kīṭā ca sarimṣapā ca kīṭasarimṣapaṃ. Tattha kunthā=sukhumakipillikā.

Khuddajantu anaṭṭhī vā, atha kho khuddakopi vā;  
Sataṃ vā pasato yesaṃ, keci ānatulā iti.

Pacanacaṇḍālānaṃ-orabbhikā ca sūkarikā ca orabbhikasūkarikaṃ, evaṃ sākuntikamāgavikaṃ. Sapāko ca caṇḍālo ca sapākacaṇḍālaṃ, pukkusachavaḍāhakaṃ, venarathakāraṃ, tattha venā=tacchakā, rathakārā=cammakārā.

Caraṇasādhāraṇānaṃ-atiso ca bhāradvājo ca atisabhāradvājaṃ, kaṭṭho ca kapālo ca kaṭṭhakaṇḍālaṃ, silāṅca paṇḍānaṅca silapaṇḍānaṃ, samatho ca vipassanā ca samathavipassanaṃ, vijjā ca caraṇaṅca vijjācaraṇaṃ, evaṃ nāmarūpaṃ, hirottappaṃ, satisampa-jaṅgānaṃ, lobhamohaṃ, dosamohaṃ, ahirikānottappaṃ, thinamiddhaṃ, uddhaccakukkucca+miccādi.

Ekajjhāyanapāvacaṇānaṃ-dīgho ca majjhimo ca dīghamajjhimaṃ, evaṃ ekuttara saṃyuttakaṃ, khandhakavibhaṅgaṃ.

Liṅgavisesānaṃ-itthī ca pumā ca itthipumaṃ, dāsī ca dāso ca dāsīdāsaṃ, cīvaraṅca piṇḍapāto ca senāsanaṅca gilānapaccayabhesajjaparikkhāro ca cīvarapiṇḍapātasenāsanagilānapaccayabhesajjaparikkhāraṃ, tiṇaṅca kaṭṭho ca sākhā ca palāsaṅca tiṇakaṭṭhasākhāpalāsaṃ. “Lābhī hoti cīvarapiṇḍapātasenāsanagilānapaccayabhesajjaparikkhārānaṃ” tipī dissati.

Vividhviruddhānaṃ-kusalaṅca akusalaṅca kusalākusalaṃ, evaṃ sāvajjānavajjaṃ, hīnapaṇītaṃ, kaṇhasukkaṃ, chekapāpakaṃ, sukhadukkaṃ, adhamuttamaṃ, paṭighānunaṃ, chāyātaṃ, ālokaṇḍakāraṃ. Rattiṅca divā ca rattindivaṃ, “rattindivadāragavacaturassā” ti apaccaye kate numaāgamo. Aho ca ratti ca ahorattaṃ, “dīghā+hovassekadesehi ca ratyā” ti apaccaye kate “manādyāpādīna+mo maye ce” ti okāro.

Disānaṃ-pubbā ca aparā ca pubbāparaṃ, evaṃ puratthimapacchimaṃ, dakkhiṇuttaraṃ, pubbadakkhiṇaṃ, pubbuttaraṃ, aparadakkhiṇaṃ, aparuttaraṃ.

Nadīnaṃ-gaṅgā ca yamunā ca gaṅgāyamunaṃ, evaṃ mahīsarabhū.

Tiṇa+rukkha+pasu+sakuṇa+dhana+khañña+byañjana+janapadānaṃ vā. Tiṇavisesānaṃ-usīrāni ca bīraṇāni ca usīrabīraṇaṃ usīrabīraṇāni vā. Evaṃ muñjapabbajaṃ muñjapabbajāni vā, kāsakusaṃ kāsakusā vā.

Rukkhavisesānaṃ-assatthā ca kapiṭṭhā ca assatthakapiṭṭhaṃ assatthakapiṭṭhā vā, evaṃ ambapanasaṃ ambapanasā, khadirapalāsaṃ khadirapalāsā, dhavāssakaṇṇaṃ dhavāssakaṇṇā, pilakkhanigrodhaṃ pilakkhanigrodhā, sākasālaṃ sākasālā.

Pasuvisesānaṃ-gajā ca gavajā ca gajagavajaṃ gajagavajā vā, ajā ca eḷakā ca ajeḷakaṃ ajeḷakā, hatthī ca gāvo ca assā ca vaḷavā ca hatthīgavassavaḷavaṃ hatthīgavassavaḷavā, rassattaṃ. Evaṃ gomahisaṃ gomahisā, eṇeyyavarāhaṃ eṇeyyavarāhā, sīhabyagghataracchaṃ sīhabyagghataracchā, kukkuṭasūkaraṃ kukkuṭasūkarā, eṇeyyagomahisaṃ eṇeyyagomahisā.

Sakuṇavisesānaṃ-haṃsā ca bakā ca haṃsabakaṃ haṃsabakā. Evaṃ kāraṇḍavacakkavākaṃ kāraṇḍavacakkavākā, mayūraḱoṇcaṃ mayūraḱoṇcā, sukasālikaṃ sukasālikā, bakabalākaṃ bakabalākā.

Dhanānaṃ-hiraññaṃca suvaṇṇaṃca hiraññasuvaṇṇaṃ hiraññasuvaṇṇāni. Evaṃ jātarūparajataṃ jātarūparajataṇi, maṇisaṅkhamuttaveḷuriyaṃ maṇisaṅkhamuttaveḷuriyā.

Dhaññānaṃ-sālī ca yavā ca sāliyavaṃ sāliyavā vā. Evaṃ tilamuggamāsaṃ tilamuggamāsāni, nippāvakuḷatthaṃ nippāvakuḷatthā.

Byañjanānaṃ-sāko ca suvā ca sākasuvaṃ sākasuvā. Evaṃ gabyamāhisaṃ gabyamāhisā, eṇeyyavarāhaṃ eṇeya, varāhā. Migamayūraṃ migamayūrā.

Janapadānaṃ-kāsi ca kosalā ca kāsikosalaṃ kāsikosalā, vajjī ca mallā ca vajjimallaṃ vajjimallā, aṅgā ca magadhā ca aṅgamagadhaṃ aṅgamagadhā, evaṃ cetivaṃsaṃ cetivaṃsā, macchasūrasenaṃ macchasūrasenā, kurupaṅcālaṃ kurupaṅcālā. Nāmaṅca rūpaṅca nāmarūpaṅca nāmarūpanāmarūpanti caturekapaṅcavokāravasena vattabbe bahulādhikārā sarūpekasesaṃ katvā nāmarūpanti vuttaṃ.

Etasmim ekatthībhāvakaṇḍe yaṃ vuttaṃ pubbaṃ, tadeva pubbaṃ nipatati, kamātikame payoanassa+bhāvā. Kvacī vipallāsopi hoti, bahulādhikārato, dantānaṃ rājā rājadanto. Catthe samāhāre “sabhāparisāyā”ti ñāpakā kvaci napuṃsakaliṅgaṃ na bhavati, ādhipaccaṅca parivāro ca ādhipaccaparivāro. Evaṃ chandapārisuddhi, paṭisandhipavattiyaṃ.

#### 40. Samāsantva

Upari aya+madhikarīyati.

#### 41. Pāpādīhi bhūmiyā

Pāpādīhi parā yā bhūmi, tassā samāsanto a hoti. Pāpā bhūmi yasminti pāpabhūmaṃ, jātiyā upalakkhitā bhūmi jātibhūmaṃ.

#### 42. Saṃkhyāhiti

Saṃkhyāhi parāya bhūmiyā a hoti. Dve bhūmiyo assa dvibhūmaṃ. Evaṃ tibhūmaṃ.

#### 43. Nadīgodhāvarīnaṃ

Saṃkhyāhi parāsaṃ nadīgodhāvarīnaṃ samāsanto a hoti. Pañcannaṃ nadīnaṃ samāhāro

pañcanadaṃ. Evaṃ sattagodhāvaram.

#### 44. Asaṃkhyehi cā+ṅgulyā+nāññāsaṃkhyatthesuti

Asaṃkhyehi saṃkhyāhi ca parāya aṅgulyā samāsanto a hoti. Niggata+maṅgulīhi niraṅgulaṃ, dve aṅgulyo samāhaṭṭā dvaṅgulaṃ. Anaññāsaṃkhyatthesūti kiṃ, pañca aṅgulyo asmim hattheti pañcaṅguli, aṅgulyā samīpaṃ upaṅguli.

#### 45. Dīghāhovassekadesehi ca rattyāti

Dīghādīhi parāya rattyā a hoti. Dīghā ca sā ratti cāti dīgharattaṃ. Aho ca ratti ca ahorattaṃ, āpādittā o. Vassāsu ratti vassārattaṃ. Pubbā ca sā ratti cāti pubbarattaṃ. Evaṃ apararattaṃ, aḍḍharattaṃ, atikkanto rattiṃ atiratto. Dve rattiyo samāhaṭṭā dvirattaṃ. Anaññāsaṃkhyatthesu tveva, dīghā ratti asminti dīgharatti, hemanto. Rattyā samīpaṃ uparatti. Bahulaṃvidhānā kvaci hoteva, rattiparimāṇanurūpaṃ yathārattaṃ.

#### 46. Gotva+catthe cā+lope

Gosaddā alopavisaye samāsanto a hoti na ce cattādīsū samāso. Rañño go rājagavo. Paramo ca so go cāti paramagavo. Pañcannaṃ gunnaṃ samāhāro pañcagavaṃ, “gossā+vaṇa”’ti avaṇa. Taṃ dhana+massāti pañcagavadhana. Dasagavaṃ.

#### 47. Rattindiva+dāragava+caturassā

Ete saddā a-antā nipaccante. Ratti ca divā ca rattindivaṃ, imināva numāga mā. Dārā ca gavo ca dāragavaṃ. Catasso assiyo assa caturasso.

#### 48. Āyāme+nugavaṃ

Anugavaṃti nipaccate āyāmegamyamāne. Gavassa āyāmo anugavaṃ sakaṭaṃ, asaṅkhyasamāso.

#### 49. Akkhismā+ññatthe

Akkhismā samāsanto a hoti aññatthe. Visālāni akkhīni yassa so visālakkho.

#### 50. Dārumya+ṅgulyā

Aṅgulantā aññatthe dārumhi samāsanto a hoti. Dve aṅgulyo avayavā asseti dvaṅgulaṃ dāru, evaṃ pañcaṅgulaṃ. Aṅgulisadisāvayavaṃ dhaññādīnaṃ vikkhepakaṃ dārūti vuccate.

#### 54. Uttarapade

Idaṃ sabbattha adhikātabbaṃ.

#### 55. Imassi+danti

Uttarapade imassa idaṃ, imāya attho idamaṭṭho, thassa ṭho, idamaṭṭho assa atthīti idamaṭṭhī, idamaṭṭhino bhāvo idamaṭṭhitā. Imesaṃ paccayā idappaccayā, niggahītalopo passa ca dvibhāvo.

#### 57. Ṭa ntantūnanti

Ntantūnaṃ uttarapade ṭa hoti. Bhavanto patiṭṭhā amhanti bhavaṃpatiṭṭhā mayaṃ, niggahītagamo, vagganto, yossa ṭā ca. Bhagavā mūlaṃ etesaṃti bhagavaṃmūlakā no dhammā.



## 58. A

Iti ntantūnaṃ a hoti. Guṇavanto patiṭṭhā mamāti guṇavantapatiṭṭho+smi.

### 60. Parassa saṃkhyāsuti

Saṃkhyāsu parassa o, paro satasmā adhikā parosataṃ.

### 61. Jane puthassuti

Puthassa jane u hoti. Puthagevā+yaṃ janoti puthujjano, jassa dvittaṃ.

### 62. So chassā+hā+yatane vā

Ahe āyatane ca uttarapade chassa so hoti vā. Sāhaṃ chāhaṃ, saḷāyatanaṃ chaḷāyatanaṃ.  
(Sambaraṃ)

### 63. Ltu+pitādīna+māravaraṇa

Ltupaccayantānaṃ pitādīnaṇca yathākkama+māravaraṇa vā hontu+ttarapade. Satthuno dassanaṃ satthāradassanaṃ, kattāraniddeso. Mātarapitaro. Vātveva, satthudassanaṃ, mātujāyo.

### 68. Kvacī paccayeti

Paccaye pumabhāve atisayena byattā byattatarā, byattatamā. “Tassaṃ tatra, tāya tato, tassaṃ velāyaṃ tadā”[“... etthantare rūpāni ācariyasamgharakkhita mahāsāmittheramatena imināva “kvaci paccayeti suttana siddhāni, teneva tāni imasmiṃ sutte udāhaṇāni. ācariyamoggallānamahātheramatena pane+tāni “sabbādayo vuttimatteti suttana siddhāni. toādīnaṃ vibhatyatthe vihītapaccayattā, tadanthānaṇca ṇādivuttittā dvinnampi therānaṃ matā aviruddhā.]

### 71. Saññāya+mudo+dakassa

Saññāya+mudakassu+ttarapade udādeso hoti. Udadhi, udapānaṃ.

### 72. Kumbhādīsu vā

Kumbhādīsu+ttarapadesu udakassa udādeso vā hoti. Udakumbho, udakakumbho. Udapatto udakapatto. Udabindu udakabindu. Ākatigaṇo+yaṃ.

### 73. Sotādīsū+lopo

Sotādīsū+ttarapadesu udakassa ussa lopo hoti. Dakasotaṃ, dakarakkhaso.

### 26. Itthiya+matvā

Itthiyaṃ vattamānato akārantato nāmasmā āpaccayo hoti. Dhammadinnā.

### 27. Nadādito nī

Nadādīhi itthiyaṃ vīpaccayo hoti. Nadī mahī kumārī taruṇī vāruṇī gotamī.

Goto vā

Gāvī go. Ākatigaṇo+yamaṃ. Va-kāro ‘‘ntantūnaṃ vīmhi to vā’’ti visesanattho.

### 28. Yakkhāditi+nī ca

Yakkhādito itthiyamaṃ inī hoti vī ca. Yakkhinī yakkhī, nāginī nāgī, sīhinī sīhī.

### 29. Ārāmikādīhi

Ārāmikādito inī hoti+tthiyamaṃ. Ārāmikīnī, anantarāyikīnī.

Saññāyamaṃ mānuso mānusinī, aññātra mānusi.

### 30. Yuvaṇṇehi nī

Itthiya+mivaṇṇuvaṇṇantehi nī hoti bahulaṃ. Sadāpayatapāṇinī, daṇḍinī, bhikkhunī, khattabandhunī, paracittavidunī. Mātuādito kasmā na hoti, itthipaccayamaṃ vināpi itthattābhiddhānato.

### 31. Ttimhā+ññatthe

Ttimhā+ññattheyeva itthiyamaṃ nī hoti bahulaṃ. Sā+ham ahiṃsāratinī, tassā muṭṭhassatiniyā, sā gāvī vacchagiddhinī. Aññattheti kiṃ, dhammarati.

### 32. Gharāṇyādayoti

Gharāṇipabhutayo nīpaccayantā sādhave honti. Ghara+massā atthīti imhi ‘‘yuvaṇṇehi nī’’ti nī, gharāṇī. Iminā nassa ṇo, īssa attāṇca.

Ācariyā vā yalopo ca iti gaṇasuttēna niyāmitattā imināva nīmhi yalopo ca, ācarinī ācariyā.

### 33. Mātulāditi+vā+nī bhariyāyanti

Mātulādito bhariyāya+mānī hoti. Mātulanī, varuṇānī, gahapatānī, ācariyānī.

Abhariyāyamaṃ khattiyā vā iti gaṇasuttēna niyāmitattā iminā vā ānī, khattiyānī. Nadādipāṭhā bhariyāyantu ī, khattiyī.

### 34. Upamā+saṃhita+sahita+saññata+saha+sapha+vāma+lakkhaṇāditi+rutūti

Ūrusaddato itthiya+mū hoti. Karabho viya ūru yassā sā karabhorū, saṃhito ūru assāti saṃhitorū, evamaṃ sahitōrū, saññatorū, sahorū, saphorū, vāmorū, lakkhaṇorū. Ūti yogavibhāgā brahmabandhū.

### 35. Yuvāti

Yuvāsaddatoti hoti+tthiyamaṃ. Yuvati.

### 36. Ntantūnaṃ vīmhi to vāti

Vīmhi ntantūnaṃ to vā hoti. Gacchatī gacchantī, sīlavata sīlavantī.

### 37. Bhavato bhototi

Vīmhi bhavato bhotādeso vā hoti. Bhotī bhavantī.

### 39. Puthussa pathavaputhavāti

Vīmhi puthussa pathavaputhavā honti. Pathavī puthavī, ꜥe pathavī.

Iti payogasiddhiyaṃ samāsakaṇḍo catuttho.

## 5. Nādikāṇḍa

Samāso padasaṃkhepo, padapaccayasamhitam;  
Taddhitam nāma hotīti, viññeyyam tesa+mantaram.

### 1. No vā+pacce

Chaṭṭhīyantā nāmasmā vā ṇapaccayo hoti apacce+bhidheyye. Apaccasaddasambandhittena apaccavantato katasarapaccayo samatthyato chaṭṭhīyantato hotīti “chaṭṭhīyantā nāmasmā”ti sutte avuttampi vuttam. Nādinam taddhitanti pubbācariyasaññā. Ṇakāro vuddhyattho. Eva+maññatrāpi. Nādivuttittā “ekatthāyam”ti vibhattilopo.

### 124. Sarāna+mādissā+yuvaṇṇassā+eo ṇānubandhe

Sarāna+mādibhūtā ye akāri+vaṇṇu+vaṇṇā, tesam ā+e+o vā honti yathākkamaṃ ṇānubandheti akārassa ākāro. Ā+e+onaṃ vuddhītipi pubbācariyasaññā. Vasiṭṭhassā+paccam vasiṭṭho. Vīmhi vasiṭṭhī. Vetī vasiṭṭhassā+paccamti vākyassa ca vasiṭṭhāpaccamti samāsassa ca vikappattham. So ca vāsaddo yāva “sakatthe”ti adhikarīyati.

Napuṃsakena līngena, saddo+dāhu pumena vā;  
Niddissatīti ṇātabba+mavisese pani+cchiteti –

Vuttatthā apaccasaddassa napuṃsakatthepi puttaputtīnam dvinnampi vācako hoti.

Nādayo+bhidheyyalingā, apacce tva+napuṃsakā;  
Napuṃsake sakatthe ṇyo, bhiyyo bhāvasamūhajā;  
Tā tu+tthiya+masamkhyāne, tvādicīpaccayantakā.

Bhāradvājassa apaccam=putto bhāradvājo, evaṃ vessāmitto, gotamo. Ettha ca a+yuvaṇṇantābhāvā ā+e+onaṃ na vuddhi. Vāsudevassa apaccam vāsudevo, baladevo. Cittakotiādīsu pana saṃyogantattā “saṃyoge kvacī”ti kvacī na vuddhi. Upaguno apaccam opagavo opagavī. Ettha “uvaṇṇassā+vaṇa sare”ti ukārassa avaṇa.

Vacchassā+paccanti viggayha pubbasuttēna ṇapaccaye kate puna vacchassā+paccamti viggaho.

### 2. Vacchādito ṇāna+ṇāyanā

Vacchādīhi apaccapaccayantehi gottādīhi ca saddehi ṇāna+ṇāyanapaccayā vā honti apacce. Vacchāno, vacchāyano, “saṃyoge kvacī”ti na vuddhi. Katissā+paccam kacco, “ṇya diccādīhi”ti ṇyo, “lopo+vaṇṇi+vaṇṇānam”ti akāralope cavaggaṃpubbarūpāni. Kaccassā+paccam kaccāno, kaccāyano, yāgame kātiyāno. Muggassā+paccam=nattādīti vākye vuddhi+ikāralopa+pubbarūpāni. Moggallassā+paccamti punaṇāna+ṇāyanā honti, moggallāno moggallāyano. Ime cattāro apaccapaccayantā. Gottādito yathāsakaṭassā+paccam nattādīhi sakaṭāno sakaṭāyano. Kaṇhassā+paccam nattādī kaṇhāno kaṇhāyano. Evaṃ aggivessāno aggivessāyano, muñjāno muñjāyano, kuñjāno kuñjāyano. Sabbattha saṃyogattā na vuddhi. Ākatigaṇo+yam.

### 3. Kattikāvidhavādīhi ṇeyyaṇerā

Kattikādīhi vidhavādīhi ca ñeyyaṇerappaccayā honti vā yathākkamaṃ. Kattikāya apaccaṃ kattikeyyo, garuḷo vinatāya=supaṇṇamātuyā apaccaṃ venateyyo. Rohiṇiyā apaccaṃ rohiṇeyyo, gaṅgāya apaccaṃ gaṅgeyyo. Evaṃ bhāgineyyo, nādeyyo, anteyyo, āheyyo, kāpeyyo, suciyā apaccaṃ soceyyo, bāleyyo. Ñere-vidhavāya apaccaṃ vedhavero. Bandhakiyā=abhisārikāya apaccaṃ bandha-kero. Samaṇassa upajjhāyassā+paccaṃ sāmaṇero, nāḷikero iccādi.

#### 4. Ñya diccādīhi

Ditippabhutīhi ñyo hoti apacce.

#### 125. Saṃyoge kvaci

Saṃyogavisaye kvaci ā+e+ovuddhiyo honti ñānubandhe.

#### 131. Lopo+vaṇṇi+vaṇṇānaṃ

Avaṇṇi+vaṇṇānaṃ lopo hoti yakārādo paccaye. Ditiyā=asuramātuyā apaccaṃ decco ādicco. Kuṇḍaniyā apaccaṃ kuṇḍañño, nassa ññe pubbarūpaṃ. Aditīti devamātā.

Bhātuno apaccaṃ bhātabyo, “yamhi gossa cā”ti yamhi ussa avaṇa akāralopapubbarūpāni.

#### 5. Ā ṇi

Akārantato ṇi vā hota+pacce bahulaṃ. Ā=ti nānavisesanattā a-kārantatoti vuttaṃ. Dakkhassā+paccaṃ dakkhi, datti, doṇi, vāsavi, vāruṇi. Jinadattassā+paccaṃ jenadatti, suddhodani, ānuruddhi iccādi.

#### 6. Rājato ñño jātiyaṃ

Rājato ñño vā hota+pacce khatthiyajātiyaṃ gamyamānāyaṃ. Rañño apaccaṃ rājañño. Jātiyanti kiṃ, rājāpaccaṃ.

#### 7. Khattā yi+yā

Tijātiyaṃ apacce ya+iyā honti. Khattassā+paccaṃ khatyo khattiyō. Jātiyaṃ tveva, khatti.

#### 8. Manuto ssa+saṇa

Manuto jātisamudāye ssa+saṇa hontu+pacce. Manuno apaccaṃ manusso mānuso, manussī mānusi. Jātiyaṃ tveva, mānavo, nassa ṇo, māṇavo.

#### 9. Janapadanāmasmā khattiyā raññe ca ṇo

Janapadassa yaṃ nāmaṃ, taṃ nāmasmā khattiyā apacce raññe ca ṇo hoti. Pañcālānaṃ apaccaṃ rājā vā pañcālo, kosalo, māgadho, okkāko. Janapadanāmasmāti kiṃ, dāsarathi. Khattiyāti kiṃ, pañcālāssa brāhmaṇassā+paccaṃ pañcāli.

#### 10. Ñya kurusivīhi

Kurusivīhi apacce raññe ca ṇo hoti. Kurūnaṃ apaccaṃ rājā vā korabyo. “Yamhi gossa cā”timinā avaṇa, bakārapubbarūpāni. Sebbo, ilopo. (Apaccataddhitam).

#### 11. Ña rāgā tena rattam

Rāgavācītatiyantato ratta+micce+tasmiṃ atte ño hoti. Kusumbhādīhi vaṇṇantarapattaṃ rattaṃ nāma. Kasāvena rattaṃ kāsāvaṃ. Evaṃ kusumbhena rattaṃ kosumbhaṃ, hāliddaṃ, pattaṅgaṃ, mañjeṭṭhaṃ, kuṅkumaṃ. Idha na hoti nīlaṃ pītanti, guṇavacanattā ñena vināpi dabbassā+bhidhānato.

### 12. Nakkhatteni+nduyuttana kāle

Tatiyantato nakkhattā tena lakkhite kāle ño hoti, taṃ ce nakkhatta+minduyuttaṃ hoti. Phussena induyuttana lakkhitā puṇṇamāsī phussī ratti, phusso aho, maghāya induyuttāya lakkhitā puṇṇamāsī māghī, māgho.

### 13. Sā+ssa devatā puṇṇamāsī

Seti paṭhamantā asseti chaṭṭhiyatthe ño hoti, yaṃ paṭhamantaṃ, sā ce devatā puṇṇamāsī vā. Sugato devatā assa sogato, māhindo, yāmo, vāruṇo. Buddho assa devatāti buddho. Phussī puṇṇamāsī assa sambandhinīti phusso māso. Evaṃ māgho, phagguno, citto, vesākho, jeṭṭhamūlo, āsālho, sāvaṇo, poṭṭhapādo, assayujo, kattiko, māgasiro. Puṇṇamāsī ca bhatakamāsasambandhinī na hoti, puṇṇo mā assanti nibbacaṇā, ato eva nipātanā ño, sāgamo ca.

### 14. Ta+madhīte taṃ jānāti ka+ṇikā ca

Dutiyaṃ ta+madhīte taṃ jānāti etesva+tthesu ño hoti ko ṇiko ca. Ettha casaddo ko caṇiko ca hotīti samuccino, no ṇapaccayaṃ. Byākaraṇa+madhīte jānāti vā veyyākaraṇo, vi+ā+karaṇanti vicchijja katayādesassi+kārassa “tadādesā tadīva bhavanti”ti ṇāyā “sarāna” miccādinā ekāre yāgamadvittāni. Evaṃ mohutto, nemitto, aṅgavijjo, vatthuvijjo, chandaso, “manā, dīnaṃ saka” iti sakāgamo. Kamako, padako, venayiko, suttantiko, ābhidhammiko. Dvitaḅgahaṇaṃ ajjhenajānane ca viṣuṃ viṣuṃ paccayavidhānatthaṃ, ajjhenavisayadassanatthaṃ, pasiddhupasaṃharaṇatthaṃca.

### 15. Tassa visaye dese

Chaṭṭhiyantā visaye desasarūpe ño hoti. Vasātīnaṃ visayo deso vāsāto. Deseti kiṃ, cakkhussa visayo rūpaṃ, devadattassa visayo+nuvāko.

### 16. Nivāse tannāme

Ti tannāme nivāse dese ño hoti. Sivīnaṃ nivāso deso sebbo. Ettha “yavā sare”ti yakāre bakārapubbarūpanī. Vāsāto.

### 17. Adūrabhaveti

Ño, vidisāya adūrabhavaṃ vedisaṃ.

### 18. Tena nibbatteti

Tatiyantā nibbattatthe ño hoti. Kusambena nibbattā kosambī nagaraṃ, evaṃ kākandī, mākandī, sahasena nibbattā sāhassī parikhā, hetumhi kattari karaṇe ca yathāyogaṃ tatiyā.

### 19. Ta+midha+tthi

Tanti paṭhamantā idhāti sattamyatthe dese tannāme ño hoti, yaṃ taṃ paṭhamanta+matthi ce. Udumbarā asmiṃ dese santīti odumbaro, bādaro, pabbajo.

### 20. Tatra bhaveti

Sattamyantā bhavatthe ño. Udaḅe bhavo odaḅo, oraso, jānapado, māgadhō, kāpilavatthavo,

kosambo, manasi bhavaṃ mānasaṃ sukhaṃ, sakāgamo. Sāraso sakuṇo, sārasī sakuṇī, sārasaṃ pupphaṃ. Mitte bhavā mettā mettī vā. Pure bhavā porī vācā. Pāvuse bhavo pāvuso megho. Pāvusā ratti, pāvusaṃ abbaṃ. Sārado, sārada, sāradaṃ pupphaṃ. Mādhuro jano, mādhurā gaṇikā, mādhuraṃ vatthaṃ.

### 21. Ajjādīhi tanoti

Bhavatthe tano. Ajja bhavo ajjatano, svātano, hiyyatano. “Eona+ma vaṇṇe”ti eonaṃ a hoti.

### 22. Purāto ṇo cati

Bhavatthe ṇo tano ca. Ettha ṇakāro avayavo, nevā+nubandho. Purāṇo, purātano.

### 23. Amātvā+ccoti

Bhavatthe acco hoti. Amā=saha bhavo amacco.

### 24. Majjhāditvi+moti

Bhavatthe imo, majjhe bhavo majjhimo. Evaṃ antimo, heṭṭhimo, uparimo, orimo, pārīmo, pacchimo, abhantariḍho, paccantimo.

### 25. Kaṇa+ṇeyya+ṇeyyaka+yi+yāti

Bhavatthe kaṇādayo honti. Kaṇa-kusinārāyaṃ bhavo kosinārako, māgadhako, ārañṇako vihāro, rājagahako, kosambako, indapattako, kāpilako, bhārukacchako, nāgarako. Aṅgesu jāto aṅgako, kosalako, vedehako, kambojako, gandhārako, sovīrako, sindhavako, assako iccādi. Neyya-gaṅgeyyo, pabbateyyo, vāneyyo. Neyyaka-kosaleyyako, bārāṇaseyyako, campeyyako, silāya jātaṃ seleyyakaṃ, mithileyyako. Bārāṇaseyyakotyādīsu “dissanta+ññepi paccayā”ti eyyako, evaṃ upari sutte dassitapaccayato viṣuṃ paccaye dassite iminā suttenāti daṭṭhabbaṃ. Ya-gammo, yamhi akāralope pubbarūpaṃ rasso ca. Dibbo. Iya-udariyo, diviyo, pañcāliyo, bodhipakkiyo, lokiyo.

### 26. Ṇiko

Sattamyantā bhavathe ṇiko hoti. Sarade bhavo sārādiko divaso, sārādikā ratti.

### 27. Ta+massa sippaṃ sīlaṃ paṇyaṃ paharaṇaṃ payojanaṃ

Paṭhamantā sippādivācakā asseti chaṭṭhyatthe ṇiko hoti. Vīṇāvādanaṃ sippa+massa veṇiko, vīṇāvādanaṃ abhedopacārena vīṇā nāma. Modiṅgiko, vaṃsiko. Paṃsukūladhāraṇaṃ sīla+massa paṃsukūliko, tecīvariko. Gandho paṇya+massa gandhiko, teliko, goḷiko, pūviko, paṇṇiko, tambuliko, loṇiko. Cāpopaharaṇa+massa cāpiko, tomariko, muggariko, mosaliko. Upadhi=kkhandhādi payojana+massa opadhikaṃ, sātikaṃ, sāhassikaṃ.

### 28. Taṃ hanta+rahatī gacchatu+ñchati+carati

Dutiyaṃ hantīti evamādīsva+tthesu ṇiko hoti. Pakkhino hantīti pakkhiko, sākuṇiko, māyūriko, macche hantīti macchiko, meniko. Mige hantīti māgaviko, vakārāgamo. Migassa “tadaminā”dinā magavādesepi māgaviko. Orabbhiko, hāriṇiko. Sūkarikoti iko. Sata+marahatīti sātikaṃ, sandiṭṭhikaṃ, ehi passa vidhiṃ arahatīti ehipassiko. Ettha tyādyantasamudāyato anukaraṇattā vā taddhitassa abhidhānalakkhaṇattā vā bahulaṃvidhānena vā paccayo. Sāhassiko, kumbhiko, doṇiko, addhamāsiko, kahāpaṇiko, āsītikā gāthā, nāvutikā. Sahassiyoti iyo. Parādāraṃ gacchatīti pārādāriko, maggiko, paññāsāyojaniko, pathiko. Badare uñchatīti bādāriko, sāmāliko. Dhammaṃ caratīti dhammiko, adhammiko.

### 29. Tena kataṃ kītaṃ baddha+mabhisankhataṃ saṃsaṭṭhaṃ hataṃ hanti jitaṃ jayati dibbati khanati tarati carati vahati jīvatīti

Katādīsva+tthesu ñiko. Kāyena kataṃ kāyikaṃ, vācasikaṃ, mānasikaṃti sakāgamo. Vātena kato ābādho vātito, semhiko, pittiko. Satena kītaṃ sātikaṃ, sāhassikaṃ, vatthena kītaṃ vatthikaṃ, kumbhikaṃ, sovaṇṇikaṃ, ghātikaṃ. Mūlatova paccayo, amūlavācittā devadattena kītōti na hoti, tadatthāppatītiyā. Varatthāya baddho vārattiko, āyasiko, pāsiko, suttiko. Ghatena abhisankhataṃ saṃsaṭṭhaṃ vā ghātikaṃ, goḷikaṃ, dadhikaṃ, mārīcikaṃ. Jālena hato hantīti vā jālika, bālisiko. Akkhehi jitaṃ akkhikaṃ dhanam, sālākikaṃ, tindukiko, ambaphaliko. Akkhehi jayati dibbati vā akkhiko. Khaṇittiyā khanatīti khāṇittiko, kuddālika. Devadattena jitaṃ, aṅgulyā khanatīti na hoti, tadatthānavagamā. Uḷumpena taratīti oḷumpiko, uḷumpikoti iko. Kulliko, gopucchiko, nāviko. Sakaṭena caratīti sākaṭiko, rathiko. Parappikoti iko. Khandhena vahatīti khandhiko. Aṃsiko, sīsikoti iko. Vetanena jīvatīti vetaniko, bhatiko, kayiko, vikkayiko, kayavikkayikoti iko.

### 30. Tassa saṃvattati

Catutthiyantā saṃvattatīti asmim attheṇiko hoti. Punabbhavāya saṃvattatīti ponobbhaviko, itthiyaṃ ponobbhavikā. Lokāya saṃvattatīti lokiko. Suṭṭhu aggoti saggo, saggāya saṃvattatīti sovaggiko, sasso+vaka tadaminādīpāṭhā. Dhanāya saṃvattatīti dhaññaṃ.

### 31. Tato sambhūta+māgataṃ

Pañcamiyantā sambhūta+māgatanti etesva+tthesu ñiko hoti. Mātito sambhūta+māgataṃvā+ti ettha “mātito ca bhaginiyaṃccho”ti “mātito”ti bhāgena ussa imhi vākyam, rassadvittesu mattikaṃ, pettikaṃ. Nya+riyaṇa+ryapaccayāpi dissanti. Surabhito sambhūtaṃ sorabhyaṃ. Yamhi thaññaṃ. Ubhayattha “lopo+vaṇṇi+vaṇṇānaṃ”ti lopo. Riyaṇa-pitoto sambhūto pettiyo, mātiyo, “rānubandhe+ntasarādissā”ti ulopo, mattiyo. Ryamhi-ulopo, cavaggapubbarūpāni, macco vā.

### 32. Tattha vasati vidito bhatto niyutto

Sattamiyantā vasatītevamādīsva+tthesu ñiko hoti. Rukkhamūle vasatīti rukkhamūlika, ārañṇiko, rājagahiko, māgadhiko, sosāniko. Loke vidito lokiko. Catumahārājesu bhattā cātummahārājikā. Dvāre niyutto dovāriko, dassoka tadaminādīpāṭhā. Bhaṇḍāgāriko. Ike-navakammiko, ādikammiko. Kiye-jātikiyo, andhakiyo.

### 33. Tassi+daṃ

Chaṭṭhiyantā ida+micca+smim atthe ñiko hoti. Saṅghassa idaṃ saṅghikaṃ, puggalikaṃ, sakyaputtiko, nāṭaputtiko, jenadattiko. Kiye-sassa idaṃ sakiyo, parakiyo. Niyeattaniyaṃ. Ke-sako, rañño idaṃ rājakaṃ bhaṇḍaṃ.

### 34. Ño

Chaṭṭhiyantā ida+micca+smim atthe ño hoti. Kaccāyanassa idaṃ kaccāyanam, byākaraṇam, sogataṃ sāsanam, māhisam maṃsādi.

### 35. Gavādīhi yo

Gavādīhi chaṭṭhiyantehi ida+micca+smim atthe yo hoti. Gunnaṃ idaṃ gabyam, avaṇa, maṃsādi. Ilope kabbaṃ. Duno idaṃ dabbam.

### 36. Pitito bhātari reyyaṇa

“Pitito mātito”ti tena tena suttanipāteneva ussa i. Pitusaddā tassa bhātari reyyaṇa. Pitu bhātā

petteyyo.

### 37. Mātito ca bhaginiyaṃ ccho

Mātuto ca pituto ca tesam bhaginiyaṃ ccho hoti. Mātu bhagini mātucchā, pitu bhagini pitucchā. Kathaṃ “mātu bhātā mātulo”ti, “mātulādītvānī”ti nipātanā lapaccayo.

### 38. Mātāpitūsvā+maho

Mātāpitūhi tesam mātāpitūsvā+maho hoti. Mātu mātā mātāmahī, mātu pitā mātāmaho. Pitu mātā pitāmahī, pitu pitā pitāmaho. Na yathāsaṅkhyam paccekābhisambandhato visum visum mātāpitūsaddehi tesam mātāpitunnam atthe paccayo hoti.

### 39. Hite reyyaṇa

Mātāpitūhi hite reyyaṇa hoti. Mātu hito matteyyo, petteyyo.

### 40. Nindā+ññāta+ppa paṭibhāga rassa dayā saññāsu ko

Nindādīsva+tthesu nāmasmā ko hoti. Nindāyam-nindito muṇḍo muṇḍako, evam samaṇako, paṇḍitako, brāhmaṇako, veyyākaraṇako. Aññāte-kassā+yam asso assako, payogasāmatthiyā sambandhivisesānāvagamo+vagamyate. Appatthe-appakam telam telakam, ghatakam. Paṭibhāgatthe-hatthī viya hatthiko, assako, balībaddhako. “Ime no hatthikā assā, balībaddhā ca no ime”tyādīpāthe “lopo”ti kapaccayalopena vā abhedopacārena vā daṭṭhabbam, ime ca dāruādīhi katarūpāni. Rasserasso mānuso mānusakko, rukkhako, pilakkhako. Dayāyam-dayito=nukampito putto puttako, vacchako. Saññāyam-moro viya morako, katako, bhatako.

### 41. Ta+massa parimāṇam ṇiko ca

Paṭhamantā asseti asmim atthe ṇiko hoti ko ca, tañce paṭhamantaṃ parimāṇam bhavati. Doṇādīnam parimitavīhādīnam karaṇattā “parimīyanta+nenāti parimāṇa”nti hoti. Doṇo parimāṇa+massāti doṇiko vīhi, khārasatiko, khārasahassiko, āsītiko vayo, upaḍḍhakāyo parimāṇa+massa upaḍḍhakāyikam bimbohanaṃ. Pañcakaṃ, chakkam.

### 42. Ya+te+tehi+ttako

Yādīhi paṭhamantehi asseti chaṭṭhyatthe ttako hoti, tañce paṭhamantaṃ parimāṇam bhavati. Yam parimāṇa+massa yattakam, tattakam, “etasseṭa ttake”ti etassa eṭa, ettakam. Āvatake-yam parimāṇa+massa yāvatako, tāvatako.

### 43. Sabbā cā+vantu

Sabbato paṭhamantā yādīhi ca asseti chaṭṭhyatthe āvantu hoti, tañce paṭhamantaṃ parimāṇam bhavati. Sabbam parimāṇa+massa sabbāvantaṃ, “amāṇam napuṃsake”ti am. Yāvantaṃ, tāvantaṃ.

### 44. Kimhā rati+rīva+rīvataka+rittakā

Kimhā paṭhamantā asseti chaṭṭhyatthe rati+rīva+rīvataka+rittakā honti. Kiṃsaṅkhyānam parimāṇa+mesam kati, rānubandhattā imbhāgalopo. Kīva, kīvatakaṃ, kittakam. Rīvanto sabhāvato asaṃkhyo.

### 45. Sañjātaṃ tārakādīvi+toti

Sañjātatthe ito. Tārakā sañjātā assa tārakitaṃ gaganam, pupphāni sañjātāni assa pupphito



rukkho, pallavitā latā.

#### 46. Māne matto

Paṭhamantā mānavuttito asseti asmiṃ atthe matto hoti. Palaṃ ummāna+massa palamattaṃ. Hattho paṇāma+massa hatthamattaṃ. Sataṃ māna+massa satamattaṃ. Doṇo parimāṇa+massa doṇamattaṃ. Abhedopacārā doṇotipi hoti. Mīyate+nenāti mānaṃ, mānassa sambandhittā chaṭṭhyantabhūtānameva vidhi hoti. Ettha ca –

Uddhamānantu ummānaṃ, parimāṇantu sabbato;  
Pamāṇaṃ hoti āyāmo, saṃkhyāseso tu sabbato.

#### 47. Taggho cu+ddhaṃ

Uddhamānavuttito taggho hoti matto ca. Jaṇṇu parimāṇa+massa jaṇṇutagghaṃ, jaṇṇumattaṃ.

#### 48. Ño ca purisāti

Purisā ño hoti mattādayo ca. Puriso parimāṇa+massa porisaṃ, purisamattaṃ+purisatagghaṃ.

#### 49. Ayu+bhadvitīhaṃ+se

Ubhadvitīhi avayavavuttīhi ayo hoti. Ubho aṃsā assa ubhayaṃ, dvayaṃ, tayaṃ. Aṃsasambandhena samudāye vidhi hotīti na ubhayādīto bahuvacananti ce, “rāhuno siro” tyādo abhedepi bhedavivakkhāya labbhamānato bahuvacanaṃ hoteva.

#### 50. Saṅkhyāya saccu+tī+sā+sa+dasantāyā+dhikā+smiṃ satahasse ḍo

Satyantāya utyantāya īsantāya āsantāya dasantāya saṅkhyāya paṭhamantāya asminti sattamyatthe ḍo hoti, sā ce saṅkhyā adhikā hoti, ya+dasminti, taṃ ce sataṃ sahasaṃ satahasaṃ vā hoti. Vīsati adhikā asmiṃ sateti vīsaṃsataṃ.

#### 139. Ḍe satissa tissati

Ḍe pare satyantassa tikārassa lopo hoti. Ekavīsaṃsataṃ sahasaṃ satahasaṃ vā. Tiṃsati adhikā asmiṃ satādīketi tiṃsasataṃ ekatiṃsasataṃ iccādi. Utyantāyanavuti adhikā asmiṃ satādīketi navutaṃsataṃ sahasaṃ satahasaṃ vā. Īsantāya-cattālīsaṃ adhikā asmiṃ sate sahasse satahasseti cattālīsasata+miccādi. Āsantāya evaṃ, paññāsāsa+miccādi. Dasantāya-ekādasāsa+miccādi.

#### 51. Tassa pūraṇe+kādasādito vā

Chaṭṭhiyantāye+kādasādīkāya saṃkhyāya ḍo hoti pūraṇatthe vibhāsā. Sā saṃkhyā pūriyate yena taṃ pūraṇaṃ. Ekādasannaṃ pūraṇo ekādaso. Aññatra “ma pañcādīkatīhi” ti mo, ekādasamo. Vīsatiyā pūraṇo vīso vīsatiṃ, tiṃso, tiṃsatiṃ. Vāsaddassa vavatthitavibhāsattā niccaṃ cattālīso paññāso.

#### 52. Ma pañcādīkatīhiti

Mapaccaye pañcāmo, pañcamī. Sattamo, sattamī. Aṭṭhamo, aṭṭhamī. Katimo, katimī iccādi.

#### 53. Sathādīna+mi cati

Satādīnaṃ mo ca antādeso i ca. Satassa pūraṇo satimo, sahasaṃ.

#### 54. Chā t̥ṭha+t̥ṭhamāti

Chasaddā pūraṇatthe t̥ṭha+t̥ṭhamā. Channaṃ pūraṇo chaṭṭho, chaṭṭhamo. Itthiyaṃ chaṭṭhī, chaṭṭhamī. “Catutthadutiyesve+saṃ tatiyapaṭhamā”ti nīpātanā pūraṇatthe dvito tiyo dvissa du ca, ticatūhi tissa a, tiya+tthā ca yathākkamaṃ, dutiyo tatiyo, catuttho.

#### 55. Ekā kā+kya+sahāye

“Sati byabhicāre visesanaṃ sātthakaṃ”ti nīyā saṃkhyāto visesetum “asahāye”ti vuttaṃ. Ekasmā asahāyatthe ka+ākī honti vā. Ekova ekako, ekākī, eko vā.

#### 56. Vacchādīhi tanutte taro

Vacchādīnaṃ sabhāvassa tanutte=kiñcimattāvasese taro hoti. So=sako bhāvo sabhāvo attaniyapavattinimittaṃ. Susuttassa tanutte vacchataro, itthiyaṃ vacchatarī. Yobbanassa tanutte okkhataro. Okkhā=dutiyaṃvayaṭṭhagoṇo. Assabhāvassa tanutte assataro. Gāvoti jātisāmatthiyassa tanutte usabhataro. Ettha tanuttaṃ appabalaṭā.

#### 57. Kimhā niddhāraṇe ratara+ratamā

Kimśaddā niddhāraṇe ratara+ratamā honti. Ko evāti kataro bhavataṃ devadatto, kataro bhavataṃ kaṭṭho. Katamo bhavataṃ devadatto, katamo bhavataṃ kaṭṭho. Bhāradvājānaṃ katamo+si brahme.

#### 58. Tena datte li+yāti

Datte+bhidheyye la+iyā honti bahulādhiḥkāra manussasaññāyaṃ. Devena datto devalo deviyo, brahmalo brahmiyo. Sīvalo sīviyo sissa dīgho. Deva+brahma+sivāti tannāmakā manussā. (Rattamiccādiānekattataddhitāṃ).

#### 59. Tassa bhāvakkammesutta+tā+ttana+ṇya+ṇeyya+ṇi+ya+ṇiyā

Chaṭṭhiyantā bhāve kamme ca ttādayo honti bahulaṃ. Na sabbe paccayā sabbato honti aññatratta+tāhi. Bhavanti etasmā buddhisaddāti bhāvo saddapavattinimittaṃ. Vuttañca –

Hontya+smā saddabuddhīti, bhāvo taṃ saddavuttiyā;  
Nimittabhūtaṃ nāmañca, jāti dabbāṃ kriyā guṇoti.

Nīlassa paṭassa bhāvo nīlattaṃ nīlatāti guṇo bhāvo. Ettha nīlaguṇavasena paṭe nīlasaddassa vuttiyā paṭabuddhiyā nimittaṃ bhāvo nāma. Nīlassa guṇassa bhāvo nīlattaṃ nīlatāti nīlaguṇajāti, ettha nīlaguṇajāti nimittaṃ hutvā nīlasaddassa guṇavuttiyā nīlaguṇajāti nimittaṃ. Gottaṃ gotāti gojāti, ettha jātisaddānaṃ dabbavuttiyā sati jāti nimittaṃ. Pācākassa bhāvo pācākattaṃti kriyāsambandhittaṃ bhāvo, ettha pacanakriyāsambandhittaṃ bhāvo. Daṇḍittaṃ visāñittaṃ rājapurisattaṃti daṇḍa+visāṇa+rājadabbānaṃ sambandhittaṃ bhāvo, daṇḍītyādisaddapavattiyā nimittattā.

Devadattassa bhāvo devadattattaṃ, candattaṃ, sūriyattaṃti tadavatthā visesasāmaññaṃ, devadattassa bālatādiavatthābhedo, candassa kalādiavatthābhedo ca, sūriyassa mandapaṭutādiavatthābhedo ca sāmaññaṃ, tadettha nimittaṃ. Ettha vijjāmanāpadatthānaṃ visayabhūtasāññāsaddānaṃ pavattinimittaṃ vuttaṃ. Ākāsaṃ abhāvattaṃti, tattha ghaṭākāsa+pīṭhārākāsa, paṭābhāva+ghaṭābhāvādinā upacaritābhedaśāmaññaṃ bhāvo.

Ttana-puthujjanattaṃ. Vedanāya bhāvo vedanattaṃ, rasso. Evaṃ jāyattaṃ, jārattaṃ.

Ñya-alasassa bhāvo kammaṃ vā ālasyaṃ, ettha ‘‘lopo+vaṇṇi+vaṇṇānaṃ’’ti a-lope ‘‘sarāna+mādissā’’dinā ākāro, eva+mupari ca. Brāhmaṇassa bhāvo brahmaññaṃ, ññākārapubbarūpāni. Cāpalyaṃ, nepuññaṃ, pesuññaṃ, rañño bhāvo rajjaṃ, ādhipaccaṃ, dāyajjaṃ, vesammaṃ, vesamaṃ, ṇapaccayo. Sakhino bhāvo sakhyaṃ, vāṇijjaṃ, ārogyaṃ, odagyaṃ, ānanyaṃ, dubbalyaṃ, balyaṃ, paṇḍiccaṃ, bāhussaccaṃ, porohiccaṃ. Muṭṭhassatissa bhāvo muṭṭhassaccaṃ, ilopo. Kosallaṃ, vepullaṃ. Samānassa bhāvo sāmāññaṃ, perissaṃ, somanassaṃ, domanassaṃ, sovacassaṃ, dovacassaṃ, nipakassa bhāvo nepakkaṃ, ādhikkaṃ, dubhagassa bhāvo dobhaggaṃ, sarūpassa bhāvo sāruppaṃ, opammaṃ, sokhummaṃ, tathassa bhāvo tacchaṃ. Dummedhassa bhāvo dummejjhaṃ. Bhesajassa bhāvo bhesajjaṃ, byāvaṭassa kammaṃ veyyāvaccaṃ yathā veyyākaraṇaṃ.

Ñeyya-sucino bhāvo soceyyaṃ, ādhipateyyaṃ, kapissa bhāvo kāpeyyaṃ. Saṭhassa bhāvo kammaṃ vā sāṭheyyaṃ.

Ña-garūnaṃ bhāvo gāravaṃ, u avaṇa. Pāṭavaṃ, ajjavaṃ, maddavaṃ, ‘‘kosajjā’’dinā ussa attamaṃ dvittaṇca. Paramānaṃ bhāvo pāramī, vīpaccayo. Samaggānaṃ bhāvo sāmaggī.

Iya-adhipatino bhāvo adhipatiyaṃ, paṇḍitiyaṃ, bahussutiyaṃ, naggiyaṃ, sūriyaṃ.

Ñiya-alasassa bhāvo kammaṃ vā ālasiyaṃ, tālusiyaṃ, mandiyaṃ, dakkhiyaṃ, porohitiyaṃ, veyyattiyaṃ.

Kathaṃ rāmaṇīyakaṃti, sakatthe kantā ṇena siddhā. Kammaṃ=kriyā, tattha alasassa kammaṃ alasattaṃ alasatā alasattanaṃ ālasyaṃ ālasiyaṃ vā.

## 122. Sakattheti

Sakatthepe yathāyogaṃ ttādayo honti. Yathābhūtaṃeva yathābhuccaṃ, kāruññaṃ, pattakallaṃ. Ākāśānantameva ākāśānañcaṃ, ettha akāralopo, tassa ce pubbarūpe ca kate ‘‘tadaminā’’dinā nassa ṇño ca lopo ca hoti, kāyapāguññatā.

## 60. Bya vaddhadāsā vā

Chaṭṭhiyantā vaddhā dāsā ca byo hoti bhāvakammesu. Vaddhassa bhāvo kammaṃ vā vaddhabyaṃ, vaddhatā. Dāsassa bhāvo kammaṃ vā dāsabyaṃ, dāsyaṃ, dāsatā. Kathaṃ vaddhavaṃti, ṇe vāgamo.

## 61. Nasa yuvā bo ca vassa

Chaṭṭhiyantā yuvasaddā bhāvakammesu naṇa vā hoti vassa bo ca. Yuvassa bhāvo yobbanam, yuvattaṃ yuvatā vā.

## 62. Aṇvāditvi+moti

Bhāve vā imo. Aṇuno bhāvo aṇimā, laghimā, mahato bhāvo mahimā. Kisassa bhāvo kasimā.

## 133. Kisa+mahata+mime kasa, mahāti

Imamhi mahato maho ca kisassa kasādeso ca hoti.

## 63. Bhāvā tena nibbatteti

Kriyāvācakasaddato imo, pākena nibbattaṃ pākimaṃ, sekimaṃ.

## 127. Kosajjā+jjava+pārisajja+sohajja+maddavā+rissā+sabhā+jañña+theyya+ bāhusaccā

Ete saddā nipaccante ṇānubandhe. Kusītassa bhāvoti bhāve ṇyo hoti, iminā īssa akāre ca tassa je ca kate yassa pubbarūpaṃ, kosajjaṃ. Ujuno bhāve ajjavamti ṇo, iminā ussa attam, “uvaṇṇassā+vaṇa sare”ti avānaādese jassa dvittam. Parisāsu sādhiṭi vākye “ṇyo tattha sādhiṭi”ti ṇyo, iminā jāgamo ca, “byañjane dīgharassā”ti āssa rasse ca kate jassa pubbarūpaṃ, pārisajjo. Iminā kamena vākyeneva saddasiddhi vedittabbā. Suhadayova suhajjo, tassa bhāvo sohajjaṃ, iminā ayalopo. Muduno bhāvo maddavaṃ, iminā ussa attam. Isino idam bhāvo vā āriṣṣam, ṇyapaccaye iminā ārañāgame “lopo+vaṇṇi+vaṇṇānam”ti antaikāralopo ca. Usabhassa idam bhāvo vā āsabham, iminā ussa ā. Ājānīyassa bhāvo ājaññam, iminā yalope “lopo+vaṇṇi+vaṇṇānam”ti ikāralopo. Thenassa bhāvo theyyam, iminā nassa yakāro. Bahussutassa bhāvo bāhusaccaṃ, iminā ussa akāro saṃyogādilopo. (Bhāvataddhitam).

#### 64. Tara+tami+ssiki+yi+ṭṭhā+tisaye

Atisaye vattamānato honte+te paccayā. Atisayena pāpo pāpataro pāpatamo pāpissito pāpiyo pāpiṭṭho, itthiyam pāpatarā iccādi. Atisayappaccayantāpi atisayappaccayo, atisayena pāpiṭṭho pāpiṭṭhataro pāpiṭṭhatamo. Evaṃ paṭutaro paṭutamo, paṭissiko, paṭiyo, paṭiṭṭho, varataro iccādi paṇītataro iccādi ca.

#### 135. Jo vuddhassi+yi+ṭṭhesu

Vuddhassa jo hoti iyaiṭṭhesu. Atisayena vuddho jeyyo jeṭṭho, jādese pubbasaralope luttā sarā issa ekāre ca yassa dvittam.

#### 136. Bālha+ntika+pasatthānam sādha+neda+sā

Iyaiṭṭhesu bālha+ntika+pasatthānam sādha+neda+sā honti yathākkamaṃ. Atisayena bālho sādhiyo sādhiṭṭho. Atisayena antiko nediyo nediṭṭho. Atisayena pasattho seyyo seṭṭho, pubbeva sare lutte issa e dvittaṅga.

#### 137. Kaṇa+kana+ppa+yuvānam

Iyaiṭṭhesu appayuvānam kaṇa+kanā honti yathākkamaṃ. Atisayena appo kaṇiyo kaṇiṭṭho. Atisayena yuvā kaniyo kaniṭṭho.

#### 138. Lopo vī+mantu+vantūnanti

Iyaiṭṭhesu vī+mantu+vantūnam lopo. Atisayena medhāvī medhiyo medhiṭṭho. Atisayena satimā satiyo satiṭṭho. Atisayena guṇavā guṇiyo guṇiṭṭho. Ettha yathākkamaṃ mantvatthe vī+mantu+vantu hoti.

#### 65. Tannissite llo

Llapaccayo hoti dutiyantā tannissitatthe. Vedaṃ nissitam vedallam. Duṭṭhu nissitam duṭṭhullam. Vedanti tuṭṭhi. Ille saṅkhāram nissitam saṅkhārillam.

#### 66. Tassa vikārāvayavesu ṇa+ṇika+ṇeyya+mayā

Pakatiyā uttara+mavattantaram vikāro. Chaṭṭhiyantā nāsmā vikāre+vayave ca ṇādayo honti bahulam. ṇa-ayaso vikāro āyasam bandhanam, sakāgamo. Udumbarassa avayavo vikāro vā odumbaram bhasmam paṇṇam vā. Kāpotam maṃsam satti vā. ṇika-kappāsassa vikāro kappāsikam vattham. ṇeyya-eṇissa vikāro+vayavo vā eṇeyyam. Kosānam vikāro koseyyam vattham. Maya-tiṇānam vikāro tiṇamayam, dārumayam, naḷamayam, mattikāmayam, suvaṇṇamayam ratho, rūpiyamayam. “Aññasmiṃ”ti mayo, gunnam karīsam gomayam.

### 67. Jatuto ssaṇa vā

Vikārāvayavesu jatuto ssaṇa vā hoti. Ettha “vikārāvayavesū”ti vattantesupi bahulādhikārā vikāreyeva hoti. Jatuno vikāro jātuṣsaṃ jatumayaṃ.

### 123. Lopoti

Bahulaṃ paccayalopopi. “Phalitassa rukkhassa phala+mavayavo vikāro ca, pallavitasseva pallavaṃ”ti vuttattā phalādayo avayavā vikārā ca honti, tasmā idaṃ vuccati phalapupphamūlesu vikārāvayavesu-piyālassa phalāni piyālāni, mallikāya pupphāni mallikā, usīrassa mūlaṃ usīraṃ. Taṃsaddena vā tadabhidhānaṃ abhedopacārena, tasmā paccayalopaṃ vināpi sijjhati.

### 68. Samūhe kaṇa+ṇa+ṇikā

Chaṭṭhiyantā samūhe kaṇa+ṇa+ṇikā honti. Gottapaccayantā kaṇa-rājaññaṇaṃ samūho rājaññaṇaṃ, mānusakaṃ. Ukkhādīhi ukkhānaṃ samūho okkhakaṃ, “saṃyoge kvacī”ti okāro. Oṭṭhakaṃ. Urabbhānaṃ samūho orabbhakaṃ. Rājakaṃ, rājaputtakaṃ, hatthikaṃ, dhenukaṃ, māyūrakaṃ, kāpotakaṃ, māhisakaṃ. Ṇa-kākānaṃ samūho kākakaṃ, bhikkhakaṃ. Ṇika acittā-apūpānaṃ samūho āpūpikaṃ, saṃkulikaṃ.

### 69. Janādīhi tāti

Samūhatthe tā. Janānaṃ samūho janatā, gajatā, bandhutā, gāmatā, sahāyatā, nāgaratā. Tāntā sabhāvato itthilingā.

Madanīyanti karaṇe+dhikaraṇe vā anīyena siddhaṃ. Dhūmāyitattantiktantā nāmadhātuto ttena siddhaṃ, dhūmo viya ācaratīti “kattutā+yo”ti āye “gamanatthākammakādhāre cā”ti ktapaccaye ūāgame ca kate dhūmāyitassa bhāvoti dhūmāyitattaṃ.

### 70. Iyo hiteti

Hitatthe iyo. Upādānānaṃ hitaṃ upādāniyaṃ.

### 71. Cakkhādito sso

Hitatthe sso. Cakkhuno hitaṃ cakkhussaṃ, āyussaṃ.

### 72. Ṇyo tattha sādhu

Sattamyantā tattha sādhuṭi asmim atthe ṇyo hoti. Sādhuṭi kusalo yoggo hito vā. Sabhāyaṃ kusalo sabbho, ākārālopo. Parisāyaṃ sādhu pārisajjo, “kosajjā”dinā jāgame akāravuddhi. Medhāya hitaṃ mejjhaṃ ghatāṃ. Pādānaṃ hitaṃ pajjaṃ telaṃ. “Aññasim”ti ṇyo, rathaṃ vahatīti racchā.

### 73. Kammā niya+ññāti

Kammasaddā sādhuvatthe niya+ññā honti. Kamme sādhu kammaniyaṃ kammaññaṃ.

### 74. Kathāditi+koti

Iko. Kathāyaṃ kusalo kathiko. Dhammakathiko, saṅgāmiko, pavāsiko, upavāsiko.

### 75. Pathādīhi ṇeyyoti

Ṇeyyo. Pathe hitaṃ pātheyyaṃ, sapatismim hitaṃ sapatheyyaṃ dhanāṃ. Padīpeyyaṃ telaṃ.

### 76. Dakkhiṇāyā+raheti

Arahatthe ṇeyyo. Dakkhiṇaṃ arahatīti dakkhiṇeyyo.

### 77. Rāyo tumantāti

Arahatthe tumantā rāyo vā. Ghātetuṃ arahatīti ghātetāyaṃ, “rānubandhe+ntasarādissā”ti uṃlopo. Jāpetāyaṃ, pabbājetāyaṃ. Vāti kiṃ, ghātetuṃ. (Saṃkiṇṇataddhitāṃ).

### 78. Ta+mettha+ssa+tthīti mantu

Paṭhamantā ettha assa atthīti etesva+tthesu mantu hoti. Gāvo ettha dese assa vā purisassa santīti gomā, gomanto iccādi guṇavantusamaṃ.

Atthīti vattamānakālopādānato bhūtāhi bhavissantīhi vā gohi na gomā. Kathaṃ gomā āsi, gomā bhavissatīti. Tadāpi vattamānāhiyeva gohi gomā, āsi bhavissatīti padantarā kālantaraṃ. Itisaddato visayaniyamo. Vuttañhi –

Pahūte ca pasamsāyaṃ, nindāyañcā+tisāyane;  
Niccayoge ca saṃsagge, honti+me mantuādayoti.

### 134. Āyussā+yasa mantumhi

Mantumhi āyussa āyasādeso hoti. Āyu assa atthīti āyasmā. Go assoti jātisaddānaṃ dabbābhidhāna- sāmattiyaṃ mantvādayo na honti, tathā guṇasaddānaṃ seto paṭoti. Yesaṃ tu guṇasaddānaṃ dabbābhidhānasāmattiyaṃ natthi, tehi honteva, buddhi assa atthīti buddhimā. “Vantva+vaṇṇā”ti vantumhi rūpavā rasavā gandhavā saddavā. “Daṇḍāditi+ka+ī vā”ti ika+ī, rasī rasiko, rūpī rūpiko, gandhī gandhikoti.

### 79. Vantva+vaṇṇāti

Vantu. Pasatthaṃ sīla+massa atthīti sīlavā. Pahutā pasatthā vā paññā assa atthīti paññavā.

### 80. Daṇḍāditi+ka+ī vāti

Ika+ī honti vā mantatthe. Bahulaṃvidhānā kutocisaddato dve honti, kuto ce+kamekaṃva. Niccayutto daṇḍo assa atthīti daṇḍiko daṇḍī. Gandhiko gandhī. Vātveva, daṇḍavā.

“Uttamiṇeva dhanā iko”ti gaṇasuttēna iko dhaniko. Añño dhanī dhanavā.

“Asannihite atthā” asannihito attho assa atthīti atthiko atthī. Sannihite atthavā. “Tadantā ca” puññattho assa atthīti puññatthiko puññatthī.

“Vaṇṇantā iyeva”. Brahmavaṇṇaṃ assa atthīti brahmavaṇṇī, devavaṇṇī.

“Hatthadantehi jātiyaṃ”. Hattha+massa atthīti hatthī, dantī. Aññatra hatthavā dantavā.

“Vaṇṇato brahmacārimhi”. Vaṇṇo assa atthīti vaṇṇiko brahmacārī.

“Pokkharādito dese”. Pokkharaṃ jalaṃ padumaṃ vā assa atthīti pokkharī, “yuvaṇṇehi nī”ti nīmhi “gharaṇyādayo”ti īssa attāṃ, nassa ṇo ca, pokkharaṇī, uppalinī, kumudinī, bhisinī, mulālinī, sālukinī.

“Kvacā+deseṇi”. Paduma+massa atthīti padumī paduminī paduminīpaṇṇaṃ. Desato+ññatra

pokkharavā hatthī.

“Nāvāyi+ko” nāviko. Sikhī, bālī, sīlī, balī.

“Sukhadukkhā rī”. Sukhī dukkhī. “Balā bāhūrupubbā ca”. Bāhubalī, ūrubalī.

### 81. Tapādīhi ssīti

Ssī. Tapo assa atthīti tapassī, yasassī, tejassī, manassī, payassī. Vātveva, yasavā.

### 82. Mukhādito roti

Ro. Ninditaṃ mukha+massa atthīti mukharo. Susi=chiddaṃ assa atthīti susiro.  
Ūso=khāramattikā asmiṃ atthīti ūsaro. Madhuro guḷo, madhurā sakkharā, madhuraṃ khīraṃ.  
Khaṃ=gīvāya vivaraṃ assa atthīti kharo gadrabho. Kuñjo=hanu assa atthīti kuñjaro. Nagaro.

“Dantassa ca unnatadante”ti gaṇasuttēna dantassa u ca, unnataṃ danta+massa atthīti danturo.

### 83. Tuṭṭhyādīhi bhoti

Bho vā. Tuṭṭhi assa atthīti tuṭṭhibho, sālībho, vālībho.

### 84. Saddhādītva

Iti vā a hoti. Atisayā saddhā assa atthīti saddho, pañño, pañṇavā, saddhā kañṇā, saddhaṃ kulaṃ.

### 85. Ño tapāti

Ño, tāpaso, sakāgamo. Tāpasī.

### 86. Ālva+bhijjhādīhiti

Ālu vā. Abhijjhā assa atthīti abhijjhālu, sītālu, dhajālu, dayālu, dayāvā. Abhijjhālu eva abhijjhāluko.

### 87. Picchādītvi+loti

Ilo vā. Piccha+massa atthīti picchilo, picchavā. Phenilo, jaṭilo, tuṇḍilo. Ninditā vācā assa atthīti vācāloti parassaralopo.

### 88. Sīlādito voti

Vo hoti vā. Sīlavo, sīlavā. Kesavo, kesavā.

“Aṇṇā niccaṃ” aṇṇavo. “Gaṇḍīrājīhi sañṇāyaṃ” gaṇḍī=meṇḍasiṅgaṃ assa atthīti gaṇḍīvaṃ dhanu, rājīvaṃ paṅkajaṃ.

### 89. Māyā medhāhi vīti

Vī. Māyāvī, medhāvī pumā. Nīmhi medhāvinī. Medhāvī kulaṃ, “ekavacanayosva+ghonaṃ”ti simhi rasso. Evaṃ māyāvī.

### 90. Si+ssare āmyu+vāmī

Issare+bhidheyye sasaddā āmī+uvāmī honti mantvatthe. Saṃ=āyattaṃ assa atthīti sāmī suvāmī. Suvāminī kaññā.

### 91. Lakkhyā ṇo a ca

Lakkhīsaddā ṇo hoti mantvatthe a ca+ntassa. Lakkhī assa atthīti lakkhaṇo.

### 92. Aṅgā no kalyāṇeti

Aṅgasmā no hoti. Kalyāṇāni sobhaṇāni aṅgāni assā atthīti aṅganā.

### 93. So lomāti

Lomā so, pahūtā lomā assa atthīti lomaso, lomasā kaññā.

### 94. Imi+yāti

Ima+iyā honti, putto assa atthīti puttimo, kittimo, puttiyo, kappiyo, jaṭiyo, hānabhāgiyo, seniyo. (Atthyatthataddhitam).

### 95. To pañcamyā

Pañcamyantā bahulaṃ to hoti vā. Toādiṇipaccayantā nipphannanipātā, tehi parāsaṃ vibhattīnaṃ “asaṃkhyehi sabbāsaṃ”ti lopova. Gāmato āgacchatīti gāmasmā āgacchati, corato bhāyatīti corehi bhāyati, satthato parihīno satthā parihīno. Evaṃ purisato, rājato, aggito, hatthito, hetuto, yuttito, itthito, bhikkhunito, yāguto, jambuto, cittato, āyuto. Sabbādīto-sabbato, yato, tato iccādi.

### 96. Ito+te+tto kuto

Tomhi imassa ṭi nipaccate etassa ṭa+eṭa kiṃ saddassa kuttaṇca. Ito imasmā, ato etto etasmā, kuto kasmā.

### 97. Abhyādīhiti

To. Abhito, parito, pacchato, heṭṭhato.

### 98. Ādyādīhiti

Sattamyantehi to hoti. Ādo ādito, majjhato, antato, piṭṭhato, passato, mukhato. Paṭhamantā yato+dakaṃ ta+dādittam, yaṃ udakaṃ, tadevā+dittanti attho.

### 99. Sabbādīto sattamyā tra+tthā

Sabbādīhi sattamyantehi tra+tthā vā honti. Sabbatra sabbattha sabbasmiṃ, yatra yattha, tatra tattha iccādi. Bahulādīhikārā na tumhaamhehi.

### 100. Katthe+ttha+kutrā+tra kve+hi+dha

Etehi “sabbādīto”tiādīnā tra+tthā. Sesādesā ca paccayā ca imināva nipaccante. Iminā kissa ka+ku ca, etassa ṭe+ṭā ca, vapaccaye kissa ilopo ca, ha+dhapaccayesu imassa ṭi ca nipaccate. Kasmīṃ kattha kutra kva, etasmīṃ ettha atra, imasmīṃ iha idha.

### 101. Dhi sabbā vāti



Sabbasmā dhi vā. Sabbasmiṃ sabbadhi sabbatra.

### 102. Yā hinti

Yasaddā hiṃ, yasmiṃ yahim yatra.

### 103. Tā hañcati

Tasaddā haṃ hoti hiñca. Tahaṃ tahiṃ tatra.

### 104. Kuhiṃ kahanti

Hiṃ haṃ nipaccante kissa ku+kā ca. Kuhiṃ kahaṃ. Kuhiñcanaṃti nipātantaraṃ.

### 105. Sabbe+ka+ñña+ya+tehi kāle dā

Etehi kāle dā hoti vā. Sabbasmiṃ kāle sabbadā, ekadā, aññadā, yadā, tadā.

### 106. Kadā kudā sadā+dhune+dāni

Ete saddā nipaccante. Kasmiṃkāle kadā kudā, sabbasmiṃ kāle sadā, imasmiṃ kāle adhunā idāni.

### 107. Ajja sajjva+parajjve+tarahi karahā

Pakati paccayo ādeso kālavisesoti sabba+metaṃ nipātanā labbhati. Imassa ṭo jjo cā+hani nipaccante, asmiṃ ahani ajja. Samānassa sa-bhāvo jju cā+hani. Samāne ahani sajjvu. Aparasmā jju, aparasmiṃ ahani aparajju. Imassa eto, kāle rahi ca, imasmiṃkāle etarahi. Kiṃ saddassa ko, raha cā+najjatane. Kasmiṃ kāle karaha.

### 108. Sabbādīhi pakāre thā

Sāmaññassa bhedako viseso pakāro, tasmīṃ thāpaccayo hoti. Sabbena pakārena sabbathā, yathā, tathā.

### 109. Katha+mitthaṃ

Ki+mimehi thaṃpaccayo, ka+ittaṃ tesam yathākkamaṃ. Kena pakārena kathaṃ, iminā pakārena itthaṃ.

### 110. Dhā saṅkhyāhiti

Pakāre dhā hoti. Dvīhi pakārehi dve vā pakāre karoti dvidhā karoti, bahudhā karoti, ekaṃ rāsīṃ pañcappakāraṃ karoti pañcadhā karoti. Pañcappakāra+mekappakāraṃ karoti ekadhā karoti.

### 111. Ve+kā+jjhanti

Ekasmā pakāre jjhaṃ vā hoti. Ekena pakārena ekaṃ vā pakāraṃ karoti ekajjhaṃ karoti, ekadhā karoti vā.

### 112. Dvīthe+dhāti

Edhā vā. Dvīhi pakārehi dve vā pakāre karoti dvedhā, tedhā. Dvidhā tidhā.

### 113. Tabbati jātiyo

Pakāravati taṃsāmaññaṅāvācakā saddā jātiyo hoti. Paṭujātiyo, mudujātiyo.

### 114. Vārasaṅkhyāya kkhattum

Vārasambandhiniyā saṅkhyāya kkhattum hoti. Dve vāre bhuñjati dvikkhattum divasassa bhuñjati. Vāraggaṇaṃ kiṃ, pañca bhuñjati. Saṅkhyāyāti kiṃ, pahūte vāre bhuñjati.

### 115. Katimhāti

Kkhattum hoti. Kati vāre bhuñjati katikkhattum bhuñjati.

### 116. Bahumhā dhā ca paccāsattiyam

Vārasambandhiniyā bahusaṅkhyāya dhā hoti kkhattuñca, vārānaṃ ce paccāsatti hoti. Bahuvāre bhuñjati bahudhā divasassa bhuñjati, bahukkhattum vā. Paccāsattiyam kiṃ, bahukkhattum māsassa bhuñjati.

### 117. Sa kiṃ vāti

Kiṃpaccayo ekassa sādeso ca nipaccate. Ekaṃ vāraṃ bhuñjati sakiṃ bhuñjati, ekakkhattum vā.

### 118. So vicchā+pakāresu

Vicchāyam pakāre ca so hoti. Khaṇḍaṃ khaṇḍaṃ karoti khaṇḍaso karoti. Puthuppakārena puthuso. Sabbena pakārena sabbaso.

### 119. Abhūtatabbhāve karā+sa+bhūyoge vikārā cī

Avatthāvato+vatthantarenā+bhūtassa tāyā+vatthāya bhāve karā+sa+bhūhi sambandhe sati vikāravācakācī hoti. Adhavaḷaṃ dhavaḷaṃ karoti dhavalī karoti. Adhavalō dhavalō siyā dhavalī siyā. Adhavalō dhavalō bhavati dhavalī bhavati. Abhūtatabbhāveti kiṃ, ghaṭaṃ karoti, dadhi atthi, ghaṭo bhavati. Karāsabhūyogeti kiṃ, adhavalō dhavalō jāyate. Vikārāti kiṃ, pakatiyā mā hotu, suvaṇṇaṃ kuṇḍalī karoti. (Nipātataḍḍhitam).

### 120. Dissanta+ññepi paccayāti

Vuttato+ññepi paccayā dissanti. Vividhā mātaro vimātaroti visesanasamāso, tāsam puttā vemātikāti rikaṇapaccaye rānubandhattā ulope vuddhimhi kate vemātikā. Patham gacchantīti pathāvino, āvī. Issā assa atthīti issukī, ukī. Dhuraṃ vahantīti dhorayhā, yhaṇa.

Sāmaññaṅca viseso ca, bhāvajo ca nipātaḷo;  
Iti viññūhi viññeyyo, taddhito tu catubbidho.

Iti payogasiddhiyam ṇādikāṇḍo pañcamo.

## 6. Tyādikaṇḍa

Atha tyādayo kriyāvācīhi dhātūhi vuccante.

Kriyam ācikkhatīti ākhyātanti kriyāpadassa pubbācariyasaññā. Kāla+kāraka+purisaparidīpakaṃ kriyālakkaṇaṃ tyādyantaṃ aliṅgañca, vuttampi ce+taṃ –

Yaṃ tikālaṃ tipurisaṃ, kriyāvācī tikāraṃ;  
Atiliṅgaṃ dvivacaṇaṃ, ta+dākhyātanti vuccati.

#### 14. Kriyatthā bahulaṃ –ti

Ca sabbattha vattate. Kriyā attho etassāti kriyattho dhātu, so ca duvidho sakammakā+kammakavasena. Tattha yasmiṃ kriyatthe kattuvācimhā kammaṃ gavesīyate, so sakammako. Itaro akammako.

Tatra sakammakā kammāpekkhaṃ kriyaṃ vadanti, yathā kaṭaṃ karoti, gāmaṃ gacchati, odanaṃ pacati. Akammakā kammanirapekkhaṃ kriyaṃ vadanti, yathā acchati seti tiṭṭhati. Kriyāti ca gamanapacānādiko asattasammato kattari kamme vā patiṭṭhito kārakasamūhasādhiyo padattho vuccati. Api ca –

Karaṇaṃ bhavanaṃ cāpi, kara+bhūhi kathīyate;  
Tato kriyādivācattaṃ, pākādīnaṃ kathaṃ bhavē.

Kara+bhūdhātūhi karaṇaṇca bhavanaṇca vuccati, pāka+gamanādīhi tesam kriyābhavanānaṃ vācattaṃ kathaṃ bhavātīti vuttaṃ hoti. Punapi –

Pākādīnaṇhi vācattaṃ, karabhūsu na yujjati;  
Taṃ bahutaravācattaṃ, pākādīsu na yujjati.

Taṃ nāma –

Kāriyarūpā hi dhātvatthā, sattāyuttā ca te+khilā;  
Tato kriyā ca bhāvo ca, sāmāññaṃ tesu gamyate.

#### 1. Vattamāneti anti si tha mi ma te ante se vhe e mhe.

Vattamāne āradhāparisamatte atthe vattamānato kriyatthā tyādayo honti. Kriyādhikārattā “kriyatthā”ti vuttaṃ. Tesa+maniyame –

#### 14. Pubbaparacchakkāna+mekānekesu tumhā+mha+sesesu dve dve majjhimu+ttama+paṭhamā

Ekānekesu tumhaamhasaddavacanīyesu tadaññasaddavacanīyesu ca kāraṃ pubbacchakkānaṃ paracchakkānaṇca majjhimu+ttama+paṭhamā dve dve honti yathākkamaṃ. Tatthati antīti paṭhamapuriso, ādo niddiṭṭhattā. Si tha iti majjhimapuriso, majjhe niddiṭṭhattā. Mi ma iti uttamapuriso. Uttamasaddo+yaṃ sabhāvato tipabhuṭīna+manta+māha. Paracchakkepi te antetiādīnā evaṃ yojetabbaṃ. Evaṃ sesesu bhavissatiādīsu sattu paccayavidhānasuttasupī yojetabbaṃ.

Idāni bhūvādīna+maṭṭhagaṇānaṃ bhūvādigaṇesu bhū=sattāya+miti paṭhamadhātuto parā tyādayo yojīyante. Tattha “ekamhi vattabbe ekavacaṇaṃ”ti tyādīsu parabhūtesu kattu+kamma+bhāvesuyeva kyavikaraṇalavikaraṇā hontīti “kyo bhāvakkamma+parokkhesu māna+nta+tyādīsu” “kattari lo” iccādīnā tesam vikaraṇānaṃ vidhānā tyādayo kattu+kamma+bhāvesveva viññāyantīti kattari timhilo. Ke te vikaraṇā –

Pubbāparabhāgaṭṭhānā, bhinnadhātuvibhattiyo;  
Nissāya paccayā hontī, ete vikaraṇā siyuṃ.

#### 5,82. Yuvaṇṇāna+me, o paccaye

Ivaṇṇu+vaṇṇantānaṃ kriyattānaṃ e+o honti yathākkamaṃ paccayeti ūsso+kāro.

### 5,89. Eona+maya+vā sare

Sare pare eona+mayavā honti yathākkamaṃti ossa avādeso. So puriso sādhu bhavati, sā itthī sādhu bhavati, cittaṃ sādhu bhavati.

Uttattā kattu ākhyāte, tatiyā na ca kattari;  
Paṭhamāvibhatti hoteva, atthamattaṃ apekkhiya.

Satipi kriyāyekatte kattūnaṃ bahuttā “bahumhi vattabbe bahuvacanaṃ”ti anti.

### 161. Kvaci vikaraṇānanti

Vikaraṇānaṃ kvaci lopo hotīti lavikaraṇassa lopo, sesaṃ purimasadisamaṃ. Te purisā bhavanti. Majjhimapuri- sekavacanaṃ si, tvaṃ bhavasi. Bahuvacanaṃ thapaccayo, tumhe bhavatha. Uttamapurisekavacanaṃ mipaccayo.

### 57. Himimesva+ssa

Akārassa dīgho hoti himimesu. Ahaṃ bhavāmi. Bahuvacanaṃ mapaccayo, mayaṃ bhavāma. Evaṃ paracchekkepi-bhavate, bhavante. Bhavase, bhavavhe. Bhave, bhavamhe. Keci dīghaṃ katvā paṭhanti, “byañjane dīgharassā”ti dīgho, bhavāmhe.

Ettha ca –

Lajjā sattā ṭhiti jāgaraṇaṃ,  
Vuddhi kkhaya jīvita maraṇaṃ;  
Kīḷā ruci rocate ityevaṃ,  
Vuttā akammakadhātu sabbe.

–Ti vuttattā kammaṃ dutiyā na.

Paca=pāke, akāro uccāraṇattho, eva+muparipi. Paca iti ṭhite lavikaraṇaṃ, vikaraṇalopādi purimasamaṃ. So odanaṃ pacati, te pacanti. Tvaṃ pacasi, tumhe pacatha. Ahaṃ pacāmi, mayaṃ pacāma. Paracchakke-pacate, pacante. Pacase, pacavhe. Pace, pacāmhe.

### 1,22. Vippaṭisedhe

Vippaṭisedhanaṃ=aññamaññapaṭisedhanaṃ vippaṭisedho. Paṭhamamajjhimapurisānaṃ dvinnāṃ ekattha pasaṅge majjhimapurisabahuvacanaṃ thapaccayo. So ca pacati, tvañca pacasi, tumhe pacatha. Tulyabalavirodhino hi vippaṭisedhā paṭhamamajjhimauttamapurisānaṃ tiṇṇaṃ ekattha pasaṅge uttamapurisabahuvacanaṃ hoti, so ca pacati, tvañca pacasi, ahañca pacāmi mayaṃ pacāmāti bhavati.

Ama+gama=gamane –

### 5,173. Gama yami+sā+sa disānaṃ vā cchaṇa

Etesaṃ dhātūnaṃ cchaṇa vā hoti nta+māna+tyādīsu. So gāmaṃ gacchati. Anti –

### 74. Garupubbā rassā re+ntentīnaṃ

Garupubbasmā rassā nte+ntīnaṃ re vā hoti.

Akkharaniyamo chandaṃ,  
Garulahuniyamo bhave vutti;  
Dīgho saṃyogādipubbo,  
Rasso garu lahu tu rasso.

Gacchare gacchanti. Tvaṃ gacchasi, tumhe gacchatha. Ahaṃ gacchāmi, mayaṃ gacchāma. Cchādesābhāvapakke ‘‘ū lasse’’ti ekāre gameti. Paralope gamenti. Gamesi, gametha. Gamemi, gamema. Paracchakkepi so gacchate, gacchare gacchante. Gacchase, gacchavhe. Gacche, gacchāmhe.

Pure adhammo dibbati, purā marāmīti ca taṃsamīpe tabbohārūpacārena vattamānavacanaṃ. Vuttañhi –

Āraddhā+niṭṭhitam kiccaṃ, vattamānanti vuccati;  
Vattamānasamīpañca, vattamānanti vuccati.

Kimiva te –

Gaṅgāca taṃsamīpañca, yato gaṅgāti ñāyate;  
Gaṅgāyaṃ pātu+māgaccha, ghoso gaṅgāya+mityapi.

Mukhyā+mukhyatthabhedena, vattamānaṃ tato dvidhā;  
Mukhyañhi ruḷhi+māpannaṃ, ta+dāropā amukhyatāti.

Pure+purāsaddehi vā anāgatā gamyate, tadā tassa vattamānattā. Kālabiyattayo vā eso, bhavantiyeva hi kālantarepi tyādayo bāhulakā ‘‘santesu parigūhāmi’’ ‘‘kāyassa bheda abhisamparāyaṃ, saḥabyataṃ gacchati vāsavassa’’ ‘‘ativelaṃ namassissaṃ’’ti. ‘‘Kuto nu tvaṃ āgacchasi, rājagahato āgacchāmi’’tiādīsu pana paccuppannasamīpe vattamānavacanaṃ.

### 5,175. Gama vada dānaṃ ghamma vajja dajjā

Gamādīnaṃ ghammādayo vā honti nta+māna+tyādīsu. Ghammati, ghammanti iccādi.

Kamme –

Upasaggavasā koci, akammopi sakammako;  
Yathā+bhibhūyate rāgo, tāpasena mahiddhināti –

Vuttattā akammakato kammani anupubbā bhūdhātuto tyādayo honti.

### 5,17. Kyo bhāvakkamma+parokkhesu māna+nta+tyādīsu

Bhāvakkammavihitesu parokkhāvajjitesu māna+nta+tyādīsu paresu kyo hoti kriyatthā. Kakāro+nubandhakāriyattho. ‘‘Na te kānubandha+nāgamesū’’ti paṭisedhā okārābhāvo. Anubhūyati sukhaṃ devadattena.

Ettha ca –

Ākhyātena avuttattā, kattuto tatiyā na tu;  
Dutiya hoti kamma, vuttattā paṭhamāpi+dha.

Anubhūyanti sampattiyo tayā. Anubhūyasi tvaṃ devadattena. Anubhūyatha tumhe. Ahaṃ anubhūyāmi, tayā mayaṃ anubhūyāma. Dvutte anubhūyati+ccādi. Evaṃ paracchakke.

Bhāve adabbavuttino bhāvassa ekattā ekavacanameva. Tañca paṭhamapurisekavacaneyeva sambhavati, neva+ññaṃ, bahulaṃvidhānā. Bhūyati bhūyate devadattena, sampati bhavanantyattho.

Pacadhātuto kamme kyo.

### 37. Kyassati

Kriyatthā kyassa ñña vā hoti. Ño ādyāvayavattho. Devadattena odano pacīyati paccati, reādeso odanā pacīyare pacīyanti, paccare paccanti. Cavaggaṃpubbarūpāni. Tvaṃ pacīyasi paccasi, tumhe pacīyatha paccatha. Ahaṃ pacīyāmi paccāmi, mayaṃ pacīyāma paccāma. Paracchakke devadattena odano pacīyate iccādi.

Gamito kamme cchaṇa ca ññaāgame ca kate tena gāmo gacchīyati, gāmā gacchīyanti. Gacchīyasi, gacchīyatha. Gacchīyāmi, gacchīyāma. Evaṃ paracchakke. Gamīyati gammati, gamīyanti gammanti. Gamīyasi gammasi, gamīyatha gammatha, gamīyāmi gammāmi, gamīyāma gammāma paracchakkepi evaṃ. Tathā ghammīyati, ghammīyanti iccādi.

Kriyatthā kattari tyādi, kammaṣmiṇca sakammakā;  
Bhāve vā+kammakā kammā+vacanicchāya maññate.

Tathā hi vijjamānassāpi kammāssa avacanicchāyaṃ idaṃ vuccati –

Satopi na vivakkhā+ssa, asatopi ca sā bhavē;  
Taṃ yathā+nudarā kaññā, vañjhāvaddhitako yathā.

Vivakkhā lokikā esā, asakya+mativattitum;  
Katha+mesa vipariyāso, loko evā+nayujjate.

(Vattamānapaccayanayo).

## 2. Bhavissati ssati ssanti ssati ssatha ssāmi ssāma ssate ssante ssase ssavhe ssaṃ ssāmhe

Bhavissati=anāraddhe atthe vattamānato kriyatthā ssaṭyādayo honti.

### 35. A+ī+ssādīnaṃ byañjanassiṇa

Kriyatthā paresaṃ aādīnaṃ tādīnaṃ ssādīnaṃ byañjanassi+ñña hoti vibhāsā. Vavatthitavibhāsā+yaṃ. Sseti ssādīnaṃ ssaṭiādīnañcāvayavo gahito, “ūbyañjanassā”ti siddhepi tyādīsu etesamevāti niyamattho+ya+mārambho. Lassākāralope o+avādeso bhavissati, bhavissanti. Bhavissasi, bhavissatha. Bhavissāmi, bhavissāma. Bhavissate, bhavissante. Bhavissase, bhavissavhe. Bhavissaṃ, bhavissāmhe.

Kamme –

### 49. Kyassa sse

Kyassa vā lopo hoti sse. Sukhaṃ tayā anubhavissati, anubhavissanti. Anubhavissasi, anubhavissatha. Anubhavissāmi, anubhavissāma. Aññatra anubhūyissati, anubhūyissanti iccādi. Evaṃ paracchakke. Bhāve-bhūyissati bhūyissate.

Kattari-pacissati, pacissanti iccādi. Kamme-pacissati odano devadattena, pacīyissati, paccissati. Paccissanti odanā pacīyissanti, pacīyissare, paccissare, paccissanti.

Gamito kattari-so gacchissati, te gacchissanti. Tvaṃ gacchissasi, tumhe gacchissatha. Ahaṃ

gacchissāmi, mayam gacchissāma. Gacchissate, gacchissante. Gacchissase, gacchissavhe. Gacchissam, gacchissāmhe. Saggam gamissati, gamissanti. Gamissasi, gamissatha. Gamissāmi, gamissāma iccādi. Kamme-gacchiyissati, gacchiyissanti iccādi. Kyalope gamissati, gamissanti iccādi. Tathā ghammissati ghammiyissati, ghammissanti, ghammiyissanti iccādi.

### 3. Nāme garahāvimhayesu

Nāmasadde nipāte sati garahāyam vimhaye ca gamyamāne ssatyādayo honti. Ime hi nāma kalyāṇadhammā paṭijānissanti. Ettha ‘‘jyādīhi knā’’ti knāvikaṇe ‘‘ñāssane jā’’ti jādeso. Na hi nāma bhikkhave tassa moghapurisassa pāṇesu anuddayā bhavissati. Kathañhi nāma so bhikkhave moghapuriso sabbamattikāmayam kuṭikam karissati. Vimhaye-acchariyam vata bho, abbhutam vata bho, santena vata bho pabbajitā vihārena viharanti, yatra hi nāma saññi samāno jāgaro pañcamattāni sakaṭasatāni nissāya nissāya atikkantāni neva dakkhiti, na pana saddam sossati. Acchariyam andho nāma pabbata+mārohissati, badhiro nāma saddam sossati. (Bhavissantipaccayanayo).

### 4. Bhūte i um o ttha im mhā ā ū se vham a mhe

Bhūte parisamatte atthe vattamānato kriyatthā tādāyo honti. Bhūtānājjatane upari vakkhamānattā ime tādāyo bhūtājjatane. ‘‘Suvo ahosi ānando’’tiādīsu bhūtasāmaññeva bhavanti.

Ahassu+bhayato aḍḍha-rattam vā tadupaḍḍhatam;  
Antokatvāna viññeyyo, aho ajjatano iti;  
Tadañño pana yo kālo, so+nājjatanasaññito.

Iti paṭhamapurisekavacanam i,

### 15. Ā+i+ssādīsva+ñā vā

Āādo tādāyo ssādo ca kriyatthassa vā āna hotīti dhātuto pubbam āna. ‘‘Kattari lo’’ti lo, ekāra+avādesā ca.

### 38. Eyyātha+sse+a+ā+i+thānam o+a+am+ttha+ttho+vhoka

Eyyāthādīnam oādāyo vā honti yathākkamaṃti issattho, abhavittho, bhavittho, abhavattho, bhavattho. ‘‘Ā i ū mhā ssā ssamhānam vā’’ti issa rassattam. So abhavi bhavi, abhavī bhavī.

### 39. Umssim+svam+su

Tiumssa imsu+amsu vā honti. Abhavimsu bhavimsu, abhavamso bhavamso, abhavum bhavum.

### 42. Ossa a+i+ttha+ttho

Ossa aādāyo vā honti. Abhava bhava, abhavi bhavi, iñāgame abhavittha bhavittha, abhavattha bhavattha, abhavittho bhavittho, abhavattho bhavattho.

### 43. Si

Ossa si vā hoti. Abhavisī bhavisī, abhavasī bhavasī. Abhavo bhavo.

### 45. Mhātthāna+muña

Esam uña vā hoti. Īdisambandhīnameva gahaṇam. Abhavuttha bhavuttha.

### 46. Imssa ca siña

Imssa ca siña vā hoti mhātthānañca bahulaṃ. Ikāraññakārā uccāraṇaādyāvayavatthā. Abhavasittha bhavasittha, abhavittha bhavittha, abhavattha bhavattha, abhavisim bhavisim, abhavasim bhavasim, abhaviṃ bhaviṃ. Uñāgame āssa rasso. Abhavumha bhavumha abhavumhā bhavumhā. Siñāgame abhavasimha bhavasimha abhavasimhā bhavasimhā abhaviṃha bhaviṃha abhaviṃhā bhaviṃhā abhavamha bhavamha abhavamhā bhavamhā. Paracchakke – “eyyāthā”dinā tthe abhavittha bhavittha abhavattha bhavattha. Rasse abhavatha bhavatha, abhavā bhavā, abhavu bhavu. Abhavise bhavise, abhavase bhavase, abhavivhaṃ bhavivhaṃ abhavavhaṃ bhavavhaṃ, assa a+mādesse abhavaṃ bhavaṃ abhava bhava, abhavimhe bhavimhe abhavamhe bhavamhe. Kamme sukhaṃ tayā anubhūyittho anvabhūyattho anvabhūyattho anvabhūsi anvabhūsi anvabhūyī anvabhūyī, anvabhūyimsu anvabhūyimsu anvabhūyaṃsu anvabhūyaṃsu anvabhūyūṃ anvabhūyūṃ iccādi. Bhāve-tena abhūyittho bhūyittho abhūyattho bhūyattho abhūyi bhūyi abhūyī bhūyī. Tena abhūyattha bhūyattha abhūya bhūya abhūyā bhūyā.

So apacittho pacittho iccādi kattusamaṃ. Kamme-apacīyittho pacīyittho apacīyattho pacīyattho. Cavaggapubba- rūpe apaccittho paccittho apaccattho paccattho apacīyi pacīyi apacīyī pacīyī apacci pacci apaccī paccī, apacīyimsu pacīyimsu apaciṃsu paciṃsu apacīyaṃsu pacīyaṃsu apaccāṃsu paccāṃsu apacīyūṃ pacīyūṃ apaccūṃ paccūṃ iccādi kattusamaṃ, pubbarūpova viseso.

So gāmaṃ agacchittho gacchittho iccādi purimasamaṃ.

### 30. Ḍaṃsassa ca ñchaṇa

Ḍaṃsassa ca gamissa ca ñchaṇa vā hoti ā+īādīsu. Agañchittho gañchittho agañchattho gañchattho agañchi gañchi agañchī gañchī iccādi.

### 29. Gamissā

Āādo īādo ca gamissa ā hoti vā. So agā agami gami agamittho gamittho agamattho gamattho. Īpaccaye lassākārassa “himimesva+ssā”ti ettha “assā”ti yogavibhāgā dīghe “dīghā īssā”ti īssa siādeso, agamāsi agami gami agamī gamī, agamiṃsu gamiṃsu agamaṃsu gamaṃsu agamuṃ gamuṃ. Ossa āādesse ajjhaguṃ. Tvaṃ ajjhagā parassa lopo. Tumhe ajjhaguttha. Ahaṃ ajjhagaṃ, mayaṃ ajjhagamha. Paracchakke – “eyyāthā”dinā tthe so agacchittha gacchittha agañchittha gañchittha agamittha gamittha agama gama agamā gamā. Te agamū gamū, ossa āādesse ajjhaguṃ. Tvaṃ agamisse gamisse. Tumhe agamivhaṃ. “Eyyāthā” dinā a+mādesse ahaṃ agamaṃ gamaṃ ajjhagaṃ. Mayaṃ agamimhe gamimhe. Kammeagacchīyi agamīyi, agacchiyūṃ agamiyūṃ iccādi. Tathā aghammī ghammī iccādi.

### 13. Māyoge ī+āādī

Māyoge sati īādayo āādayo ca vā honti. Sakakālato kālantarepi paccayavidhānattho+yaṃ. Mā bhavaṃ abhavittho iccādi. Vāvidhānāssatyādi+eyyādi+tvādayopi honti, mā bhavaṃ bhavissati, mā bhavaṃ bhavēyya, mā bhavaṃ bhavatu iccādi. (Īādīpaccayanayo).

### 5. Anajjatane ā ūo ttha a mhā ttha tthuṃ se vhaṃ iṃ mhase

Avijjānājjatane bhūtatthe vattamānato kriyatthā āādayo honti vā. “Eyyāthā”dinā tthe “ā ī ū mhā” iccādinā rasse ca so abhavattha bhavattha abhava bhava abhavā bhavā, te abhavu bhavu abhavū bhavū. O, “ossā”tiādinā āādayo, abhava bhava abhavi bhavi abhavattha bhavattha abhavattho bhavattho, siādesse abhavasī bhavasī abhavo bhavo. Tumhe abhavattha bhavattha. Ahaṃ abhavaṃ bhavaṃ abhava bhava, mayaṃ abhavamha bhavamha abhavamhā bhavamhā. So abhavattha bhavattha. Te abhavatthuṃ bhavatthuṃ. Tvaṃ abhavase bhavase. Tumhe abhavavhaṃ bhavavhaṃ. “Issa ca siña”ti siṃ, ahaṃ abhavasim bhavasim abhaviṃ bhaviṃ. Mayaṃ abhavamhase bhavamhase. Kamme-tthe sukhaṃ tayā anubhūyittha, iñāgamābhāve anubhūyattha iccādi. Bhāve-abhūyattha bhūyattha iccādi.



So odanaṃ apacattha pacattha iccādi kattusamaṃ. Kamme-apacīyattha pacīyattha apaccattha paccattha apacīya pacīya apacīyā pacīyā apacca pacca apaccā paccā. Apacīyu pacīyu apacīyū pacīyū apaccu paccu apaccū paccū iccādi. “Māyoge ī+āādī”ti māyogepi āādayo, mā bhavaṃ apaccattha iccādi.

Tathā agacchattha gacchattha iccādi purimasamaṃ. Tathā agamattha gamattha iccādi pi aghammattha ghammattha iccādi pi. (Anajjatanapaccayanayo).

## 6. Parokkhe a u e ttha a mha ttha re ttho vho i mhe

Apaccakkhe bhūtānājjatane vattamānato kriyatthā āādayo honti. Akkhānaṃ=indriyānaṃ paraṃ parokkhaṃ. Tasmīṃ. “Aparokkhesū”ti vacanā kya+lādivikaraṇā na honti.

### 5,71. Parokkhāyañca

Parokkhāyaṃ paṭhama+mekassaraṃ saddarūpaṃ dve bhavati. “Bhūssa vuka” itīādīsu vuka, bhūva bhūva itī dvitte –

### 5,75. Lopo+nādibyañjanassa

Dvitte pubbassa ādīto+ññassa byañjanassa lopo hoti.

### 18. Pubbassa a

Aādīsu dvitte pubbassa bhūssa a hoti.

### 5,78. Catutthadutiyaṇaṃ tatiyapaṭhamā

Dvitte pubbesaṃ catutthadutiyaṇaṃ tatiyapaṭhamā honti yathākkamaṃti bakāre so babhūva kira, te babhuvu kira. Tvaṃ babhuve kira, iṇa tumhe babhuvittha kira. Ahaṃ babhuva kira, mayaṃ babhuvimha kira. So babhuvittha kira, te babhuvire kira. Tvaṃ babhuvittho kira, tumhe babhuvivho kira. Ahaṃ babhuvi kira, mayaṃ babhuvimhe kira. Kamme-anupabhava kira iccādi. Bhāvebabhuva babhuvittha kira.

Papaca, papacu. Papace, iñāgame papacittha. Aññatra “saṃyogādīlopo”ti lopo, papacittha. Papaca, papacimha. Papacittha, papacire. Papacittho papacitho, papacivho. Papaci, papacimhe. Evaṃ kamme.

Aādipaccaye dvibhāve anādibyañjanalope pubbassa “kavaggahānaṃ cavaggajā”ti cavaggajakāre “byañjane dīgharassā”ti dīghe ca kate so gāmaṃ jagāma kira, jagamu. Jagame, jagamittha. Jagama, jagamimha. Jagamittha, jagamire. Jagamittho, jagamivho. Jagami, jagamimhe. Evaṃ kamme.

Mūlḥavikkhittabyāsattacittena attanāpi kriyā katā abhinibbattikāle+nupaladdhāsamānā phalenā+numīyamānā parokkhāva vatthuto. Tena uttamavisayepi payogasambhavo. (Parokkhāpaccayanayo).

## 7. Yyodo vā+tipattiyam ssā ssaṃsu sse ssatha ssaṃ ssamhā ssatha ssaṃsussasessavhessim ssāmhase.

Eyyādo visaye kriyātipattiyam ssādayo honti. Vidhurapaccayopanipātato kāraṇavekallato vā kriyātipātana+manipphatti kriyātipatti. Ete ca ssādayo sāmattiyā atītānāgatesveva honti, na vattamāne, tatra kriyātipatyasambhavā. Iñāgame ssāssa vā rasse ca sace so paṭhamavaye pabbajjam alabhissa, arahā abhavissa bhavissa abhavissā bhavissā vā, te ca taṃ alabhissamṃsu, arahanto

abhavissaṃsu bhavissaṃsu. “Eyyāthā” dinā sseṣṣa vā akāre tvaṃ abhavissa bhavisse. Tumhe abhavissatha. Ahaṃ abhavissaṃ. Rasse mayaṃ abhavissamha bhavissamha abhavissamhā bhavissamhā. Paracchakke-so abhavissatha, abhavissimṣu. Abhavissase, abhavissavhe. Abhavissim, abhavissāmhase.

Kamme-tena sukhaṃ anvabhavissa, anvabhavissaṃsu kyalopo. Anvabhūyissa anvabhūyissā iccādi. Bhāve-tena abhūyissa bhūyissa abhūyissā bhūyissā. Abhūyissatha bhūyissatha.

Evam taṇḍulādisādhanam alabhissa, odanam apacissa pacissa iccādi. Kamme-tena odano apacissa pacissa apacissā pacissā apacīyissa pacīyissa apacīyissā pacīyissā apaccissa paccissa apaccissā paccissā iccādi.

So agacchissa gacchissa agacchissā gacchissā iccādi. Cchādesā+bhāve agamissa gamissa agamissā gamissā iccādi. Kamme-agacchissa gacchissa agacchīyissa iccādi. Agamissa gamissa agamīyissa iccādi. Tathā aghammissa iccādi. (Kriyātipattipaccayanayo).

### **8. Hetuphalesve+yya eyyuṃ eyyāsi eyyātha eyyāmi eyyāma etha eraṃ etho eyyāvho eyyaṃ eyyāmhe.**

Hetubhūtāyaṃ phalabhūtāyañca kriyāyaṃ vattamānato kriyatthā eyyādayo honti vā. Lavikaraṇavuddhiādi pubbasamaṃ. Parikappe –

#### **75. Eyye+yyāse+yyannaṃ te**

Eyya+eyyāsi+eyya+micca+me vā hoti. So dāni kinu kho bhava, yadi so paṭhamavaye pabbajeyya, arahā bhaveyya.

#### **47. Eyyuṃssuṃ**

Eyyu+miccassa ñuṃ vā hoti. Sace saṃkhārā niccā bhavaṃ bhaveyyuṃ, na nirujjheyuṃ. Yadi tvaṃ bhava bhaveyyāsi. “Eyyāthā” dinā assa okāre tumhe bhaveyyātho bhaveyyātha katha+mahaṃ devo bhaveyyāmi.

#### **78. Eyyāmasse+mu ca**

Eyyāmassa emu vā hoti u ca. Kinu kho mayaṃ bhavemu bhaveyyāmu bhaveyyāma. Paracchakke-bhavetha, bhaveraṃ. Bhavetho, bhaveyyāvho. Bhava bhaveyyaṃ, bhaveyyāmhe. Kamme-sukhaṃ tayā anubhuyye anubhuyyeyya, anubhuyyuṃ anubhūyeyyuṃ. Tena tvaṃ anubhūye anubhūyeyyāsi, tumhe anubhūyeyyātho anubhūyeyyātha. Tenā+haṃ anubhūyeyyāmi, mayaṃ anubhūyemu anubhūyeyyāmu anubhūyeyyāma. Paracchakke-anubhūyetha iccādi. Bhāve-bhūye bhūyeyya bhūyetha.

Vidhimhi-so odanam pace paceyya iccādi. Kamme-pacīye pacīyeyya pacce paceyya iccādi.

Anumatiyam-so gāmaṃ gacche gaccheyya iccādi. Aññātra game gameyya iccādi. Tathā ghamme ghammeyya iccādi.

Pāto paceyya ce bhuñje, icce+ttha pacanakriyā;  
Hetubhūtāti viññeyyā, phalaṃ tva+nubhavakriyā.

### **11. Sattya+rahesve+yyādī**

Sattiyam arahate ca kriyatthā eyyādayo honti. Bhavam khalu pattam paceyya, bhavam satto, bhavam araho.

## 12. Sambhāvane vā

Sambhāvane gamyamāne dhātunā vuccamāne ca eyyādayo honti vibhāsā. Api bhavaṃ gilitaṃ pāsāṇaṃ paceyya udaragginā, sambhāvēmi saddahāmi bhavaṃ paceyya, bhavaṃ pacissati, bhavaṃ apaci.

### 9. Pañha+patthanā+vidhīsu

Pañhādīsu kriyatthato eyyādayo honti.

Pañhā saṃpucchanaṃ, iṭṭhā-siṃsanaṃ yācanaṃ duve;  
Patthanā, bhattiyā vā+tha, na vā byāpāraṇā vidhi.

Pañhe-kiṃ so bhattaṃ paceyya, udāhu byañjanaṃ. Patthanāyaṃ-aho vata so paceyya ce. Vidhimhi-bhavaṃ pattaṃ paceyya. (Eyyādipaccayanayo).

### 10. Tu antu hi tha mi ma taṃ antaṃ ssu vho e āmase

Pañhapatthanāvidhisve+te honti kriyatthato. Āsiṃsanatthe-so sukhī bhavatu, te sukhitā bhavantu.

### 48. Hissa+to lopo

Ato parassa hissa vā lopo hoti. Tvaṃ sukhī bhava bhavāhi, himhi dīgho. “Eyyāthā”dinā vhoḥka, tumhe sukhitā bhavathavho bhavatha. Ahaṃ sukhī bhavāmi, mayaṃ sukhino bhavāma. Paracchakke-tathā bhavataṃ, bhavantaṃ. Bhavassu, bhavavho. Bhave bhavāmase. Kamme-tayā anubhūyatu, anubhūyantu iccādi. Bhāve-bhūyatu, bhūyataṃ.

Āṇattiyāṃ-devadatto dāni odanaṃ pacatu, pacantu iccādi. Kamme-tena odano paccatu iccādi. Tathā so gāmaṃ gacchatu iccādi. “Ū lasse”ti lasse+kāre gametu, gamentu iccādi. Ghammādesse ghammatu, ghammantu iccādi. Kamme-gacchīyatu iccādi. Tathā gamīyatu iccādi.

Vidhimhi-lassa lope lutte vuddhi, idha pabbato hotu.

Nimantane-adhivāsetha tumhe bhante bhagavā bhojanaṃ, vasatissa “curādito ṇī”ti ṇimhi “assā ṇānubandhe”ti ā, “yuvanṇāna+meo paccaye”ti e ca hoti. Idha nissīdatu bhavaṃ, sadassa “jara+sadāna+mīma vā”ti īma, manubandhattā antasarato īma.

Ajjhesane-desetu bhante bhagavā dhammaṃ, ettha curādittā purimasamaṃ.

Anumatiyaṃ-puccha vāsava maṃ pañhaṃ, pavisatu bhavaṃ. Ettha pucchato hissa lopo. Evaṃ nisīda.

Patthanā=yācanā, tatra-dada=dāne, dadāhi me gāmavarāni pañca, dāto lasse ekāre ca ekaṃ me nayanaṃ dehi.

Pattakāle-sampatto te kālo kaṭakaraṇe, kaṭaṃ karotu bhavaṃ. Ettha “tanādītvo”ti o.

Tvādī eyyādayo vatta-mānā sampati,+nāgate;  
Bhavissati, parokkhādi-cattāro+tītakālikā.

### 5,173. Gama yami+sā+sa disānaṃ vā cchaṇa

Etesaṃ vā cchaṇa hotinta+māna+tyādīsu. So saggāṃ gacchati gameti, gacchanti iccādi.

Kamme-gacchīyati gamīyati iccādi. Yama=uparame, parokkhāanajjatanarūpāni sabbattha payoga+manugamma yojetabbāni. Nipubbo, niyacchati niyamati, niyacchanti niyamanti. Saṃpubbo, “ye saṃsā”ti ññattam, saññamati, saññamanti. Kamme-niyacchīyati niyamīyati niyammati, saññamīyati vā. Tathā niyacchissati, saññamissati. Niyacchi, saṃyami. Niyacchissa, saṃyamissa. Niyaccheyya, saṃyameyya. Niyacchatu, saññamatu. Isa+siṃsa=icchāyaṃ, so saggaṃ icchati, icchanti iccādi. “Lahussupantassā”ti vuddhimhi esati, esanti iccādi. Kamme-icchīyati, “vā kvacī”ti vuddhimhi esīyati. Pubbarūpe issati issate iccādi. Icchissati esissati iccādi. Icchi esi. Icchissa esissa. Iccheyya eseyya. Icchatu esatu iccādi. Āsa=upavesane, so āsane acchati iccādi. “Byañjane dīgharassā”ti rasso, upapubbo, tathā upāsati. Acchissati upāsissati. Acchi upāsi. Acchissa upāsissa. Accheyya upāseyya. Acchatu upāsatu iccādi. Disa=pekkhane, dicchati dicchanti iccādi sabbam purimasamaṃ. Labha=lābhe, ito paraṃ visesaṭṭhānamevavakkhāma, sabbavāro vuttānusārena gahetabbo. Labhati, labhanti iccādi. Kamme-kyassa pubbarūpādīmi kate labbhati iccādi.

### 73. Labhā iṃ+īnaṃ thaṃ thā vā

Labhasmā iṃ īnaṃ thaṃ+thā vā honti. So alabhittha labhittha alabhi labhi iṃ paccaye alattham alabhiṃ iccādi.

### 26. Labha vasa+cchida bhida rudānaṃ cchaṇa

Labhādīnaṃ cchaṇa hoti ssena saha. Lacchati labhissati, lacchanti labhissanti iccādi. Kriyātipattiyam ssābhāgassa cchaṇādeśe alacchā alabhissa iccādi. Vasa=nivāse, vacchati vasissati. Kamme-bahulādīkārā “assū”ti ukāro, pubbarūpe vussati vussissati iccādi. Tathā avacchā avasissā. Chida=dvedhākarāṇe, checchati chindissati, “maṇca rudhādīnaṃ”ti maṃ lo ca. Lassa lopo ca. Bhida=vidāraṇe, bhecchati bhindissati. Abhecchā abhindissā. Ruda=rodane, rucchati rodissati. Arucchā arodissā iccādi.

Aññapaccayepi chidassa “cchaṇa” iti yogavibhāgā cchaṇa, bhūte uṃ paccaye accheccham acchindīmsu. Vuttato aññadhātūnaṇca, gama=gamane, gaccham gacchissam. Aññapaccayepi vaca=byattavacane iccādi, kamme-bahulādīkārā tyādīsu parabhūtesupī yathāgamaṃ vacādīnaṇcassa “vacādīnaṃ vassuṭa vā”ti kamme uṭa ca “assū”ti assa u ca, tena dhammo uccati vuccati, vuccanti iccādi, yassa ca pubbarūpaṃ.

### 27. Bhujā muca vaca visānaṃ kkhāna

Bhujādīnaṃ kkhāna hoti ssena saha. Vakkhati vacissati, vakkhanti vacissanti iccādi.

### 21. Īdo vacassoma

Īdīsu vacassa oma hoti. Makārānubandhattā “mānubandho sarāna+mantā paro”ti paribhāsato sarā paro. Avoci, avocum, avoco iccādi. Anajjatanavaca avacā vacā iccādi. Kriyātipattiyam-avakkhā avacissā, avakkhiṃsu avacissīmsu iccādi. Vaceyya iccādi. Kamme-vuceyya iccādi. Tathā vacatu, vuccatu iccādi.

Bhujā=pālanajjhohāresu, “bhujā” dinā kkhavādeśe bhokkhati bhujjissati.

Kusa=akkose, āpubbo, tassa rasso ca, akkosati iccādi ñeyyam, lavikaraṇalopavuddhiyo.

### 34. Kusa+ruhehī+ssa chi

Kusā ruhā ca parassa īssa chi vā hoti. Pararūpapaṭhamakkharāni, akkocchi akkosi iccādi. Abhipubbo ruha=rohane, abhirucchi abhiruhi iccādi.

Vaha=pāpuṇane, vahati, vahanti. Kamme-kye “hassa vipallāso”ti vipariyāso, tena so vuyhati,

“assū”ti uttaṃ. Vahissati, vuyhissati. Avahi, avuyhittha, avuhi. Avahissā, vuyhissā iccādi. Vaheyya, vuyheyya. Vahatu, vuyhatu iccādi.

Jara=jīraṇe,

### 5,174. Jara marāna+mīyaṇa

Jara marānaṃ īyaṇa vā hoti māna+nta+tyādīsu. Jīyati. “Jara sadāna+mīma”ti īmaāgamo lo ca, jīrati. Kamme-jīrīyati jīyīyati. Evaṃ jīyissati jīrissati, jīyīyissati jīrīyissati. Ajīyī ajīri, ajīyīyī ajīrīyī. Ajīyīssā ajīrīssā, ajīyīyīssā ajīrīyīssā ajīyīssā ajīrīyīssā iccādi. Mara=pāṇacāge, īyaṇa, mīyati marati, mīyanti maranti iccādi.

Disa=pekkhane,

### 5,124. Disassa passa dassa dasa da dakkhāti

Ete ādesā disassa vā honti. Anekavaṇṇattā sabbādeso. Passati passantī, dakkhati dakkhanti. Kamme-kye pubbarūpo, dissati dissanti, vipassīyati dakkhīyati iccādi.

### 6,69. Dakkha+kha+heti+hohīti lopo

Dakkhādīhi ādesehi parassa ssassa lopo vā hoti. Dakkhati dakkhissati. Apassi passi, apassīṃsu passīṃsu apasso passo, apassittha passittha. Apassīṃ passīṃ, apassīṃha passīṃha. Tathā adassī dassī, adassīṃsu dassīṃsu iccādi. Anajjatane dasādeso, addasā addasa. Addā adda iccādi. Apassissa dakkhissa iccādi. Passeyya dakkheyya, passatu dakkhatu iccādi.

Sada=visaraṇagatyāvasādanādānesu, nipubbo, “jarasadāna+mīma vā”ti īmaāgamo. Nisīdati, nisīdanti iccādi. Bhāve-nisajjati, nisajjate.

Yaja=devapūjāsamgatikaraṇadānesu, yajati, yajanti iccādi. Kamme –

### 5,113. Yajassa yassa ṭi+yīti

Yajassa yassa ṭi+yī honti kānubandheti bahulādhikārā tyādivisayepi kye pubbarūpe ca ijījati yījījati mayā buddho. So yajissati, tena ijījissate yījījissate. So yajī, tena ijī yījī. So yajīssā, tena ijījīssā yījījīssā. So yajeyya, tena ijīyeyya yījīyeyya. So yajatu, tena ijījatu yījījatu iccādi.

Vada=vacane, “gamavadā” dinā vadassa vajjādeso vā, lassa “ūlasse”ti kvaci e ca, vajjati vadeti vadati, vajjenti vadenti iccādi. Kamme – “kyassā”ti tīna, vajjīyati vajjati vadīyati, vajjīyanti vajjanti vadīyanti. Vadissati, vadissanti. Avadī vadī, avadīṃsu vadīṃsu. Avadissa vadissa. Vajje vajjeyya vade vadeyya, vajjeyyūṃ vadeyyūṃ. Vajjetu vadetu vadatu iccādi yathāgamaṃ ñeyyaṃ.

Kamu=padavikkhepe, “parokkhāyañcā”ti caggahaṇena kama kama iti dvitte anādībyañjalope lavikaraṇe “kavaggahā” dinā kassa ce niggahītāgame ca kate caṃkamati kamati iccādi. Cala=kampane, caṃcalati. Jala+dala=dittiyaṃ, dvitte daddallati iccādi. (Savuddhikabhūvādinayo).

Hū+bhū=sattāyaṃ, tyādīsu “kattari lo”ti lo, tassa lope “yuvaṇṇāna+meo paccaye”ti okāro. So hoti, te honti. Hosi, hotha. Homi, homa iccādi. Bhāve-tena hūyati hūyate.

### 31. Hūssa he+hehi+hohi ssatyādo

Hūssa heādayo honti ssaccādo. Hessati hehi ssati hohissati.

## 69. Dakkha+kha+hehi+hohīhi lopoti

Dakkhādīhi ādesehi parassa ssassa vā lopo hoti. Hehiti hehissati, hohiti hohissati. Hehinti hehissanti, hohinti hohissanti iccādi. Anajjatane īmhi añāgamo, “paro kvaci”ti īssa lopo, so ahu. Vuddhimhi “dīghā īssa” iti īssa siādeso, suvo ahosi ānando.

### 41. Hūto resuṃ

Hūto parassa u+miccassa resuṃ vā hoti. Rakārānubandho “rānubandhentasarādissā”ti antasarādissa lopo. Ahesuṃ. Okāravuddhi avādeso ahavuṃ. Ossa siādeso ahosi.

### 46. Iṃssa ca siṅha

Imiccassa siṅha hoti mhāthhānañca bahulaṃ. Ñākāro ākhyāvayavattho (ukāro) ikāro uccāraṇattho. “Aīssā” dinā iñāgame tumhe ahosittha, ahosi. Parassaralope rasse ca ahūṃ, ahosimha, ahumha, rasso. Bhāve-abhavi, āssatthādeso, abhavittha. Anajjatane āūādīpaccaye kate “yuvanāna+miya nuvaṇa sare”ti uvañādeso ahuvā, ahuvu, ahuvo, ahuvattha. Assa amādeso ahūṃ ahuvaṃ, ahumha iccādi. Bhāve-tena ahuyi ahuyittha. Ahavissā, ahavissaṃsu iccādi. Bhāve-ahuyissa, ahuyissatha. Pubbassaralopo, heyya, heyyuṃ iccādi. Bhāve-hūyeyya, hūyetha. Hotu, hontu iccādi. Bhāve-hūyatu, hūyatuṃ. Anupubbe anubhoti iccādi sabbavāresu yojetabbaṃ. Bhāve rūpābhāvā. Kamme-anubhūyati iccādi viseso.

Si=saye, lassa lopo vuddhi, seti. Ayādeso sayati, senti sayanti iccādi. Kamme-atipubbo, kye “dīgho sarassā”ti īssa dīghe ca kate tena atisīyati, atisīyanti iccādi. Bhāve-tena sīyati, sīyate. Tathā bhavissatiādīsu.

Nī=pāpane, dvikammako+yam, ajaṃ gāmaṃ neti nayati, nenti nayanti iccādi. Kamme-nīyate gāmaṃ ajo devadattena iccādi. Tathā sesesupi yojetabbaṃ.

Ṭhā=gatinivattiyam –

### 5,175. Ṭhāpānaṃ tiṭṭhapivā

Ṭhāpānaṃ tiṭṭhapivāhonti vā nta+māna+tyādīsu. Lassa lope tiṭṭhati, tiṭṭhanti, ṭhāti, ṭhānti.

### 5,131. Pādito ṭhāssa vā ṭhaho kvaciti

Pādito parassa ṭhāssa kvaci ṭhaho hoti vā. Saṅṭhahati, saṅṭhahanti. Lasse, adhiṭṭheti, adhiṭṭhenti. Kamme –

### 5,137. Aññādissā+ssī kye

Ñādito+ññassa ākārāntassa kriyatthassa ī hoti kye. Upaṭhīyati, upaṭhīyanti. Ṭhahādeso “kyassā”ti iṅha, tena paṭiṭṭhahīyati, paṭiṭṭhahīyanti. Bhāve-īmhi ṭhīyati, ṭhīyate. Tathā papubbe paṭiṭṭhissati paṭiṭṭhahissati. Īssa simhi aṭṭhāsi, aṭṭhaṃsu, saṅṭhahi, saṅṭhahiṃsu. Paṭiṭṭhissa paṭiṭṭhahissa. Tiṭṭhe tiṭṭheyya, saṅṭhe saṅṭheyya, saṅṭheyyuṃ, saṅṭhahe saṅṭhaheyya. Tiṭṭhatu ṭhātu, saṅṭhahatu iccādi.

Pā=pāne, pivādeso pivati. “Tavaggavaraṇā” do “bayaṇā”ti yogavibhāgena vassa bakāro, pibati. Kammeṭīyati, piyanti iccādi.

Asa=bhuvi,

### 52. Tassa thoti

Atthito parassa tassa tho hoti. Pararūpe paṭhamakkharatakāre ca atthi.  
 “Nta+māna+nti+yi+yumsvā+dilopo”ti assa lopo, santi.

### 53. Sihisva+ṭa

Atthissa aṭa hoti sihisu. Ṭo sabbādesattho. Tvaṃ asi. Pararūpādimhi kate idāni tumhe attha.

### 54. Mimānaṃ vā mhimhā ca

Asasmā paresaṃ mimānaṃ mhimhā vā honti taṃsanniyogena asassa aṭa ca. Amhi.

### 55. Esu sa

Esu mimesu asassa so hoti, pararūpabādhanaṭṭhaṃ. Asmi, amha asma. Bhavissatipaccaye –

### 5,129. A+ā+ssaādīsu

Parokkhā a-ādo anajjatana ā-ādo kriyātipattissā-ādo bhavissatissatyādo ca atthissa bhu hoti.  
 Ādesavidhānaṃ asassāpayogattamaṃ, kismiñci paccayaviseṣe, tasmā asitabbantiādi na bhavati.  
 Bhavissati, bhavissanti. Abhavā, abhava. Kriyātipattiyamaṃ bhuādesa abhavissa, abhavissamsu iccādi.  
 Eyyādimhi –

### 50. Atthite+yyādicchannaṃ sa+su+sa+satha+sama+sāma

Asa=bhuvi+ccasmā paresaṃ eyyādicchannaṃ sādāyo honti yathākkamaṃ. Pararūpe so assa, te  
 assu. Tvaṃ assa, tumhe assatha. Ahaṃ assama, mayama assāma. Tvādimhi so atu, assa lope santhu,  
 ayādesa tvaṃ ahi, tumhe attha. Amhi, amha, sādese asmi asma. Bahulādhikārā ajjatane āsi, āsiṃsu,  
 āsum iccādīpi honti.

Brū=vacane,

### 36. Brūto tissiṇa

Brūto parassa tissa iṇa vā hoti. Vuddhiavādesa lassa lope bravīti.

### 5,97. Na brūso

Brūssa o na hoti byañjane. Brūti. Uvaṇādesa brūvanti.

### 20. Tya+ntīnaṃ ṭa+ṭū

Āhā paresaṃ ti+antīnaṃ ṭa+ṭū honti. Ṭakārā sabbādesatthā. Atoyeva āhā paresaṃ tiantīnaṃ  
 ṭaṭūvidhānañāpakā tiantīsu brūssa āho. Āha, āhu. Brūsi, brūtha. Brūmi, brūma iccādi. Bravissati.  
 Abravi bravī, abravuṃ. Anajjatane abravā, abravu. Parokkhāyamaṃ –

### 16. Aādīsvā+ho brūssa

Brūssa āho hoti parokkhāādīsu. Supine kira so āha, te āhu iccādi. Abravissa. Brave braveyya.  
 Vuddhippaṭisedhe brūtu, bravantu iccādi.

Hana=hiṃsāyamaṃ, timhi vikaraṇalope so hanati hanti. Te hananti iccādi. Kamme-ye nassa ñiṇe  
 pubbarūpaṃ, tena haññati, haññanti haññare. Tathā hanissati iccādi.

### 67. Hanā cha+khā

Hanā ssāssa cha+khā vā honti. Paṭihamkhāmi paṭihanissāmi. Hamchemā hanissāma. Ahani, ahanimsūtiādi sabbattha yojetabbaṃ. Huvādayo

Hu=havane. Tyādīsu lo. “Parokkhāyañcā”ti caggahaṇena hu hutī dvittaṃ, “kavaggahānaṃ cavaggaṃ”ti hassa jo, lalopo vuddhi ca, juhōti aggim, aññatra “yavā sare”ti vakāro, juhvati. Juhōti. Juhvanti. Juhosi juhvasi, juhotha juhvatha. Iccādi. Kamme – “dīgho sarassā”ti dīghe hūyati tena aggi iccādi. Juhissati, juhissanti. Ajuhavi ajuhosi, ajuhavum ajuhaviṃsu ajuhavaṃsu ajuhosum. Ajuhissa, ajuhissaṃsu. Juhe juheyya. Juhotu, juhontu iccādi.

Hā=cāge, pure viya dvebhāvachādesalope “rasso pubbassā”ti pubbassa āssa rasso. Jahāti iccādi. Kamme – “aññādisā+ssī kye”ti kye āssa ī, hīyati iccādi. Jahissati. Ajahāsi, “dīghā īssa” iti si, pajahi, ajahiṃsu ajahaṃsu, pajahiṃsu pajahum. Kamme-pahīyi pahiyittha. Ssādi+eyyādi+tvādīsupi ñeyyā.

Dā=dāne, dvibhāvarassattāni, lalopo, dadāti, dadanti iccādi. “Gamavadā” dinā dajjādese dajjati, dajjanti iccādi. Lasse+kāre dānaṃ deti iccādi.

## 22. Dāssa daṃ vā mimesva+dvitte

Advitte vattamānassa dāssa daṃ hoti vā mimesu. Vaggantaṃ, dammi demi, damma dema. Īkāre dīyati iccādi. Anāgatathe iñāgame saraṇopādi, dadissati, dadissanti. Dajjissati, dajjissanti. Lavikaraṇe dassati, dassanti. Ajjatane-adadi, adadiṃsu, adajji, adajjiṃsu, adāsi, adaṃsu. Anajjatane-adadā, adadu. Kālātipattiyam-adadissa adajjissa, le adassa, dassaṃsu. Eyyādimhi-dade dadeyya dajje dajjeyya. “Ṭā”ti bahulādhikārā dajjādesā parassa eyyassa ṭā, dajjā, dajjum dajjeyyam dadeyyum. Tvādīsu-dadātu, dadantu, dajjatu, dajjantu, lasse+kāre detu, dentu iccādi. Sabbattha kammepi yojanīyam.

Dhā=dhāraṇe, tyādimhi caggahaṇena dvitte pubbākārassa rassatte lalope “catutthadutiyaṇaṃ tatiyapaṭhamā”ti pubbadhakārassa dakāre ca kate dadhāti, dadhanti. Pīpubbo, “tadaminā” dinā āssa lopo, “dhāssa ho”ti dvitte parassa dhāssa hakāro, dvāraṃ pidahati, pidahanti. Lasse+kāre nidheti, nidhenti. Kamme-vidhīyati, vidhīyanti iccādi. Dhassati, pidahissati, paridahessati. Adhāsi, pidahi. Adhassa, pidahissa. Dadhe dadheyya, pidahe pidaheyya. Dadātu, pidahatu, nidhetu, nidhentu iccādi. (Juhotyādayo).

Bhūvādi ca juhādi ca, huvādidhātavo ci+me;  
Savuddhikabhūvādīhi, tidhā bhedaṃ upenti te.

(Bhūvādinayo.)

Adhunā vikaraṇapabhedapakāsanattham rudhādīnaṃ aṭṭhagaṇānaṃ kānici rūpāni udāhariyante

Rudha=āvaraṇe, tyādayo honti. Eva+muparipi sabbagaṇesu.

## 5,19. Mañca rudhādīnaṃ

Rudhādiko aparokkhesu kattuvihitamāna+nta+tyādīsu lo hoti mañca+ntasarā paro. Niggahītassa vaggantaṃ, “lahussupantassā”ti saṃyogattā na vuddhi. So maggaṃ rundhati, rundhanti iccādi. Kamme-nīpubbo kyo dhassa cavagga+pubbarūpa+tatiyakkharajakārā, tena maggo nirujjhati iccādi. Iñāgame rundhissati, nirujjhissati. Arundhi, arundhiṃsu. Nirujjhittho, nirujjhi, nirujjhiṃsu. Arundhissa, arundhissaṃsu, nirujjhissa, nirujjhissaṃsu. Rundhe rundheyya, nirujjhe nirujjheyya. Rundhatu, rundhantu. Tvam rundha rundhāhi. Nirujjhatu, nirujjhantu iccādi.

Chida=dvedhākarāṇe, chindati, chindanti. Kamme-chijjati, chijjanti. Bhavissatipaccaye –



“labha vasacchidā” dinā cchañādesse checchati chindissati. Kamme-pubbarūpaṃ, chijjissati, chijjissanti. Achindi chindi, acchejji, acchejjimsu. Acchindissā achijjissā. Chinde chindeyya, chijje chijjeyya, chindatu, chindantu, chijjatu, chijjantu iccādi.

Bhuja=pālanajjhohāresu, bhuñjati, bhuñjanti iccādi. Bhavissatimhi “bhuja+muca+vaca+visānaṃ kkhaṇa”ti dhātventena saha ssassa kkhañādesse vuddhi, bhokkhati, bhuñjissati, bhokkhanti, bhuñjissanti iccādi.

Muca=mocane, muccati, mucchanti iccādi. Kamme-muccati, mucchanti iccādi. (Rudhādinayo).

Diva=kīḷā vijigimsā vohāra juti thuti gatīsu,

### 5,21. Divādīhi yaka

Divādīhi kattari lavisaye yaka hoti. Kakāro kānubandhakāriyattho, eva+mupari ca. Vassa bakāre pubbarūpaṃ, so jutaṃ dibbati, dibbanti iccādi. Kamme-kye tena dibbati, dibbanti iccādi. Dibbissati, tena dibbissati. Adibbi dibbi. Tena adibbi dibbi. Adibbissa. Tena adibbissa. Dibbe dibbeyya. Tena dibbe dibbeyya. Dibbatu. Tena dibbatu iccādi.

Siva=tantusantāne, sibbati, sibbanti iccādi. Pada=gamane, upubbo, cavaggapubbarūpāni, uppajjati, uppajjare uppajjanti iccādi. Kammekye tena paṭipajjate iccādi. Bhāve-uppajjate tayā. Budha=avagamane, jhakārapubbarūpāni yakkhāresu. Dhammaṃ bujjhati, bujjhare bujjhanti iccādi. Kamme-mayā dhammo bujjhate iccādi. Yudha=sampahāre, yujjhati+ccādi. Naha=bandhane, “hassa vipallāso”ti ye vipallāso, sannayhati+ccādi. Mana=ñāṇe, ññākāra+pubbarūpāni, maññati+ccādi. Tusa=tuṭṭhimhi, pubbarūpe tussati+ccādi. Sama=upasame, sammatti+ccādi.

Jana=janane, “janissā”ti ā hoti kānubandhe bahulādhikārā, so jāyati, jāyanti+ccādi. Kamme-janituṃ payojetīti “payojakabyāpāre ṇāpi ce”ti ṇimhi “aññatrāpī”ti vuddhipaṭisedhe kyamhi “dīgho sarassā”ti dīghe ca kate tena janīyati, janīyanti iccādi. So jāyissati. Tena janissati. So ajāyi, tena ajanīyi. So ajāyissa, tena ajanīyissa. So jāye jāyeyya, tena janīyeyya. So jāyatu, tena janīyatu iccādi. (Divādinayo).

Tuda=byathane,

### 5,22. Tudādīhi ko

Tudādīhi kattari lavisaye ko hoti. Tudati, tudanti iccādi. Kamme-tudyati tujjati, tudyare tudyanti, tujjare tujjanti+ccādi. Tathā tudissati tujjissati. Atudī, atudīmsu, atujji. Atudissa atujjissa, tudeyya tujjeyya. Tudatu, tudantu, tujjatu iccādi.

Visa=pavesane, papubbo. So gāmaṃ pavisati iccādi. Kamme-pavisīyati iccādi. Pavisissati. Pavisīyissati. Pāvīsi, imhi “bhujamucā” dinā yogavibhāgā kkhaṇa. Pāvīsi, pāvīsi pāvekkhi, pathaviṃ pāvīsiṃsu pāvīsiṃsu. Pāvīsiyi. Pāvīsiṃsa pāvīsiṃsa. Pāvīsiyissa. Pavise paviseyya, vikaraṇalopo pāvīsiyeyya. Pavisatu, pavisīyatu iccādi. Nudati. Disa=uccāraṇe, uddissati, likhati, tusati iccādi. (Tudādinayo).

Ji=jaye,

### 5,23. Jyādīhi knā

Jyādīhi kattari lavisaye knā hoti. Na vuddhi. Kilese jināti, jinanti. Tena kilesa jīyati, jīyanti, kye dīgho. Jinissati, jinissanti. Ajīni jini. Ajīyi, ajīyittha. Ajīniṃsa. Ajīyissa. Jineyya. Jinātu iccādi. Ci=caye, tathā cināti, cinanti iccādi.

Ñā=avabodhane,

### 5,120. Ñāssa ne jā

Ñādhātussa jā hoti nakāre. Vijānāti.

#### 61. Ñāssa sanāssa nāyo timhi

Sanāssa ñāssa nāyo vā hoti timhi. Nāyati, vijānāti iccādi. Kamme-viññāyati iccādi. Kye “āsse cā”ti ettha “āsse”ti yogavibhāgā āssa e hoti, yassa dvitte ñeyyati, ñeyyanti iccādi. Vijānissati, vijānissanti. Kamme – “kyassa sse”ti kyalope rasse ca kate ñāssati, ñāssanti, viññāyissati, paññāyissati.

#### 65. Ssassa hi kamme

Ñāto parassa ssassa hi vā hoti kamme, paññāyihiti, paññāyihinti. Añāgame samajāni, saṃjāni, saṃjāniṃsu. Samajā- niṃsu. Kamme-paññāyi, paññāyiṃsu. Ajānissa. Kamme-aññāyissa.

#### 63. Eyyassi+yāñā vā

Ñāto parassa eyyassa iyā+ñā honti vā. Jāniyā.

#### 62. Ñāmhi jaṃ

Ñādese sanāssa ñāssa jaṃ vā hoti. Jaññā, jāneyya, jāneyyūṃ. Kamme-paññāyeyya, paññāyeyyūṃ. Vijānātu, vijānanthu. Kamme-viññāyatu iccādi.

Mā=māne, “ā ī ssādīnaṃ byañjanassiñā” iti ññaiti yogavibhāgā iñāgame pubbasaralopo, mināti, minanti. Kamme-mīyati iccādi. Lū=chedane, “kṇāknāsu rasso”ti dhātussa rasso, lunāti, lunanti. Kamme-lūyati iccādi. Dhu=kampane, dhunāti iccādi. (Jyādinayo).

Kī=dabbavinīmaye,

#### 24. Kyādīhi kṇā

Kyādīhi lavisaye kṇā hoti. “Kṇāknāsu rasso”ti rasse kiṇāti, kiṇanti iccādi. Kamme-vikkīyati, vikkīyanti. Vikkiṇissati, vikkiṇissanti. Vikkīyissati, vikkīyissanti. Akiṇi, vikkiṇi, vikkīyi. Akiṇissa, vikkiṇissa. Vikkiṇe vikkiṇeyya.

Vikkīye. Vikkīyeyya. Vikkiṇātu, vikkiṇantu, vikkīyatu, vikkīyantu iccādi. Su=savane, suṇāti, suṇanti iccādi.

Saka=sattiyam,

#### 5,121. Sakā+pānaṃ kuka+ku ṇe

Saka+āpānaṃ kuka+kuiccete āgamā honti ṇe. Sakkuṇāti, sakkuṇanti. Sakkunāti, sakkunanti.

#### 53. Sse vā

Sakasmā kṇāssa kkho vā hoti sse. Sakkhissati, sakkhissanti.

#### 58. Sakā kṇāssa kha iādo

Sakasmā kṇāssa kho vā hoti tādīsu. Asakkhi sakkhi, sakkhiṃsu. Asakkhissa, asakkhissamsu. Sakkuṇe sakkuṇeyya. Sakkuṇātu, sakkuṇantu.

Apa=pāpuṇane, papubbo, “sakā+pānaṃ kuka+ku ṇe”ti kukate sampatti pāpuṇāti, pāpuṇanti iccādi. Kamme-pāpīyati, pāpīyanti. Pāpuṇissati, pāpuṇissanti. Kamme-pāpīyissati, pāpīyissanti. Pāpuṇi, pāpuṇiṃsu. Kamme-pāpīyi, pāpīyittha. Apāpuṇissa. Kamme-apāpīyissa. Pāpuṇe, pāpuṇeyya. Kamme-pāpīyeyya. Pāpuṇātu, pāpuṇantu. Kamme-pāpīyatu iccādi. (Kyādinayo).

Su=savane,

## 25. Svādīhi kṇo

Suādīhi lavisaye kṇo hoti. Kānubandhattā na vuddhi. Dhammaṃ suṇoti. Parassaralope suṇonti. Kamme-kye dīghe sūyati, sūyanti. Dvitte suyati suyanti+ccādi. Ināgame suṇissati, suṇissanti. Kamme-kyalope vuddhi. Sossati, sossanti iccādi. Asuṇi suṇi, asuṇiṃsu suṇiṃsu.

## 60. Tesu suto kṇo+kṇānaṃ roṭa

Tesu tādīsu suto paresaṃ kṇo+kṇānaṃ roṭa vā hoti. Rakāro anubandho. Ṭo sabbādesattho. Ussa lope dvittaṃ iṣṣa si ca. Assosi, assosiṃsu. “Imssa ca siṅṅa”ti yogavibhāgā siṅṅa, assosiṃsu, paccassosum. Asuyi, asuyittha. Asuṇissa, tena asuyissa. Suṇe suṇeyya, suṇeyyaṃ. Tena sūye sūyeyya. Suṇātu, suṇantu. Sūyatu, sūyantū iccādi.

Gi=sadde, giṇoti. Giṇanti. Tvaṃ giṇosi. Giṇissati, giṇissanti. Agiṇissa. Giṇeyya. Giṇotu iccādi. Vu=samvaraṇe, āvuṇoti, āvuṇanti. Āvuṇosi iccādi. Sesesupi yojetabbaṃ. (Svādinayo).

Tana=vitthāre,

## 26. Tanādito

Tanādito kattari lavisaye o hoti. Kittim tanoti, tanonti iccādi.

## 76. Ovikaraṇassu paracchakke

Ovikaraṇassa u hoti paracchakkavisaye. Tanute, tanvante. Tanuse, tanuvhe. Tanve, tanvamhe. Kamme –

## 5,138. Tanassā vā

Tanassa vā ā hoti kye. Papubbo, patāyati. Pataññati, patāyare patāyanti pataññare pataññanti+ccādi. Tathā vikaraṇalope ināgame ca tanissati, tanissanti. Patāyissati. Atani, ataniṃsu. Atanissa. Patāyissa. Taneyya, taneyyaṃ. Tanotu, tanontū iccādi.

Kara=karaṇe,

## 5,177. Karassa sossa kubba+kuru+kayirā

Karassa sa okārassa kubbādayo vā honti nta+māna+tyādīsu. Kubbatī, kubbanti. Karoti, karonti. Karosi, karoṭha.

## 23. Karassa sossa kuṃ

Karassa sa okārassa kuṃ vā hoti mimesu. Kummi karomi. Kumma karoma. Paracchakke kurute kubbate, kubbante iccādi. Kayirati, kayiranti iccādi. Kamme-kyassa dvitte iṣṣa rasso, kariyyati,

karīyati vā iccādi. “Tavaggavaraṇā” dinā ye rassa yakāre kayyati, kayyanti. Bahulādhakārā kamme kvaci iminā kayirādesse tena kayirati, kayiranti iccādi. Bhavissatimhi –

### 25. Hāssa cā+haṇa ssa

Karassa sossa hāssa ca āhaṇa vā hoti ssa saha. Kāhati, kāhanti iccādi. Iṇāgame kāhiti, kāhinti iccādi. Āhaṇādesābhāvapakkhe karissati, karissanti iccādi. Ajjatane –

### 24. Kā iādīsu

Karassa sa okārassa kā hoti vā iādīsu.

### 44. Dīghā īssa

Dīghato parassa īssa si vā hoti. Akāsi. Īlope akā, akaṃsu. Ossa siādese akāsi. Siṇāgame akāsittha. Akāsi, akāsiṃ, akāsimha. Aññatra akarikari, akarimṣu kariṃsu akaṃsu iccādi. Tena akarīyi iccādi. Akarissa iccādi. Kamme-akarīyissa iccādi. Eyyādimhi “kvaci vikaraṇaṇaṃ” ti ovikaraṇalope karekareyya, kareyyuṃ iccādi. Kubbe kubbeyya iccādi.

### 71. Ṭā

Kayirā parassa eyyassa ṭā hoti. So kayirā.

### 70. Kayire+yyasse+yyumādīnaṃ

Kayirā parassa eyyumādīnaṃ eyyassa lopo hoti. Kayiruṃ. Tvaṃ kayirāsi, kayirātha. Kayirāmi, kayirāma.

### 72. Ethassā

Kayirā parasse+thassa ā hotītiādissa essa ā hoti. Kayirātha dhīro. Kamme-kariyeyya, kariyeyyu+miccādi. Karotu kurutu vā, kubbantu karontu iccādi. Paracchakke-kurutuṃ, kubbantaṃ. Kurussu karassu iccādi. “Eona+ma vaṇṇe” ti akāro. Kuruvho, kubbe, kubbāmase. Kamme-karīyatu iccādi.

### 5,133. Karotissa kho

Pādito parassa karassa kvaci kha hoti. Abhisankharoti iccādi. Sabbattha yojetabbāṃ. “Tadaminā” dinā khādesse abhisankhāsīti viseso. Saka=sattiyāṃ, sakkoti iccādi. Apa=pāpuṇane, pappo, pappoti iccādi. (Tanādīnayo).

Cura=theyye,

### 1,15. Curādito ṇi

Curādīhi kriyatthehi sakatthe ṇi paro hoti. “Ṇiṇāpyāpīhi vā” ti vikappena lo. Dhaṇaṃ corayati coreti iccādi. Kamme-coriyati iccādi. Corayissati coressati iccādi. Kamme-coriyissati iccādi. Acorayi corayi acoresi coresi iccādi. Acorayissa iccādi. Kamme-acoriyissa iccādi. Coraye corayeyya iccādi. Coretu corentu iccādi.

Cinta=cintāyaṃ, saṃyogattā na vuddhi, cinteti cintayati, cintenti. Kamme-cintīyati, cintīyanti iccādi. Manta=guttabhāsane, manteti mantayati iccādi. Pāla=rakkhaṇe, so dhammaṃ pāleti pālayati. Tena pālīyati+iccādi. (Curādīnayo).

Bhūvādi ca rudhādi ca, divādi ca tudādayo;  
Jyādī kiyādī svādī ca, tanādī ca curādayo.

(Vikaraṇavidhānaṃ).

### 5.1. Tija+mānehi kha+sā khamā+vīmaṃsāsu

Khantiyaṃ tijā, vīmaṃsāyaṃ mānā ca kha+sapaccayā honti yathākkamaṃ. Tija=niśāne, akārassā+payogo. Khe “lahussupantassā”ti patte+kārassa “aññatrāpī”ti paṭisedho. Yakāravajjitabyañjanassa “pararūpa+mayakāre byañjane”ti pararūpañca. “Catutthadutiya” dinā paṭhamakkharakakāre ca “khachāsāna+mekassarō+di dve”ti tikkha tikkha iti dvibhāve “lopo+nādibyañjanassā”tiādito+ññassa byañjanassa lope ca kate titikkhādhātuto tyādīpaccaya+lavikaraṇāni. Titikkhati iccādi purimasamaṃ. Kamme-titikkhīyati iccādi. Ito paraṃ kammodāharaṇaṃ na karissāma.

Māna=pūjāyaṃ+timasmā sapaccaya, dvitādīdimhi kate “mānassa vī parassa ca maṃ”ti pubbamānassa vī ca paramānassa mañca hoti. Vīmaṃsadhātuto tipaccayādīdimhi kate vīmaṃsati iccādi. Titikkhissati, vīmaṃsissati iccādi. Eva+muparipi ajjatanādīsūpi yojetabbaṃ. Payojakattā ñi, “ñiṇāpyāpīhi vā”ti lavikaraṇaṃ, tejayati tejeti. Tathā curādittā na lavikaraṇaṃ, mānayati māneti.

### 5.2. Kitā tikicchā+samsāyesu cho

Tikicchāyaṃ samsāye ca vattamānā kitā cho hoti. Kita=nivāse, chapaccaye pubbeva pararūpādīdimhi ca kate “kitassā+samsāye vā”ti dvitte pubbassa tiādesse tikicchadhātuto tyādayo. Tikicchati, tikicchanti+ccādi. Vipubbato kitā chappaccayādīdimhi kate “kavaggahānaṃ cavaggajā”ti dvitte pubbassa kassa co. Vicikicchati, vicikicchanti+ccādi. Payojakattā ketayati+ccādi purimasamaṃ.

### 5.3. Nindāyaṃ gupa+badhā bassa bho ca

Nindāyaṃ gupa+badhehi cho hoti bassa bho ca. Gupa=rakkhane+tīasmā chappaccaye “aññatrāpī”ti ottābhāve ca pararūpādīdimhi “kavaggahā” dinā gassa je ca kate “gupissussā”ti dvitte pubbassa ussa i hoti. Tyādi+lavikaraṇādīdimhi jigucchati iccādi. Nindāyaṃ-badhā=bandhane+tīasmā chappaccaye ca imināva bassa bhakāre ca pararūpe paṭhamakkhare bhacchabhacchaiti dvitte anādibyañjanassa lope “catutthadutiyaṇaṃ tatiyapaṭhamā”ti dvitte pubbassa bhassa bhakāre “khachasesvassī”ti ikāre dīghe ca kate bībhacchadhātuto tyādayo honti. Bībhacchati, bībhacchanti iccādi. Aññatra gopeti+ccādi.

### 5.4. Tuṃsmā lopo ci+cchāyaṃ te

Tumantato icchāya+matthe te kha+sa+chā honti bahulaṃ, tuṃpaccayassa lopo ca hoti, sutattā. Bhuja=pālana+jjhohāresu. Bhojanāyāti viggayha “tuṃ+tāye”ccādinā tuṃpaccaye “lahussupantassā”ti okāre pararūpe ca kate bhottu+micchatīti viggayha iminā khapaccaye tuṃpaccayassa iminā ca lope “nimittābhāve nemittikassāpi ca abhāvo”ti ñāyā pararūpaokārānaṃ abhāve khassa pararūpa+khakārādīdimhi ca kate bhukkha bhukkha iti dvitte tatiyabakāro hoti, bubhukkhadhātuto tyādayo honti, bubhukkhati, bubhukkhanti iccādi.

Ji=jaye, jayanāya iti viggayha pure viya tumādīdimhi kate jetu+micchatīti viggayha sappaccaye jisa jisa iti dvitte anādibyañjanalope dvitte parassa jissa “jiharānaṃ giṃ”ti giṃ. Jigīmsadhātuto tyādīsū jigīmsati, jigīmsanti iccādi.

Ghasa=adane, ghasitu+micchati chappaccayādīdimhi pure viya kate ghassa “kavaggahā”dinā jhe jhassa “catutthadutiya” dinā jakāre “khachasesvassī”ti ikāre ca kate jīghacchadhātuto tyādayo honti. Jīghacchati, jīghacchanti+ccādi.

### 5,5. Īyo kammā

Īcchākammato icchāya+matthe ĩyapaccayo hoti. Putta+micchatīti ĩyapaccaye ĩyādivuttittā “ekatthatāyaṃ”ti vibhattilopo. Puttīyati, puttīyanti+ccādi.

### 5,6. Upamānā+cāre

Kammato upamānā ācāratthe ĩyo hoti. Putta+mivā+carati puttīyati sissaṃ, puttīyanti+ccādi.

### 5,7. Ādhārāti

Īyo hoti. Kuṭīya+mivā+carati kuṭīyati pāsāde. Pāsādevā+carati pāsādīyati kuṭīyaṃ, pāsādīyanti+ccādi.

### 5,8. Kattutā+yo

Kattuto+pamānā ācāratthe āyo hoti. Pabbato ivā+carati silādiguṇayogatoti pabbatāyati yogī, pabbatāyadhātuto tyādayo.

### 5,9. Cyatthe

Kattuto abhūtatabbhāve āyo hoti bahulaṃ. Bhusoti paṭhamantato abhuso bhuso bhavatīti bhusāyati, bhusāyanti iccādi. “Vicchābhikkhaññesu dve”ti ābhikkhaññatthe dvitte apaṭapaṭā paṭapaṭā bhavatīti āye paṭapaṭāyati, paṭapaṭāyanti+ccādi. Alohitō lohito bhavati lohitāyati.

### 5,10. Saddādīni karoti

Saddādīhi dutiyantehi karotīti asmiṃ atthe āyo hoti. Saddaṃ karoti saddāyati. Evaṃ verāyati, kalahāyati, dhūpāyati+ccādi.

### 5,11. Namotva+sso

Namoiccasmā karotīti asmiṃ atthe asso hoti. Namo karotīti asmiṃ atthe assapaccaye tyādayo hontī, tathāgataṃ namassati, namassanti iccādi.

### 5,12. Dhātvatthe nāmasmi

Nāmasmā dhātvatthe bahula+mi hoti. Hatthinā atikkamatīti ipaccaye lavikaraṇa+ekāra+ayādesesu katesu atihatthayati. Evaṃ vīṇāya upagāyati upavīṇāyati, vinayaṃ daḷhaṃ karoti daḷhayati, visuddhā hoti ratti visuddhāyati, kusalaṃ pucchati kusalāyati+ccādi.

### 5,13. Saccādīhā+pi

Saccādīhi dhātvatthe āpi hoti. Sacca+mācikkhatīti āpimhi tyādipaccaye “ṇi+ṇāpyā+dīhi vā”ti lavikaraṇa+e+ayādesā. Saccāpayati, saccāpeti iccādi. Attha+mācikkhati atthāpayati. Evaṃ vedāpayati. Sukkhaṃ karotīti sukkhāpayati sukkhāpeti iccādi.

### 5,16. Payojakabyāpāre ṇāpi ca

Kattāraṃ yo payojeti, tassa byāpāre kriyatthā ṇi+ṇāpī hontī bahulaṃ.

Ṇipaccayo uvaṇṇantā, āto ṇāpeva hoti+ha;  
Dve dve+ko hoti vā sese, bahulaṃtyanuvuttiyā.

Akammakāpi honteva, ñi+ñāpyantā sakammakā;  
Sakammakā dvikammā+ssu, dvikammā ca tikammakā.

Tasmā kattari kamme ca, ñi+ñāpīnaṃ tu sambhavo;  
Na bhāve suddhakattā tu, kammaṃ hoti payojake.

Nayādīnaṃ padhānañca, apadhānaṃ duhādīnaṃ;  
Suddhakattā ñi+ñāpīsu, kamma+makkhyāta gocaraṃ.

Bhavituṃ payojayatīti atthe iminā ñippaccayo. Nakāro ñānubandhakāriyattho.  
“Yuvaññāna+me+o paccaye”ti okāre “āyā+vā ñānubandhe”ti ñānubandhe āvādeso. Tyādimhi  
“ñi+ñāpyā+pīhi vā”ti lavikaraṇe ekāre “eona+mayavā sare”ti ayādeso. So samādhiṃ bhāvayati  
bhāveti, bhāvayanti bhāventi+ccādi. Kamme-tena samādhi bhāvīyati+ccādi. Ettha “dīgho sarassā”ti  
kye ikārassa dīgho. Bhāvayissati bhāvessati, bhāvayissanti bhāvessanti+ccādi. Ajjatane īssa simhi  
abhāvesi bhāvesi, abhāvayī bhāvayī, abhāvayīṃsu bhāvayīṃsu. Parassaralope abhāvesuṃ bhāvesuṃ,  
abhāvayaṃsu bhāvayaṃsu, abhāvayaṃ bhāvayaṃ iccādi. Kamme-abhāvīyī bhāvīyī iccādi.  
Abhāvissa abhāvayissa, abhāvissaṃsu abhāvayissaṃsu. Kamme-abhāvayissaṃ iccādi. Bhāve  
bhāveyya iccādi. Kamme-bhāvīyeyya iccādi. Bhāvayatu bhāvetu iccādi. Kamme-bhāvīyatu iccādi.

Pacituṃ payojetīti atthe ñi+ñāpī honti. So devadattena odanaṃ pācayati pāceti iccādi, tathā  
pācāpayati pācāpeti+ccādi. Kamme-so tena devadattena odano pācīyati pācāpīyati+ccādi,  
bhavissatyādīsipi yojetabbaṃ.

Gantuṃ payojetīti atthe so taṃ purisaṃ gāmaṃ gamayati gameti gacchāpayati  
gacchāpeti+ccādi. Kamme-tena so gāmaṃ gamīyati gacchāpīyati+ccādi.

Guha=samvaraṇe, guhituṃ payojetīti ñimhi “guhissa sare”ti dīgho. Gūhayati, gūhayanti iccādi.

Disa+dusa=appītiyaṃ, dusituṃ payojetīti ñimhi “ñimhi dīgho dusassā”ti dīghe dūsayati+ccādi.

Tathā icchantam payojayati icchāpayati icchāpeti, esayati eseti. Niyacchantam payojayati  
niyamayati niyameti. Tathā āsayati āseti, acchāpayati acchāpeti. Lābhayati lābheti, evaṃ vāsayati  
vāseti, vāsāpayati vāsāpeti. Vāhayati vāheti, vāhāpayati vāhāpeti+ccādi. Evaṃ jīrayati, mārayati,  
dassayati iccādi. Hū=sattāyaṃ, pahontaṃ payojayati pahāvayati pahāveti iccādi. Sāyayati sāyāpayati  
sāyāpeti. Nāyāpayati nāyāpeti. Patiṭṭhāpayati patiṭṭhāpeti. Rasse patiṭṭhāpeti. Hantuṃ payojayatīti  
ñi+ñāpī, “hanassa ghāto ñānubandhe”ti ghātādeso ghātayati ghātetī. Tathā juhāvayati juhāveti,  
jahāpayati jahāpeti. Hāpayati hāpeti. Dāpayati dāpeti. Vidhāpayati vidhāpeti, pidahāpayati  
pidahāpeti. (Bhūvādīnayo).

Idāni rudhādiatṭhagaṇā dassīyante-rodhayati rodheti. Devayati deveti. Todayati todeti.  
Jayāpayati jayāpeti. Vikkayati vikkayāpeti. Sāvayati sāveti. Vitānayati vitāneti. Corāpayati corāpeti  
iccādi.

Khādīhi paccayantehi, api honti ñi+ñāpayo;  
Ñi+ñāpīnā+nakānānaṃ, dassanañcetha sādhanam.

Titikkhantam payojayati titikkheti titikkhāpeti, tikicchayati tikiccheti tikicchāpayati  
tikicchāpeti. Evaṃ bubhukkheti bubhukkhāpeti. Pabbatāyayati. Puttīyayati iccādi.  
(Khādīpaccayanayo).

Iti payogasiddhiyaṃ tyādikaṇḍo chaṭṭho.

## 7. Khādikaṇḍa

Atha dhātūhiyeva bhāva+kamma+kattu+karaṇādisādhanasahitaṃ khādividhānaṃ ārabhīyate –

“Tijamānehi khasā khamāvīmaṃsāsu” iccādīhi paccayavidhānaṃ pararūpadvittādikāriyaṃca tyādikaṇḍe vuttanayeneva ñātappaṃ. Titikkhanaṃ titikkhā, “itthiya+maṇaktikayakayā ca” iti suttena apaccayo ca “itthiya+matvā”ti āpaccayo ca hoti. Tathā vīmaṃsanaṃ vīmaṃsā. “Kitā tikicchāsamsayesu cho”ti chappaccayādimhi kate tikicchanaṃ tikicchā, vicicchanaṃ vicicchā. Gupa=gopane, badha=bandhaneti imehi dhātūhi “nindāyaṃ gupa+badhā bassa bho ca” iti chapaccayādimhi ca dvitte parabakārassa iminā bhakāre ca kate apaccayādi hoti. Jigucchanaṃ jigucchā, bībhacchanaṃ bībhacchā. “Tuṃsmā lopo ci+cchāyaṃ te” iti icchāya+matthe kha+sa+chappaccayā honti. Bhuja=pālanajjhohāresu, bubhukkhaṃ bubhukkā. Ji=jaye, jigimšanaṃ, jigimṣā. Ghasa=adane, jighacchanaṃ jighacchā.

## 27. Bhāvakkammesu tabbānīyā

Tabbānīyā kriyatthā pare bhāvakkammesu bhavanti, bahulaṃvidhānā kattukaraṇādisupī. Bhū=sattāyaṃ, “yuvanāna+me opaccaye”ti okāre “ūbyañjanassā”ti ūāgamo, ññakāro ādyāvayavattho. Ossa “eona+ mayavā sare”ti avādeso, bhūyateti bhavitappaṃ bhavatā bhavanīyaṃ. Bhāvasse+kattā ekavacanameva, taṃca napuṃsakaliṅgaṃ.

Tabbādyabhīhito bhāvo,  
Dabbamiva pakāsātīti-bahuvacanaṃca hoti.

Kamme-abhipubbo, abhibhūyate abhibhūyittha abhibhūyissateti abhibhavitabbo kodho paṇḍitena, abhibhavitabbā taṇhā, abhibhavitappaṃ dukkhaṃ. Evaṃ abhibhavanīyo abhibhavanīyā abhibhavanīyaṃ, kamme abhidheyyasseva liṅgavacanāni.

Visessaliṅgātabbādī, tatthā+do pañca bhāvajā;  
Napuṃsake siyumaṃ bhāve, kto cā+no akattari.

Bhāvasmim ghaṇa pume evaṃ, iyuvanā gahādijo;  
Apaccayopi vā+samkhyā, tu+māditvantakā siyumaṃ.

Ito paraṃ upasaggapubbatā ca kālattayassa vākyagahaṇaṃca vuttanayena ñātappaṃ, tasmā anurūpavākyameva dassayissāma –

Āsa=upavesane, āsane āsitappaṃ tayā āsanīyaṃ. Kamme-upāsīyatīti upāsītabbo guru upāsānīyo. Sī=saye, e+ayādesā, sayanaṃ sayitappaṃ sayanīyaṃ tayā. Atisīyatīti atisayītabbo kaṭo te atisayanīyo. Pada=gamaṇe, “padādīnaṃ kvaci”ti yuka, kakāro kānubandhakāriyattho, ukāro uccāraṇattho, dassajo pubbarūpaṃca, uppajjanaṃ uppajjitappaṃ uppajjanīyaṃ. Paṭipajjīyatīti paṭipajjitabbo maggo paṭipajjanīyo. Budha=ñāṇe, bujjhateti bujjhitabbo dhammo bujjhanīyo. Su=savane, sūyateti sotabbo dhammo, ññimhi nāgame “tathanarānaṃ ṭaṭhaṇalā”ti ṇe ca kate “na te kānubandha+nāgamesū”ti okārābhāvo. Suṇitabbo, savanīyo. Kara=karaṇe –

## 95. Pararūpa+mayakāre byañjane

Kriyatthāna+mantabyañjanassa pararūpaṃ hoti yakārato aññasmim byañjane. Karīyatīti kattabbo dhammo, kattabbā pūjā, kattappaṃ kusalaṃ.

## 119. Tuṃ+tuna+tabbesu vā

Tumādīsu karassā hoti vā. Kātappaṃ hitaṃ.

## 171. Rā nassa ṇo



Rantato kriyatthā paccayanakārassa ña hoti. Karaṇīyo.

Bhara=bharaṇe, bhariyatīti bharitabbo bharaṇīyo. Gaha=upādāne “maṃ vā rudhādīnaṃ”ti antasārā paromaṃ vā hoti. Makāro+nubandho. “Ño niggahītassā”ti niggahītassa ño, saṃgayhatīti saṃgaṇhitabbo saṃgaṇhanīyo, “tathanarā”dinā ñakāre gahaṇīyo. Rama=kīḷāyaṃ, ramīyatīti ramaṇīyo vihāro. Āpa=pāpuṇane, “sakāpānaṃ kukakū ñe”ti ettha ‘sakāpānaṃ kuka+kū’ti yogavibhāgā ku, ūāgame nāgamassa ñe ca kate pāpīyatīti pāpuṇitabbo. Pararūpe pattabbo, pāpuṇanīyo, pāpanīyo.

### 96. Manānaṃ niggahītaṃ

Makāra+nakārantānaṃ kriyatthānaṃ niggahītaṃ hotya+yakāre byañjane. Vaggantaṃ, gamīyatīti gantabbo. Gamitabbaṃ gamaṇīyaṃ. Khana=khaṇa=avadāraṇe, niggahītaṃ vaggantattaṇca, khaññateti khantabbaṃ āvāṭaṃ khanitabbaṃ khananīyaṃ. Hana=hiṃsāyaṃ, haññateti hantabbaṃ hanitabbaṃ hananīyaṃ. Mana=ñāṇe, maññateti mantabbo manitabbo. “Padādīnaṃ kvacī”ti yuka, cavaggādimhi kate maññitabbaṃ maññanīyaṃ.

Pūja=pūjāyaṃ, “curādito ñī”ti ñimhi ñukārassa guruttā okārāvutti “yuvanṇāna+meo paccaye”ti ekāre pūjetabbo ūmhi ayādesse pūjayitabbo pūjanīyo bhagavā.

Kattari-yā=pāpuṇane, nīyatīti niyyāniyo maggo, gacchantīti gamaṇīyā bhogā. Karaṇe-naha=soceyye, nahāyanta+nenāti nahānīyaṃ cuṇṇaṃ. Sampadāne-dā=dāne, saṃ+papubbo, sammā padīyate assāti sampadāniyo brāhmaṇo.

### 28. Ghyaṇa

Bhāvakammesu kriyatthā paro ghyaṇa hoti bahulaṃ. Ūmhi kattabbaṃ kāriyaṃ. Hara=harāṇe, hariyatīti hāriyaṃ. Bhara=bharaṇe, bharitabbaṃ bhāriyaṃ. Labha=lābhe, “vaggalasehi te”ti pubbarūpabhakāre “catutthadutiya” dinā tatiyakkhare ca kate labhitabbaṃ labbhaṃ.

Vaca=byattavacane,

### 98. Kagā cajānaṃ ghānubandhe

Ghānubandhe cakāra+jakārantānaṃ kriyatthānaṃ ka+gā honti yathākkamaṃ.

### 84. Assā ṇānubandhe

Ñakārānubandhe paccaye pare upantassa akārassa ā hoti. Vacanaṃ vuccateti vākyāṃ. Bhaja=sevāyaṃ, bhajanīyaṃ bhāgyaṃ, jassa gakāro. Ci=caye, cayaṃ cīyatīti vā ceyyaṃ. Yassa dvittaṃ.

### 5,122. Nito cissa cho

Nito parassa cissa cho hotītiādicakārassa cho. Vinicchayatīti viniccheyyaṃ, nāgame vinicchinitabbaṃ. E+ayādesesu vinicchitabbaṃ vinicchānīyaṃ. Nī=pāpane, nīyatīti neyyo neyyā neyyaṃ, netabbaṃ.

### 29. Āsse+ca

Ākārantato kriyatthā ghyaṇa hoti bhāvakammesu āssa e ca. Dā=dāne, dātabbaṃ deyyaṃ. Pā=pāne, pīyatīti peyyaṃ. Mā=māne, mīyatīti meyyaṃ. Ñā=avabodhane, ñāyatīti ñeyyaṃ ñātabbaṃ, ūmhi nāgamo “ñāssa ne+jā”ti ñāssa jādesse jānitabbaṃ, vijāniyaṃ. Khā=pakathane, saṃkhātābbaṃ saṃkheyyaṃ.

### 30. Vadādīhi yo

Vadādīhi kriyatthehi yo hoti bahulaṃ bhāvakkammesu. Vada=vacane, vadanam vajjatīti vā vajjam. Mada=ummāde, madanam majjate anenāti vā majjam. Gamanam gammateti vā gammam. Gada=vacane, gajjate gadaniyam vāti gajjam. Pada=gamane, pajjanīyam pajjam gāthā. Ada+khāda=bhakkhane, khajjatīti khajjam khādanīyam. Dama=damane, dammateti dammo damanīyo.

Bhujā+nneti gaṇasuttena anne vattabbe yapaccayo.

### 83. Lahussupantassati

Lahubhūtassa upantassa iyuvaṇṇassa eo honti yathākkamam. Yassa pubbarūpe bhuñjitabboti bhojjo odano, bhojjā yāgu.

### 31. Kicca ghacca bhacca bhabba leyyā

Ete saddā yapaccayantā nipaccante. Kara=karaṇe, iminā nipātanā ye kicādesa ca kate pubbarūpaṃ, kattabbaṃ kiccaṃ. Hana=hiṃsāyam, ghaccādesādīmhi kate hananam haññateti vā ghaccaṃ. Bhara=bharaṇe, bhaccādesādīmhi kate bharaṇīyo bhacco. Bhū=sattāyam, yamhi okāre iminā avādesa bhavatīti bhabbo. Liha=assādane, yamhi iminā hassa yakāre lehitabbaṃ leyyam, ekāravuddhi.

### 32. Guhādīhi yaka

Guhādīhi kriyatthehi bhāvakkammesu yaka hoti. Guha=samvaraṇe, ‘lahussupantassā’ ti sampattassa okārassa ‘na te kānubandhanāgameṣū’ ti paṭisedho. ‘Hassa vipallāso’ ti vipallāse guhanam guhitabbaṃ guyham. Duha=papūraṇe, dohanam duyhatīti vā duyham. Sāsa=anusitthiyam –

### 117. Sāsassa sisa vā

Sāsassa sisa vā hoti kānubandhe. Pubbarūpaṃ, sāsīyatīti sisso.

Siddhā eve+te tabbādayo pesā+tisagga+ppattakālesu gamyamānesupi, sāmāññena vidhānato. Pesanam – ‘kattabba+midam bhavatā’ ti āṇāpanam ajjhesanañca. Atisaggo nāma ‘ki+midam mayā kattabbaṃ’ ti puṭṭhassa ‘pāṇo na hantabbo’ tiādīnā paṭipattidassanamukhena kattabbassa anuññā. Pattakālo nāma sampattasamayo. Yo kiccakaraṇasamayaṃ upaparikkhitvā karoti, tassa samayārocanaṃ, na tattha ajjhesana+matthi. Bhotā khalu kaṭo kattabbo karaṇīyo kāriyo kicco’ evaṃ tvayā kaṭo kattabbo, bhotā hi patto kālo kaṭakaraṇe.

Evaṃ uddhamuhuttepi vattamānato pesādīsu siddhā eva. Tathā arahe kattari sattivisiṭṭhe ca paṭiyamāne, āvassakā+dhamīṇatāvisiṭṭhe ca bhāvādo siddhā. Uddham muhuttato-bhotā kaṭo kattabbo. Bhotā rajjam kātabbaṃ, bhavaṃ araho. Bhotā bhāro vahitabbo, bhavaṃ sakko. Bhotā avassam kaṭo kattabbo. Bhotā nikkho dātabbo.

### 33. Kattari ltu+ṅkā

Kattari kārake kriyatthā ltu+ṅkā honti. Kara=karaṇe, pararūpe ‘ltu+pitādīna+mā simhī’ ti ā silopo ca. Karotīti kattā. Evaṃ bharatīti bhattā. Haratīti hattā. Bhidatīti bhattā, ekāro, ūmhi bheditā. Chindatīti chettā. Bhojanassa dātā bhojanadātā. Sandhātīti sandhātā. Vacatīti vattā. Okārapararūpesu bhuñjatīti bhottā. ‘Padādīnam kvaci’ ti yukāgamo, bujjhatīti bujjhitā. Jānātīti ñātā. Chindatīti chetā. Suṇātīti sotā. ‘Ū+lasse’ ti ūssa ekāre gaṇhātīti gahetā. Bhavatīti bhavitā. Saratīti saritā. ‘Manānam niggahītam’ ti massa niggahīte vaggante ca gacchatīti gantā. Nakārantānampi niggahītam, khanatīti khantā. Sanatīti santā. Maññatīti mantā. Pāletīti pālayitā pāletā, ettha curādittā ṇi.

Ñiṇāpīsu-bhāvayatīti bhāvayitā bhāvetā. Evaṃ sārāyitā sāretā, dāpayitā dāpetā, hāpayitā hāpetā, nirodhayitā nirodhetā, bodhayitā bodhetā, ñāpayitā ñāpetā, sāvayitā sāvetā, gāhayitā gāhetā, kārayitā kāretā, kārapayitā kārapetā iccādi.

Ñkapaccaye-ṇakāro vuddhyattho. Ratham karotīti rathakāraṅko, “assā ṇānubandhe”ti ā amādisamāso ca. Annaṃ dadātīti annadāyako. “Adhātussa kā+syādito ghe+ssī”ti ghe pare assa iādeso, annadāyikā, annadāyakaṃ kulam. “Āssā+ṇāpimhi yuka” itināpito+ññatra yuka. Lokaṃ netīti lokanāyako, ekāre “āyā+vā ṇānubandhe”ti āyādeso. Evaṃ vinetīti vināyako.

Akammupapade-karotīti kāraṅko, evaṃ dāyako nāyako, okāre āvādeso suṇātīti sāvako. Pure viya ikāre sāvikā. Lunātīti lāvako. Pu=pavane, punātīti pāvako. Bhavatīti bhāvako, upāsātīti upāsako. Gaṇhātīti gāhako pāvako, yājako. Vadha=himsāyaṃ, vadhetīti vadhako, “aññatrāpī”ti vuddhipaṭisedho. “Hanassa ghāto ṇānubandhe”ti ghātādeso, hanatīti ghātako. “Maṃ vā rudhādīnaṃ”ti maṃ, rundhako, guruttā na vuddhi. Tathā bhuñjatīti bhuñjako. Āyassa rasse kiṇātīti kayako. Pāletīti pālako. Pūjetīti pūjako.

Khādīsu-titikkhatīti titikkhako. Vīmaṃsatīti vīmaṃsako iccādi. Panudātīti panūdako, “byañjane”ccādinā dīgho. “Bhītvā+nako”ti ettha ‘ānako’ti yogavibhāgā ānako, āssa rasse nakārāgame ca “ñāssa ne jā”ti jādeso, jānanako. Nāpimhi –

Aṇa-iti daṇḍakadhātu, āṇāpetīti āṇāpako. Tathā saññāpako, patiṭṭhāpako. Saṃ+pa pubbo āpa=pāpuṇane, nibbānaṃ sampāpetīti nibbānasampāpako. Kārāpako, kārapikā iccādi.

Bahulaṃvidhānā kammepi-pādehi harīyatīti pādahāraṅko. Cupa=mandagamane, gale cuppatīti galacopako.

Siddhova ltu arahādīsu “bhavaṃ khalu kaññāya pariggahāraho”ti (pariggahitā). Sīlatthe-upādānasīloti upādātā. Sādhu gacchatīti gantā. Muṇḍanadhammā muṇḍanācārātī muṇḍayitāro, ettha “dhātvatthe nāmasmī”ti imhi ūāgame e+ayādeso muṇḍayitussaddamhi āraṇādeso ca kate yossa ṭo.

### 34. Āvī

Kriyatthā āvī hoti bahulaṃ kattari. “Disassa passa+dassa=dasa+da+dakkhā”ti dassādeso, bhayaṃ passatīti bhayadassāvī. Nīmhi bhayadassāvinī. Bhayadassāvi cittaṃ. Appavisayatāñāpanatthaṃ bhinnayogakaraṇaṃ. Sāmaññavihitattā sīlādīsu ca hoteva.

### 35. Āsiṃsāya+mako

Āsiṃsāyaṃ gammadānāyaṃ kriyatthā ako hoti kattari. Jīva=pāṇadhāraṇe, jīvatūti jīvako. Nanda=samiddhiyaṃ, nandatūti nandako. Bhavatūti bhavako.

### 36. Karā ṇano

Karato kattari ṇa no hoti. Karotīti kāraṇaṃ. Kattarīti kiṃ, karoti anenāti karaṇaṃ.

### 37. Hāto vīhi+kālesu

Hāto vīhismiṃ kāle ca ṇano hoti. “Āssā”tyādinā yuka, jahanti udakaṃti hāyanā vīhayo. Jahāti bhāve padattheti hāyano saṃvaccharo. Vīhikālesūti kiṃ, jahātīti hātā.

### 38. Vidā kū

Vidasmā kū hoti kattari. Kakāro “kūto”ti visesanattho. Vidatīti vidū, lokavidū.

### 39. Vito ñāto

Vīpubbā ñāicca+smā kū hoti kattari. Vijānātīti viññū.

### 40. Kammā

Kammato parā ñāicca+smā kū hoti kattari. Sabbaṃ jānātīti sabbaññū. Evaṃ mattaññū, dhammaññū, atthaññū kālaññū, kataññū iccādi. (Bhikkhūti pana “bharādi” ṇvādisuttena siddham).

### 41. Kvacāṇa

Kammato parā kriyatthā kvaci aṇa hoti kattari. Kumbhaṃ karotīti kumbhakāro, amādisamāso. Itthiyaṃ kumbhakārī. Evaṃ kammakāro, māsākāro, kaṭṭhakāro, rathakāro suvaṇṇakāro, suttakāro, vuttikāro, ṭīkākāro. Saram lunātīti saralāvoti o+avādesā. Mante ajjhāyatīti manthajjhāyo, i=ajjhenagatīsu, adhipubbo, e+ayādesā, adhino issa yakāra+cavaggādayo ca.

Bahulādhikārā iha na hoti “ādiccaṃ passati, himavantam suṇoti, gāmaṃ gacchati”. Kvacīti kiṃ, kammakaro, ettha apaccayo.

### 42. Gamā rū

Kammato parā gamā rū hoti kattari. Rānubandhattā amabhāgalopo. Vedaṃ gacchatīti vedagū, evaṃ pāragū.

Sāmaññavidhānato silādīsupi hoti. Bhavapāraṃ gacchati sīlenāti bhavapāragū. Antagamanasīlo antagū, evaṃ addhagū.

### 43. Samāna+ñña+bhavanta+yāditū+pamānā disā kamme rī+rikkha+kā

Samānādīhi yādīhi co+pamānehi parā disā kammakārake rī+rikkha+kā honti. “Syādi syādine+kattham”ti samāse “rānubandhe+ntasarādissā”ti disassa isabhāgalope “rīrikkhakesū”ti samānassa sādese ca samāno viya dissatīti sadī, sadikkho. Ke – “na te kānubandhanāgamesū”ti ettābhāvo, sadiso.

### 125. Samānā ro rī+rikkha+kesu

Samānasaddato parassa disassa ra hoti vā rī+rikkha+kesūti pakkhe dassa rādese sarī, sarikkho, sariso.

### 3,86. Sabbādīna+mā

Rī+rikkha+kesu sabbādīna+mā hoti. Añño viya dissatīti aññādī, aññādikkho, aññādiso.

### 3,87. Nta+ki+mi+mānaṃ ṭā+kī+ṭī

Rī+rikkha+kesu nta+kiṃ+imasaddānaṃ ṭā+kī+ṭī honti yathākkamaṃ. Ṭakārā sabbādesatthā. Bhavādī bhavādikkho bhavādiso, kīdī kīdikkho kīdiso, ayamiva dissatīti idī idikkho idiso. Ākāre yādī yādikkho yādiso, tyādī tyādikkho tyādiso iccādi.

### 3,88. Tumhāmhānaṃ tāme+kasmiṃ

Rī+rikkha+kesu tumhāmhānaṃ tamā honte+kasmiṃ yathākkamaṃ. Tvaṃ viya dissati, ayaṃ viya dissatīti tādī mādī iccādi. Ekasminti kiṃ, tumhādiso amhādiso.

### 3,89. Taṃ+ma+mañña

Rīrikkhakantato+ññasmiṃ uttarapade tumhāmhāna+mekasmiṃ taṃ+maṃ honti yathākkamaṃ. Tvamaṃ dīpo esaṃ, ahaṃ dīpo esaṃti aññapadatthe taṃdīpā maṃdīpā. Tvamaṃ saraṇa+mesaṃ, ahaṃ saraṇa+ mesanti taṃsaraṇā maṃsaraṇā. Tayā yogo tayyogo, mayā yogo mayyogoti amādisamāse niggahītalopo.

### 3,90. Ve+tasse+ṭa

Rī+rikkha+kesu etassa eṭa vā hoti. Eḍi etādi, edikkho etādikkho, ediso etādiso.

### 44. Bhāvakārake sva+ghaṇa gha kā

Bhāve kārake ca kriyatthā a ghaṇa gha kā honti bahulaṃ.

Apaccayo-paggaṇhanaṃ paggaho, evaṃ niggaho, dhammaṃ dhāretīti dhammadharo, evaṃ vinayadharo. Tathā taṃ karotīti takkaro, dvittaṃ. Evaṃ hitakaro, divasakaro, dinakaro, divākaro, nisākaro, dhanuṃ gaṇhīti dhanuggaho. Evaṃ kavacaggaho. Dada=dāne, sabbakāmaṃ dadātīti sabbakāmadado, sabbadado. Āto “parokkhāyañcā”ti caggahaṇena dvitte “rasso pubbassā”ti rasse ca annaṃ dadātīti annadado, evaṃ dhanado. Saṃpubbo dhā=dhāraṇe, sabbamaṃ sandhahatīti sabbasandho. Nī=pāpane, vipubbo, vinesi vineti vinessati etena etthāti vā vinayo, e+ayādesā. Nayanamaṃ nayo. Si=sevāyaṃ, nipubbo, nissīyatīti nissayo. Si=saye, anusayi anuseti anusessatīti anusayo. I=gatimhi, patipubbo, paṭicca etasmā phala+metīti paccayo. Saṃ+upubbo, dāgame samudayo. Ci=caye, vinicchayate+nena vinicchayanaṃ vā vinicchayo, “nito cissa cho”ti cissa cho. Uccayanaṃ uccayo, saṃcayo. Khi=khaye, khayanaṃ khayō. Ji=jaye, vijayanaṃ vijayo, jayo. Kī=dabbavinīmaye, vikkayanaṃ vikkayo, kayo. Lī=silesane, allīyanti etthāti ālayo, layo. (Ivaṇṇantā).

Āsuṇantīti assavā, āssa rasso. Paṭissavanaṃ paṭissavo. Su=passavane, ābhavaggā savantīti āsavā. Ru=saddo ravatīti ravo. Bhavatīti bhavo. Pabhavati etasmāti pabhavo. Lū=chedane, lavanaṃ lavo. (Uvaṇṇantā).

Cara=carāṇe, saṃcaraṇaṃ saṃcaro. Dara=vidāraṇe, ādaraṇaṃ ādaro. Āgacchati āgamaṇaṃti vā āgamo. Sappa=gamane, sappatīti sappo. Dibbatīti devo. Pakkamaṇaṃ pakkamaṃti vā pakkamo, evaṃ vikkamo. Cara=carāṇe, vanaṃ caratīti vanacaro. Kāmo avacarati etthāti kāmāvacaro loko, kāmāvacarā paññā, kāmāvacaraṃ cittaṃ. Gāvo caranti etthāti gocaro. Pādena pivatīti pādapo. Evaṃ kacchapo. Sirasmiṃ ruhatīti sirorūho, manādittā o. Guhāyaṃ sayatīti guhāsayaṃ cittaṃ, evaṃ kucchisayā vātā. Pabbate tiṭṭhatīti pabbataṭṭho puriso, pabbataṭṭhā nadī, pabbataṭṭhaṃ bhasmaṃ. Evaṃ thalaṭṭhaṃ jalaṭṭhaṃ.

Kicchattthe dumhi akicchattthe su+īsaṃ+sukha upapadesu-dukkhena karīyati karaṇaṃ vā dukkaraṃ. Evaṃ dussayo, dukkhena bhariyatīti dubbhāro mahiccho. Evaṃ durakkhaṃ cittaṃ, duddaso dhammo, duranubodho dhammo. Īsaṃ sayatīti īsaṃsayo, evaṃ sukhasayo. Īsaṃ karīyatīti īsakkaraṃ kammaṃ. Sukkhena karīyatīti sukaraṃ pāpaṃ bālena. Evaṃ subhāro appiccho, sudassaṃ paravajjaṃ, subodha+miccādi. Sabbattha pādīamādisamāsā.

Ghaṇa-bhavatīti bhāvo, o+āvādesā. Aya=iti daṇḍakadhātu, ayati itoti āyo, āharatīti āhāro. Upahanaṃti upaghāto, “hanassa ghāto nānubandhe”ti ghātādeso. Rañjati rāgo, “kagā cajanamaṃ ghānubandhe”ti jassa go. Rañjanti anenāti rāgo. “Assā nānubandhe”ti ā, pajjate+nenāti pādo. Tuda=byathane, patujjate+nenāti patodo. Jarīyati anenāti jāro, evaṃ dāro. Bhajīyatīti bhāgo. Evaṃ bhāro. Labbhatīti lābho. Vi+opubbo, vohariyatīti vohāro. Diyyatīti dāyo, yuka. Vihaññati etasmāti vighāto. Viharanti etthāti vihāro. Āramanti etasminti ārāmo. Pacanaṃ vā pāko, cassa ko. Cajanaṃ cāgo. Yajanaṃ yāgo. Rajanaṃ rāgo.

## 127. Ana+ghaṇasvā+parīhi ḷo

Ā+parīhi parassa dahassa ḷo hota+na+ghaṇasu. Paridahanam pariḷāho. Evaṃ dāho. Bhañjanam saṅgo. Evaṃ saṅgo. Saṃkharanam saṃkhāro, “karotissa kho”ti kassa kho. Evaṃ parikkhāro. “Purasma”ti karassa kho, purekkhāro, ettam tadinā dipāthā. Evaṃ upakāro, gāho.

Gha-vacatīti vako. Sica=paggharaṇe, secanam seko. Evaṃ soko, eovuddhiyo. Yuñjanam yogo.

Ka-pī=tappane, pīnetīti pīyo, kānubandhattā na vuddhi, “yuvanāna+miyaṇuvaṇa sare”ti iyaṇa. Khipa=perane, khipatīti khipo. Bhuñjantya+nenāti bhujō. Yudha=sampahāre āyujjhanti anenāti āyudham.

## 45. Dādhātvi

Dādhāto bahula+mi hoti bhāvakārakesu. Dā=dāne, ādiyatītiādi. Evaṃ upādi. Dhā=dhāraṇe, udakam dadhātīti udadhi, “saññāya+mudo+dakassā”ti udakassa udādeso. Jalam dhiyate asminti jaladhi. Vālāni dhīyanti asminti vāladhi. Sandhīyati sandhātīti vā sandhi. Dhīyatīti dhi. Vidhīyati vidhātīti vidhānam vā vidhi. Sammā samaṃ vā cittaṃ ādadhātīti samādhi.

## 46. Vamādīhya+thu

Vamādīhi bhāvakārakesva+thu hoti. Vama=uggiraṇe, vamanam vamīyatīti vā vamathu. Vepa+kampa=calane, vepanam vepathu.

## 47. Kvi

Kriyatthā kvi hoti bahulam bhāvakārakesu. Kakāro kānubandhakāriyattho.

## 159. Kvissa

Kriyatthā parassa kvissa lopo hoti. Sambhavatīti sambhū. Evaṃ vibhavatīti vibhū, abhibhū, sayambhū. Tathā dhu=kampane, sandhunātīti sandhu. Vibhātīti vibhā. Pabhātīti pabhā. Saṃgamma bhāsanti etthāti sabhā, “kvimhi lopo+ntabyañjanassā”ti antabyañjanassa lopo. Bhujena gacchatīti bhujago. Evaṃ urago. Turam=sīgham gacchatīti turaṅgo. Khena gacchatīti khago. Vihāyase gacchatīti vihago, tadinā dipāthā vihādeso. Na gacchatīti nago. Evaṃ ago, “nago vā+ppāṇinī”ti vikappena naṇasamāse ṭādesanisedho. Jana=janane, kammato jātōti kammajo, amādisamāso, kammajo vipāko, kammajā paṭisandhi, kammajam rūpaṃ. Evaṃ cittaṃ, utujam, āhāraṃ. Attajo putto, vārimhi jāto vārijo. Evaṃ thalajo. Pañkajam. Jalajam. Añḍajam. Sarasijam, upapadasamāse bahulam vidhānā vibhatyalope “manādīhi”tiādinā siādeso. Dvikkhattum jāto dvijo, “tadinā” dinā kkhattumlopo. Pacchā jāto anujo. Sañjānātīti saññā. Pajānātīti paññā. Evaṃ patiṭṭhātīti patiṭṭhā. Jhā=cintāyam, parasampattim abhijjhāyatīti abhijjhā. Hitesitam upaṭṭhāpetvā jhāyatīti upajjhā. So eva upajjhāyo, “sakatthe”ti yo. Sammā jhāyanti etthāti sañjhā. Kvidantā dhātvattham na jahanti, līngattham paṭipādayanti.

## 48. Ano

Kriyatthā bhāvakārakesu ano hoti. Nanda=samidhiyam, bhāve-nandiyate nandanam. Kamme-anandīyittha nandīyati nandīyissati nanditabbanti vā nandanam vanam. Gahanam gahanīyam vā gahaṇam, “tathanarā” dinā nassa ṇo. Gaṇhanam, niggaḥitassa no. Caritabbam caraṇam. Bhuyate bhavanam. Huyate havanam. Rundhitabbam rundhanam rodhanam vā. Bhuñjitabbam bhuñjanam bhojanam vā. Bujhitabbam bujjhanam, “padādīnam kvacī”ti yuka. Bodhanam vā. Suti suyyati vā savanam. Pāpīyatīti pāpuṇanam, “sakāpānam kuka+kū”ti yogavibhāgā kuāgame nāgame ca tassa ṇo ca. Pālīyatīti pālanam iccādi.

Kattari-rajam haratīti rajoharaṇam toyam. Vijānātīti viññāṇam. Ghā=gandhopādāne, ghāyatīti ghānam. Jhā=cintāyam, jhāyatīti jhānam. Karoti anenāti kāraṇam, dīgho. Viākariyanti etenāti byākaraṇam. Pūراتī+nenāti pūraṇam. Dīyate+nenāti dānam. Pamīyate+nenāti pamāṇam. Vuccate+nenāti vacanaṇam. Panudati panujjate+nenāti vā panudanaṇam. Sūda=pagaraṇe, sūdati sujate+nenāti vā sūdano. Suṇāti suyate+neneti vā savanaṇam. Luyati luyate+neneti vā lavanaṇam. Evaṇ nayaṇam. Punāti puyate+neneti vā pavano. Sametīti samaṇo samaṇam vā. Tathā bhāveti bhāvīyati etāyāti vā bhāvanaṇam. Evaṇ pācanaṇam pācāpanaṇam iccādi. “Ana+saṇasvā parihi lo”ti lo, ālāhanaṇam.

Adhikaraṇe-tiṭṭhati asinti thānaṇam. Evaṇ sayanaṇam, senaṇam vā āsanaṇam. Adhikariyati etthāti adhikaraṇam.

Sampadānāpādānesu-sammā padīyate yassa taṇ sampadānaṇam. Apecca etasmā ādadātīti apādānaṇam. Bahulādhikārā calanādīhipi sīlasādhudhammesupi ano, calati sīlenāti calano evaṇ jalano, kodhano, kopano. Maṇḍa=bhusane, maṇḍeti sīlenāti maṇḍano. Evaṇ bhūsano. “Aññātrapī”ti okāranisedho.

#### 49. Itthiya+ma+ṇa+kti+ka+yaka+yā ca

Itthiliṅge bhāve kārake ca kriyatthā aādayo honti ano ca bahulaṇam.

A-jara=vayohāniyaṇam, jirati jiraṇam vā jarā. “Itthiya+ma+tvā”ti āpaccayo. Paṭisambhijjati paṭisambhidā. Paṭipajjati etāyāti paṭipadā. Evaṇ sampadā, āpadā. Upādīyatīti upādā. Ikkha+cakkha=dassane, upaikkhatīti upekkhā. “Yuvaṇṇāna+meo luttā”ti ekāro. Cintanaṇam cintā. Sikkha=vijjopādāne, sikkhanaṇam sikkhīyanti vā sikkhā. Evaṇ bhikkhā. Icchanaṇam icchā. “Gamayami”ccādinā cchañādeso. Puccha=pucchane, pucchanaṇam pucchā. Midha+medha=saṅgame, apaṭhitadhātu, medhanaṇam medhā. Evaṇ gudha=pariveṭhane, godhanaṇam godhā. Titikkhanaṇam titikkhā. Evaṇ vīmaṃsā, jigucchā, pipāsā, puttiyā. Iṇanaṇam iṇā.

Ṇa-karaṇam kārā, “assā ṇānubandhe”ti ā hoti, eva+muparipi. Haraṇam hārā muttāvali. Taraṇam tārā, dharaṇam dhārā. Araṇam ārā.

Yathākathañci saddamhi, ruḷhiyā atthanicchayo.

Kti-sambhuvanaṇam sambhuti. “Na te”ccādinā na vuddhi. Savanaṇam suti. Nayaṇam nayati etāyāti vā nīti. Maññatīti mati, “gamādirānaṇam lopontabyañjanassā”ti gamādittā nalopo. Gamaṇam gantabbāti vā gati. Upahanaṇam upahati. Ramanti etāya ramaṇam vā rati. Tananaṇam tati. Niyamaṇam niyati. Bhuñjanaṇam bhutti. Yuñjanaṇam yutti, pararūpaṇam. Evaṇ samāpajjanaṇam samāpajjeteti samāpatti. Sampatti. Yaja=devapūjāsaṅgatarānaṇadānesu, yajanaṇam iṭṭhi, “yajassa yassa ṭiyī”ti ṭiādeso, “pucchādito”ti tassa ṭho, pararūpapaṭhamakkharā ca. Sāsaṇam siṭṭhi, “sāsassa sisa vā”ti sisa, sānantarassa tassa ṭho”ti ṭhādeso. Bhedanaṇam bhijjeteti vā bhitti. Bhaja=sevāyaṇam, bhajanaṇam bhatti. Tana=vitthāre, tanotīti tanti, nassa niggahītādi.

Ka-guhantī etthāti guhā, okāranivutti. Rujatīti rujā. Modanti etāyāti mudā nāma muditā.

Yaka-vida=ñāṇe, vidanaṇam vidanti etāyāti vā vijjā, dassa je pubbarūpaṇam. Yajanaṇam ijjā, ṭiādeso.

Ya-sayanti etthāti seyyā, dvittaṇam. Aja=vaja=gamane, samajanaṇam samajanti etthāti vā samajjā. Pappubbo, pabbajanaṇam pabbajjā. Tavaggavaraṇā”dimhi “cavaggabayaṇā”ti yogavibhāgena vassa be dvittaṇam. Ūmhi paricaraṇam paricariyā. Jāgaraṇam jāgariyā.

Ana-payojake kāriyadhātuto kattaṇam payojanaṇam kāraṇam, ekāranisedho nassa ṇo ca. Evaṇ haritūṇam payojanaṇam hāraṇam. Vida=anubhave, vitti vedayatīti vā vedanā. Vanda=abhivādanathutīsu, vandanaṇam vandanā. Upāsaṇam upāsanā. Cita=samcetanāyaṇam, cetayatīti cetanā. Desiyatīti desanā. Bhāvīyatīti bhāvanā.

### 50. Jāhāhi ni

Jā=vayohānimhi, hā=cāge, imehi itthiyaṃ ni hoti. Jānaṃ=vayaparipāko jāni. Hānaṃ hāni.

### 51. Karā ririyo

Karato ririyo hoti+tthiyaṃ. Rānubandhattā aralope karaṇaṃ kiriyā. “Kriyā”ti “tuṃtāye”ccādimhi “kriyāyaṃ”ti yogavibhāgā riyaramhi aralopo, rikāro kakāre+nubandho hoti.

### 52. I+ki+tī sarūpe

Dhātussa sarūpe+bhidheyye ete honti. Vacaicca+yaṃ dhātu eva vaci. Evaṃ yudhi. “Karotissa kho”ti vikaraṇassa ñāpitattā “kattari lo”ti lo, pacati. Akāro kakāroti ghaṇantena kārasaddena chaṭṭhīsamāso.

### 53. Sīlā+bhikkhaññā+vassakesu ñī

Kriyatthā ñī hoti sīlādīsu. Saṃsa=pasaṃsane, piyapubbo, piyaṃ pasaṃsati sīlenāti piyapasamsī rājā. Atha vā piyaṃ pasaṃsati sīlena vā dhammena vā tasmim sādhu vāti piyapasamsī, piyapasamsanī, piyapasamsi kulaṃ, āvuddhimhi tathā saccavādī, dhammavādī. Sīghayāyīti “assā+ñāpimhī yuka” iti yuka. Pāpakārī, mālakārī iccādi. Uṇhaṃ bhuñjati sīlenāti uṇhabhojī, “lahussupantassā”ti okāro.

Ābhikkhaññe-punappuna khīraṃ pīvatīti khīrapāyī, yuka. Avassaṃ karotīti avassakārī. “Syādi syādine+kattamaṃ”ti samāse vibhattilope ca kate “lopo”ti niggahītalopo. Satandāyīti ettha bahulaṃvidhānā vibhattialope amādisamāsaṭṭhesdhe ca kate vaggantaṃ.

Aññasmim atthepi “ñī”ti yogavibhāgena siddhaṃ. Sādhukārī, brahmacārī, assaddhabhojī. Paṇḍitaṃ attānaṃ maññatīti paṇḍitamānī, bahussutadhārī iccādi.

Sādhukaraṇaṃ sādhuakāro, so assa atthīti sādhuakārīti ghaṇantā ī.

### 54. Thāvari+ttara bhaṅgura bhidura bhāsura bhassarā

Ete saddā nipaccante sīle gamyamāne. Iminā nipātanā varapaccayo ca thāssa tho ca, tiṭṭhati sīlenāti thāvaro. I=ajjhenagaṭṭisu, ttarapaccayo, gacchati sīlenāti ittaro. Bhañja=omaddane, bhajjate sayameva bhajjati vā attanā attānanti bhaṅguro, kamme kattari vā gurapaccayo. Bhijjate sayameva bhindati vā attānanti bhidūro, ettha kūrapaccayo, kakāro+nubandho. Parabhañjanavisayesupi udāharaṇesu na hoti. Tatthāpi keci “dosandhakārabhidūro”ti idaṃ sandhāya icchanti. Bhāsati dippatīti bhāsuro, urapaccayo. Sarapaccaye bhassarō, “byañjane dīgharassā”ti rasso. (Tekālikappaccayā).

### 55. Kattari bhūte ktavantu+ktāvī

Bhūte atthe vattamānato kriyatthā ktavantu+ktāvī honti kattari. Vijinīti vijitavā vijitāvī, kānubandhattā na vuddhi. Guṇavantu daṇḍisamaṃ. Hu=havane, aggim ahavīti hutavā hutāvī, hutāvinī hutavānī. “Bhūte”ti yāva “āhāratthā”ti adhikāro.

### 56. Kto bhāvakkammesuti

Bhāve kamme ca bhūte kto hoti. Asanaṃ āsitaṃ bhavatā, ñi. Karīyitthāti kato kaṭo bhavatā, “gamādirānaṃ” tyādinā ralopo. Eva+muparipi.

### 57. Kattari cā+rambhe



Kriyārambhe kattarikto hoti yathāpattañca, pakarīti pakato bhavaṃ kaṭaṃ. Pakarīyitthāti pakato kaṭo bhavatā. Pasupīti pasutto bhavaṃ. Pasupīyitthāti pasuttaṃ bhavatā, pararūpaṃ.

### 58. Ṭhā+sa vasa silisa sī ruha jara janīhi

Ṭhādīhi kattari kto hoti yathāpattañca. Upaṭṭhāsīti upaṭṭhīto bhavaṃ gurum. Upaṭṭhīyitthāti upaṭṭhīto guru bhotā, “ṭhāsī”ti ṭhāssa i. Evaṃ upāsīti upāsīto. Upāsīyitthāti upāsīto. “Ñi byañjanassā”ti ñi. Anuvusi anuvusīyitthāti vā anuvusīto. “Assū”ti assa ukāro. Āpubbo silisa=ālingane, āsilesi āsilesīyitthāti vā āsiliṭṭho. “Sānantarassa tassa ṭho”ti ṭhe pararūpaṃ paṭhamakkharañca. Adhisayi adhisīyitthāti vā adhisayito khaṭopikaṃ bhavaṃ, adhisayitā khaṭopikā bhotā. Evaṃ āruhi āruhīyitthāti vā āruḷho rukkhaṃ bhavaṃ, āruḷho rukkho bhotā, “ruhādīhi ho ḷa cā”ti tassa hakāro pubbahakārassa ca ḷo. Anujīri anujīyitthāti vā anujīṇṇo vasaliṃ bhavaṃ, anujīṇṇā vasalī bhotā, “tarādīhi riṇṇo”ti ktassa riṇṇādeso “rānubandhe”tyādīnā arabhāgassa lopo ca. Anvajāyī anvajāyitthāti vā anujāto māṇavako māṇavikaṃ, anujātā māṇavikā māṇavakena, “janissā”ti nassa ā.

### 59. Gamanatthā+kammakā+dhāre ca

Gamanatthato akammakato ca kriyatthā ādhāre kto hoti kattari ca yathāpattañca. Yā=pāpuṇane, yātavanto asminti yātaṃ ṭhānaṃ. Yātavanto yātā, yānaṃ yātaṃ. Ettha santampi kammaṃ anicchitaṃ. Yāyitāti yāto patho. “Ye gatyatthā, te buddhyatthā. Ye buddhyatthā, te gatyatthā”ti vuttatā tathalakkhaṇaṃ yāthāvato āgato abhisambuddhoti tathāgato itipi hoti. Āsitavanto asminti āsitā. Āsitavanto āsitā. Āsana+māsitaṃ.

### 60. Āhāratthā

Ajjhohāratthā ādhāre kto hoti yathāpattañca. Bhuttavanto+sminti bhuttaṃ. Evaṃ pītaṃ, “gāpāna+mī”ti ī. Bhuñjanaṃ bhuttaṃ pānaṃ pītaṃ. Bhuñjīyitthāti bhutto odano. Evaṃ pītaṃ udakaṃ. Akattatthaṃ bhinnayogakaraṇaṃ. Bahulādhikārā kattaripi “apivimsūti pītā gāvo”ti hoteva. Sida=pāke, passijjīti passanno, “gamanatthā” dinā kto, “bhidā” dinā tassa no pararūpañca. Amaññitthāti mato. Icchīyitthāti iṭṭho. Abujjhitāti buddho, “dho dhahabhehī”ti tassa dho. Pūjīyitthāti pūjito, curādittā ñi. Evaṃ sīlīyitthāti sīlito. Rakkhīyitthāti rakkhito. Khamīyitthāti khanto, massa niggahītaṃ. Akkocchīyitthāti akkuṭṭho, āssa rasso. Rusa=rose, arosīti ruṭṭho, “gamanatthā” dinā kattari kto. Nīmi rusito. Hara=haraṇe, abhi+vi+āpubbo, abhibyāharīyitthāti abhibyāhaṭo. Daya=dānagatihiṃsādānesu, adayīyitthāti dayito. Hasa=ālikye, ahasīti haṭṭho. Kāmīyitthāti kanto, “ñiṇāpīnaṃ tesū”ti ettha “ñiṇāpīnaṃ”ti yogavibhāgā curādīṇilopo. Saṃyamīti saṃyato. Nañapubbo, na marīti amato, nañasamāse nassa ṭo.

Kaṭṭhaṃ dukkhaṃ āpannoti phalabhūte dukkhe kaṭṭhasaddassa vattanato phalassa bhāvittā bhūteyeva kto. Kasa=gatihiṃsāvilekhanesu, akasi=hiṃsīti kaṭṭhaṃ.

### 150. Bhidādito no kta+ktavantūnaṃ

Bhidādīhi paresaṃ kta+ktavantūnaṃ tassa no hoti. Ākatigaṇo+yaṃ. “Kto bhāvakkammesū”ti kamme uparī sabbattha kto. Bhijjithoti bhinno, tassa ne pararūpaṃ. Abhindīti bhinnavā, “kattari bhūte”ccādīnā ktavantu. Eva+muparipi. Chijjithāti chinno. Achindīti chinnavā. Chada=apavāraṇe, chādīyitthāti channo. Achādayīti channavā, curādittā ñi, tassa “ñiṇāpīnaṃ tesū”ti ettha “ñi”iti yogavibhāgā lopo. Khida=asahane, khijjīti khinno khinnavā, kattari. Eva+muparipi. Uppajjīti uppanno uppannavā. Sida=pāke, asijjīti sinno sinnavā. Sada=visaraṇagatya vasādanādānesu, sidīti sanno sannavā. Pīnīti pīno pīnavā. Sū=pasave, sūnīti sūno. Pasavīti sūnavā. Dī=khaye, dīyīti dīno dīnavā. Dī+lī=ākāsagamane, dīyīti dīno dīnavā. Līyī leyi aliyīti līno līnavā. Aluyīti lūno lūnavā.

### 151. Dātvi+nno

Dāto kta+ktavantūnaṃ tassa inno hoti. Adāyitthāti dinno. Addīti dinnavā.

### 152. Kirādīhi ṇoti

Ṇo. Upari sabbattha kta+ktavantūnaṃti yojetabbaṃ. Kira=vikiraṇe, akirīyitthāti kiṇṇo. Akirīti kiṇṇavā. Apurīti puṇṇo puṇṇavā. Akhīyitthāti khīṇo. Akhīyīti khīṇavā.

### 153. Tarādīhi riṇṇoti

Tassa riṇṇo. Rakāro antasarādilopattho. Atarīti tiṇṇo tiṇṇavā. Ajīrīti jiṇṇo jiṇṇavā. Paricīyitthāti ciṇṇo. Paricīyīti ciṇṇavā. Ettha cissa vikappavidhānattā pana paricīta+upacīṭādayopi siddhā eva.

### 154. Go bhañjādīhiti

Bhañjādito tassa ga hoti. Abhañjīti bhaggo bhaggavā. “Gamanatthā” dinā kattari ktapaccaye tassa iminā gakāre pararūpaṃ niggaḥītalopo ca. Laga=saṅge, alagīti laggo laggavā. Mujja=mujjane, nimujjīti nimuggo nimuggavā, ettha saṃyogādīlopo. Vīja+bhayacalanesu, saṃpubbo, saṃvijjīti saṃviggo saṃviggavā.

### 155. Susā khoti

Susato paresaṃ kta+ktavantūnaṃ tassa kho hoti. Susa=sose. Sussīti sukkho sukkhavā.

### 156. Pacā ko

Pacā paresaṃ kta+ktavantūnaṃ tassa ko hoti. Paccīti pakko. Pacīti pakkavā.

### 157. Mucā vāti

Mucā paresaṃ kta+ktavantūnaṃ tassa ko vā hoti. Muca=mocane, muccīti mukko mutto. Amucīti mukkavā muttavā. Sakko-tiṇvādīsu “i bhī kā” dinā siddhaṃ. Asakkhīti sakko. Kta+ktavantūsu satto sattavātveva hoti.

### 106. Muha+bahānañca te kānubandhe+tve

Muha+bahānaṃ duhissa ca dīgho hoti takārādo kānubandhe tvāna+tvāvajjite. Muha=vecitte, baha+braha+brūha vuddhiyaṃ. Muyhitta bayhitthāti mūlho bālho, “gamanatthā” dinā akammakattā kattari kte dīgho “ruhādīhi ho ḷa cā”ti tassa ho ca hassa ḷo ca hoti. Evaṃ gūlho. “Kānubandhe+tve”ti yāva “sāsassa sisa vā” tya+dhikāro.

### 107. Vahassu+ssa

Vahassa ussa dīgho hoti te. Vuyhitthāti vūlho, “assū”ti ukāre iminā dīgho.

### 108. Dhāssa hi

Dhā=dhāraṇe+timassa hi hoti vā te. Nidhīyitthāti nihito. Nidahīti nihitavā nihitāvī.

### 109. Gamādirānaṃ lopo+ntassa

Gamādīnaṃ rakārantānañca antassa lopo hoti te. Agamīti gato. Khaññitthāti khato, kamme. Evaṃ haññitthāti hato. Tana=vitthāre, taññitthāti tato. Yama=uparame, saṃyamīti saññato, “gamanatthā” dinā kattari kto, “ye saṃsā”ti niggaḥītassa ño pubbarūpañca. Evaṃ aramīti rato. Karīyitthāti kato.

### 110. Vacādīnaṃ vassu+ṭa vā

Vacādīnaṃ vassa uṭa vā hoti kānubandhe atve. Vuccitthāti uttaṃ. Assa u vuttaṃ, ubhayattha pararūpaṃ. Vasa=nivāse, vasaṇaṃ avasi vasiṃsu etthāti vā utthaṃ vuttaṃ, “gamanatthā” dinā kto, “sāsa vasa saṃsa saṃsā tho” ti tassa tho.

### 112. Vaddhassa vā

Vaddhassa assa vā u hoti kānubandhe atve. Avaddhīti vuddho vaddho, kattari kte “dho dha+habhehi” ti tassa dho, tatiyakkarado ca saṃyogādīlopo ca. Vuttīti “sabbādayo vuttimatte” ti yogavibhāgā assa u. Vattītipi yathālakkaṇaṃ.

### 113. Yajassa yassa ṭi+yī

Yajassa yassa ṭi+yī honti kānubandhe atve. Yajanaṃti kto, “pucchādito” ti tassa ṭhe pararūpādīmi kate iṭṭhaṃ yīṭṭhaṃ.

### 114. Ṭhāssi

Ṭhāssa i hoti kānubandhe atve. Aṭṭhāsīti ṭhito.

### 115. Gā+pāna+mī

Gā+pāna+mī hoti kānubandhe atve. Gānaṃ gītaṃ. Pānaṃ pītaṃ. Bahulādhikārā pitvā.

### 116. Janissā

Janissa ā hoti kānubandhe atve. Ajanīti jāto, “chaṭṭhiyantassā” ti antassa ā hoti.

### 117. Sāsassa sisa vā

Sāsassa sisa hoti kānubandhe atve. Sāsaṇaṃti kto, tassa “sāsa vasa saṃsa sasā tho” ti the pararūpaṃ paṭhamakkharo ca, “ta+tha+na+rā” dinā tassa ṭo. Thassa ṭho, siṭṭhaṃ. Aññātra satthaṃ. “Guhādīhi yaka” iti yakapaccaye sāsiyatīti sisso. Umhi sāsiyo.

### 140. Sānantarassa tassa ṭho

Sakārantā kriyatthā parassā+nantarassa tassa ṭha hoti. Tussīti tuṭṭho, “gamanatthā” dinā kte iminā tassa ṭhe pararūpādī. Evaṃ tuṭṭhavā. Tabba+ktīsu tosaṇaṃ tuṭṭhabbaṃ, “aññātrāpī” ti okārābhāvo. Evaṃ tuṭṭhi, kānubandhattā na vuddhi.

### 141. Kasassi+ma ca vā

Kasasmā parassā+nantarassa tassa ṭha hoti kasassa vā ima ca. Kasīyitthāti kiṭṭhaṃ. Kiṭṭhādīmi viya duppasuṃ, kamme kto. Imābhāve kaṭṭhaṃ, akaṭṭhapākimaṃ sāliṃ.

### 142. Dhasto+trastā

Ete saddā nipaccante. Dhamsa+dhamasane, dhamasīyitthāti dhasto, bindulopo. Utrasīti otrasto.

### 143. Pucchādito

Pucchādīhi parassā+nantarassa tassa ṭha hoti. Pucchīyitthāti puṭṭho. Bhajja=pāke, bhajīyitthāti bhaṭṭho, saṃyogādīlopo. Yajitthāti yīṭṭho, “yajassa yassa ṭi+yī” ti yī.

#### 144. Sāsa vasa saṃsa sasā tho

Etehi parassā+nantarassa tassa tha hoti. Sāsanam sāsīyitthāti vā sattham. Vasanam vuttham, “assū”ti u. Pasamsanam pasamsīyitthāti vā pasattham. Sasa=gati+hiṃsā+pāṇanesu, sasanam gamanam hiṃsanam jīvanañca sattham. Anusāsīyitthāti anusiṭṭho, tthassa ṭṭho.

#### 145. Dho dha+ha+tehi

Dhakāra hakāra bhakārantehi parassa tassa dha hoti. Vaddhitthāti kamme kte tassa dhakārādīmi ca “vaddhassa vā”ti ukāre kate saṃyogādīlopo, vuddho. Duyhitthāti duddham. Labhīyitthāti laddham.

#### 146. Dahā dho

Dahā parassā+nantarassa tassa dha hoti. Dayhitthāti daḍḍho, pararūpādīmi kate “catutthadutiye” ccādinā ḍakāro.

#### 147. Bahassu+ma ca

Bahā parassā+nantarassa tassa dha hoti bahassu+ma ca dhasanniyogena. Baha+braha+brūha=vuddhiyam. Abahīti buḍḍho.

#### 148. Ruhādīhi ho la ca

Ruhādīhi parassā+nantarassa tassa ha hoti lo ca+ntassa. Āruhīti āruḷho. Guyhitthāti guḷho. Abahīti bāḷho. Dvīsu “muhabahā” dinā dīgho.

#### 149. Muhā vāti

Ktatassa hakāro antassa vā lo ca. Amohīti muḷho, muddho, tassa dho. (Atītakālikapaccayavidhānam).

#### 64. Nto kattari vattamāne

Vattamānatthe vattamānato kriyatthā nto hoti kattari. Tiṭṭhatīti tiṭṭhanto, “kattari lo”ti lo, “ṭhāpānam tiṭṭhapivā”ti tiṭṭhadeso. Kattari māna+nta+tyādisu imināva lo.

#### 65. Mānoti

Kattari māno. Tiṭṭhamāno.

#### 66. Bhāvakammesuti

Bhāvakammesu māno. Ṭhānam ṭhīyamānam. “Kyo bhāvakammesva+parokkhesu māna+nta+tyādīsū”ti bhāve kamme ca kyo. “Kyassā”ti īma. Pacīyatīti paccamā no. Kye pubbarūpaṃ.

#### 67. Te ssapubbā+nāgate

Anāgate atthe vattamānato kriyatthā tentamānā ssapubbā honti, le āssa lopo, ṭhassatīti ṭhassanto ṭhassamāno. Ṭhīyissatīti ṭhīyissamānam, kye ī, “ñībyañjanassā”ti ñī. Assa tyādivisayattā “āissā” dinā iñña na hoti, aīhi saharitattā ssāssa. Paccissatīti paccissamāno odano. “Rā nassa ṇo”ti ṇe patte

### 5,172. Na nta+māna+tyādīnaṃ

Rantato paresaṃ nta+māna+tyādīnaṃ nassa ṇo na hoti. Karotīti karonto kurumāno, “tanāditvo”ti o.

### 5,173. Gama yami+sāsa disānaṃ vā cchaṇa

Etesaṃ vā cchaṇa hoti nta+māna+tyādīsu. Na-nubandhattā antassa hoti, gacchanto gacchamāno. Yama=uparame, yacchanto yacchamāno. Icchanto icchamāno. Āsa=upavesane, acchanto acchamāno, “byañjane”ccādinā rasso. Disa=atisajjane, dicchanto dicchamāno. Vavatthitavibhāsattā vāsaddassa aññapaccayesu ca kvaci, icchīyatīti icchitabbaṃ, icchanaṃ icchā, “itthiya+maṇā” dinā appaccayo. Icchitaṃ, icchitabbaṃ, icchitūṃ. Aññesaṇca yogavibhāgā, pavecchanto.

### 174. Jara+marāna+mīyaṇa

Etesa+mīyaṇa vā hoti nta+māna+tyādīsu. Jīyanto. “Jarasadā” diccādinā īma. Jīranto. Jīyamāno jīramāno. Mīyanto maranto, mīyamāno maramāno.

### 175. Ṭhāpānaṃ tiṭṭhapivā

Ṭhāpānaṃ tiṭṭhapivā honti vā ntādīsu. Tiṭṭhanto, tiṭṭhamāno. Pivanto pivamāno.

### 176. Gama+vada+dānaṃ ghamma+vajja+dajjā

Gamādīnaṃ ghammādayo vā honti ntādīsu. Ghammanto gacchanto, vajjanto vadanto, dajjanto dadanto.

### 177. Karassa sossa kubba kuru kayirā

Karassa saokārassa kubbādayo vā honti ntādīsu. Kubbanto kayiranto karonto, evaṃ kubbamāno iccādi. Aññatra “mānassa massā”ti mānassa massa lope karāṇo. “Sossā”ti vuttattā kattariyeva.

### 178. Gahassa gheppo

Gahassa vā gheppo hoti ntādīsu. Gheppanto gheppamāno.

### 179. Ṇo niggahītassa

Gahassa niggahītassa ṇo hoti, “maṃ vā rudhādīnaṃ”ti maṃ, gaṇhitabbaṃ, gaṇhitūṃ, gaṇhanto.

### 130. Nta+māna+nti+yi+yumsvā+dilopoti

Ādilopo. Asa=bhuvi, bhavatīti santo samāno.

### 131. Pādito ṭhāssa vā ṭhaho kvaciti

Ṭhāssa pādīsu ṭhaho. Saṇṭhahanto. Santiṭṭhanto.

(Vattamānapaccayantanayo).

### 61. Tuṃ tāye tave bhāve bhavissati kriyāyaṃ tadatthāyaṃ

Bhavissatiatthe vattamānato kriyatthā bhāve tumādayo honti kriyāyaṃ tadatthāyaṃ

patīyamānāyaṃ. Karaṇāya gacchati kātuṃ gacchati. “Tuṃtunatabbesu vā”ti karassa vā ā hoti, pubbarūpe kattāye. “Karassā tave”ti niccaṃ ā, kātave. Nipātattā “asankhyehi sabbāsaṃ”ti catutthīsassa lopo. Eva+mupari tunādīsu. Kattuṃ kāmētīti kattukāmo, abhisankharitu+mākaṅkhati. Saddhammaṃ suṇituṃ, ñimhi nāgame tassa ṇo, nāgamattā na vuddhi. Sotave sotuṃ suṇituṃ vā patthehi. Evaṃ anubhavituṃ, pacituṃ. Gantuṃ, “manānaṃ niggahītaṃ”ti niggahītaṃ. Gamituṃ, khantuṃ, khanituṃ, hantuṃ, hanituṃ, mantuṃ, manituṃ, harituṃ, anussarituṃ icchati. Tathā tudituṃ, pavisuṃ, uddisuṃ, bhottuṃ, sayituṃ, netuṃ, juhotuṃ, pajahituṃ, pahātuṃ, dātuṃ, roddhuṃ, rundhituṃ, bhottuṃ, bhuñjītuṃ, chettuṃ, chindituṃ, sibbituṃ, ūmhi vassa bo, dvittuṃ, buddhuṃ, tassa dho. Bujjhītuṃ, yuka. Jānituṃ ñā=avabodhane. Janituṃ. Jetuṃ jinituṃ. Pattuṃ pāpuṇituṃ. Ketuṃ kiṇituṃ. Vinicchetuṃ, issa e, vinicchinituṃ. Gahetuṃ gaṇhituṃ. Corituṃ coretuṃ corayituṃ, pāletuṃ pālayituṃ. Payojake-bhāvetuṃ bhāvayituṃ, kāretuṃ kārayituṃ kārapetuṃ kārapayituṃ icchati+ccādi.

Evaṃ kriyatthakriyāyaṃ gamyamānāyaṃ, yathā subodduṃ vakkhāmi, evaṃ daṭṭhuṃ gacchati, gantu+mārabhati, gantuṃ payojeti, dassetu+māha iccādi.

Arahasakkādīsupi siddhaṃ, tathā kāla samayavelāsu. Ko taṃ ninditu+marahati, rājā bhavitu+marahati, araho bhavaṃ vattuṃ, sakkā jetuṃ dhanena vā, sakkā laddhuṃ, bhassa dho. Kattuṃ sakkhissati. Bhabbo niyāmaṃ okkamituṃ, abhabbo kātuṃ. Anucchaviko bhavaṃ dānaṃ paṭiggahetuṃ, idaṃ kātuṃ anurūpaṃ, dānaṃ dātuṃ yuttaṃ, dātuṃ vattuṃca labhati. Evaṃ vaṭṭati bhāsituṃ, chindituṃ na ca kappati iccādi. Tathākālo bhuñjītuṃ, samayo bhuñjītuṃ, velā bhuñjītuṃ.

Alamatthepe siddhaṃ, alameva dānāni dātuṃ, alameva puññāni kātuṃ.

## 62. Paṭisedhe+lampkhalūnaṃ ktuna ktvāna ktvā vā

Alaṃ+khalusaddānaṃ paṭisedhanatthānaṃ payoge ktunādayo vā honti bhāve. Alaṃpubbo, su=savane, alaṃ savanaṃ katvā khalu savanaṃ katvāti alaṃ sotuna khalu sotuna alaṃ sutvāna khalu sutvāna alaṃ sutvā khalu sutvā. Nipātattā silopo.

## 63. Pubbe+kakattukānaṃ

Eko kattā yesaṃ byāpārānaṃ, tesu yo pubbo, tadatthato kriyatthā tunādayo honti bhāve. “Tuṃtunā” dinā karassa ā, so kātuna kammaṃ gacchati, akātuna puññaṃ kilissanti. Ralope kammaṃ katvāna bhadrakaṃ, puññāni katvā saggāṃ gacchati. Abhisankharaṇaṃ katvā abhisankharitvā karitvā vā. Tathā sibbitvā chādayitvā jānitvā dhammaṃ sutvā sutvāna dhammaṃ modati, suṇitvā, patvā pāpuṇitvā, kinitvā, jetvā jinitvā jītvā, coretvā corayitvā, pūjetvā pūjayitvā, tathā mettaṃ bhāvetvā bhāvayitvā, vihāraṃ kāretvā kārayitvā kārapetvā kārapayitvā saggāṃ gamissanti+ccādi. Pubbeti kiṃ, bhuñjati ca pacati ca. “Apatvā nadim pabbato, atikkamma pabbataṃ nadi”tiādīsu bhūdhātussa sambhavā ekakattukatā pubbakālatā ca gamyate. “Bhutvā bhutvā gacchati”ti imināva siddhaṃ, ābhikkhaññantu dvibbacanāva gamyate. Kathaṃ “jīvaggāhaṃ agāhayi, kāyappacālakāṃ gacchati”ti, ghaṇantena kriyāvisesanena siddhaṃ, yathā odanapākaṃ sayatīti.

## 164. Pyo vā tvāssa samāse

Tvāssa vā pyo hoti samāse. Pakāro “pye sissā”ti visesanattho. Abhipubbo pādisamāso, abhivadaṇaṃ katvā abhivādiya bhāsissaṃ. Tathā abhibhuyya, dvittarassāni. Si=saye –

## 88. Pye sissā

Sissa ā hoti pyādesa. Nissayaṃ katvā nissāya. Pubbarūpe vibhajja vibhajiya. Disa=atisajjane, uddissa. Pavissa pavisiya pavisitvā, upanaya, atiseyya atisayitvā, ohāya ohitvā. Ādāya, dāssi+yaṇa, ādiya. Paṭṭhāya, viceyya, viññāya vijānitvā, samāseti kiṃ, patvā. Kvacā+ samāsepi bahulādhikārā,

latam dantehi chindiya. Tathā bhuñjitvā.

### 165. Tuṃ+yānā

Tvāssa vā tuṃ+yānā honti samāse kvaci. Abhiharaṇaṃ katvā abhihaṭṭhum, abhiharitvā, pādisamāso, “pucchādito”ti tassa ṭho pararūpādi ca. Anumodanaṃ katvā anumodiyāna anumoditvā vā, kānubandhepi “vā kvacī”ti vikappattā “lahussupantassā”ti okāro. Kvacā+samāsepi bahulādhikārā, daṭṭhum, disato tvāssa tumādesse disassa dasa. Aññatra “disā vāna+vā sa cā”ti tvāssa vāna+vā sa honti, disvā. Evaṃ labhanaṃ katvā laddhā dhanamtiādīsu tassa dho bhavati.

Iti payogasiddhiyaṃ khādikaṇḍo sattamo.

### Payogasiddhi nigamaṇaṃ

1. Ye nantatantaratanākaramanthena,  
Manthācalollasitañānavarena laddhā;  
Sārāmatā+tisukhitā sukhayanti ca+ññe,  
Te me jayanti guravo guravo guṇehi.
2. Yassa sādhuḡubbhūta-kitti sabbatta patthaṭā;  
Moggallāno mahāpañño, jayatī so ha sabbadā.
3. Paramappicchatā+neka-santosūpasamesinaṃ;  
Sucisalekhavuttīnaṃ, sadā+raññānivāsinaṃ.
4. Sāsanujotakārīna+māceratta+mupāgataṃ;  
Udumbaragirīkhyātā+yatanaṃ yatipuṅgavaṃ.
5. Medhaṅkaroti ākhyāta-nāmadheyyaṃ tapodhanaṃ;  
Theraṃ thiradayā medhā-nidhānaṃ sādhu pūjitaṃ.
6. Sissaṃ sahāya+māgamma, kalyāṇamitta+mattano;  
Sodhetuṃ sāsaṇaṃ satthu, parakkama+makāsi yo.
7. Saṅgharakkhitanāmena, mahātherena dhīmatā;  
Nivāsabhūtenā+neka-guṇāna+ppicchatādinaṃ.
8. Moggallānabyākaraṇa-payogakkamasādhakā;  
Ettāvataṭā katā esā, payogasiddhi niṭṭhitā.
9. Teneva racitā sādhu, sāsanodayakārīnā;  
Khuddasikkhāya ṭikā ca, tathā sambandhacintanā.
10. Susaddasiddhiṃ yo yoga-nicchayaṃ sabbhi vaṇṇitaṃ;  
Akā subodhālaṅkāraṃ, tathā sambandhacintanaṃ.
11. Satthasañcītapuññaena, nibbānasādhakaṃ hitaṃ;  
Sādhento lokanāthassa, saddhammo tiṭṭhataṃ ciranti.

Iti saṅgharakkhitamahāsāmītherapādaviracitā

Payogasiddhi niṭṭhitā.

(Visesalakkhaṇaṃ). Yathāvuttānaṃ pana payogasiddhinigamana gāthānaṃ ekādasannaṃ pubbeyeva vakkhamānā imā gāthāyo dissanti porāṇe sīhaḷamūlapayogasiddhipāthe. Tā ca gāthāyo

pacchā sīhaḷamūlapayogasiddhisamsodhakena medhañkaroti garūhi gahitanāmadheyena  
therena pakkhittāti veditabbā, tasmā mayam tā gāthāyo sabbapacchāyeva imasmiṃ-ṭhāne ṭhapema.  
Tā pana gāthāyo katamāti ce –

1. Cāgavikkamasaddhānu-sampannaguṇasāmīno;  
Parakkamanarindassa, sīhaḷindassa dhīmato.
2. Atrajenā+nujātena, bhūpālakulaketunā;  
Disantapatthaṭodāra-vikkamena yasassinā.
3. Bhuvanekabhujavhena, mahārājena dhīmatā;  
Catupaccayadānena, satataṃ samupaṭṭhito.
4. “Jambudoṇī”ti vikhyātā –  
Vāse nivasato sato;  
Sumaṅgalamahatthera –  
Sāmīno sucivuttino.
5. Vaṃse visuddhe saṃjāto,  
Panhasenāsane rato;  
Pariyattimahāsindhu –  
Niyāmakadhurandharo.
5. Appicchādiguṇūpeto, jinasāsanamāmako;  
Vaneratamahatthero, medhañkarasamavhayo.
6. Pāṭavatthāya bhikkhūnaṃ, vinaye suvisārado;  
Payogasiddhiṃ sodhayi, sadā sappaññagocaraṃ.
7. Imaṃ likhitapuññaena, mettekyam upasaṃkami;  
Patiṭṭhahitvā saraṇe, suppatiṭṭhāmi sāsāneti.

Payogasiddhisiddham.